

C. 133. 17.

Commis plate gold
bund oft to date

I

10-4-17-8



1000

XXVIII. 3. 10

K. 2.


N^o cccclxxij

10-8-2-17

10-4-A-8

HISTORIA
uera:

DE VITA, OBITU,
SEPULTURA, ACCUSATIONE
hæreseos, condemnatione, exhumatione, combustione, honorificatione
tandem restitutione beatorum atque
doctiss. Theologorum, D. MARTINI
BVCERI & PAULI FAGII, quæ intra annos XII. in Angliæ regno accidit.



ITEM HISTORIA
CATHARINAE VERMILIAE,
D. Petri Martyris Vermilij castiss. atque
pijssimæ coniugis, exhumatæ, eiusdemq;
ad honestam sepulturam restitutæ.



*Cum Orationibus, Concionibus, Epitaphijs,
uarijsq; Encomiasticis carminibus,
Lectu dignissimis.*

Omnia paucissimis hætenus uisa.

1 5 6 2.



10.4.A.8



OPTIMO VIRO, DO-
CTISSIMO THEOLOGO,
fideliſſimo Eccleſiaſtae, Dn.

MICHAELI DIL-
LERO:

CUNRADVS HVBER.
tho S. D.



Proximis nundinis
Francofurt. acci-
dit, Dillere dilecte,
ut Oporinus noster
hæc Anglicana, in-
stituto suo de monu-



mentis D. Martini Bucerī quasi præ-
mittenda, præter expectationem me-
am postularet: & quia exempla ipsi ex-
cudenda annum antè promiseram,
tantī amici postulatis repugnare mi-
nimè debui: maxime cum is ex eorum
sit numero, qui memoria tenent uiri
huius probitatem, studiorum diligen-
tiam, doctrinæ excellentiam, easq; cu-
piunt uirtutes celebrari omnibus ho-
minibus,

Epistola

minibus. Tibi uerò, mi optatissime
 Dillere, idcirco hoc uolumen mitto;
 Primum, quia tibi notissimus atq; fa-
 miliarissimus Bucerus fuit, ut item
 mihi. Deinde, quia ambo illius præ-
 ceptis eruditi sumus. prætereo ius ho-
 spiti, quo te illa deuinxerat non pau-
 cis mensibus: cuius liberalitatis non
 dubito quin gratissima tibi atq; iucun-
 dissima sit memoria. Addas hic tuum
 de illo iudicium, quo tu statuis, eum
 purissimum doctorem, idq; theologũ
 fuisse: nihilq; ei fuisse antiquius, quam
διδασκαλίας ἀκριβειαν, ut Chryso-
 stomus nominat. Postremò, quia notum
 mihi est tuũ erga mortuũ Bucerum de-
 siderium, uel luctus potius & lachry-
 me in huius uiri recordatione. Hac ip-
 sa de causa te delegi, quem in hac di-
 uulgatione appellarem, uel ut testem,
 uel ut laudatorẽ, uel ut patronũ: imò
 ut testẽ, laudatorẽ, patronum. Nam ta-
 met si ipse hominis neq; laudẽ, neq; te-
 stimoniũ requirit: nobis tamen & ami-
 cis & discipulis gratissimum atq; iu-
 cundissi-

V

Dedicatoria.

cundissimum est, à quàm plurimis & quàm optimis uiris eum testimonijs iurari & probari, & amari, & laudari. Neminẽ puto latere, quanta, quamq; constantissima opinio atq; existimatio de Bucero sit in Italia, Gallia, Anglia: unde sepe mihi in mentem uenit Fabiani iudiciũ, qui dicebat: Illum plurimũ profecisse in eloquentiẽ studio, cui placeret Cicerò. Idem ego de Bucero statuo: **M A G N O S** cum fecisse progressus in Theologiẽ cãpis, cui Bucerus placeat. Apparent enim, imò extant planè impressa in illius uoluminibus, quæ confecit satis multa, maximarum uirtutum uestigia, diligẽtiẽ, charitatis, ueritatis, acuminis iudiciũ, doctriẽ. in quibus omnibus proprium quoddam attulit scribendi genus, & rationem peculiarem: qua non solũ erudit legentem, uerum etiam afficit ualde suauiter sententiarũ copia & delectu, argumentandi modo & genere, quod planè *διαλεκτικόν* atque *διδασκαλικόν* est, usque adeò, ut ui

a 3 deri

Epistola.

deri possit, quàm eruditè probabilia
à necessarijs disiungat, quàm argumē-
tosè quę probanda sunt confirmet,
quàm subtiliter aduersaria diluat: ita
ut non acrimonia in uituperando, sed
ueritate in docēdo sit *ἐλεγκτικός*: neq̃
ullum sit dialecticorum præceptum,
idq̃ Aristotelicū, cuius hic scriptor nō
plurima atq̃ perspicua exempla habe-
at. Sed quid ego ad Palladis arcē A-
thenis noctuas afferō? Atqui place-
bunt tamē tria ista quę adfero monū-
mēta: unū Bucerī, alterum Fagij, tertiū
Catharinę Vermilię: quę non dubito
quin tibi chariora sint, quàm Mem-
phiticarum pyramidū (ut ille uocat)
barbara miracula. Vale mi Dillere, &
me, ut facis, in Christo amare per-
ge. Argentorati, 15. Februarij.

Anno M. D. L X I I.

CATA

VI

CATALOGVS EORVM

quæ hoc Libello conti-
nentur.

*De obitu doctissimi & sanctissimi
theologi, Doct. Martini Bucer, Iohan.
Checi ad D. Petrum Martyrem Ver-
milium Epist. 1. fol. 1.*

*De eadem re prolixius, Nicolai Car-
ri Nouocastrēsis ad Iohannem Checum
Epistola 11. fol. 6.*

*Oratio funebris Gualteri Haddoni
Ll. Doctoris, Academia Cantabrigien-
sis Oratoris fol. 34*

*Concio D. Matthæi Parkeri, S.
Theologiae professoris, ibidem in funere
Bucer habitæ, atq; ex Anglico in La-
tinum uersa. fol. 53*

*Iudicium clarissimi & doctiss. cuius-
dam Theologi, de D. Martino Bucero.
fol. 65.*

ELENCHVS.

*Iohannis Checi ad D. Gualterū Had
donum LL. Doctorem Epist. 111. f. 66*

*D. Petri Martyris Vermily etiam
de obitu D. Mart. Bucerī, ad Conra-
dum Hubertum Epist. 1111. fol. 68*

*Epigrammata uaria cūm Gracè tum
Latine cōscripta, in mortem D. Mart.
Bucerī. fol. 71*

*Vita Pauli Fagij, eruditione & lin-
guarum cognitione clarissimi theologi,
breuiter conscripta per ministros aliquot
Ecclesie Argentinensis fol. 97*

*Catalogus siue inscriptiones librorū
omnium à Paulo Fagio editorū. fo. 114*

*Historia de accusatione, condemna-
tione, exhumatione, atque combustione
D. Mart. Bucerī, & Pauli Fagij, An-
no M. D. LV I. fol. 113*

*Historia de pia restitutione eorundē,
tempore restituta uerae religionis, An-*

no M. D. L X.

fol. 151

Oratio encomiastica D. Achuuor-
thi, eodē tempore publicè habita. f. 152

Concio D. Iacobi Pylkintoni do-
ctissima, ex Psalmis desumpta. f. 160

Literæ Academiæ Cantabrigien-
sis, ad Commissarios Regiæ Maiest. in
causis religionis. fol. 166

Carmina encomiastica uaria, Græ-
cè & Latine in eosdē conscripta. f. 167

D. Petri Martyris Vermilij de obi-
tu Catharinæ cōiugis suæ charissimæ, ad
Conradū Hubertum, Epist. v. f. 194

Historia de Catharinæ uxoris D.
Petri Martyris pijsimæ, exhumatio-
ne, ac eiusdem ad honestam sepulturam
restitutione, Anno M. D. L X I. autore
Iacobo Calphillo. fol. 196

Carmina encomiastica uaria Græcè
& Latine in eandem cōscripta. f. 204.

DE IMMANITATE EORVM

qui in defunctorum hominum corpora seuiunt, Loc-
cus ex Platonis de Repub. Lib. 5. ideo hoc loco po-
situs, ut gentilibus etiam displicuisse, & ab om-
ni humanitate alienam esse eam ra-
biem, appareat.

Ανελεύθερον δὲ οὐ δοκεῖ, καὶ οὐ
λαχρήματον, νεκρὸν συλαῖν· καὶ γυ-
ναικείας καὶ σμικρᾶς δεικνύουσας, ἢ
πολέμιον νομίζειν ἢ σῶμα τὸ τιθ-
νῶν τῷ ἀκρῷ τὰ μὲν τοῦ ἐχθροῦ, λε-
λοιπότης δὲ ὅτι ἐπὶ πολέμῳ; ἢ οἶει τι
διαφόρον εἶναι εἰς τὸ ποιοῦντας
τῶν κυνῶν, αἵ τῶν λίθοις οἷς αὐτὰ βλη-
θῶσι χαλεπαίνουσι, τῶν βαλόντων
οὐχ ἀπὸ τῶν λίθων; οὐδὲ σμικρὸν,
εἴφη· ἵατίον ἄρα τὰς νεκροσυλίας, καὶ
τὰς τῶν ἀνακρίσεων δεικνύουσας.

HOC EST:

An non illi liberale quiddam, cogita-
tionisq; auaræ, muliebri, ac uilis esse
uidetur, cadauer expoliare, hostemq;
putare

putare mortui corpus, cum aduersari-
us ipse abierit, eo quo cum pugnabat
relictō? Nūcenses eos qui hoc agūt,
differre à canibus, aduersus iactos la-
pides irascentibus, eo qui iacit dimis-
so? Nihilō equidem differre arbitror.

Quare à rapinis huiusmodi ab-
stinendum est: uictoriæ nam-
que obsunt.

I N

IN ANTICHRISTI ET
membrorum eius rabiem, pro M. BVCE-
RI, P. FAGII & CATHARINAE P.
MARTYRIS quondam coniugis, Reli-
quijs; IOANNIS Oporini, DEI opt.
max. autoritate contra por-
tas Inferorum P. Nota-
rij, Iambus.

O Antichriste, pessime
Mortalium, quos aut tulit,
Aut terra fert in posterum:
Iniurià non diceris
Crudele monstrum, & Bestia.
Quid namq; te crudelius?
Quid te (malum) ferocius?
Spernis CREATOREM tuæ
Substantiæ, ingratißime.
Morem geris mendacij
Patri, per omnium genus
Te pertrahanti criminum.
Nostræ salutis uindici,

Dei

Dei (nefandum) filio,
Blasphemias impingere
Per te, per affeclas tuos,
Nunquam scelestè desinis.

Nec hoc satis, fidelium
Sincera summi dogmata
Cætus professos Numinis,
Instar lupi infestissimi
Ferox ubiq; dissipas:
Quæq; offeruntur omnia,
Ore impudente deuoras.

Nec innocente sic satis
CHRISTVM piè colentium
Inebriatus sanguine:
In mortuorum corpora,
Quasuis licet sæuissimas
Immanitate bestias
Vincens, apros uincens, lupos,
Canesq; cum leonibus,
Vngues rapaces inijsis.

Hos

IN ANTICHRISTVM

Hos ergo quondam mortui

Et uos tulistis corpore,

Christi fideles Martyres:

B V C E R E tu fortissime

Cultor Dei, cælestium

Sincere præco dogmatum:

Diuinæ & eloquentiæ

F A G I sator doctissime:

Tuq̃ ô C A T H A R I N A, coniuge

Beata constantissimo

Cultore Christi M A R T Y R E:

At hoc quidem beator,

Quòd hic redemptam agni Dei

Te credidisti sanguine.

Nunc angelorum enim choris,

Pijsq̃, perfruuntibus

Quiete C H R I S T I prospera,

Iuncti, simul quiescitis.

Sed tu ruis, mortalium

O Antichriste pessime,

Quos

Quos terra fert: tue ruunt
Iniquitatis organa.

CHRISTVS triumphat, inclyta
Fretus potens uictoria:
Fides suæq; Ecclesiae
Victoria est certissima,
Eius nec ullo gloria
Cessat uigere tempore.

Aeterna te damnatio
Manet, manet squamas tuas.
Par est enim, tuis feras
Ut digna factis praemia.

Aeterna sanctos gloria
Manet uiros, & gaudium
Nunquam Baal fœdissime
Perenne ab ipsis auferes.

Journal of the

...

...

...

...

...

...

...

...

...

...

...

...

...

...

...

...

...

...

...

...

...

...

...

DE OBITU

DOCTISSIMI ET SAN

ctissimi Theologi D. Martini Bucerii, Epistola I.

DOCTISSIMO VIRO

& amico suo singulari, D. Petro

*Martyri Florentino Iohannes**Checius S. D. P.*

TA NATURA FERT, VT
 quos doctrina exquisita, aut
 singulari uirtute uiros noue-
 rimus, aut etiam necessitudi-
 ne grauiore, uel beneuolentia coniun-
 ctos, illorum mortem grauitè & acerbe
 feramus: quia indignos illos putamus, ut
 luce & spiritu communi priuentur. Et
 nos etiam ita diligimus, ut non modo
 nobis, sed ne nostrorum quidem ulli, mi-
 serum & calamitosum aliquid accidere
 debere iudicemus. Te autem puto Domi-
 ni BVCERI grauissimi & religiosissi-
 mi

EPISTOLA I. IOH. CHECI

Testimonium
pro D. Mar-
tino Bucero.

mi uiri mortem moderate & christiane
ferre: neque naturam ita uoluntati Dei
repugnantem habere, ut uehementio-
rem aliquam perturbationem in cōmu-
ni & naturali omnium exitu, in animum
tuum intrare permittas. Scis cuius esset
cum uiueret, quis in illo habitaret, quā
non sui iuris esset, qui totum se illius ser-
uituti addicebat, à quo redemptus fue-
rat. Hic cum non donatus nobis à Deo,
sed ad aliquam temporis usutam com-
modatus sit, acerbius feremus, quòd
Deus hunc euocauerit, quā gratias a-
gemus, quòd talem nobis tam diu reli-
querit: & cursus hic ætatis fuerat, atque
adeo inclinatus, ut etiam si longiore uita
dignus esset, natura tamen illum longi-
us prouehere non posset. Et cum constan-
tissime uitam omnium traduxerit, & ea-
dem constantia uite quoque finem fecerit,
quanto hoc debet familiares illius et ne-
cessarios gaudio perfundere, quòd ita à
Deo raptus sit, ut malicia mentem illius
non pernerteret, sed uitæ innocentiam,
mortis constantia superaret. De diuina
autem potentia, sapientia, bonitate, quis
poterit

poterit dubitare, neque nos cum illo pugnare debere: sed nos illius magnitudi-
ni & potentiae subijcere, ut grato animo
accipiamus, quicquid nobis à tanto au-
thore obiectum sit: ne uel reclamando
obstinati, uel nō ferendo imbecilles, uel
male accipiēdo ingrati reperiāmur. Stul-
tissimum est autem & spiritu Christi in-
dignū, ut nos quicquam melius & prae-
stantius putemus posse facere, quā di-
uinā providentiae regulā constituit: cu-
ius etiam stultitia, longe omnem huma-
nā intelligentiae solertiam superat: sapi-
entia autem à nemine cerni potest, cum
ne in intelligentiam quidem nostram
multis modis depressam atque obscu-
ram, aliquid spirituale aut diuinum, ni-
si Spiritus lumine introductum, cadat.
Qui uero Deum suis hostiū & propitium
cogitant, qui omnia, non modo misera
& calamitosa, sed etiam scelestā & nefa-
ria ad bonum conuertit, quomodo hoc
sibi in animum inducent, ut hoc inutile,
damnosum & noxium suis sit: quorum
tam arctam curam gerit, ut ne pilus qui-
dem capitis sine illius uoluntate de capi-

Deus omnia be-
ne operatur.

EPISTOLA I. IOH. CHECI

Buceri mors
non lugenda.

te decideret: Cum autem in omnibus apud
Deum precationibus hoc adiungimus,
ut illius uoluntas fiat, quam incōstantes
& leues erimus, si, antequam res eueni-
ant, à Deo contendimus, ut quod uelit fa-
ciat: postea autem & hoc quod expeteba-
mus, non ferimus, & quod precabamur
antea, hoc nunc idem deprecemur: eam
commutationem nō ferentes, qua Deus
suos ad patientiam & perpeffionem re-
rum exerceri atq; erudiri uult. Nā quan-
quam nos magnum ornamentum & co-
lumen integritatis, religionis, doctrinæ
amissimus, neq; tamen ille lugendus, qui
hereditatem paternam adiit, de qua nos
hic cum miseria laboramus: neq; status
Ecclesiæ deflendus, quæ tātum & talem
in cœlum emisit: neq; nostras rationes
afflictas, ut uidetur, & collapsas lamētari
debemus, qui plus opis & præsidij in spi-
ritu Christi, quam in uoce Apostoli col-
locare debemus. Sed hinc abducere cogi-
tationes nostras discamus in Christū, &
spiritum eius salutarem etiam atq; etiam
petere, ut omni externo præsidio Eccle-
sia quasi destituta, internis spiritus sub-
sidijs

fidij recreetur, & in hac tanti Parentis
 nostri orbitate, autoritate spiritus leue-
 mur. Atq; hic foeliciores aliquanto nos
 Cantabrigienses sumus, quod tantum ui-
 rum Cantabrigiae Deus comendauerit,
 quod ita altas radices disciplina Christi
 per Bucerum egerit, ut hoc laboris & mu-
 neris cursu confecto, fructum & praemi-
 um exoptatum Magister percipiat. Non-
 dum iniquitas Amortheorum completa
 est, nondum tibi in liberum coelum &
 domicilium haereditarium ire fas est, ma-
 ior tibi moles rerum, maius negotium
 miscendum, feruore adhuc tuo carere non
 possumus: tibi elaborandum est, ut quanto
 minore comitatu septus & munitus es,
 tanto acrius & maiore cum contentione di-
 mices, & ita te pares, ut non unus trium, si-
 cut ille apud Historicum, sed solus om-
 nium impetum sustineas. Atque hoc
 fidenter tibi & animose suscipiendum
 est. Christus enim mundum deuicit, &
 evertit sapientiam sapientium τῆ τῶ λό-
 γῃ συνάμει. Sed quid ego ista, Deus
 bone, apud te? Dum tecum loquor,
 me ipse consolor, & dum leuationem

B in dolo-

EPISTOLA I. IOH. CHECI

doloris tui meditor, aliquam ægritudi-
 nis etiam meæ medicinam quæro, mi-
 nus laborans quid par sit mihi ad te scri-
 bere, quàm quid conueniens meo dolo-
 ri detrahendo uideretur. Nunc autē quòd
 me nonnulla, ut uerum fatear, lætitia affi-
 ciat, percensebo tibi, quàm honeste se
 Cantabrigia gesserit, quæ tales honores
 D. Bucero mortuo habuit, quales maxi-
 mos potuit: & ita eius funus prosequen-
 tur, ut uerum amorem quem ipsi in cœ-
 lum sublato exhibere non poterant, ad
 futuræ resurrectionis memoriam, erga-
 stulo animæ exhiberent. Sepultus est in
 celeberrimo Academiae tēplo, deducen-
 tibus illum non modo Procancellario
 Academiae, Doctoribus, alijs que qui gra-
 dum dignitatem in Academia obrine-
 bant, sed etiam cæteris omnibus, qui ad
 ingenij humanitatis que cultum capien-
 dum eo confluerant. Eadem eruditio-
 nis & integritatis opinione cōmoti Ma-
 ior oppidi, cæteri que Oppidani, nouo
 atq; insolēti, sed laudabili tamen modo,
 cum scholasticis se cōiunxerant, & quem
 admodum poterant, funus illius hōne-
 stabant,

Funeris pom-
 pa celeberrima.

Sepulture in-
 cœta celebra.

stabant, uirtutis illius magnitudinem,
 officio tam raro & uoluntario commen-
 dantes. Itaque ad tria hominum millia con-
 fluxerant, uoce, lachrymis, lamentis,
 quantum sui desiderium Bocerius reli-
 quisset, attestantes, eum ne plebei qui-
 dem, qui illum docentem et concionan-
 tem non intellexerant, fama & prædi-
 catione doctrinæ & religionis excitati,
 ab illius funere abessent. Precationi-
 bus nostro more confectis, & gratijs
 Deo patri misericordiarum actis, quod
 curriculum hoc uitæ tam pie & Chri-
 stiane ab illo decursum esset, & ad æ-
 rumnarum atque angorum finem, qui-
 bus mortalium uita obsessa atque excru-
 ciata, iactatus, cum laude & constan-
 tia peruenisset. Ibi tum Haddonus Aca-
 demix orator Legum Doctor, eloquen-
 tiæ laude præstans omnibus, ipse mor-
 bo uiscerum fractus, & de mortuo lo-
 quens ipse semimortuus, siue magnitudi-
 ne calamitatis commotus, siue consue-
 tudine tam Christiani & religiosi uiri
 orbatus, seu frequenti dolore tanti con-
 cursus animo perculsus, grauem de re

*Tria hominum
 millia ad funus.*

*Haddonus ora-
 tionem habet
 furebrens.*

EPIST. I. IOH. CHECI

Laudes Bucer
præclarissimæ.

tam graui, orationem habuit, ut lachry-
mæ ubertim omnibus manarent, cogi-
tantibus cuiusmodi Magistro essent or-
bati, quo maiorem uix uniuersus orbis
caperet, siue scientiam ueræ religionis,
seu uitæ integritatem atq; innocentiam,
seu inexplebile studium sanctissimarum
rerum, seu laborem intollerabilem pro-
mouendæ pietatis, seu authoritatem &
amplitudinem docendi, siue quid aliud
in illo laudabile & gloriosum fuit. Ille
ardor orationis fuit, ut lachrymæ cade-
rent omnibus, clarissimi uiri desiderium
animo repetentibus, & sine pastore qua-
si palantibus, ptæeunte Haddono, non
modo uoce & querela, sed etiam lamen-
tatione & lachrymis. Hunc sequutus D.
Parkerus Theologiæ doctor, uir pius &
grauis, concionem anglicam apud popu-
lum habuit, qua docuit, quatenus mor-
tui lugendi nobis essent, & quatenus
gaudio & gratulatione prosequendi. De
inde, quot incommoda nobis ex unius
Buceris morte, tum publica, tum priuata,
irruerant, & quibus rursus de causis
sedato atq; æquo animo ferre hunc com-
munem

D. Parkerus ad
plebem habuit
concionem.

munem omnibus uitæ exitum, sed paucis tam memorabilem, deberemus. Sic ea nocte singuli domum quasi in orbitam & solitudinem se conferebant. Postridie eius diei ad templum rursus conuenerant, & gratijs de more actis, quod ex hoc ærumnoso solo in portum & per fugium salutis suos satis idoneis temporibus traducit, & beneficio mortis Christi in mensa Dominica proposito, ad Eucharistiæ communionem quadringenti accesserunt, mortis Christi commemoratione habita, & spe resurrectionis illius cõmunionem adaucta. Tum Redmannus Theo. D. uir eruditus & pius, concionem in maxima frequentia habuit, & quid mors esset, differuit, & , quomodo uniuersa bonorum & Sapientum uita, meditatio mortis esset, nihilq; ita in auri bus omnium personare debere, ut discessus ex hac fragili caducaq; uita, bonorum exempla nobis ad perpetuam de morte cogitationem proposita esse, atq; ad eum finem omnia facta, dicta, studiâq; nostra conferenda esse, quid in Buce ri uita laudabile & sequendum, quid in

D. Redmannus
sequenti die al-
teram habuit

B v illius

EPISTOLA I. IOH. CHECI

Epitaphijs va-
rijs tumulus ho-
nestatur.

illius morte memorabile & gloriosum
esset. Atq; hac oratione usus, finem dicen-
di fecit. Eadem aurora studiosi omnes
qui aliquid poterāt, & uel in græcis uel in
latinis literis profecerant, non quid Bu-
cero dignum esset, quem laude sua supe-
riorem iudicabant, sed quid officio suo
conueniens esset, quod sibi omni studio
colendum putabant, secum reputantes,
quibus poterant uersibus græcis, latinis,
soluta etiam oratione, tumulum illius
honestabāt. Neq; in festorum celebra-
te magis solitum est loca quædam sertis
& corollis undiq; redimiri, quàm locus
ubi humabatur, epitaphijs & acroama-
tis distinguebatur. Hunc honorem scho-
lastici & oppidani Cantabrigienses, pie-
tatis ac literarum nomine, Bucero detu-
lerunt. Precor autem à Deo opt. max. ut
hec externę beneuolentię testimonia, ab
interno & propiore animi affectu orian-
tur, & quam ille ueram doctrinam reli-
querit, eandem studijs, sententijs, uita
persequantur, ut uir tam nobilis, si qui-
dem ullus esset in Christo quiescentium
sensus eorum quæ hic agerentur, fructu
labo-

DE OBITU D. M. BVCERI. 6

laborum quos hic posuerat, lætaretur.
De familia eius uideo te laborare D. Pe-
tre, in quo nihil est quod te excrucies.
Nam & D. Cantuariensis, reliquique illius
amici hoc in se munus receperunt, ut illi
abeunti, honestis conditionibus prouideatur,
& Academia etiam quod potuit
fecit, scripsit ad Regiam Maiestatem &
consiliarios Regios in hac causa, & Rex
qua est singulari pietate & prudentia, se-
iustam illius familiæ rationem habitu-
rum promisit. Condonabis mihi *εὐτα*

χρηδία σου τοι εὐχὴν πρὸς. Domi-

nus IESVS te & familia

am tuam seruet.

VWestmonasterij X. Martij.

Anno Domini M. D. L.

DE OBITU
DOCTISSIMI ET SAN-
ctissimi Theologi. D. Marti-
ni Bucer Epistola II.

AD CLARISSIMUM VIRVM ET SIN-
gularem patronum suum Iohannem Che-
cum, nobilissimi & serenissimi EDVAR-
DI Sexti, Dei gratia Angliæ, Franciæ, & Hybernæ
Regis, &c. in bonis literis institutorem,
Nicolai Carri Nouocastren-
sis Angli.



MAGNUM DOLOREM CA-
lendis Martijs, uel potius in-
credibilem accepimus, claris-
sime Patrone, ex immaturo
obitu M. Bucer optimi & sanctissimi ui-
ri. Quem siue fatalis nobis casus aliquis
eripuit, siue is perenni quodã studio suo
extinctus occubuit, non lugere qui possu-
mus: cum adhuc ei per ætatem, tametsi
seni, aliquot superesse anni uiderentur,
quibus diuino ipsius ingenio perfrui po-
tuissimus. Et quanquam hic dolor cum
multis

multis nobis fuit communis, qui maxima frequentia, publico luctu declararunt, qualem & quantum uirum, quamque omnibus charum amissemus: tamen ad nos præcipue, qui illum ut præceptorem reuerbamur, ex eius interitu mœror peruenit: cum quo morte perempto, duabus præstantissimis rebus orbari sumus, exemplo innocentiae, & excellentis utilitate doctrinae. Etenim eo tempore cessit è uita, quo maximus ab eius doctrina fructus expectabatur ijs hominibus, quibus in primis opus esset tali uirtutis magistro: ea denique causa, quæ D. Martini Bucer, id est summi artificis, & in omnes partes comparati, facultatem atque acumen desideraret. Quo magis uenia danda est huic pio dolori nostro, & omnes qui præstantissimi hominis diuinæ uirtuti fauent, in eiusdem societatem luctus uocandi sunt. Quamquam, quid dico uocandi: cum dubium non sit, quin ad quoscunque fama peruenit tanti uulneris, si nō eius quem constat esse beatissimum, tamen nostra causa, à quibus ablatas est, in mœrore sint futuri.

Quæ morte
Buc. amissa.

EPISTOLA IL. NIC. CARRI

Buceri & Chesi amor.

futuri. Tete ipsum arbitror, Clarissime
patrone, qui ætate non multis, doctrina
antecellis omnibus, qui q̃ princeps no-
strorum hominum in omni genere puta-
ris, principem Germaniæ cū magno no-
stro incōmodo auulsum, ægre moleste q̃
ferre. Quis enim illo charior tibi? Quē is
dilexite magis? Cui maiora prestitit, uel
obseruantie, uel charitatis officia? Quem
tu æque atq̃ illum cōplexus es: ut mihi
& is beatus, qui talem uirum obseruauit,
& tu foelicitissimus uidearis, qui cum san-
ctissimo homine & eruditissimo magi-
stro tam arctam coniunctionem habere
uoluisti. Veruntamen si te absentem for-
tè non tam grauiter ipsius mors percul-
sit, quàm nos iam pridem nostrasque
cogitationes afflixit: siq̃ eodem modo
reliqui, quorum oculi absuerunt, tar-
diores ad luctum sint: ferendū id qui-
dem in eo est, quod nihil à communi
sensu & more alienum accidit. Acrius
enim ferire solent, quæ aspectu, quàm
quæ auribus sentiuntur. Et ipse ocu-
lorum dolor stimulos habet uehemen-
tiores, quum ad communem luctum
ma-

maior aliqua necessitudo accesserit.

Nos eum lugemus amissum, cuius eruditissima uoce frui, quem adire, quem alloqui, quocum etiam coniunctissime uiuere solebamus. Vos ereptum doletis, quem non ita saepe audire, non oculis aspiciere, non conuenire poteratis: a cuius uos sanctissimo conuictu, cum locorum interuallū seiunxerat, tum uita ciuili procuratione districta auocauerat. Quamquam sit par, uel si uultis maior in eū uerter amor, dummodo hoc cōcedatis, causas amoris nos habere et iustiores et uberior. Qui certe cum in eum incredibilis esset susceptus ex ipsius charitate erga nos, ex eo q̄ cū utilitas ad nos peruenerat, ad eum labor & sollicitudo redierat: optimo iure ingrati haberemur, si aut eius mortē nō lugeremus, quę orbitatem nobis attulit, aut uitam literis nō exornaremus, qui nostra causa uitam amisit. Dicam enim uerē q̄ res postulat. Nos Buce

Labor & sollicitudo Buceris

ro uitam ademimus, cū eas nostra causa uigilias suscepit, quibus afflictæ ipsius uires conciderunt. Itaq̄ ad nos precipue cum nostrū casum lugēdi, cū illius uirtutē lau-

laudandi officium pertinet. Quod tametsi ab omnibus iam factum est, quibus ipsius uirtus & doctrina chara fuit, tamen eorum maxima pars, uoce id magis & fronte, quàm scripto declararunt. Ego autem, quæ mihi de ipsius diuina uirtute cogitanti in mentem uenerant, ea neq; pro eius erga me beneuolentia reticere potui, neq; pro mea in te obseruantia non ad te perscribere. Sed id quo facilius fiat, & ut in toto hoc tempore quo nobiscum fuit, omnium ipsius præclarorum & factorum & institutorum ratio constet, atque omnes intelligant, qua fide, quo studio, quibus laboribus in hac quasi perpetua sui muneris uigilia, uersatus sit, & ut ipse quoq; distributis temporibus, notatis generibus, singula persequi & cōmemorare queam, Complectar primum huius nostræ molestiæ principium, (non quod id te latere existimem, sed ut intelligas, non solere nos excellentium hominū obliuisci) deinde progressionem, in qua & offensiones uoletudinis, & reditus sæpe uarij uulnus etiam ipsum attingam, quo maximus nobis

Carril gratitudo erga Buce-
rum.

Ordo dicen-
dorum.

nobis iniustus dolor, & summum allatum desiderium est: & causas intexam, cur necesse fuit in tali nos mœrore esse. Quæcum omnia audieris, nec me, ut spero, reprehendes, qui luctum nostrum mandarim literis: & omnes nos, quod ita luxerimus, pio amicorum officio perfunctos iudicabis. Ergo initium nobis huius luctus prebuit is annus, quo Londino discedens Cantabrigiam rediit. Sed cum enim Londino morbum extulerat, qui in ipso itinere ingrauescens, cum se, nulla interposita medicina, multorum dierum consuetudine corroborasset, grauius eum afflixit, & plures uno tempore corporis partes obsedit. Aderat frequens intestinorum dolor, pungebat calculus, afflictabat eum stomachus uitioso fastidio cibos respuens, tum alui tanta siccitas, ut quamquam uentriculus crudis humoribus oppletus, summopere frigeret, tamen ibi grauissimo ardore ureretur. Fons omnium malorum caput ita colliquefactum, ut riuos à se humorum dimitteret: qui cum per reliquas partes corporis, tum musculos etiam ser-

C. pentes,

Morbus Buci-
ceri qualis.

*Diligentia &
studium etiam
in moribus.*

pentes, magnoperè vires eius eneruauerant. Iacuit ita toto corpore oppressus aliquot menses, cum interea nullum propè tempus passus est sibi uacuum esse à studijs: semper aliquid aut scribens, aut legens, aut secum ipse meditans, aut alios erudiens. In quo genere tanta flagrabat erga omnes charitate, ut cum publicè se ostendere, & fontes ingenij patefacere propter ualitudinem nō posset, domum tamen suā quasi scholam quandam aperiret. Quò cum multi boni uiri confluerent, perfecit, ut eos non solum occupatis temporibus se audiendo occupatos teneret, uerum etiam illa solenni ludorum festiuitate, quibus homines gratulandum nato Christo existimant, grauius & seuerè leuissimum morem reprehendendo, ab otio & ludis domum ad se seuocaret. Nondum eius diuina uox è domesticis parietibus dimanauerat, nō uirtus, non doctrina maiori quasi Theatro proposita erat: sed iam tū omnis integritatis et scientiæ officinam domi instruens, futurę cum diligentię tum etiam copię ac uarietatis certissimū signū dedit:

ea q̃

eaque cū nō amplissima uiderentur priuat
 tis parietibus recta, tamen domo et e pau
 corum cœtu in lucem & frequentia edu
 cta, omnem omniū opinionē ipsa specie
 & nouitate & genere interpretandi do
 cendi que accuratissimo facile superabant.
 Nam cū hac domestica laude multorum
 animos incredibili audiendi studio ad se
 conuertisset, & ad quintum Id. Ianuarij
 nondū recuperata ualerudine, nec con
 firmatis uiribus, processisset in publicū:
 dici non potest, quo concursu, qua fre
 quentia summorum, mediocrium, infir
 morum, ipsius conspectus celebrabatur:
 quanta cū expectatione exorsus: quā
 attente auditus sit: quā breui tempore
 plurimorum mentes occupauerat: qua
 fide, quo studio, qua authoritate docuit.
 Nemo tam improbus est repertus, qui si
 minus sua uellet, tamen omnium causa
 putaret, tam sanctum hominem, tanta
 pietate & doctrina præditum, authorem
 nostris studijs & adiutorem fuisse da
 tum. Idque ab uniuersis nō opinione ta
 cita, sed perspicua admiratione declara
 ti uidebatur. Sic enim eius non mens

Quo primum
 tempore cepe
 rit praelegere,

C ij solum,

EPISTOLA II. NIC. CARRI

Eius authoritas
in docendo.

Doctrina excel
lens,

Integritas uirg.

solum, uerum etiam nutus obseruaba-
tur, ut unus existimaretur, qui uoce præ-
ire, sententia moderari, authoritate im-
perare reliquis deberet. Quid enim pa-
rum ne authoritatis in eo fuit, cuius uox
quasi sacrosancta habebatur: a quo quic-
quid exhibat id ratum confirmatumque ui-
debatur. Aut ulla potest esse authoritas,
nisi cum alicui ipsius probitatis & do-
ctrinæ causa fides adhibetur: aut nõ huic
tantum tributum fidei, ut solus propè
multis annis extiterit, cui de omnibus re-
bus cum maxima laude sit assensum: Ha-
buit diuinus uir, sicuti te meminisse arbi-
tror, cum permultas excellentium uirtu-
tum expressas imagines, cum ab his do-
ctrinæ & literarũ fontibus ita instructus
erat, ut si tam bonus uir nõ fuisset, quàm
illum fuisse omnes gaudemus, tamen
uel hac commendatione studiũ, ad sum-
mam peruenire existimationem potu-
isset. Sed ita omni integritatis laude cu-
mulatus fuit, atque ita propria quadam
rectus innocẽtia sua, ut cum in uita quod
reprehenderetur nemo posset notare,
præceptionibus eius non obtemperare
turpe

turpe putaretur. His nōnullum momen- Senilis pruden-
tia.
tum addidit senilis prudentia, & ex om-
ni parte communitum ingepium, usus e-
tiam plurimarum & maximarū rerum:
qui cum omni ætati prudentiam affert,
tum uerò senectuti ornamentum adiun-
git. In hoc nostro quantum effecerat, de-
clarauit studium florentissimæ ciuitatis
Argentoratensis, à qua ita dignissimus
est iudicatus Ecclesiæ procuratore pro-
pter sciētiam, ut idem habitus sit dignis-
simus senatu propter prudentiam. Hæc
autem in illo omnia uultu, oculis, uoce,
magis eminentia. Etsi enim per se ista au-
thoritatem non faciunt, cum illis tamen
quæ dixi, afferunt aliquid dignitatis.
Vox igitur grandis & canora, cum ora- Vox atq; Val-
tus.
tionis forma congruens, quæ plenis &
sonantibus uerbis cōstabat: is oculorum
obtus, ea frontis & porrectio & con-
tractio, ut quam alta mente præditus es-
set, facile appareret. Non me præterit re-
sidere aliquando in uultu mendacium,
& oculis fingi probitatis significatio-
nem solere: Sed hominum non impro-
borum ingenia, non fallacibus signis sua

EPISTOLA II. NIC. CARRI

tum effigiem cogitationum in uultu representant. Quibus igitur è rebus uniuersis authoritas comparatur, eas eiusmodi in se habuit, ut si acruatim in eo nõ coïssent, tamen singulæ per se satis ad permouendum momenti habere uiderentur. Sed parum profuisset in docendo authoritas, nisi liberior quedam admonendi obiurgandiq; ratio accessisset. Quam licet facere in Gorgia irridet Socrates, tamen in his perditissimis temporibus, tam multorum socordia & mollitie nisi adhibeatur, nec in uita integritas, nec in studijs constantia reperiri poterit. Hac ille medicina usus in sanâdis nostris moribus, (sed neq; tam immoderate, ut *ἡγοῦμαι* σοφισταί, neq; tam lente & frigide, quam solent nostri *πρόσκαρποι*) primum amicos ipsorum pudore, deinde inimicos & reluctantes, cum sanctissime uitæ exemplo, tum seueriore obiurgatione in officio continebat. Ad quod si hoc quoq; adiungerem, quàm frequenter in ipsa occupatione obeundi muneris sui, omnium mentes & studia inflammaret, posito ante oculos cum graui querela

Gera

Eius in notandis hominum moribus libertas.

Germaniæ casu, commemoratis cladi-
bus, quibus Ecclesia uastata, literæ que
deletæ sunt, rem nimis peruulgatam at-
tingerem, & modum fortasse Epistolæ
tam multa persequendo egrederer. Qua
re si de diligentia pauca annotauero, fa-
tis uidebor dedisse significationis, quan-
tum dampni ipsius morte perceperimus.
In quo illud mihi primum difficultatis
obijcitur dubitanti, utrum magis ornat-
us sit, quod ipse semper occupatus esse
uoluit, an quod alios ociosos esse nō per-
misit. Vtræq; sane laus præclara, & habuit
utraque plurimas commoditates. Nam
si utile fuit à tali magistro erudiri, certe
etiam optandum fuit, ut d quàm crebèr-
rime fieret: & si quicquid excellit, eo ma-
gis eminet, quo sapius usurpetur: huius
profecto diligentiæ qui præclarissimarū re-
rum notitiā in aures nostras inculcabat,
cuius opera & assiduitate multarū diffi-
cultatū molestiæ remouebantur, quæ satis
magnæ laudes reperiri possunt. Quo die
schola, si liceret, quo replū ipsius uoce ca-
ruit? quādo nō multo amplius, quā lege
ei præscriptū fuit, præstitit. Nos si quæ de-

*Diligentia Bv-
ceri maxima.*

Ocium Angli-
cum carpitur.

tur à studijs intermissio, quam libenter
amplectimur: is nec relaxationes fere-
bat, & in repetendo, moras grauitè re-
prehendebat. Memini aliquando mihi
eum referre, cum ex te diceret audinisse,
si nihil agendo doctrina comparari pos-
set, præstantissimos in omni literarum
genere futuros Anglos. Quam uocem is
quoq; rectè, ut mihi uidebatur, nostror-
um hominum ingenia & mores ani-
maduertens, usurpare solebat. Et cum
tuam in eo prudentiam ac uirtutem col-
laudans, qui notato uitio, à tuis id mori-
bus quàm longissime abesse uoluisti,
tum ipse hoc in nobis delicatum fastidi-
um nõ ferens, licet peregrinus & afflicta
ualetudine, tamen nec nouitatis offen-
sionem pertimescēs, nec suarum uirium
rationem habens, & uerbis acriter repre-
hendere, & exemplo accusare nunquam
destitit. Fœlicissimus quidē in eo, quod
omnes eius conatus, facta, consilia, cum
per se fuerunt salutaria, tum præclaros
semper exitus habuerunt. Quis enim eo
hortante adeò dissolutus extitit, qui se
ad seueriorem morem non reciperet?

Cuius

Cuius ille aures fabellis assuefactas & nugis, nō ad grauiora ἀγκυράματα traduxit: Quem ludis, spectaculis, uoluptatibus deditum cognouit, cui non illo oculo suo grauiſſimo terrorem incuſſit? Itaq; dici nō poteſt, quā celeriter hominum ſtudia commonerat, & ab otio ad negotium, à ludis ad libros, à domesticis latebris ad publicas diſceptationes pertraxerat. Sed huius diuinæ charitatis & ſtudiū non diuturnum tempus fuit. Si quidem triginta ferè dies, non amplius, in hoc curriculo uerſatus erat, cum ecce tibi ſubito ſiue quod affectæ ualetudini non pepercit, ſiue quod plus laboris ſumpſit, quā ferre potuit, in eundem paucis diebus morbum relabitur, è quo ſe paululum recreauerat. Sed quemadmodum ad eundem ſcopulum bis alliſa nauis, grauius ſecūdo quā primo ictu periclitatur: ita is antequam è ſuperiore ualeitudinis naufragio ſe plane collegiſſet, ad idem ſaxum reiectus, maiore periculo ac duriore conditione cum redintegrato morbo confligit. Nam primus morbus quamuis ſatis pœnæ ſumpſit de ſanctis

Secundus Buce
ſi morbus.

EPISTOLA II. NIC. CARRI.

Patientia Bu-
ceri in morbo.

limo homine, qui omni morbo uacare
 debebat, tamen neq; tam crudelis fuit, ut
 penitus affligeret, neq; tam perpetuus, ut
 nullum respirandi locum daret. Hic uero
 tetrior quàm Phalaris, qui uno impetu
 totum corpus obruebat doloribus, sic
 autem assiduus, ut semper premeret, &
 cum aliquid faciendi, tum colloquendi
 etiam potestatem eriperet, hunc sedate,
 ut omnia, tulit. Veruntamen angebatur
 impediri uoluntatem suam nostris stu-
 dijs commodandi. Quorum tanto de-
 siderio flagrabat, ut tam molestum esse
 morbi cruciatum diceret, quàm quod co-
 cogeretur, nihil agendo contabescere.
 Ex quo illa eiusdem crebra uox clarissi-
 mo uiro digna, qua se optauit aut cele-
 riter emori, aut utilem Ecclesiæ fieri. Sed
 quod postremo loco uoluit, id ei pri-
 mum accidit. Quoniam ex hoc quoq;
 morbo graui & diuturno cum cœpisset
 paululum ad se redire, una cum uere ali-
 quam quasi ualitudinem recuperauit:
 tamen eiusmodi, qualis ex tanto naufra-
 gio uix sane expetenda, uel diuturna
 fore uideretur. Sed ut nauæ, quamuis
 portum

Reditus ad ua-
letudinem.

portum nō conspiciant, tamē sedata tem-
 pestate in spem salutis ueniunt: ita is sub-
 lata morbi grauiſſima ui, bene de reli-
 quo sperare, et integrā sibi polliceri uale-
 tudinem cœpit. Veruntamen in eadē fe-
 re parte peccauit, qua hi de quibus dixi,
 nante. Etenim ut illorum animi procellis
 franguntur, serenitate negligentes fiunt:
 ita is represso morbo, quasi neglexit uale-
 tudinē, & totam curam ac cogitationem
 defixit in eo, ut sui quam simillimus, id
 est, occupatissimus esse uideretur. Et qui-
 dem certe cōstat nunquam illum esse ui-
 sum magis occupatum, quam illa æstate
 fuit. Cuius in ipso ardore (ut cætera non
 attingam) cū magna nostra comitia ha-
 berentur, et omnes eum priuatim amici,
 publica uoce magistratus, uniuerso con-
 sensu cuncti ad solennes Disputationes,
 non præsencia tantum sua, uerum etiam
 opera, studio, & professione honestan-
 das deposcerent: concessum est ei priuile-
 gium, totius Academiae maximo plausu
 (id quod ante eum nemini) ut absq; ullo
 publico ritu & usitata ceremonia, quo-
 uiam id postulat, inauguraretur. In
 eis

Assina acade-
 miæ comitia,

Bucerus sine ce-
 remonia coop-
 tatus in nume-
 rum doctorum
 Theologarum

eis autem ita se gessit, ut cum primo Co-
 mitiorum die ipse responderet, secundo
 disputaret in maximis et grauissimis cō-
 trouersijs, nihil relinqueret, quod cuius-
 quam animum posset aliqua dubitatio-
 ne retardare. Sed ut in peruulgatis artifi-
 cijs solet esse inter se artificum cōtentio,
 & peritissimo atq; optimo plerumq; in-
 uidetur: ita doctissimi uiri laus in aliquo
 inuidiosorum numero effugere repre-
 hensionem nō potuit. Fatale hoc nescio
 quid est, ut Virtutis comes inuidia sit, &
 præstans atque egregia doctrina semper
 habeat obrectatorem. Auxit in hunc in-
 uidiam nouitas, quæ multis sæpe claris
 hominibus obfuit: huic autem obfuisse
 nunquam, nisi eiusmodi fuissent quibus-
 cum differebat, qui omnia docere, nihil
 discere didicissent. Itaq; tamen exaudi-
 ta fuit ab omnibus summa cum admira-
 tione diuini hominis uox & oratio, tan-
 tamq; ex eo sermone, etiam inimicorum
 iudicio, laudem adeptus erat, ut nihil
 unquam in nostra schola præclarius esse
 factum constaret, sparsæ sunt tamen in-
 rus maleuolorum calumniæ, & sacrificu-
 lorum

lotum aures istiusmodi uoculis oppletę,
 quibus de nostri Buceri fama & ingenij
 & doctrinę permultum detrahebatur:
 omnis uerò laus in eam partem confer-
 retur, ut Iungus, quo cum ei certamē fuit, *Iungus Buceri*
 obruisse eum acumine suo, & copiosissi- *aduersarius,*
 mis disputationibus ac maxima scientia
 fregisse diceretur. Qui rumor ita hunc
 non mouit, ut aliquando in multis cau-
 sis iratior, ita Iungum incendit, ut nun-
 quam in ulla elatior esse uideretur. Cu-
 ius rei satis magnum nobis indicium prę-
 buit, cum (priusquam Oxonia Bucerus
 noster rediret, quo uisendi Petri Marty-
 ris causa profectus erat) commotus scili-
 cet nonnulla gloriola, & prædicatione
 suorum fratrum, interpretandi sibi do-
 cendiq; munus assumeret: in quo non
 fuit contentus quæ uidebantur afferre,
 famam quoque Buceri lædere uoluit, &
 maxima corona idem in sanctissimum
 uinam cōuicium effundere, quod uulgo
 per sacrificorum ora iactari audierat. Hic
 homo lenissimus, & patientissimi sto-
 machi, licet omnium contumelias & iur-
 gia multos annos ferre didicisset, tamen
 agre

EPISTOLA II. NIC. CARRI

ægietulit ab inimico doctrinam suam in
 inuidiam uocari. Nam cetera, ad ea affue
 factus, licet perpetuo ferebat, ut uita potius
 quàm oratione, refellenda existimaret.
 In literis si quid reprehenderetur, id sibi
 quouis modo palam præstandū arbitra
 reretur. Quapropter & apud nos multa
 publicè cum assensione omnium bono
 rum, & de eadē re priuatim ad uos. Sed
 tuo maxime aduentu, utriusq; hominis
 ingeniū perspectum fuit. Nam cū ambo
 coram te sisterentur, & alterius summa
 grauitas, singularis prudentia, excellens
 in omni genere doctrina probaretur: alte
 rius cachinni & puerilis sermo uehemen
 ter tibi displiceret: ita uterq; à te discessit,
 ut noster Bucerus honorifice tractatus,
 Iungus ignominia notatus uideretur.
 Quod quamuis ei accidisse ipsius causa
 nollem, præsertim cum et ingenio & lin
 gua ualeat, & multa cōmode faciat: tamē
 sic omnes existimabant eam pœnam ho
 mini fastidiose arrogāti debitā fuisse. Sed
 quam tu, pro summa humanitate tua, &
 illa qua omnibus præstas moderatione
 animi, non inflixisses, nisi & is senimi
 um

Comparatio
 Iungi & Buce
 ri.

um pueriliter gessisset, & tu lædi præstantissimi uiri famam ac nomen moleste tulisses. Itaque sapientiæ fuit, quòd tantum crimen non es passus supplicio carere: moderationis, quod diuturnum esse nolebas: humanitatis, quod quælecunque fuit, id te inuitum statuere uidebamus: ut si nunc, quod nonnulli criminantur, durius cum eo agatur, id si bi sua temeritate acciuisse, non uos uestra seueritate imposuisse putandum sit. Sed redeo ad nostrum, qui præclarissimis iactis fundamentis eius controuersia, & omnibus quæ in eam pertinerent conquisitis rationibus, ita uno Libro sententiam suam complexus est, ut uestro iudicio, quibus statuendi potestas fuit, nihil plenius perfectius que dici aut scribi uideretur. Quapropter cum minimam à ferendum putaretis, à sedato docendi munere hominem moderatissimū ad iurgia & lites auocari, repressa aduersarij contentione, reliquum ei tempus liberum & uacuum ad cætera studia reliquistis. In quo pergratum ei fecistis, homini cum ab omni litigioso cōgressu alie

*Liber Buceri
contra assertionem
lungi.*

alienissimo, tū in ipso ardore aduersario-
rum & disputationis æstu, sedatissimo.
Quæ res eo maiorem illi laudem affere-
bat, quo in meliori causa iustius commo-
ueri incendi q̃ iracundia poterat: eo fœ-
diorem maculā inussit aduersarijs, quo
in rebus sepe leuiculis, aliquando etiam
apertissimè falsis uociferari, & clamores
profundere impudentissime cōsuerunt.
Sed hunc morem hic noster non conui-
tijs incessans, sed uerbis deplorans, à se
quàm longissime remouerat: & ut ab
omni liberorum colloquio ac christia-
norū disputationibus abessent, magno-
pere & frequenter optare solebat. Siqui-
dem hanc unam dicebat præcipuam pe-
stem aduersariorum animos & studia
occupare, quæ usq; eo sensus omnes uer-
borum temeritate obrueret, & mentis ac
rationis lumē offunderet, ut cum in pro-
fundissimis erroribus demersi iacerent,
tamen seueritatem manibus tenere, & in
sinu conditam habere arbitrarentur. Ve-
rissime quidem, ut mihi uidetur, sentiēs
cum ad perspicendum quid in quaq; re
uerum sit, nihil pacato tranquillo q̃ ani-
mo

*Aduersariorum
maximū uigilum*

mo accommodatius, nihil irato et incenso magis aduersarium esse queat. Nam ex eo fit, ut dum aduersarij cum clamore & impetu & conuitio, sæpe etiam ferro, flamma, cruce, ueterem ut aiunt, possessionem & maiorum ius tueri ac retinere uolunt, ardore animorum & præcipiti quodam studio ad inanitatem & inscientiam deuoluantur, sæpe etiã in turpitudinem christiano homine indignam. Multa solebat noster Bucerus huius rei exempla proferre. Sed ego ex omnibus unum attingam, quod & propter rei ipsius nouitatem, et eius quem nominabat auctoritatem, mirabile uideatur necesse est. Cuius enim iracundiæ est, sic disputando efferuescere, ut prius in manibus, quàm in uultu perturbationis notæ deprehendantur? Aut quem tu hominem existimes, qui cum amplissimi muneris procurationem sustineat, & regiæ Maiestatis legatus ad publicum totius penè Europæ conuentum consiliũ quæmittatur, non animi moderationem, sapientis consilij gubernatricem, sed alterius partis odio inflammatam cõtentionem adferat.

Stephanus Gardinerus quondam Vint. epi scopus.

adferat. Hunc ego nominatam, nisi ita omnibus esset notus, ut nullus ferè nunc sermo in circulis uerferetur, nisi quomodo ille se gesserit & gerat. Sed rerulit mihi noster Bucerus, cum in Ratisponensi consilio, quo is mandato Regio profectus erat, permulta à grauissimis uiris sapientissime agitata & acutissime disputata essent, hunc præ cæteris omnibus (tamen si ad eum Conuentum aliquot præterea satis graues inimicitias secū attulissent) sic furia quadam percitum fuisse, ut mente uix cōsisteret. Sic autem secum & cum Alesio rixari, atque ita conuitio incallescere, ut in dextra eius manu, inter pollicem & indicem, id quod Bucerus in nemine se dixit unquam animaduertisse, uena quædam intumescens, tam celeri & perspicuo motu palpitaret, ut omnes qui illum aspexerant, ad pugnandum quàm ad disputandum, ad arma quàm ad consilium paratiorem uenisse dicerēt. Quod si idem semota iracundia, uel ipse per se considerare, uel ab alijs audire uoluisset, quid inter *πατρικὴν* & *βασιλικὴν* interesset, nam de his sermo fuit, neque tum
ulla

Portentum in
Gardincro.

ulla extitisset inter eos acris concertatio:
 & conuictorum, quibus postea sanctis-
 simum hominem concidit, occasio fu-
 isset sublata. De quibus nihil dicam, nisi
 me magnoperè dubitare, utrum Buce-
 rus sanctior, moderatior, patientior fue-
 rit, qui tot falsis criminibus commotus
 non est: an ille impudentior, qui non est
 ueritus in totius orbis oculis manifestis-
 simum mendacium defigere. Nam pro-
 fecto, si unquam nostris temporibus in
 ullo cōtinentia fuit, in Bucero fuit: quem
 is libidinosum senem in conuictatore li-
 bello uocat, nos temperantissimum &
 moderatissimum hominem, sanctissi-
 mum uirum cognouimus, cuiusq; uitam
 cum contempleremur, doctrinam uirtu-
 tis assequi, uerba cum audiremus, ueri-
 tatis uocem in auribus nostris insonan-
 tem percipere solebamus. Quo uti-
 nam nobis licuisset diutius perfrui. Non
 uerendum sanè fuisset, ne pro tem-
 perantia uoluptates, pro mansuetudi-
 ne iurgia, pro moderatis moribus, ira-
 tos & truculentos animos abstulisse-
 mus. Sed nunc siue nostro, siue suo.

Conuictum
 Gardineri in
 Bucero.

EPISTOLA II. NIC. CARRI

Immoderatus
Buceri labor
in studijs.

sublatus uitio est, quod uel nos ad imi-
tandum tardiores eramus, uel is ad do-
cendum laboriosior et promptior, reuo-
care certe non possumus: pro uirtute ta-
men eius singulari optare licet, ut ali-
quid à studijs temporis seiunxisset, atq;
ad uires & ualeitudinē cōtulisset. Quod
si uoluisset facere, neq; illum tam inopi-
nata mors, nec nos tam inexpectatus do-
lor attigisset. Sed hoc semper in summi
uiri laudibus uitium fuit, quod se immo-
deratus maluit laboribus frāgere, quā
ullum momentum perdendo, suæ saluti
& nostræ utilitati consulere. Nam quid
commemorem huius prætergressi hye-
mis labores? quid nocturnas uigilias?
quid matutinas excubias? quid perpe-
tuas commentationes? cum uno tempo-
re pluribus operibus satisfacere uellet, cū
idem & publicè nos doceret, & domi re-
gnum Christi literis mādaret. Qui liber,
si cætera non essent, quòd eius à nobis
discessu multa desideret, satis causæ ha-
bere debet, cur grauitè mœreamus. Con-
tinebat enim absolutissimam & perfe-
ctissimam totius Christianæ doctrinæ
effigia.

Liber Buceri
De regno Chri-
sti editus.

effigiem, non coloribus expressam, sed lineamentis informatam: sed qui pulcherrima specie prodijisset, si eius migratio conatum non impediuiſſet. Vniuersum de omnibus rebus proposuerat sibi erudire hominum cœtum, & in totum orbem diuulgare doctrinam iudicij & opinionis suæ: quod etiam antè prouocatus aliorum calumnijs fecerat, neq; apud nos destitit, licet afflicta ualitudine, fractisq; uiribus, idem usq; ad extremum spiritum facere. Quando enim illum uel *Buc. prodesse* ingrauescens senectus, uel temporum *semper uoluit.* difficultas, uel obrectatorum conuitia, uel debilitas, uel morbus retardare ac reprimere potuerunt, quo minus omnes uias quibus Ecclesiæ orbitati succurri posset, experiretur? Quis illum adiuit unquam, qui otiosum offendit? Quis conuenit, qui non melior uir discessit? Ipsa prandia & cœnæ sanctissimis colloquijs, eruditissimis disputationibus sermonibusq; refertæ. In hac ille constantia & perpetuitate studij, cum aduersante ualitudine perseueraret, cumq; nec amicorum consilij, nec fidissimæ coniugis

D iij cre=

EPISTOLA II. NIC. CARRI

*Tertius mor-
bus qui finem
vitæ attulit.*

crebræ hortationi parere uellet, et homo
occupatissima mēte atq; ardore incredi-
bili perpetuo aliquid agendi, ualitudi-
nem contemneret, cui nostram utilita-
tem semper anteposuit. Idibus Februarij
in eum morbum incidit, qui mortem,
quam secum annum iam amplius cir-
cumtulerat, paucis post diebus attulit: &
quæ aliquot post annis maturiore ætate
obrepisset, nisi in operibus nimium fe-
stinans & properans, antè in medio spa-
cio defatigatus corruisset, quàm cursum
sibi propositum conficere potuisset. Gra-
ue nobis omnibus spectaculum, domesti-
cis uero suis etiam luctuosum, cum sum-
ma totius corporis debilitate, eneruatis
membris, afflicto uentriculo, ita perpe-
tuo singultu cruciaretur, ut ægrè cuius-
quam congressum colloquiumq; ferret.
Non quod uel de humanitate erga nos,
uel pietate erga omnes aliquid esset di-
minutum: sed sensit præclarus uir & om-
ni seculorum memoria dignus, sensit ex-
tremum sibi diem imminere. Itaq; non
iam cum alijs, quos omnes sciētia vince-
bat, sed secum ipse loqui ac meditari
cœpit.

*Taciturnitas in
morbo qualis.*

cœpit. Memini, cum M. Ioan. Bradfordus sanctus adolescens, et huic nostro charissimus, singulari quodam cōmemorationis genere usus esset, et Christi seruatoris ac dñi nostri promissa explicaret, hortareturq; ut qui uir esset, cogitaret quid docuisset, quā semper constantia, quā fide, quā pietate usus esset, et ut tū precipue cū maxime urgeret, totā mentē, cogitationem, curā in Deū conijceret, esse unū qui nobis nostra peccata pręstitit, qui à tenebris ad lucem, à desperationē ad spem, à morte ad uitam reuocarit: memini inquam paulò cōmotiorem esse factum, & ut uidebatur iracundius respondere, Se nolle mentem ab ea cogitatione in qua esset, cuiusquam sermone uel cohortatione distrahi: obseruari oculis Christum crucifixum, habitare Deum in corde, nihil meditari nisi cœlum, nisi celestem ab hoc corpore discessionem. Idq; tum multo magis cōfirmauit, cum medicorū hortatu iussus cibū capere, negauit se id facturum, q̃ aliud uite genus meditarietur. Sed cum illi instarent, ut cogitaret non sibi se, sed multorum utilitati esse

Vitę huius cō-
tempno in Buc.

D iij natum:



natum: geramus igitur morem inquit. Ita summus & sanctissimus uir cum se intueretur, mori maluit quàm uiuere, quod eam quam expectabat, quàm qua fruebatur uitam, beatiorē cognosceret: ad nos cum respiceret, uitam poscebat, motus scilicet incredibili charitate, qua omnes sanctos & Christi Ecclesiam complectebatur. Quoties ego illum audiui deplorantem Germaniæ uastitatem, idq; grauiſſimis uerbis, cum cœlum contemplanſ, à Deo opt. max. precaretur, ut & suæ gentis eum misericordia caperet, & non pateretur Angliam in ea uitia dilabi, quæ iam pridem Germaniæ cladem attulissent. Vereri se, quòd in tanto ardore multorum cognoscendi Dei & restaurandæ Ecclesiæ, cum disciplina deesset, qua improbi castigarentur, et ordo in ministerio retineretur, non posse diu bonos eorum conatus progredi. Hæc illæ sæpe quidem, sed tum uehementissim, cum extremo halitu Ecclesiam hanc nostram quasi filiam complexus pius pater, Regiæ Maiestati atque omnibus bonis commendauit, optauitq; nobis audientibus,

Charitas erga
Ecclesiam Christi
sui eximia.

NOTA.

tibus, ut quæ ad Regiam Maiestatem de disciplina Ecclesiæ scripserat, locum & sedem in hoc florentissimo regno, & sine controuersia Dei domicilio, reperirent. Sperare se, si id foret, nullam huic Reip. calamitatem, nullam deformitatem euenire posse: & timere ni foret, ne non tam paucorum studio restaurandæ Ecclesiæ Deus placari, quàm multorum improbitate & luxuria irritari uelit. Atq; hæc eius charitas erga uniuersos. Sux constantiæ testes edidit breues sententias, quas ut commodum ei uidebatur, ad amicorum mentes confirmandas, & bona piæque de se opinione imbuendas, proferebat. Veluti cum Bradfordus, de quo ante mentionem feci, concionatum iret, se q; dixit uelle in precibus eius meminisse, collachrymans, Ne inquit, abijcias me Domine in tempore senectutis meæ, cū defecerit uirtus mea: tum addidit, Castiget fortiter, abijciet autē nunquam, nunquam abijciet. Raro quidem ille loquebatur, quod tota mente in Deum defixus erat, ægre etiam patiebatur alterius uocem: attamen ne tacendo stuporem

Liber Buceri
de disciplina
Ecclesiæ.

Constantia
Buceri.

Psalm. lxxvj.

D V nobis

EPISTOLA II. NIC. CARRI

nobis afferret, aliquando paucissimis
 uerbis, sed suauissimis et plenissimis con-
 solationis, utebatur. Quemadmodum
 cum admoneretur, ut se armaret con-
 tra periculosissimum tempus, & con-
 tra diaboli impetum obfirmaret, qui
 tum maximam ei conaretur molestiam
 exhibere: Nihil habeo, inquit, cum dia-
 bolo commune: in Christo solummo-
 do sum: Et, Absit, absit, ut nunc consola-
 tiones dulcissimas non experirer. Iam
 illud mihi pretermittendum non uide-
 tur, quod medicis ac reliquis eius amicis
 metuentibus, ne deficiente luna, uires
 quoque ipsum deficerent, & morbi ui op-
 primeretur: cum postridie paululum re-
 creatus uideretur esse uegetior, atque ad eum
 pro suo more uenisset Bradfordus, et me-
 dicorum timorem, sollicitudinem amico-
 rum, ex eo lunæ defectu ac cœli perturba-
 tione explicasset, porrexisse dicitur tres
 digitos, et oculis in illud sempiternum cœ-
 lum elatis: Ille, ille inquit, regit & mode-
 ratur omnia. Qua autem patientia, qua
 magnitudine animi fuit, cum continuis
 acerrimisque doloribus uteretur, omnes
 qui

Defectus lunæ.

Patientia in
morbo.

qui uerum fateri uolunt, commemorare possunt: nos qui cum eo magis assidui eramus, tale mansuetudinis et tollerantie spectaculum perpetuum uidimus, quale ut crebro uideamus optandum est: et uerendum ne nunquam posthac simile uisuri simus. Nullum auditum fuit eius lachrymabile uerbum, nulla querela ualentudinis, nulla uox significatrix doloris. Ita cōstanter et moderatē perpetui cruciatu immanitatem pertulit. Vitæ simillima mors, quam si noris, quomodo sit mortuus nescire non potes. Timidè mori nequit, qui uiriliter ægrotat: nec inuitus discedit, qui abesse cupit: nec cui mors optabilis est, ei uita potest esse suauius. Sic uixit, ut nemo melius: ita est mortuus, ut nemo beatius: sic egrotauit, ut nemo dolentem uideret: sic demigrauit, ut nemo morientem cerneret. Dignissimus tali et uita & morte, quātū altera glorioforum laborum plena, altera omni sensu uacua fuit. Etenim sic uitā cū morte commutauit, ut ipse sua spōte quasi efflare animam, nō mortis uiolentia extortā, dimittere uideretur. Vulnus attigi quod fecit

Mors beati
Buceri.

EPISTOLA II. NIC. CARRI

Celebritas in
funere Bucerii.

Omnium erga
Bucerū mortu-
um beneuolen-
tia.

fecit dolorem, sed ita ut causas quoque
possis uidere, cur fecerit. Nunc de luctu
dicam, in quo si nos soli fuimus, ferenda
dum, si cum multis, latandum etiam
præstantissimi uiri funus à multis esse
deploratū. Sed quomodo, qua frequen-
tia, quo genere, à quibus, id quoque dicen-
dum uidetur. Primum, quod potuit abesse
mæror ab eius funere, cum quo exqui-
sitissima doctrina in tumulum illata est:
aut quomodo deesse sepulturæ honor,
in cuius laudem omnes erant honores
effundendi. Semper hoc usitatum apud
omnes gentes, ut in clarorum uirorum
funeribus omnis celebritas quæreretur:
adessent amici qui exequijs darent ope-
ram: conuocarentur uicini, qui amico-
rum studium adiuuarent: ciues euocaren-
tur, ut frequentia & comitatu funus co-
honestarent: pompa in sepultura, quæ
nec uulgaris, nec temporis causa consti-
tuta, sed & singularis & iure tributa esset.
In huius diuini hominis sepultura tan-
tus est concursus omnium factus, tanta
frequentia stipatum funus, is comitatus
omnium generum ætatis, ordinis, ut ui-
cini

cini non accersiti, sed sua sponte parati:
 ciues non aliena uoce euocati, sed per se
 effusi: honores non quæsi, sed allati:
 non flagitati, sed condonati esse uideren-
 tur. Neque tamen defuit amicorum uo-
 luntas, & magistratuum diligentia, ut
 amplissimus Vir amplissimè supremo
 die suo efferretur. Siquidem à Procan-
 cellatio mandatum, à præconibus edi-
 ctum, ut omnia collegia adessent, in
 funere eum honorem mortuo tributuri,
 qui esset tantæ præstantiæ & uirtutis me-
 moria dignus: ut quoniam is semper
 nostram utilitatem pluris fecisset quàm
 ualitudinem suam, & plurimis maxi-
 misq; ornamētis Academiam nostram
 affecisset, hac una in re, cum in alia non
 possent, quàm maximæ ei gratiæ habere-
 rentur. Hoc ita gratum omnibus fuit, ut
 tamen non inexpectatum neq; nouum.
 Ut autem esset ea celebritas quæ deceret,
 primum diem sepulturæ selegerunt, quo
 maxime populus uacaret: deinde locum
 eiusmodi, qui & frequētia celeberrimus
 esset, & ipsa specie atq; forma nostrorum
 templorum augustissimus: horam & à
 reli-

Dies & locus
 sepulturæ.

EPISTOLA II. NIC. CARRI

reliquis negotijs uacuam, et huic functioni accommodatam. Eam cum instare campana significaret, ita subito cunctæ se familiæ eiecerunt, tantâq; concursatio fuit mulierculatum et puerorum, tam frequens uiro-
rum cœtus, ut omnis illa uia, quæ est ab eius domo usq; ad templum Mariæ, quo funus ducebatur, omnibus ex partibus obsita oppletaq; teneretur: tanta autem singulorum admiratio fuit, cum propter exquisitos in eius funere honores, tum propter incredibile oppidanorum frequentiam, uno in loco, uno tempore collectam, ut & noster luctus augetetur, quorum calamitatis tot essent spectatores, & illi misericordia commouerentur, quòd eam lugendi causam haberemus. Inde uerò perpetuum per agmen funus ad templum deductum est, cum quo tanta est ingressa multitudo, tanto concursu et iactatione, ut celerrime uniuersum compleretur, maximaq; pars coacta sit in ipso uestibulo & aditu templi consistere: ita ut ipse populus quasi ualuarum loco ad excludendum introeuntes oppositus esse uideretur. Hic qua-
si

si laudis prænunciij, ualuis ipsis affixi uer- Epitaphia ual-
uis affixa.
sus & numero & uarietate & elegantia
conspiciendi. Horum numerosam præ-
dicationem, posito funere, præclara ora-
tione subsequutus est noster Haddonus,
qua diuini hominis desiderium sic re-
fricabat, ut multorum lachrymas, per
omnium ora peragrantem mœstitiam
cerneres. Eâ quod melius ex ipsius scrip-
to, quàm ex meis literis cognosci potest,
eisdem uerbis quibus ad me aliquot die-
es post perscriptam misit, interposui.

D. Gualteri Haddoni oratio.

MUltæ fortassis auribus, nulla po-
test maior contra terrores mortis
disciplina percipi, quàm hoc ipso
præfente funere, luctuosissimo quidem
illo & ærumnosissimo, sed tamē ad com-
munem naturæ nostræ fragilitatem pon-
derandam aptissimo. Charissimi pa-
tres & fratres, patrem nostrū & fratrem,
excellentiissimū doctorem D. M. Bucerū
cognouistis uiuū, intuemini mortuū: ui-
distis hominē, cadauer cernitis: audistis
Theolo-

EPISTOLA II. NIC. CARRI

Theologum præstantissimum, truncum
 sine sensu contemplamini, uiuus magi-
 ster erat ad uitam Bucerus, idem mortu-
 us præceptor sit ad mortem: uiuens &
 spirans assidue nos erudiebat ex Ecclesia-
 rum & scholarum pulpitis Bucerus, nūc
 mortuus clamat ex pheretetro, inuocat ex
 fascijs. Quid clamat: quid docet: quod
 sepe nunquam meminisse possumus, cū
 tamē semper in animo inherere debeat:
 Exuendam hanc mortalem uitam, indu-
 endam immortalem: deponendum præ-
 sens & laboriosum tabernaculum, ut su-
 matur ad æternitatem perpurgatum cor-
 pus. Deniq; exeundum ex hoc seculo, ut
 transferamur in aliud: migrandum ab
 hominibus, ut iungamur Deo. Quæ si
 nobis omnia debēt omnibus funeribus
 occurrere, singularis animaduersio in
 hoc diuinissimo præceptore nostro M.
 Bucero esse debet. Deus enim naturam
 eius omnibus doctrinarum luminibus
 & uirtutum ita compleuerat, ut unus no-
 stra ætate dignissimus immortalitate ui-
 deri posset: recidit tamen ad cineres, ut
 surgeret ad coronam, & corpore corre-
 pfit

Funera quorum
 admoueant.

pluit in terram, ut spiritu subuolaret in cœ-
 lum. Nos igitur, nos fratres & uehemen-
 ter quidem allaborare decet, ut excellen-
 tissimi præceptoris nostri uitam imitemur,
 mortem expectemus, subeamus la-
 bores, consectemur præmia, toleremus
 contumelias, ascendamus ad gloriam.
 His itineribus præceptor noster antea-
 gressus est, eisdem uis erit nobis subse-
 quendum. Qua in re certiorē ut cursum
 tenere possemus, utinam tempus & uale-
 tudo mea ferrent, ut hunc uobis eximi-
 um uitum particulatim, & omnibus
 membris expingerem. Sed non licet: se-
 nimortuus enim de mortuo loquor, de
 familiari familiaris, amicus de amicissi-
 mo. Quapropter et morbus diligentiam
 impedit, & familiaritas minuit authori-
 tatem, & amicicia uix aliquid conari si-
 nit. Magnū enim & planē incredibilem
 præceptoris nostri morte dolorem acce-
 pi, neq; dubito quin omnes acceperitis,
 quibuscumq; uera Dei religio & uitæ ho-
 nestas curæ est. Non enim unus erat ex
 doctoribus plebeis, sed singularis ex om-
 nibus Theologiæ principibus: nō quem

Exemplum uis
 Biceri imitan-
 dum.

Singularis Do-
 ctor Bucerus.

E multi

EPISTOLA II. NIC. CARRI

multi laudare, sed quem omnes admira-
 ri: non quem omnes amici expeterent,
 sed quem uniuersi inimici reformidarét:
 non ad quosdam Christianos, sed ad to-
 tum Christum: non ad certos homines,
 sed omne humanum genus adiuuandum
 natus & procreatus. Multum uideor di-
 cere, tamen cum immensitatem eius bo-
 nitatis & doctrinæ animo colligo, supe-
 rat eius doctrina meam orationem, uit-
 tus etiam cogitationem. Sed de uita non
 loquar, quam licet propius aspicere po-
 teram, propter meam interiorem cum
 eo consuetudinem, tamen nimis mihi
 longū esset: & amicus frustra laudarem,
 quod nemo unquam ausus est inimicus
 reprehendere. De literis hoc unum sum-
 matim ponam: Quæ in alijs singula sin-
 gulis, ea in uno pariter uniuersa cōsedis-
 se. Augustini fuit in illo acumē, Hierony-
 mi linguarum uarietas & doctrina, disci-
 plina Cypriani, Ambrosij authoritas, O-
 rigenis scientia, Chrysostomi in docēdo
 perspicuitas, Bernardi integritas in uita:
 uel hæc in illis priscis Ecclesiarum heroi-
 bus uberiora si fuerint (uti fuisse confite-
 or)

Buceri excel-
 lens doctrina.

Or)ramē particulas ex omnibus excellen-
tissimas noster Bucerus tanto studio atti-
puit, tot ornāmētis perpoliuit, ut si non
unus cū omnibus, tamē separatim cum
singulis comparari possit: aut in illo au-
gusto ueterum choro si non præsideat,
in hominibus nostri seculi, omnibus ex
partibus inter alios emineat. Sed infini-
tas eius laudes oratione non sequar, ad
quas pauci, aut ne pauci quidē peruenire
possunt, imitationē eius uitę ac fidei uo-
bis iterum atq; iterū diligentissime com-
mendo, ad quas omnes se quantū pos-
sunt, conformare debent. Quam ad-
rem si uita Buceri magnum momentum
attulit, mors certē maius afferre debet,
qui præsens & domesticus testis ante
oculos iacet, præsētis uitę occidentis,
& futurę nascentis. Bucerus si solus
testis est, ne curetis: si maximus, contem-
nite. Sed Prophetę mortui sunt, & A-
postoli magnis & immensis cōtibus,
si multitudo spectatur, si dignitas Do-
minus noster Iesus de gloria diuina se
ipse depressit, ut non solum mortem,

E ij sed

EPISTOLA II. NIC. CARRI

Christus primi-
tiae mortuorū.

sed eam infamem & tetram oppeteret,
ut primum communis mortis, deinde e-
tiam æternæ uitæ in illo exemplum cernere-
mus. Primus igitur ad Christum res-
pectus est, quem Paulus primitias mor-
tuorum uocat, quoniam primus uiam
ex morte ad uitam nobis communiuit.
Secundus ad Apostolorum & martyrum
cateruas, quos Dominus noster Iesus
Christus ex horum corporū gurgustijs,
ad æternam perpetuæ felicitatis do-
mum ipsdem itineribus euocauit. Tertius
in hoc ipso defigatur Doctore Martino
Bucero, quem ad Apostolorū ordinem
aggregare possumus. Cum enim illo-
rum in uita fidem & doctrinam sequu-
tus sit, non dubito, quin gloriam in mor-
te sit assequutus. His igitur exemplis ita
nos ipsos instruamus, & tam altè men-
tes nostras exaggeremus, semper ut sur-
sum sint: tum enim fidentibus animis,
cum opus erit, ad mortem gradiemur, &
ad illam hæreditatē perueniemus, quā
Deus communis noster clementissimus
pater, propter Iesum Christum omni-
bus reseruat, qui sinceris moribus & uera
fide

fide ad illum confugiunt. Hæc cum ille
depressa ac lamentabili uoce, & uultu
tristiore dixisset, mirifica *συμπάθεια* omni
um animos occupauerat. Quid multa?
Quas laudes D. Haddonus ex inferiori
loco & ad nostros & ante humationem
mortuo tribuerat, easdem ex superiori lo
co, iustis persolutis humatoq; corpore,
persequutus est D. Parkerus singulatio
rationis uarietate, maxima totius populi
admiratione. Atq; ille non solum eas sibi
partes sumpsit ornandi ac defendendi
nostri Bucer, quas paulò ante D. Ha
doni præocupauerat oratio: uerum eti
am & gratulandi & lugendi modum
rationemq; præscripsit: Cuius neq; ne
cesse mihi erit singulos locos attingere,
neq; si id quidem maximè uellem, com
mode in hoc loco facere possem: omni
no ut præteream, cum ipsius singula
ris diligentia, tum amor erga Bucerum
eximius, coëgerunt: quorum altero per
fecit, ut omnia, si persequeret deformare
eius scripta, non ad aliorum aures trans
mittere uideret: altero & nobis detraxit
solicitudinem, qui nostras uires contem

D. Parkeri
conciouersa
subiiciuntur.

EPISTOLA II. NIC. CARRI

nebamus, & cæterorum studia ac uoluntates adiuuit, qui uniuersum illius decus sum orationis cupiūt cognoscere. Vnum tamen prætermittere nullo modo possum: cuius recordatio propter utilitatem præceptionis semper debet in animis nostris inhærere: & in quo non maior putabatur uis ad reprimendas (quanquam hoc studiosè faciebat) quàm ad prouocandas & extorquendas lachrymas inesse. Etenim proposita primum fœlicitate nostri Bucerī, & collaudato sanctorum cœtu, enumeratis præmijs, quibus uita integerrimè acta solet affici, uetuit nos sanctissimi uiri mortem lugere: siquidem præclarè cum eo esse actum, qui laboriosissima uita perfunctus, & plurimis deuoratis molestijs, tanquam è fluctibus in portum, è turba & colluione hominum, in sempiternam pacem & cœtum sanctorum receptus sit. Rursus commemoratis pœnis, quam impiorum hominum & non obedientium sceleribus infligit Deus, nostra quæ ante oculos posita tarditate, qui tam salutarem nuntium negligenter complexi sumus, quorum quæ

ē dita

Bucerī in morte
fœlicitas.

Nostra tarditas
qualis.

è dissolutissimis moribus sit ereptus ad
 consequētis grauiorem pœnam tempo-
 ris, iustissimam esse oblatam dixit mor-
 rendi lachrymandi q̃ causam: eamq̃ si de-
 labi pateremur, ac non omni mente &
 sensibus ad luctū, lachrymas, suspiria, ge-
 mitus conuerteremur, fore, ut obdura-
 tos nostros animos non ferens Deus, li-
 cet iampridem ex huius morte magna
 ruina quatefecisset, multo tamē posthac
 atrocioribus supplicijs sit excruciaturus.
 Constitisse uidelicet eum quasi præcipu-
 um quendam inter nos architectum, qui
 diem, qui horam nullam intermitteret
 aliquid semper comportandi, quod ad
 domum Dei ædificandam uideretur esse
 idoneum: nos, nos Cantabrigienses par-
 tim temporibus assentientes, ad idem o-
 pus deuolutos esse, uix tamen ad unum
 lapidem porrigendum manum admo-
 uere: partim inuidia, cecitate, et ueteribus
 superstitionis. fecibus oppressos motus
 ciere, uim parare, qua fundamenta sub-
 ruere, tecta et parietes deijcere possimus.
 Itaque alterius partis simulatam indu-
 striam, odium alterius infinitum diutius

Bucerus archi-
 tectus domus
 Dei.

πρὸς καὶ πο:

Papistæ.

E iij fer-

EPIST. IL NIC. CARRI

ferre Deum non potuisse : ac propterea hanc nobis pœnam sceleris si perseueremus, sin reuertamur & doleamus, medicinam erroris adhibuisse. Atq; ita uniuerso hoc loco in Bucerî scœlicitate gratulationis, in nostra miseria luctus & lachrymarum copiosè sane, & acurate explicato : de præstantissimæ uirtutis & incomparabilis doctrinæ laudibus multa adiecit, quarum aliquæ partes à me paulo superius tactæ, ab eo fusissimè pertractatæ erant : quarum q̃ ego umbram & speciem paucis uerbis sequutus sum, is eminentem & expressam effigiem dicendo erat assequutus. Quam orationē (quòd breui speramus in uulgus exituram) optamus etiam ut eorum manibus teratur, quid diuinis Bucerî nostri laudibus fauēt. Nam ex ea nō solum afficientur uoluptate, cum in mentem redierit, sanctissimæ communionis recordatio, uerum etiam multò magis lætitia efferentur, cum eius integerrimos mores, uitæ exemplum innocentissimè, authoritatis, diligentie, frugalitatis, modestiæ, continentiae, omnis deniq; uirtutis imaginem oculis suis proposita.

positam uideant. Nam de inuidis non laboramus, quos cum nihil ita exedit, ut alienæ uirtutis prædicatio, eis nec iucunda memoria, nec grata præstantissimi uiri imitatio esse potest. Sed de D. Parkerō satis, cuius eruditam uocem malo te & reliquos ex ipsius scriptis percipere, quàm me referente cognoscere. Is igitur cum perorauisset, discessum est, & reliqua celebritas in posterum diem dilata. Quo die cum de more sacra peracta essent, nec satis magnæ optimo & sanctissimo uiro laudes tribui potuisse uiderentur, qui omnium studia & conatus exquirendarum laudum uirtute superaret: rogatus est D. Redmannus, ut quoniam auctoritate & existimatione reliquis præire uideretur, uellet sibi eum locum sumere, et pro concione aliquid de clarissimo uiro loqui. Quod cum is se facturum libenter recepisset, sic processit, tanquam à quo populus aliquid egregium, pro ipsius pietate erga bonos, expectaret. Neque is omnino in eo plebis opinionem fefeller. Siquidem ex eius oratione creuisse etiam uidebatur existimatio & gloria nō

D. Redmannus
Bucerum lau-
dat.

E v ftri

Defensio Buce-
ri, a dissenti-
entis.

stri Bucer. Quæ quanquam uberrimam
in se laudis segetem continebat, ita ut u-
nam aliquam eius particulam ornanti,
deesse oratio non posset, tamen eo ma-
gis tū ipsius uirtuti gratulabamur, quod
neis quidem, cuius interdum actionibus
repugnabat, & à quo dissentire putaba-
tur, ullius rei uituperandæ aut calumni-
andæ materiem reperire poterat. Qua-
propter si hominum opiniones & iudicia
species, florem attulit & speciem or-
namenti superiorum oratio, huius uerò
etiam defensionem. Nam quæ à ueteri-
bus amicis & omni studio coniunctissi-
mis proficiscuntur, gratiæ nonnunquam
& beneuolentiæ concedi putantur: sed
cui repugnes, ab eo prædicari & ornari,
id uel singularis in te ipso uirtutis indici-
um habet, quæ omnem reprehensionem
effugit: uel laudatoris probos mores si-
gnificat, qui paucarum rerum dissentio-
ne semota, reliquas nō solet debita com-
mendatione fraudare. Vtrumuis ut fue-
rit, equidem præclare nobiscum agitur, &
cū Bucerum in oculis gerimus, cui ni-
hil uituperationis loco obijci potuit,
tum

tum D. Redmāni probitati gratulamur, qui è nonnulla inter ipsos de arduis rebus discordia, iniuste eum lædendi occasione noluit arripere. Nam hac mente, ut uidebatur, prodiens, tot laudibus nostrum Bucerum conuestiuit, ut si uspiam macula in eius uita extitisset, tamen his illius ornamentis obruta planè, delerāque fuisset. De quibus si roges, difficile mihi omnino est, eadem uarietate & copia, qua is erat usus, distributè, dispositè que repetere. Scis enim propositis quibusdam capitibus, si quid incurrat, quod ad rem augendam minuendāque pertineat, quod ad excitandum, deterrendum, obiurgandum, refellendum, commiserandum spectet, quàm mirabiliter id solet & magnificè tractari à nostris artificibus, præsertim in eo genere petitis, & uernacula nostra domesticaque lingua exercitatis, ut mihi instituenti ad te actorum quas si commentariolum aliquod scribere, non eodè sint artificio et ubertate singula exponenda, qua ab illis, quorū facta et dicta

EPISTOLA II. NIC. CARRI

Comparatio
Buceri & Au-
gustini.

dicta percenseo, explicata perpolitaeque
erant. Quare licet capita quaedam degu-
stanti, de reliquis coniecturam facere. E
quibus sit mihi primum illud, in quo pa-
rem se dicebat Bucero & Augustino lau-
dem tribuere: quorum in utriusque libris,
cum multa diuinitus conscripta reperian-
tur, tamen & à Bucero cum uiueret quae-
siuisset, & ab Augustino si reuiuisceret
quaesitum esse, reprehendens neutrum,
sed non utrique omnibus assentiens, pla-
neque de multis dubitans, quomodo ipsi
suas sententias & scripta interpretarentur.
Nam & in Augustini uoluntinibus esse
permulta cum structura uerborum impe-
dita, tum sententiarum acumine, dicen-
di quoque ratione fortasse non nimium
perspicua, quasi aliqua caligine offusa: et
ex Buceri scriptis existere nonnunquam
eisdem ferè de causis dubitationem. Lice-
re igitur de utriusque nonnullis locis he-
sitantem, ab utroque quid uterque uolue-
rit, sine contumelia sciscitari. In hanc sen-
tentiam plura: sed nihil praeclarius, quam
quod idem uberrimè laudatis his Com-
mentarijs, quos in D. Pauli epistolam ad
Rom.

Rom. & in Davidis hymnos edidit, illud quasi corollarium adiecit: habere uidelicet eos in se tam plenā & perfectam undique doctrinam Christianæ religionis, interpretationemq̃ tam luculentam & perspicuam, ut cum illorum ueterum augustissimorum hominum & uirorum doctissimorum monumentis, quorum iam multis seculis consecratæ literæ atq; artes fuerunt, quosque religionis & sacrorum interpretes cuncti hos mille annos amplius ascuerunt, omnibus ex partibus conferri compararique posse existimaret. De reliquis, & gaudere se dicebat, quod in multis sibi à Bucero quum uiueret, esset satisfactum, nec dubitare, quin si longior ei uita suppetisset, pluribus esset satisfactorius. Itaq; facile pati à plerisque, uel omnibus potius, deplorari excellentissimi uiri interitum, sibi tamen affirmare propinquiorem eum dolorem esse, quàm cæteris, nō solum quia charior eius uita esse cœperat, à quo tam multa didicisset, uerum etiam quod deinceps à quo discat, habiturū neminem. Simul & illud dolorem auxisse suum, quod

Commen. in
Epist. ad Rom.
& Psalmos.

Redmanno a
Bucero satisfactum in multis,

EPISTOLA II. NIC. CARRI

Crebro ad se
inuitauit Red-
mannum Buce-
rus.

Facilitas Buce-
ri in congressi-
bus.

Veritatis ma-
gis quam uicto-
riæ cupidus Bu-
cerus.

quod talem non obrectatorem, sed an-
thorem conatus ac diligentiae suae amis-
sisset, qui & crebro eum domum inuita-
ret, & ad omnem congressum se huma-
nissimum præberet, hancque in præci-
pui eius ornamentis laudem repones-
bat, pluribusque uerbis prædicabat,
quod non difficilis ad eum aditus, non
superba responsa, non insuauis, sed sine
aculeis sermo: tum humanitas, consue-
tudo, consilium, auxilium prompta om-
nibus, sibi uero etiam paratissima fuere.

In ipso colloquio mentem laudabat
simplicem & apertam, & sine furo me-
ditatas defensiones, & in concedendo,
si quid dandum esset, facilitatem, in refel-
lendo, si minus placeret, lenitatem. Om-
nino hoc à se animaduersum dicebat,
nunquam illum fuisse uictoriae magis
quàm ueritatis cupidum, nec cuius in spe-
ciem gloriosior responsio, sed cuius pro-
babilior esset, curasse, uictrixque si trium-
pharet ueritas, se uictum æquo animo
tulisse. Postremo, nunquam eum adis-
isse, nunquam cum eo fuisse cōgressum,
quin melior, probior, sanctior uir dis-
cederet.

cederet. Nos igitur cum huius testi-
monium habemus, quem nostro Bu-
cero aduersarium, quem inimicum ple-
ri'que putabant, quid Papistæ uociferen-
tur magnopere curabimus: & cum Red-
mannus Theologus laudauerit, quid
Gardinerus iurisperitus loquatur om-
nino spectabimus: Sit huic Bucerus ho-
mo uanus, mendax, nullius conscien-
tiæ, nullius fidei: Certe Redmanno,
cum frequentissima corona, doctissimis
uiris audientibus concionem haberet,
grauis, constans, sanctissimæ uitæ, nul-
lius in se uestigium perfidiæ habere ui-
sus est. Auocat Gardinerus, uel con-
uictio potius abarceat ab Ecclesiarum mi-
nisterio Bucerum: at Redmannus ora-
batum eius opera ministerium luget: Po-
stulat impudenter Gardinerus, ut sibi re-
concilietur et redeat in gratiā: offendisse
aliquem aliquando negat Redmannus.
Ceteret igitur cum Gardineri impuden-
tia, Redmanni uerecundia: huius mode-
stia, cum illius conuictio: cumque infinito
illius odio, spectata huius erga Bucerum
beneuo-

Redmannus
Gardinerus &
omnibus Papi-
stis opponitur,

Gardinerus in
Bucerum, po-
tremo libro.

EPISTOLA II. NIC. CARRI

Gardinerii in-
genium.

φιλαυθία

beneuolentia. Sed me quoque dices in-
calescere. Equidem commoueor ab ho-
mine ingeniosissimo, & cum acumine
tum etiam dicendi facultate præstanti,
discerpi conuitio Sanctissimum uirum:
quem nos ut patrem colebamus, ut præ-
ceptorem audiebamus, ut hominem no-
bis charissimum, cuique nos uicissim cha-
ri essemus, complexi sumus: & doleo in
tam excellens ingenium tam depraua-
tum morem incidisse, quod alioqui mo-
destia excultum, detractaque ambitione
præiudicatae de se opinionis nutricula,
omnibus qui nostro hoc seculo excellen-
tissima fuerunt, præstare facile potuisset.
Sed hunc eadem labes oppressum tenui-
t, qua solent præstantissima plerumque
ingenia obrui: & quæ si Sacrae literæ non
essent, tamen uel unius testimonio Pla-
tonis euelli penitus è nostris moribus de-
leri quæ deberet. Siquidem præclare est apud
eum, *τυφλῶται πρὸς τὸ φιλεῖν ὁ φιλῶν*.
Quique se nimium amat, & suo assenta-
tur ingenio, prauum se bonarum & ma-
larum rerum, honestarum & turpium,
falsarum & uerarum iudicem præbet.
Pluri

Pluribus hæc affero, ut singularis mode-
 stia & timor ac circumspectio lauderetur
 nostri Buceri, qui ita se non amavit, ut
 omnium sententias libenter audire, de
 omnibus in utranque partem disputare,
 non pertinacem & durum animum as-
 ferre solitus sit: sed quemadmodum ante
 dixi, ita se gerere, ut constituto quod ve-
 rum esset, æquo animo uel vincere uel
 uinci posset: ex altera parte notetur Gar-
 deri φιλαυτία, qui quam opinionem do-
 mo exportare consueuerat, quod se falli
 non posse putaret, omninoque turpe ui-
 deretur coargui & reprehendi, eandem
 semper statuit, spretis & contemptis alio-
 rum quamuis doctissimorum sententijs,
 domum secum referre. Sed aliter facio,
 quam de principio institueram. Siqui-
 dem acta solum exigui cuiusdam tempo-
 ris decreueram ad te perscribere: nunc
 uero etiam in eadem Epistola laudatio-
 nem inclusi. Sed meum in hac parte erro-
 rem (si modo error sit ueras alicui laudes
 tribuere) subleuabit cum tua præstans ac
 diuina humanitas, cum omnium qui hæc
 nostra attingent, singularis in Bucerum

Excusatio in-
 stituti transgressum.

F amor

EPISTOLA IL NIC. CARRI

amor. Qui cum eiusmodi fuerit, quem omnes amissum luxerint, quem amici requissuerint, inimici laudarint, alieni ceperint, sui semper præstantissimum iudicant, nec horum in uiuentem pietas non amari, nec meum in mortui uirtute renouanda studium uituperari credo poterit.

Epilogus. Funus habes, luctum habes, causas nonnullas quidem, sed nec omnes, nec maximas: tamen tam multas, & tam graues, ut si nullæ præterea essent, satis momenti habeant, cur nos in mœrore simus. Vrinam mihi uel ea notitia daretur uel facultas, quæ uniuersam eius uitam præclarissimè actam cognoscere, eamque literarum monumētis mandare possem. Sed breui tempore nobis cognitus fuit, & scribendi industria uana est, cum rerum propositarum excellentiam oratione assequi nequeas. Has igitur partes Germanis, hominib. doctissimis relinquo, apud quos cum diutissimè uixerit, facient pie, ut quoniam & norunt quomodo uixerit, & facultate præditi sunt, uelint Sanctissimi hominis uitam nobiscum communicare.

Ego

Studium Carri in Bucerū.

DE OBITU D. M. BVCERL

34

Ego pro ea facultate, quam mihi Deus largitus est, dedi operam, ut in eum uita sanctum, ingrati non uideremur, à quo uiuo plurimis ornamentis affici-

bamur. Vale. Cantabrigiæ

Collegio Trinitatis. An-

no Domini, M.

D. LI. Id.

Mart.

ORATIO FVNEBRIS
GVALTERI HADDONI,

LL. Doctoris Academiæ Canta-
brigiensis Oratoris præstan-
tissimi, in laudem

D. MARTINI

BVCERL

F. H.

Nemo



EMO VESTRVM PVTE
me ita desipere, Spectatissi-
mi uiri, ut tantum mihi arro-
gem, quasi per me BVCE-
RI laudes (cuius perlustuo-
so funeri summa cum animi tristitia hoc
tempore adsumus) pro illius excellenti
doctrina, & uitæ anteaestæ integritate me
morentur, quin aperte & ingenue uobis
confitear hanc mihi facultatem deesse,
& excellentiam uiri longo intervallo su-
perate mediocritatem orationis meæ.
Nam si præcipua quadam doctrina, &
ueterum Doctorum in Ecclesia Christi
eloquētia propè singulari Hieronymus
in Epitaphij cuiusdam exordio, quod in
Nepotiani monachi laudem & cōmen-
dationem confecit, Heliodori Episco-
pi suasu & rogatu, cogitur quàm primū
in hanc uocem prorumpere, Grandes
materias ingenia parua non sustinent:
quàm multo iustius est me hoc queri,
qui officio & beneuolentiā, qua mortu-
um prosequor, adductus, hoc ipso tem-
pore sustineo onus, simile quidem illi
Hieronymi genere & natura: at grauita-
te

te & pondere longe portatu difficilius.
 id quod hoc pacto intelligatis. Fuit hic
 Nepotianus in Christiana militia omni-
 no tyro, ætate adolescens, rerum usu &
 experientia parum potuit: & paulo ante
 uitæ exitum se auocauit à prophanarum
 rerum, & popularium negotiorum tra-
 ctatione, ad monasticæ uitæ professio-
 nem sese conferens, & mox penè in pue-
 ritie limite corruit. At hic noster omnino
 extitit ueteranus & indefessus miles, mul-
 torum annorum spacio uersatus est in
 militia Christi, in qua nunquam terga
 uertit: sed eum fidei locum, quem in acie
 Christi tenuit, diligentissime & diutissi-
 me defendit, iam tandem occubuit, ni-
 mirum ætate annis affecta. Iam uerò quod
 ad alteram collationis partem attinet,
 tantum abest, ut me Hieronymo compa-
 rem, ut omnino hoc loco decreui tacere
 eius laudes, ob reuerentiam quam illi de-
 beo, quàm uelim uideri uobis iniquissi-
 ma comparatione nihil tanti uiri hono-
 ri inseruisse. Non igitur me fugit, quàm
 difficile sit mihi oratione explicare, uel
 quàm egregie fuit doctus iste Pater in

Comparatio
 Nepot. &
 Bucerii.

omni genere disciplinarum, maxime in
disciplina Dei, quàm magno labore, in-
tolerabili studio, continuis suis cogitatio-
nibus, diuturno usu et exercitatione hanc
tantam cognitionem affecutus sit: uel quas
molestias & difficultates multis his an-
nis sustinuit in grauissimis Religionis no-
stre controuersijs: quàm diligens ueri in-
dagator, eliciens sententiam omnium,
maxime doctissimorum, in uniuerso Chri-
sti dominio, tum priuatim cum illis col-
loquendo, tum publice disputando in
conspectu maximorum Principum, &
amplissimorum procerum cuiusque ordi-
nis. Quantas habuit contentiones cum
Papæ asscclis, concertationes cum Ana-
baptistis, ut his omnibus argumentorum
acumine se inuictum præstitit: Porro men-
tionem facere de uitæ puritate & sanctita-
te, quàm diligens fuit cultor omnipoten-
tis Dei in Euangelio Filij sui: ut omnes
amplexus est pietate & charitate, cupi-
ens ferire fœdus cum omnibus, quate-
nus sua in Christum fides nihil detri-
menti pateretur, et sua in Deum obedi-
entia non impediretur. De his omnibus (di-
co) uen-

Vitæ puritas
& sanctitas.

co) uerba facere pro rerum dignitate, & uiri merito, procul dubio desiderat orationem perfectum, qui hæc ornare posset discendo: & eum familiarem, qui ob multorum annorū consuetudinem hæc & multo plura de eo perfectius nouit. Quæ admiranda Dei dona in hunc collata, licet uirulenta inuidia, quæ nihil propositi habet præter contumeliā, hæc ludificatur, & cæcam ignorantiam delectat conuictis insectari: tamen nō dubito, cum quiduis pro libertate sua gesserint, et euouerint uniuersum uirus acerbitalis, non solū deprehendentur à posteris nostris, cum ingenti animorū gaudio & alacritate: sed etiam cōseruabuntur perpetua memoria cum debita consideratione gratiarū et beneficiorū Dei, qui proposuit Patrē tam perfectū omnī scientia et uirtute, quasi illustrem solem supra montē Ecclesię, qui lumine suo & radijs tenebrosū hunc mundū collustraret, atq; omnē caliginē discuteret. Interea non dubito, quin omnes boni et religiosi uiri etiā atq; etiam apud se cōsiderare uelint, ingentē gratiā et misericordiā Dei, quā sibi per hūc oblatā

Contra inuidos calumniatores.

Quid bonis considerandū.

esse uident, ut hinc solatium capiant, & ad fidei perfectionem quotidie maius incrementum faciant. Non dubito, quin uera Christi catholica Ecclesia fateatur & semper agnoscere uelit, hunc esse inter præcipuas sui ædificij partes, quod totam rationem fidei & confessionem animaduertit tam optime cohærere fundamento illo, super quod construi ardentius cupiuit. Nam affirmo electam sponsam Christi perfectius dijudicare durabilem uenustatem & pulchritudinem electorum Dei: quamuis ad tempus latent spreti, & in omni contemptu crassis mundi circumfusi tenebris, & multis afflictionibus crucis Christi foris cooperti: nimirum ignominia, infamia, calumnijs, & quibus uis contumelijs. Verum nihil his commouentur, imò uehementer exultant potius, quam quàm plurimos uideant, qui similiter his malis afficiantur. De quib. sic scribit Paulus ad Coloss. Emortui estis, & uita uestra abscondita est cum Christo, in Deo. Ad quorum solatium non omittit etiam mox adijcere, Quandoquæ Christus manifestatus fuerit, uita uestra

Coloss. iij.

ta uestra, tunc & uos cum illo manifesta-
 bimini in gloria. Et quemadmodū mag-
 nanimus iste & fortis Christi miles liben- *Cruce pisa*
 tissimo & maxime alacri animo, subijt *ferenda.*
 cum Christo Domino ratam sibi portio-
 nem afflictionum, qui frequentissime
 apud suos, occasione data, hæc usurpare
 solebat, Non est discipulus supra præce- *Matth. x.*
 ptorem: sic oportet nos omnes, qui illum
 charum habemus, & in illo Dei benefici-
 um agnoscimus, peruersum, hoc mundi
 iudicium æquanimitè ferre; & leuiter
 æstimare, manentes diem extremi iudi-
 cij, cum illum denuo Deus attulerit. Non
 est malitia mundi, quæ diu stare potest
 ad obscurandam eius gloriã; quem De-
 us illustratum uult: nec nouum est impro-
 bos inuidia æstuate in eos, quos Deus ho-
 nore dignatur. Qui unquã peius audierũt
 inter suos, quàm sancti Prophetæ? At qui
 hac Ecclesiæ ætate maiore in honore ha-
 bentur? Toleremus igitur, cum uidemus
 non deesse qui uirtutem & doctrinam
 adspernunt, & conuitijs insectantur: ne
 commoueat, cum cõspicimus ueritatem
 inuisam, & multis modis iniurijs iacta-

tam : Sic enim persecuti sunt Prophetas
Matth, v. ante uos, inquit Seruator Christus. Quo-
tus enim quisq; extitit unquam laude &
honore celebris, cui non in aliquo fluxu
ætatis hæc facilitatis & humanitatis offi-
cia præstitit mundus? Hæc ita esse fidem
faciunt infinita exempla non solum ex-
oticorū Scriptorū, et etiam religiosorū,
qui semper fuere occupati in excogitan-
do aliquid utile huic ingrato mundo: sed
etiam eorū, qui nunc præcipua laude ag-
noscuntur inter Christi religionis & do-
ctrinæ professores, quos nos assidue per-
legimus, & assentiendo probamus, ut
maximam laudem promeritos in Chris-
ti patrocinio. Vt è multis ueterum pau-
cos commemorem, Qua usus est fortu-
na Origenes sua ætate: cuius incompara-
bilem doctrinam quid attinet predicare?
quam constat tanti fecisse Hieronymum,
ut eam concupierit cum summa eius
nominis infamia & secundum Apосто-
los nominat magistrū atque doctorem
Christi Ecclesiæ. Attamen hunc tam cru-
deliter odit mundus, ut omnib. modis e-
laboraret ita prorsus abolere libros suos,
ut ne

Origenis for-
tuna +

ut ne titulus quidem ullius superesset. Ac
cum hoc effectū iri non poterat, magis
nefatiam pestem machinatus, infarcit in
libros ea quæ non erant sua, horrendos
nimirum & monstrosos errores, ad abro
gandam illi fidem & extinguendam ex
cellentis doctrinæ gloriā. Adducamus *Augustinus,*
in medium Augustinum, uirum non so
lum sui tēporis, sed omni memoria quo
uis disciplinarū genere præstantissimum,
& Theologum maxime insignem, ut ta
men illi detraxerunt impij Donatistæ, &
complures alij id ætatis maledici: Qui
hoc scire cupit, tantum legat caput 6. Li
bri tertij cōtra Epistolam Petiliani. Quæ
porro probra, impudentia mendacia, *Athanasius,*
& falsa crimina commenti sunt hæreti
ci contra illum uenerandam Patrem
Athanasium: hæc habentur in 7. capite
Decimi libri Ecclesiasticæ historiæ: quod
optarem studiosos & eraditos omnes
aliquo succisuo tempore perlegerent,
quo ibi uiderent, cuiusmodi sit natura ca
lumniatorum, quid acuminis & solertiæ
habeat Veritas & innocentia, & quo
modo

Chry sost.

modo Deus detegere solet mendacium
& malevolentiam, & quamuis detectæ,
quomodo tamen non omittunt perse-
qui sceleratum morem & institutum? Ac
aureum illud os Chrysostomi de se testa-
tur in tertia sua Epistola ad Cyriacum,
quàm grauitè impuro ore et fœtido ma-
leuolòrum dilacerabatur. Deniq; quan-
tis contumelijs Hieronymum uexarunt
inuidi & maleuoli obtrectatores, quas
maculas turpitudinis uitæ suæ, quas ig-
nominie notas singulari doctrinæ inusse-
runt, Epistolæ eius complures demon-
strant, & una in primis, quæ habetur in
tertio Tomo scripta ad Asellâ Romanâ.

Hierony.

Iam, si hoc sit in omni æuo usitatum
quid, & quotidianum, ut qui in omni
terrarum orbe uel optimi sunt, & maxi-
me insignes, tam inhumane tracten-
tur, ne nos despondeamus animos, nec
ad uirtutis studium efficiamur tardiores,
cum Præceptorì nostro Bucero similia
accidere animaduertimus. Quin potius
cogitemus excellentiam uiri hoc magis
clarescere, quo magis inflati uentres &
fascinati inuidia moliuntur eius gloriam
subuer.

subuerrere. Fœlicium & optimorum fuit
 semper comes inuidia, quæ cæteris dero-
 gando præstare putat. Nulla hominum
 memoria unquam auditum fuit, quin
 uirtuti faceſſat negocium, non ſolum in
 promerentium laudem uitam exacerba-
 tur, ſed nec in morte quieſcit: niſi quan-
 do Deus ex his ſepultis nouos ſuſcitat,
 per quos inuidia teneretur occupata. Itaq;
 licet inuidi nihil intentatum reliquerūt,
 quo famam & exiſtimationem Magiſtri
 noſtri læderent, nec deſiſtent adhuc recen-
 ter mortuo: confirmemus nos his uerbis
 Sapientis, Illos autem Dominus irride-
 bit, & erunt ipſi decidentes ſine honore,
 & in ignominia inter mortuos in perpe-
 tuum. Vera huius gloria & fama mane-
 bit, quando Episcopus Abrincenſis, &
 uentres Colonienſes cum Eccio, Mal-
 uenda & uniuerſa huius generis farragi-
 ne, pro illorum meritis, ſepelientur ſine
 honore cum contumelia inter mortuos
 in perpetuum. Atq; hæc dicta ſint ad eo-
 rum ſolamen, qui ex uera animi pietate
 hic mœſti adſunt ob amicum et præcepto-
 rem deſunctum. Sed conueniret præſtan-
 tiam

N
O
T.
A

Sapient. iij.

Buceri laus ger-
petua.

uitæ quam nobiscum tranſegit, ſi diligenter (ut decet) conſiderauerimus, ſatis nobis erit argumenti, qualis fuit domi, ubi uitam egit quietius, integris uiribus, ualitudine bona, expers forenſibus negotijs: & illis ſeſe exercens, ad quæ Deus illum delegit, ut talento, quod benigne & liberamente in illum contulerat, omnibus prodeſſet. Hanc continuatam annorum ſeriem ipſe cogor præterire, unde uos latere non poteſt, quàm copioſa materies ſilento prætermittenda ſit, quæ eſſet magni momenti ad amplificandum huius laudes. Non deeſt tamen pro tempore quo permittimur loqui, unde & eius uitæ modum contemplemur, & omnipotentem Deum celebremus, cuius beneficio et gratia hic noſter exiit talis, qualem referimus, et etiam de noſtra fortuna cõqueramur, qui tali ornamẽto tam cito priuemur quod nobis propoſitum fuit uelut exemplar et dirigẽdæ uitæ et progrediendi in doctrina. Qua occasione ad nos acceſſit, eſt ſatis apertum: ad quod nã miniſteriũ Deus illũ Finxit, & quomodo ſit illud perſecutus, per pauci ſunt è uobis qui non norunt.

Sed cum

Occaſſo Bue-
ri acceſſus Com
tab.

Sed cum placuisset Regiæ Mai. ex mera
 & regali sua affectione atque clementia,
 qua amplectitur hanc suam Academiam
 hunc nobis destinare, ob faciliorem no-
 strum profectum in sacra disciplina, et eti-
 am pio atq; prudenti consilio, quo hunc,
 quem nouit rara disciplina præditum, li-
 bentius nobis operam suam locare, inui-
 taret: amplissimum stipendium Lxxx.
 Anglicorum coronatorum, quod hic no-
 ster percepit ex theologica prælectura,
 (merces olim cōstituta à Serenissimo Re-
 ge octauo: qua etiam mercede similiter
 donauit prælectores hebraicæ & græcæ
 linguæ) regia celsitudo & noster clemen-
 tissimus Dominus, qui nunc regnat, hoc
 stipendium cumulauit, & triplo maius
 efficiens, & huius nomine commendati-
 tias literas ad nos transmisit, manu sub-
 scriptas illorum honoratissimorum do-
 minorum, qui Regiæ Mai. sunt à cōsilijs.
 In his suis literis nobis significans Virum
 esse exquisita doctrina, summa sanctitate
 morum & uitæ: propterea mandans ut
 eum omni comitate, humanitate & am-
 plexu exciperemus. In hunc modum no-
 bis com-

bis commendatus & designatus ad ob-
eundum hoc tam sanctum munus, quan-
tā iste diligentia adhibuit, ut responderet
Regiæ Mai. opinioni, quam de eo opti-
mam concepit in tanta commissa eius fi-
dei cura. Quos labores non exantlauit,
ne aliqua in re uideretur muneri & offi-
cio suo deesse. Quanta animi cura & so-
licitudine prospexit, ut omnia admini-
straret apud auditores suos ad maximū
eruditionis incrementum. Ita se humili-
ter etiam demisit, ut nostram scilicet au-
ditorum minime prudentem sententi-
am requireret, quam nam potissimum
uiam & rationem sequeretur in suscipien-
do muneris sui laborem. Tam pio fuit
consilio in tractandis controuersijs maxi-
mi momenti, ut & eruditiss omnibus do-
ctis. satisfaceret, & minus docti (qui sem-
per esse solent maior pars auditorum) il-
lius faciliitate docendi discedere solerent
satis instructi, percipientes quicquid co-
gnitu illis esset necessarium. Quomodo
solebat prudens & pius animus confiteri
se in muneris functione debitorem esse
& doctis & indoctis. Paterna eius dile-

*Docendi facili-
tas Buc.*

lectio, & Christianus amor adeo instiga-
bat illum continue ad persoluendū hoc
sua sponte cōfessum debitum, quoduis
tempus, quamuis occasionem captans,
publica lectura, extra eandem, domi pri-
uatim, tum uerbo, tum scriptis, ut multo
expeditior fuerit ad docendū quā nos
(quorum res agebatur) parati ad discen-
dum. Quid dicam de modo & ratione,
qua uti solebat in tractandis grauissimis
religionis nostræ controuersijs? An non
hic eius immensa & incomparabilis do-
ctrina palam se prodere solebat? Quo-
modo enim primo in loco & potissimū
conferebat inter se Sacras scripturas, &
acri iudicio expendebat? in quibus plu-
rimū potuit, quod in trium linguarum
cognitione erat peritissimus. Atque has
continere dicebat absolutam & omnino
perfectam doctrinam, & nihil deside-
rantes, quod ullo modo ad pietatem &
salutē faceret, quod non exactē tradunt.
Nullus est error, quem non redarguere
& corrigere ualent, omnino efficaces, ut
homo Dei posset ex eis informari ad om-
ne opus bonum. Proximo in loco quan-
ta se-

Modus & ratio
docendi Bus.

ta felicitate memoriae inferre solebat confessiones ueterum Patrum & Scriptorum maxime orthodoxorum omni aetate: has ita considerans, ut facile cerne-
ret, quænam essent illorum consenti-
entes sententiæ in quæstionibus fidei,
quænam etiam iudicia in accipiendis
Scripturarum testimonijs. Si in his men-
tiar, uos qui iam adestis, & tum eratis
eius assidui auditores, potestis referre.
Itaque si unquam Bucerus erat nomine
Buceri, certe Cantabrigiæ dicebatur Bu-
cerus, quod plenus erat doctrina, & per-
spicuis docendi ordine. Atque has cau-
sarum tractationes non ignoratis qui-
bus cohortationibus ad piam uitam, qui-
bus increpationibus ut commoueret ad
pœnitentiã, aliquoties in prælegen-
do condiebat, idque ea sobrietate &
modestia, ut auctoritatem hominis
merito reueriebantur omnes: ardorem
animi ne ingrati contemnerent. Nec
esse potuit, quin Lektionen & cohort-
ationes essent p̃i fructus, & magni
momenti, quas exordiretur tam p̃ijs
G ij pres

ORATIO GUALT. HAD.

Laboriosus &
prudens Buc.

precibus, & concluderet iisdem semper
connectens Psalmorum argumenta, ut
ordine sequerentur cum exposita matē-
ria lectionis in qua ageretur. Neque ta-
men doctior erat, & magis laboriosus
quàm aliàs suspiciendus & prudens in
moderandis publicę scholę disputatio-
nibus: sed nimis hic haud dubie sese fati-
gans. Nam hic nimius labor, & ultra mo-
dum actis animi contentio in magnitu-
dine hyemis (uereor) ne causa fuit nostri
hoc tempore tam intempestiui luctus.
Ea fuit animi conscientia in gerendo mu-
nere, is amor religione obstrictus, ut no-
bis cōmodaret, ut par esset Epaphrę, atq;
adeo superaret, quod in Christi negocio
ne minimam rationem habuit sanitatis
& uitę. Scholę accessit cum primis, &
mansit postremus. At si ea prudētia qua
nos pollemus sibi indulgere uoluisset,
uel fuisset tam tener & mollis, quales
nos effici studemus, fortassis adhuc uiue-
ret: sed minori ex tam breui tempore cū
nostro fructu. Egit moriens annum pri-
mum & sexagesimum: itaq; per ætatem
licuisset illi lōgius uitam producere. Sed

Deus

Ætas Bucerii
LXI. an.

Deus ita breuem fecit, ob nostram indig-
 nitatem & ingratham diuini beneficij me-
 moriam. Tantum abest, ut diem, uel mi-
 nimam diei partem publicis lectiunculis
 & disputationibus præfinitam unquam
 omiserit, ut sæpenumero auditoribus su-
 is anteuenterit, qui tamē ad audiendum
 accedere solebant ualde impigre. Tam
 æquus fuit æstimator & iudex inter per-
 sonas agentes, ut minime unquā suspi-
 cetur studere partibus, at fauere plurimū
 rationibus atq; argumentis, quæ fuere mo-
 mentalicuius ad persuadendum uerita-
 tem. Nunquam ex aliqua animi offensio-
 ne alterius partis argumenta deprimens,
 quasi aduersaretur: nec amico & familia-
 ri quicquam concedens, si qua in re erras-
 set, aut minus uerum sensisset. Atque hac
 æquitate, si quando à re proposita uaga-
 rentur, reuocabat, mansuete hortans, ut
 se in disputationis finibus continerent, et
 alter alteri mutuis uicibus foret attentus.
 Ad extremum, quo tandem eos disputa-
 tionis molestijs leuaret, & uniuersis scho-
 læ spectatoribus nonnihil prodesset, ea
 quæ inter disputandum occurrebant ob

Æquus æstima-
 tor Buc.

seruatu maxime necessaria denuo repete-
 bat: tandē integrā causam, ut ueritas esset
 uictrix, fuisse ac late definiens. Eius graui-
 tas nō ferebat aliquādo leuia & puerilia
 in rebus serijs, At si quis forte minus pru-
 dens (quod raro accidit) uix satis sobrie se
 gessit erga illū, mansit tamē ille perpetua
 & stabili cōstantia. Quod ad suū differen-
 di morē attinet, is semper erat talis, tam
 in proponendo, quā respondendo, ut
 in eo ne minima quidē suspicio regnaret
 uel gloriæ uel cupiditatis, de aduersario
 suo reportādē uictorię: sed pacato & tran-
 quillo animo doceret potius, quid esset
 uerum, quā de uerbis rixaretur unquā
 cum nouitijs Theologis. Et quamuis nō
 ignorabat quā leui repulsiō à se propel-
 lere potuisset uel grauissima eorum argu-
 menta, in quib. sibi maxime placebāt, ad
 laudem et gloriā consequendā, qua iuue-
 nes, ut hi omnes qui hanc uanitatē animi
 non represserunt, plurimū trahuntur: ta-
 mē is semper cogitabat, quid deceret uel
 grauitatem causę, uel suā personā, uel au-
 thoritatem loci atq; auditorum quorū iu-
 dicijs stabat. Itaque in disputando & do-
 cendo

Buc. uirtus in di-
 sputando.

cendo præbuit se uere Bucerum: & his
 spectib. ut præterea plurimis, amisit Can-
 tabrigia suum Bucerū. Hi tanti labores,
 tam continue sine intermissione suscepti
 & officio suo, et conscientię, & nobis om-
 nibus satis superq; satisfecissent, nisi quod
 sibi aliter semper uideretur. Verum tam *Ardor Buc. pro gloria Dei.*
 inexplebili erat cupiditate celebrandi
 gloriam Dei, predicandi uerbum eius, &
 consolandi electos; ut his officij regioni-
 bus & terminis se contineri non patere-
 tur: quin uigilabat etiam semper ad mul-
 tam noctem lætando, scribendo, & li-
 bros componendo: quorum grauiſſima
 & difficillima argumenta, ut digna erant
 uiro tam acri ingenio, exquisita doctri-
 na, & multa lectione: sic requirebant
 multo plus otij & quietis à laboribus.

Nam ipse crebris interpellationibus
 quàm plurimorum nobilium frequen-
 ter cogebatur interrumpere sua studia,
 ut responsum daret illis in maximis
 causis fidei & religionis. Sed nec hæc
 externa & aduentitia negocia, nec su-
 periora illa quæ dixi illi incubuisse à pu-
 blicis lectionibus & disputationibus,

G. iij nec

Sollicitudo Bu.
pro grege Chri
sti.

nec alia infinita detinuerunt illum ita im
plicatum, quin etiam concionaretur sem
per illis festis diebus, & Dominicis, qui
bus sciret neminē alium in publico Aca
demię templo apud populum concionē
habiturum. Et tam ardentem cupiebat, ut
uos, scilicet populus grex Christi, diligen
ter pascere mini, ut de nulla re magis solici
tus esset: tū dolens, quod ipse non calle
ret patriam nostrā linguā, quo per se con
cionibus uos iuuaret: tum nos etiam ex
hortans, ut nobis maxime curæ esset, ne
ex hac parte officio nostro deessemus.
Ita ꝓ nec uos laici immemores esse debe
tis huius de uobis tam benemeriti ani
mi: huic fertote acceptum, quod iam pri
dem toties conciones habuimus apud
uos, cuius autoritate & suasu istud feci
mus. Semper precatus est, ut nostrę con
ciones essent tam crebrę, ut inde ille ex
cluderetur ex hoc suggestu. Ea uos chari
tate amplexus est, ut de nulla re magis
unquam lætaretur, quā cum nuncia
tum esset illi de concionibus, quibus uos
adesse potuissetis. In quo pio instituto ut
nos animaret, complurimis nostrū, post
con

cōciones habitas, maximas gratias agere solebat, ac si ipse cepisset inde fructū: semper imbecilliores nostri confirmans contra peruersa & impia iudicia quorūdam, qui dehortarentur ab hoc tam pie & utiliter cepto. Quod si quid à nobis unquā profectum sit dignum uestris auribus, huic in Deo gloriam tribuite, à quo quotidie pręlegente nos omnia accepimus, eadem uobis postea rursus communicantes. Itaq; hic erat, qui perpetuo apud uos conciones habuit. Nos, fateor, gessimus eius personam: sed ut in tragœdijs mali histriones solent, non nihil corrumpentes. Nam nihil unquam à nobis dictum sit, quod non multo melius ab illo dicebatur. Itaq; æque utriq; nostrum desideramus cōmunem nostrum Bucerū. Quod tam sæpe sollicitare uel potius instigare nos solebat, ut pauperum curam habere mus, indicium nobis esse potest, quā pia fuit importunitate, & quanto pere illi curæ fuit, ut Deum & omnem uirtutem inter nos sereret. Hæc eius animi sollicitudo & cura, non tantum spectabat ad Academicæ statum, quasi solum cuperet uel

Pauperum curam
vult.

Buc : uir politi-
cus .

doctis gratificari beneficio, uel ut iuuen-
tus erudiretur in sacro & maxime lauda-
bili Dei uerbo, quo in tempore indueret
sibi Christū: sed ad uos omnes oppida-
nos ex æquo pertinebat, quorum institu-
tionem & utilitatem potissimū conside-
rabat in nobis docendis: cupiens nimirū
ut uos participes faceremus illius cogni-
tionis, ad quam gratia Dei & huius bene-
ficio adspiraremus. Huic animi sollicitu-
dini accessit cura de Politia & civili admi-
nistratione oppidi, ut omnia in eo admi-
nistrarentur ad utilitatem & conseruatio-
nem totius corporis. In qua consultatio-
ue erat adeo prudens, ut aliquoties ueni-
ret mihi in dubium, utrū dicerē eum do-
ctiorem uirum, an prudentiorem ciuem:
utrum uixisset in disciplinarum otio et so-
litudine, uel in strepitu ciuium & procu-
ratione reipublice. Itaq; quod ad me atti-
net, quantumuis magnā diligentiam ad-
hibui, ut olfacerē quanta fuit uel ingenij
sagacitate, uel disciplinarū scientia: tamē
perspexi eum ita uarietate literarum &
ingenij reconditum, ut non audeo affir-
mare me unquam nouisse Bucerū. Non
uno aut altero die (ut maxima pars he-

minum solet) cognosci potuit : multo
 plura erant in eo , quàm uel libri , uel le-
 ctiones , uel disputationes quamuis di-
 ligentissimæ singulatim consideratæ ex-
 primere ualebant . Erat, ut uno uerbo di-
 cam , singulare donum Dei, thesaurus in
 profundissimis uenis abstrusus , incom-
 parabile ornamentum. Non dico ista, re-
 stor Deum et conscientiam, ex nimio ani-
 mi mei erga illum studio . Non dico, ut
 officio tempori & loco, in quo iam uer-
 sor, inseruiam. Non dico, quasi proposui
 non ad ueritatem loqui, sed ad gratiam
 eorum, qui ex naturali animi pietate hic
 tristes adsunt ob huius interitum. Meus
 sermo est hoc in loco patrius : at horum
 aures meæ uoci plane hospites & pere-
 grini . Non magis dico ob Bucerī lau-
 dem et commendationem, quàm ut præ-
 stem Deo debitum officium , & relin-
 quā uobis testem mœstę cōscientiæ meę,
 & officij : quæ alioqui me incusaret, si nō
 cōfiterer Dei beneficia & dona in electo-
 seruo . Non sunt hæ Bucerī laudes : sunt
 Dei in illo. In hūc finem dico, ut uobiscū
 reputantes, quem nā preciosum thesaurū
 modo

Buc. singulare
donum Dei.

Laudes Buc.
Dei in illo.

ORATIO GVALT. HAD.

modo inuenimus: & quam nunc iacturam fecimus, magis Deo gratias agamus qui nostra causa eum tam clavis ornamentis illustrem reddidit: & confiteamur, quantum debemus amplissimo Domino, Regi maiestati, qui tam liberaliter & munificentissime mercedem & beneficia in illum contulit, ut illum nobis acquireret: & fleamus immasuetos nostros mores & ingenia, tum erga Deum, tum erga Regiam Celsitudinem. Quæ fuere cause, quod tam subito abripuit eum Deus, non nobis solum Cantabrigiensibus, sed toti humano generi: non a nostra natione & Germania sua, sed uniuersa natura: non ab una aliqua Ecclesia, sed toto orbe Christiano & uera sponsa catholica Ecclesia hic militante, ad cuius utilitatem & beneficium licuisset illi per Deum, uel ipsius Dei honoris gratia, longius uitam prouehere: maxime religionis statu sic nutante. Potuisset uir tam multa doctrina & tanto usu & experientia apud mortales quàm plurimarum nationum plurimum prodesse: sed (quod iterum dico, nec nimis sæpe iterare possum) uitia nostra, &

fra, & ingens beneficiorum Dei obliuio ponderata ad nostram condemnationem grauiora extitissent, depressa lance, quàm omnia memorata commoda ad consequendā gratiā. Itaq; uere prædicemus, Merito hæc patimur, quia peccauimus in fratrem nostrum: quod pro nihilo putabamus cū uiueret. Qui hoc scripsit, Multitudo sapientum est sanitas orbis terrarū, melius existimare potuit, quàm quisquam nostrum, quantum sit beneficium Dei per huiusmodi Respub. administrari. Et qui dixit, Præciosi spiritus uir eruditus, multo melius nouit, cur admireremur & plurimi faceremus doctos homines, cum dantur à Deo: & dolore afficeremur, cum rursus occidant et auferantur. Sed ut explicem uobis aliquas cogitationes meas, quæ sæpe ueniebant mihi in mentem, cum primum mihi nunciatum fuit, quod iste reliquerat Germaniam suam, & prospero cursu nauigans in Angliam peruenit, cœpi mecum sic cogitare, quemadmodum Paulus olim de gentibus per misericordiam Dei in deam Iudæorum insitis, scilicet per lapsum illorum

Sapient. vi.

Proverb. xvij.

Di. Haddoni cogitationes.

Roman. xi.

Factura in Buc.
ineffabilis.

illorum salus contigit gentibus: Et sic me cum locutus sum, Si reiectio Germaniæ est reconciliatio Angliæ &c. Quæ gloria iam denuo relaxatur, ad uanum & irritum redigitur, etiam in gemitum uertitur, ut incutiat nobis timorē: ut qui gloriatur in Domino gloriatur. Iacturam pro eius magnitudine uobis exprimere non possum: grauius damnum patimur, dolor propius attingit, & magis ingemiscimus, quod ita prope ad nos accessit, ut facti fuerimus illi ualde familiares, & quotidie intuetemur illum: & eius præsentia non magis exhilarabat eos, qui Deum & uerbum eius charū habent, quam uultus & nomen fuit terribilis omnibus, qui ubiuis degunt Pape mancipijs et Anabaptistis. In isto metuebant naufragium doctrinæ suæ, qui ob continuam experientiam & cognitionem, quam habuit in eorum præstigijs & captionibus, omnes illorum magicas uanitates facile detegere potuit, & depingere diabolus sua uina forma; quantum uis scite uel simulatione doctrinæ, uel prætextu humilitatis ex superstitiosa imbecilli animi conscientia
perich

periclitaretur se transformare in angelū
lucis. Et hinc apparet, quā minime le-
ue damnum patimur nos Cantabrigien-
ses, quod non procul absumus ab ijs lo-
cis, qui utrisq; his malis inficiuntur. Pro-
pterea conuenisset magis parati et ornati
fuissemus cōtra hos impetus, & instructi
ab aliq; ueteratore, quomodo cum his cō-
fligere, et telorū ictus à nobis ppellere licu-
isset. Et ob hanc causam occasione loci &
tēporis nō poteramus à Deo precari hoc
Bucero hominē magis spectatū et pbatū.
Adhuc semper accedere licuisset, uelut
ad publicū quoddā armamētariū omni
genere armorū refertū, quibus nos ipsos
contra eorum uim rexissemus & armaffe-
mus: et uelut ad q̄ddam absolutū et gene-
rale cōmentariū, in quo quā primū ui-
dissemus quicquid fecisset cū omni cōtro-
uersia et causa omniū doctorū in Ecclesia
cōspirantes sentētias, quas illi passim im-
plicate & abscondite in suis grandib. uolu-
minib. cōtinent, ex tempore didicissemus,
tū ad corroborandā catholicę doctrinę ne-
ritatē, tū ad respondendū ad quęq; diffi-
cilima, quę pponerētur in disputatione,
tum ad

Donum De
eximium in Buc.

tum ad infringendum & uelut contun-
dendum omnes errores & *αἰρέσεις* quæ
ab omni memoria inuenta sint in Ecclesi-
am, & à diabolo & eius membris, qui-
bus tentarunt euertere optime in se cohe-
rentem Christi religionem, & Christi ue-
stem dilacerare. Non erat solum Bucerus
ab experientia & usu, quo ualuit in qui-
bus uis cōtrouersijs sui temporis, nec sin-
gillatim dicendus Augustinus, uel Atha-
nasia, uel Hieronymus, uel quisquam
alius, quantuscunq; exercitatus in certis
quæstionibus & causis sui temporis. Non
erat, dico, hi singuli, sed coniuncti & uni-
uersi, & quasi generalis Epiphanius in
controuersijs omnium temporum: atq;
adeo ingens quoddam uolumen loco-
rum communium, ex omnibus his colle-
ctum longo studio, & excellenti memo-
ria. Hoc uolumen nos Cantabrigienses,
deperdimus: quo egeni cogimur reuer-
ti ad nostras priuatas bibliothecas: digni
ob nostram incuriam & negligentiam,
qui per nos sine huius ope quæramus in
his, unde suppetat nobis defensio. Hæc
omnia mala haud dubie & multo plura
nobis

nobis cum animi molestia consideranda occurrunt. Esto quod mitigemus & molliamus hunc dolorem, quod in uita sua, temporibus stans per leges Academię enarrans D. Paulum ad Ephesios, & extra hæc tempora prophetam Micheã, ex his occasionem arripuit tractandi & ad uiuam refecandi maximas & grauissimas causas Christi religionis, eas scilicet quæ sunt de electione & gratia, de fide et operibus, de peccato originis & naturæ, de iustificatione, de abrogatione legis, de Ecclesia, & diuini uerbi in ea administratione, de sacramentis, de disciplina, de officijs omnium ordinum, & similibus. Sed tamen magnam iacturam fecimus, quod tum efflaret animam, cum recenter esset ingressus in grauissimam omnium causarum controuersiam, materiam, dico, COENAE dominicæ, in qua iam causa mortales tanta sunt in uarietate & dissensione constituti, tam capitali odio inuicem dissentiunt, ut quomodoque in alijs conueniant, in hac una nulla talis ratio excogitari possit, ut alter alterum ferre uelit, & mutuo redeant in

*Hic. materiam
Coenæ tractatus
obij.*

ORATIO G V A L T. H A D.

gratiā, quin magis quotidie ingrauescat
 odium, tam fixe cōscientia cuiusq; adhæ-
 rescit opinioni suæ, quam probat & de-
 fendit : ita ut sint ex utraq; parte, qui nec
 curant bona sua, imò nec uitam, imò nec
 animum, nec omnino quicquam in de-
 fensione sententiæ. Sic est hominum na-
 tura, ut quamcunq; opinionem semel ac-
 repperint, eam pertinacissime studio uin-
 cendi defendant. Quàm igitur necessa-
 rium & utile fuisset, ut hunc saltem tam-
 diu retinuissimus, usq; dum plene discus-
 sisset hanc difficillimam causam, qui ob-
 prudens & sincerū eius iudiciū in uer-
 bo Dei, & diligens studium in exquiren-
 dis omnium ætatum sententijs, & con-
 tinuam exercitationem, quam præ omni-
 bus alijs hominibus habuit, maxime in
 hac causa, multo plus dixisset, quā quis-
 quam doctorum hac memoria uiuens.
 Sed (ut semel iterum dicam) indigni
 eramus, qui diutius illum audiremus :
 & nequitia nostra multo secus meruit.
 In qua igitur causa claritas & lux fuerat
 maxime necessaria (at inerat obscuris-
 simæ tenebræ) in ea Lux nobis aufertur.

Si uno

Si uno aliquo respectu mœrere mihi liceat huius mortem, certe mœreo meo ipsius incommodo. In quod intuens Ecclesiasticus, sapius cogit me meminisse hæc uerba sua, Fili, in mortuum produci lachrymas, & quasi dicta passus incipe plorare. Vt uota faciamus, effec nobis alter Bucerus in hac maxime causa omni ratione par, qui huic succedat: sic quàm bene speremus illum aliquando uisuri, uestris iudicijs relinquo. Nolo ego arroganter præiudicare Dei gratiam & uirtutem, quam posthac effuderit in eum, quem pro sua uoluntate uelit, ut sit uas sibi electum, Si quisquam uestrum, qui hanc à me audit commendationem, comparisonem, & testimonium de Bucero, ea offendatur, & in furore atque iracundia quadam nominabit mihi nescio quem, quem placebit huic æquare, uel ex inuidia ita extenuabit Bucero, ut comparatum cum suo docto, nullo numero esse uelit, uitandi contentionis gratia, nihil grauius & acerbius à me dicetur aduersus hæc magnifica uerba, & gloriosam

Eccl. xxxviii

H ij ostendit

Modestia exi-
ma Buceri.

ostentationem, quàm quod ipse Bucerus
de se dicere solebat, SINT ILLI quan-
tumuis docti & disert: nihil iudicio me
scire, quàm IESVM Christum, & hunc
crucifixum. Hæc fuit illi peculiaris uox
frequenter usurpata aduersus eos, qui de
se extra modum gloriabantur, atq; illum
infra modum minuebant. Christi cogni-
tionem sibi uendicabat, sine qua omnē
aliā cognitionem minimi putabat. Fi-
nis & scopus illius studiij erat, ipse Chri-
stus per quem uiuebat, ob quem in mor-
bum et corporis imbecilitates incidebat,
per quem perfruebatur ineffabili gaudio
& lætitia, per quem deposuit corruptibi-
lem hanc uitam, & iam coniunctus sit illi
in uita spirituali, ut permaneat cum eo in
æternitatem. Et quomodo non morere-
tur is lætus in Christo, qui omnem suam
cognitionem, omne ingenium & doctri-
nam totam applicuit ad docendum &
gloria afficiendum Christum: Cuius to-
ta uitæ ratio addicta & consecrata erat
ad exprimendum eum crucifixum. Quo-
modocunq; delectat alios, exemplo Pe-
tri, in monte uiuere cum Christo glorifi-
cato,

cato, hic elegit potius inferius degere cū
 eodem crucifixo. Omnes animi moti-
 ones & cupiditates cum Christo crucifi-
 xit, omnia uerba, omnes eius actiones cū
 Christo mansuefactę sunt. Quām ingena-
 tia illi solatia & spirituales consolationes
 suppetebant toto illo tempore, quo pro-
 xime ægrotauit: quo quidem tempore
 maxime nobis opus est Christo. Certi
 homines, qui illi semper adesse consue-
 bant, satis testificari possunt, quæ uerba
 habuit, quem dolorem sustinuit. Quo
 morbi spacio, ut sæpe aliàs ægrotando,
 multo plus doloris sentiebat, quod alijs
 in causa fuit doloris & molestiarum, &
 quod fungi officio, ad quod uocatus
 erat, nō poterat, quām patientia eius per-
 misit illum conqueri de grauitate mor-
 bi. Amplificare igitur uobis huius laudes,
 & commendationem pro dignitate con-
 uersationis & actæ uitæ, animaduertitis
 immensiolem esse campum dicendi,
 quām per breuitatem temporis liceat mi-
 hi in eum semel ingresso rursus egredi.
 Quanta fuit charitate in pauperibus iu-

Buc. cum Chrl-
 sto crucifixus.

uandis pro suis facultatibus, interrogantur ipsi pauperes, & in carceribus uincti. Quanta humanitate & lenitate ostendit erga illos, qui uel ex imprudentia, uel maleuolentia parum reuerenter de eius senili grauitate sentire potuerunt, uel in sententijs discreparunt ab eo, uel conscientia, uel animi pertinacia ducti, dicant aduersarij: non hic poterunt tergiuersari quin presto ad-
 sunt, qui eos de mendacio arguant. Studebat in Deo placere omnibus, nocere nemini: benefacere ijs in primis, in quibus animaduertebat aliqua argumenta & indicia uirtutis atque doctrine. Consolationem uero et edificationem, quam ex eius colloquio ceperunt domestici ac intimi familiares, optarem: quod ad me attinet, representare uobis exemplo meo, quam exprimerem uerbis. Sed tantus est cumulus Mart. Bucerii laudum & commendationis, ut omnia particulatim nec me recensere, nec uos audire temporis angustie sinant. Non fuisset ita omni laude cumulus foris inter homines, nisi etiam prius optimam honeste et sobrie se gerendi rationem

Studium Buc.

rationem separatim iniſſet ſecū domi:
 Quā ſimplex & moderatus erat uestis *Vestitus Buc*
 tus: quē in uictu temperantia et sobrietas *Temperantia*
 quoties & quā multas gratias omnipo-
 tenti Deo agere solebat pro illo diurno
 cibo, quo modice utebatur: Quale fuit ex-
 emplum & Anglis pro omnium rerū co-
 pia & ſœcunditate ſoli, quibus abunda-
 bant, & Cantabrigiensibus, pro Colle-
 gijs agnoſcendi erga Deum uere libera-
 lem officia ſua: Hæc reſtantur tum mul-
 torum hominum menſæ, tum ſua, ad
 cuius frugalitatem uſitatum illi fuit in-
 uitare quā plurimos. Præterite me ne- *Præces Buc*
 ceſſe eſt ſæquentes eius & continuas præ-
 ces, priuatas ad domeſticos adhortatio-
 nes, rerum domeſticarum piam diſpo-
 ſitionem & ordinem: quæ omnia de-
 monſtrarent quantus & qualis uir fuit,
 uerus haud dubie Cornelius, religioſus
 ac timens Deum cum tota domo ſua.
 Ut tandem finem dicendi faciam, obſe-
 cro uos (mei chariſſimi fratres) ne hæc
 de Bucero audiamus ſine gratiarū actio-
 ne erga Deū, nec ſine prompta uolūtate:

(est enim nobis summæ pietatis et uirtutis expressa imago) istū imitemur, ut omnino persimiles reperiāmur: neq̃ remiscamur huius interitum sine deploratione nostræ calamitatis, ut discamus reuereri Deum, & uera pœnitentia inuocare misericordiam eius, ut deinceps deūo nos respiciat. Hoc illud est (persuasum habeo) quod à uobis iam expetit, nec aliter gratificabimur illius genio, nisi exprimamus in Christo eam uitam & fidem, ad quam ille exemplo uitæ & doctrinæ nos allexit, & ad quos iuandos omnem suam uitam & doctrinam destinauit. Propter hoc eius uitæ curriculum tam pie & recte perfectum, non immerito putabimus eum (licet humilitas animi noluit unquam dicere) potuisse dicere, Certamen bonū certaui, cursum consummaui, fidem seruaui: quod superest, reposita est mihi corona iusticiæ, quam reddet mihi Dominus in illo die, qui est iudex iustus. Qui det nobis omnem gratiam sic uniuersum uitæ cursum perficere, ut alij iudicent nos dignos

ij. Timoth. iij.

IN FVNERE M. BV CERL 53

nos dignos, qui illic gaudeamus cū eo,
ubi ille perfruitur gaudio & sempiterna
felicitate in gloria Dei Patris, cui cum
Filio & Spiritu sancto sit om-
nis honor & gloria,
Amen.

CONCIO MATTHAEI
PARKERI SACRAE THE

ologiae professoris, in Academia

Cantabrigiensi procancellarij

locū tenentis, In funere

D. MARTINI BVCE

RI, ex Anglico in

Latinū uersa.

H V Ex

EX LIBRO SAPI-
ENTIAE CAP. IIII.

7 VSTVS SI MORTE PRAE-
,, I occupatus fuerit, in refrigerio es-
,, rit. 10 Placens Deo, factus dile-
,, ctus, & uiuens inter peccatores, trās-
,, latus est. 14 Placita enim erat Deo
,, anima illius, propter hoc properauit
,, educere illum de medio iniquitatū.
,, Populi autem uidentes, sed nō intel-
,, ligentes, nec ponentes in præcordijs
,, talia. 15 Quoniā gratia Dei & mi-
,, sericordia in sanctos eius, & respec-
,, ctus in electos illius. 16 Condem-
,, nat autem iustus mortuus uiuos im-
,, pios. 17 Videbunt enim finem sa-
,, pientis, sed non intelligent quid co-
,, gitauerit de illo Deus, & quare mu-
,, nierit eum Dominus, 18 Videbūt
,, enim & contemnent eum; illos autē
,, Dominus irridebit, 19 & erūt post
,, hec decidentes sine honore, & in con-
,, tumelia inter mortuos in perpetuū.



VAE CAUSA SIT, QVOD
 in hunc locum conuenimus
 hodierno die (statres in Chri
 sto charissimi) in promptu
 est, ut longa oratione explicare nō sit ne
 cesse: sed rursus quæ ex hac occasione ue
 niunt consideranda, quàm porro iusta
 sit causa nobis, nobis (dico) Cantabrigi
 ensibus fletus & lachrymarum, uereor,
 ne multi ob imperitiam non sentiant:
 quamplurimi cæca quadam inuidiæ ma
 leuolentiā deprauati minime solliciti co
 gitent. Flere de morte cuiuspiam boni ui
 ri, quantum ad ipsum attinet, tum ratio
 ne prohibemur, tum etiam natura (tati
 one scilicet recta, & naturā sincera, non
 deprauata). Et sane alienū est tam à cha
 ritate, quàm à fide. Nam si philosophi
 quidam ignari ueri Dei, frustrati ea spe,
 quæ ob oculos nostros quotidie uersa
 tur, quamq; nos, qui in Christo uiuimus,
 auide sitimus, & quotidie expectamus,
 ratione dijudicarunt mortem nō esse de
 plorandam, & sententijs inter se consen
 tire potuerunt, fas esse naturæ id repete
 re, cuius nobis usuram permisit ad tem
 pus?

Iusta luctus cau
 sa exponitur.

pus: Quam esset absurdum, nos in tanta
Euangelij luce, inter tam certa et manife-
sta promissa beatissimæ illius conditio-
nis, quam Redemptoris nostri bene-
ficio post hanc uitam speramus, non
æque rationi consentaneum putare?
Imo in meritam reprehensionem incur-
reremus, si illis tantum pares sententia
in hac causa reperiremur, & non potius
comprehēderemus fide, causam esse no-
bis non modo non dolendi, sed illis eti-
am de sua felicitate supra quam dici po-
test gratulandi, ad quam quidem felici-
tatem ut nos etiā ipsi perueniamus quo-
tidie uota facienda. Iam uerò quæ est ista
charitas et amor, amicis optimam fortu-
nam & felicitatem inuidere? hanc eo-
rum uicem debere, quod post maxima
maris pericula & tēpestates in tuto sint,
in portum salui inuehantur: uel quod ab
acerbo et diuturno bello liberè domū di-
mittantur, & inimicorum uictores rede-
ant. Quæ illa dilectio esse potest, cum ani-
mi ægritudine aspicere amicū perpeffum
multas & diuturnas acerbitates grauissi-
morum morborum, bonam recuperasse
ualetu-

Charitas non
inuidet.

dinem: uel etiam angī, cum audiat ē fore
 tulento carcere eū quem amare se dicit,
 educi, ubi diu in fame & frigore conclu-
 debatur, duris catenis & uinculis con-
 strictus: Ecquis recte pretendere potest,
 se teneri amore alicuius amici sui, qui sit
 hæres magnæ alicuius ditionis, si hanc
 amico fortunam mœreat, quod tempus
 appropinquare uideat, in quo amicus
 amplæ pecuniæ futurus sit dominus, &
 magnarū possessionū hereditatem aditu-
 rus: Est (dico) contra pium amorem, con-
 tra sinceram pietatē, deflere amicos, qui
 relinquant miseras huius uitæ, & profi-
 ciscantur in possessionem felicitatis &
 requiei perpetuo duraturā. Quid, quod
 etiam cum fide pugnat hominem Chri-
 stianum deflere mortuum. Cōtra fidem
 esse quis negare potest, quod scripturę in-
 hibent: Nam quī consentiat regulę fidei,
 quod scripturę apertissime asserunt ab ijs
 fieri quorum non est spes: Ea est inter fi-
 dem & spem coniunctio & necessitudo
 ut simul esse uelint: Is consensus, ea con-
 spiratio, ut cui non adfuerit una, nec altera
 adesse uelit. Nolite (inquit) Paulus con-
 tristari

Fidel & spes cō-
 iunctio perpe-
 tua.

j. Thes. iii. 6.

corū interitū nos plangere non uideant.
Et istud sapenumero male interpretan-
tur, in hūc modū cogitādo, alicuius terre
ne lucri & commoditatis causa gaudere
nos. Cū tamē ex fide solū & ratione bea-
titudinis significamus nos cōstātes in fra-
trū nostrorū mortibus, & omnino expec-
tes istiusmodi scēminei plangoris, et pu-
erilis infirmitatis. Et uerum est Ieremiam,
qui multo grauior & certior est testis, nī
hūc dare huic fragili nostrę infirmitati, sed
perspicuis uerbis fletū p̄ mortuis in uni-
uersū phibere. Nolite (inquit) flere mor-
tuū, neq; lugeatis super eū fletu. Maiorē
enim cōsiderationē habuit ille eorū bea-
te uite, qui q̄ huius uite cursū citius finiāt,
hoc maturius perueniāt ad cōcupitū gau-
diū: qua de causa hominē lactare noluit
in tā uana fragilitate. In spū illud ipsum
didit, qđ idē spūs Ioan. in Apoc. et palā fe-
cit, & insuper mandauit, ut hoc qđ ei re-
uelatū fuerat, scriptis traderet ad sempi-
ternā memoriā, quasi uocem nō ex terra
profectam ad mensurā humanę imbeci-
litis, sed de cōlo delapsam ad iustam
cōsiderationem mortuorū cōditionis

& ita

Ierem. xxij.

mentis & lachrymis nos dare, nisi malle-
 mus belluina natura præditi, quàm ratio-
 nis cōpotes censerī: Ethnici potius, quàm
 Christiani: inuidi quàm beneuoli: spe &
 fide inanes, non intelligentes conditio-
 nem nostram scēlicem, incerti de salute,
 quàm cōstanter credentes Dei uerbo, &
 omnes nostras affectiones, cogitationes,
 et actiones ad eius normā dirigentes im-
 becillitate nostra penitus superata. Verū
 quomodocūq; Scripturę quædam à no-
 bis stare uidentur, atq; probant modicū
 fletum: quædā rursus flere omnino inter-
 dicunt, eo modo quo supra commemo-
 ratur: Sic alio sensu ingemiscere non so-
 lum permittitur nobis pro nostro arbi-
 trio, sed etiam commonemur & prorsus
 iubemur, Fili in mortem produc lachry-
 mas, & quasi dira passus incipe plorare.
 Ipsemet sapiens, qui modo dixit, Modi-
 cum plora super mortuum, iam uidetur
 nobis iniungere non minimum plorare,
 & ad tempus: Sed producere lamenta,
 atq; in longum tempus lachrymas pro-
 fundere absit, ut cui tribuatur nomen sa-
 piētis, opinemur uno eodemq; libro sen-
 tentiæ

Conciliatio lo-
 corum in spect-
 em pugnantē.

Eccle. xxi. vii.

tentijs (licet capitibus non nihil dissentint in
 ter se) secum discrepare, & pugnancia præ
 cipere. Experiendum igitur nobis est, an
 sententiâ eius elicere possimus. At si suo-
 rum uerborum est sibi ipse interpres, au-
 dacter sine periculo eius iudicio ad herean-
 mus. Hac ipsa sententia in qua sic scribit,
 Modicum plora super mortuum, quia re-
 quieuit: Iterum dicit, Supra mortuū plo-
 ra, deficit enim lux eius. Ut igitur sibi ipse
 consentiat, hoc uelit necesse est, quod,
 quemadmodum respectu ipsius dolere
 non licet, quia fruitur requie: sic mutata
 ratione, nimirum consideratione nostri,
 qui priuemur luce, aspectu, et contempla-
 tione eius morum, uitæ, & excellentis do-
 ctrinæ, iustissimam et maximam causam
 habemus non solum dolendi, sed diutis-
 sime protrahendi luctum, quasi accipien-
 tes graue aliquod detrimentum, & iactu-
 ram uix tolerabilem. Et quò lux cum ful-
 gebat illustrior erat, et ea re usus magis ne-
 cessarij, hoc magis ista ratione præbetur
 materies lamentationi cū mœstiore iactu-
 re conétplatione. Quod lumen extingui-
 tur in hoc Doctore nobilitato tum excel-
 lenti

Non respectu
 Bucerij, sed no-
 sti dolendum.

lenti doctrina, tum sanctitate morum & nitæ: quibus omnibus in ipso obitu maxime floruit. Quā ardens & lucens in his utrisq; enituit in Ecclesia Christi multorū annorū spaciō: Et licet inuidia iam cecutit & parum uidet ad solis conspectum, tamen inimici absq; magna infamia & dedecore cōtradicare non ualebūt, cū de eo testimoniū perhibebunt ij, qui uel quotidianā uitę consuetudinē cum illo habuerūt, uel obseruauerunt assiduum eius & uerhemens in illis rebus prouehēdis studiū circa quas ratio uitæ, quam sibi delegit, uersabatur: cuius rei gratia et testes certiores, & locupletiores censerī debent. Cuiusmodi sal se prestitit castissima sua disciplina, tum uiua uoce prolata, tum etiam doctissimis eius scriptis in uulgus emissis testata: quam porro exquisita fuit doctrina, & prope singulati: quanta uis orationis: quæ in sententijs pondera & grauitas, quibus omnibus studiose condinit religionem, & ad suam uetustatem atque pristinum robur restaurauit posterioribus his seculis multis modis misere dilaceratam: Quamuis lior sese indicat qua

L'iors propriū in præcel-
lentes uiros.

lis sit perpetuò erga illos, qui quadam singulari præstantia eminent inter cæteros: tamen nostra posteritas mox secutura uiderit, quàm iusta sit causa, cur æstiment inuidiam ut inuidiam, & plurimi faciant uirtutem atq; doctrinam pro debita illorum dignitate. Sed priusquam expendere hanc duplicem in eo gratiam, qua Deus illum maxime insignem & commendatissimum inter mortales reddidit, optarem, nos maxime, qui sumus ex Academia, quorum consolationi Deus pro sua clementia & fauore erga hanc Academicam iam labentem & propè cadentem ante præfiniuit, ut in maturitate & uitæ suæ & doctrinæ apud nos ætatem ageret maiore cura & diligentia consideremus tremendum omnipotentis Dei iudicium in hoc proposito suæ uoluntatis, qui eum tam cito à nobis præripuerit. Hinc (certū est) habituros nos nimis iustam causam acerbè ferendi eius obitum non sua causa, sed nostra: & non leui suspicionem metuendi iram et ultionem diuinam in extinguendo hoc nobis tam optabile, et necessarium lumen: Sed apertè confitendū cum

cum debita peccatorum agnitione, & submissa pœnitentia, qua denuo placetur Deus, & nostri misereatur. Alioqui metu, ne quid grauius postea sequatur. Auertat Deus, ut qui hic profiteamur sacratissimam Dei disciplinam, simus ita stupidi atq; sine sensu, ut hinc grauissimam Dei indignationem non animaduertamus, uel nostris commodis tantopere inuideamus, ut ista nihil commoueant. Tum illud nobis uere crimini daretur, quod hominibus sui temporis obiicit Ieremias Propheta de malitioso et manifesto contemptu Dei in illos animaduertentis, Domine percussisti eos, & non doluerunt: attriuisisti eos, & renuerunt accipere disciplinam: indurauerunt facies suas supra petram, & noluerunt reuertri. Et tandem non erubesceremus unam cum perditis hominibus ad Dei Prophetam hæc fari, Nolite uidere: & aspicientibus, Nolite aspicere nobis ea, quæ recta sunt: Loquimini nobis placentia, uidete nobis errores. Auferte à me uiam, declinate à me semitam, cesset à facie nostra Sanctus Israel. Et cum eo processerit improbitas, impudentia,

Ierem. 7.

Esaie xxx.

CONCIO D. MAT. PARK.

Math. xxiiij.
Lucæ xix.

dentia, & durities nostra, nonne pro me-
ritis hæc in nos prolata audiamus, Ecce
relinquetur domus uestra deserta, Ecce
uenient dies in te, & circumdabunt te ini-
mici tui uallo, & cingent te, & solo equa-
bunt te, & filios tuos, qui in te sunt, & nō
relinquent in te lapidem super lapidem:
eo quod non cognoueris tempus uisita-
tionis tuæ. Deus misereatur nostri, &c.
Pertractare hoc unum grauissimum ge-
nus diuinæ castigationis, sublationem
scilicet eorum per mortem, è quibus
pendet gregis utilitas & tutamentum,
& per quos populus conseruatur, si-
cut ex Scripturis colligere licet, patefa-
ceret nobis indubitata argumenta, cur
in hac manifesta Dei offensionis signi-
ficatione nosmetipsos deploraremus:
& raperet ad metuendum de nobis,
& dolendum acerbe, nostram in Deo
ἀχαρισίαν & ingratitudinem. Vnum
huius rei exemplum cogitationi & me-
morijs uestris subiiciam. Præponite
ante oculos præfractum illum, semper
murmurantem & duræ ceruicis popu-
lum

Castigatio gra-
uiss. in præcel-
lente raptu.

lum Israëliticum, quibus Deus prae-
 fuit Moſen ducem & gubernatorem: &
 ut prætermittam illorum perperam fa-
 ctorum ingentem aceruum, & Dei eti-
 am quàm plurimas uindictas, quas il-
 lis inflixit: & quomodo etiam eorum
 dux & imperator Moſes præſto ſemper
 aderat ad auertendam Dei iram: cuius
 gratia & precibus, illis perſæpe ſcelera
 remiſit Deus: quàm præcellens rector ſua
 it, quàm reſplendens lumen illis ſe præ-
 ſtitit, tota ratio eorum, quæ in imperio
 geſſit, abunde ſatis prædicat. Contra
 quem, ad magnum eorū commodum
 Deo principem designatum, conſpi-
 rauerunt Corach, Dathan, atque Abi-
 ron, eum quæ deſpectui habuerunt,
 imò, ſua potius ipſorum commodum,
 quibus per Eum gaudebant. Quàm
 grauiter tum in eos iram ſuam & in-
 ſolitam ulciſcendi rationem exercuit De-
 us, Aperuit tellus os ſuum, & deglu- Numer xvi
 tiuit eos, & tabernacula eorum, & om-
 nes, qui cum eis erant, descenderunt
 uiui ad inferos cum uniuerſa ſupelleſtile.

I iiij Quod

Quod Dei horribile exemplum cum ad huc spernerent: & in fremitu suo atq; prauitate contra Moſen ſuum principem & dominum perſtarent: ad tremendum exemplum omnium murmurantium in uisum, præſertim tam egregium qui ad ſingularem gregis (ſi aduertere potuiſſent) commoditatem, et conſolationem dabatur, effecit Deus, ut ignis ſuper illos ſubito decideret, quo uno die deuorauit uiſorum quatuordecim milia ſupra ſeptingentos. Deus tam horribiliter hanc ſeditionem in eos uindicauit, maxime, ut cōpelleret ad eius ſingularis beneficij agnitionem, conſtituendo Moſen ſuper eos præſectū et reſtorem: arbitratus hoc ſupplicij genere redditurus illos magis gratos, & beneficio ſuo quietius gaudentes. Sed cum omnipotens Deus hæc ſupplicia minora eſſe, quàm ut per illa docerentur humanitatis & gratitudinis officia, poſt multa in illis corrigendis tentata, cogebatur in grauiffima ſua indignatione ulterius progredi, & ob illorum flagitia contraxit uitam Moſi, quod per illum noluit et in promiſſam terram ducerentur.

Ceſſe

Cessit itaq; Moses uita, antequā uel unū
 pedis uestigium impressissent in ea. Ve-
 rum quā utile fuisset illis, si mansisset in
 uita ob grauem & senilem prudentiam,
 qua rerum usu & experientia plurimum
 ualebat: Quam idoneus ob sanctitatem
 uitæ, & pias cogitationes ad auertendā
 ab illis iram Dei: Quantum porro illis
 profuisset, in terram semel ingressis, ad
 usum sacrificiorum rituum & ceteronia-
 rum, quas uel ore uel scriptis traditioni-
 bus apud illos reliquisset: Quā omnino
 necessarius, D. Marr. Bucerus uir præse-
 ritim omni modo perfectus ad promouē-
 dam Dei gloriam: Nihilominus tamen
 sustulit illum Deus: lumen, quod in illo
 fuit, extinxit, & noluit sub eius alis & um-
 bra incederemus, indignissimos repu-
 tans, qui uel minimi participes essemus
 istiusmodi beneficiorum. Et si, (quod ue-
 rum est) quo grauius sit peccatū, eo acere-
 biorem meretur pœnam: non erit diffi-
 cile tum iudicare, è quo genere sit uindi-
 ctæ, quod hoc tempore à nobis bonus pa-
 stor diuellitur, splendens lumen extingui-
 tur, & nobis ea lux aufertur, qua periculo

Bucerus uir ne-
 cessarius.

fas & obscurus huius uitæ semitas tute
incedebamus. Perpendamus ista di-
ligenter (charissimi) & simili in genere
cum Israël's ultionis diuinæ doceamur
scam Dei ex animo fateri. Antea nos
difficiles & morosos in hunc et Deum
murmurando præbuimus. Hodie cum
Israële sentimus grauissimam Dei ultio-
nem, qua nos propterea uindicat. Fui-
mus antehac ingrati & inhumani in ac-
cepto lumine huius tam præclari & ex-
cellentis Doctoris: ob id deletur. Fe-
runt, illum uixisse inter ingratos & im-
mansuetos peccatores: Itaque præripi-
tur illis. Adhuc quidem ille uiuit: Sed
ita ut cum Deo agat æuum, & transla-
tus sit à molestissimis huius uitæ labori-
bus, quos nostra causa libentissime per-
tulit, & iam sibi, & sua causa requie-
scit. Fauet illi Deus, quod ita festina-
bat è sceleratorum cœtu et contubernio
eum abducere: At nobis irascitur, quos
putat indignos tali possessione. Si hæc
diligenter in hunc modum considera-
ta nihil mouent (quibus tamen scio non
minime

Ratio mortuos
pie lugendi.

ကဏ္ဍဝါဒီကဏ္ဍဝါဒီကဏ္ဍ
ပုဂ္ဂိုလ်ပုဂ္ဂိုလ်ပုဂ္ဂိုလ်

ကဏ္ဍဝါဒီကဏ္ဍဝါဒီကဏ္ဍ
ပုဂ္ဂိုလ်ပုဂ္ဂိုလ်ပုဂ္ဂိုလ်

ကဏ္ဍဝါဒီကဏ္ဍဝါဒီ
ပုဂ္ဂိုလ်ပုဂ္ဂိုလ်

minime commoueri innumquaque pi-
um) at grauioris causæ respectu est, cur
hunc casum acerbè molesteque feramus:
non mortuum (ut dictum est) ita do-
lendo, quasi mors esset illi malum: sed
uniuersam doloris causam in nos trans-
ferendo: idque ex sententiâ Christi,
qui noluit Hierosolymitanos illum lu-
gerent, sed se & filios suos. Filix Hierusa- *Lucæ xxiii*
lem nolite flere super me sed super uos
ipsoş flere, & super filios uestros. Cau-
sam quare deflerent se et filios suos hanc
ibi addit. Quia si in uiridi ligno (ait)
hæc faciunt, in arido quid fiet? Ista
igitur cogitatione, unusquisque no-
strum qui hic adsumus, sibi caueat, &
hac occasione sibi oblata ex huius op-
timi patris casu & interitu ad timorem
adigatur. Nam si omnipotentis DEI
recondito iudicio, & tamen iusto, tam
acerbam sententiam contra suam fami-
liam prolatam audiamus, ut illi de diu-
ternitate uitæ aliquid imminuere mi-
netur: quàm propè imminet illorum
exitus, qui Euangelio non credunt?

Silli

Si illi, quem dū uixit tam intime dilexit
 decorem domus eius, in qua edificanda,
 reparanda, & quouis modo ornanda di-
 ligentissimus & maxime laboriosus stru-
 ctor erat, uita contrahitur, ut quiesceret à
 uehemēti animi applicatione & studio,
 quo Dei ædificium promouendi effere-
 batur: quī fuit, ut nobis, nobis (dico) uite
 longinquitatem polliceamur, quam no-
 stri quidam traducunt otiosam? Vnde ne-
 cesse est euenire, ut ex spolijs bonorum et
 patrimonij Christi crucifixi uictitent &
 sustententur. Quidam omni cogitatio-
 ne, omnibus neruis et uiribus contendūt
 uiolare gloriam edificiij, et quantum in il-
 lis est muros subuertere, ut omnibus syl-
 uestribus feris, qui deuorent, spoliānt, &
 crudelissime interficiant, pateat ingres-
 sus. Si hæc uiridis arbor, quæ copiosum
 fructum reddidit suo tempore, et ad aque-
 rium sata erat, irrigata uitalibus aquis,
 quas profunde hauserat ex fonte uite flu-
 ente per solum exile et macrum aliorum,
 produxit fructum tam continuum, pium
 et durabilem, tum ad Dei gloriā, tum ad
 nostram consolationē et emulatiōem:
 nihilo

nihilominus tamen in hunc modũ flor-
rentem & frugiferam radicitus extraxit;
quę fata nos manere dicemus, ficus plane
mortuas & aridas, sine fruge, sine flore, in-
dignos qui super hoc solũ quod pedibus
calcamus, diutius moramur. Ille uerò e-
rat haud dubie arbor uiriditate herbesce-
te, & fructu ualde bono, et ob id non pror-
sus excinditur, sed tantum de loco mo-
tus est, ut in amæniori solo collocetur. At
quid de nobis iudicemus, tantum tribu-
los et carduos in uita ferentibus, & tamẽ
quouis tempore irrigatis rore cœlestis gra-
tię & uerbi Dei? Cur non absq; ulla dubi-
tatione timeamus, ne securi sententię di-
uinę excindamur, & in ignem proijcia-
mur? Intelligite insipientes in populo, et Psal. xlix.
stulti aliquando sapite. Intelligite hæc,
qui obliuiscimini Deum, ne quando rapi-
at, & non sit qui eripiat. Ne dicatis inter Math. ij.
uosmetipsos, Patrem habemus Abra-
ham. Dico enim uobis, omnis arbor, quę
non facit fructum bonum exciditur & in
ignem mittitur. Timete terribiles uoces
Domini, Auferetur à uobis regnum Dei, Math. xij.
& dabitur genti facienti fructus eius. Pro-
spice ti.

CONCIO D. MAT. PARK.

spice tibi Cantabrigia, cui Deus misit prophetas suos, Sapientes & scribas ab ultimis finibus terræ: ne ueniat super te omnis sanguis iustus, qui effusus est super terram. Resipisce tu quæ occidis Prophetas, & maledictis lapidas eos, qui ad te missi sunt. Audite, quod præterea sequitur, Ecce relinquitur uobis domus uestra deserta. Bonas ergo facite uias uestras, & studia nestra, & nolite confidere in uerbis mendacij, dicentes, Templum Domini, Templum Domini, Templum Domini est. Nam ecce uenit Dominus in sanctis millibus eius, ut faciat iudiciũ aduersus omnes, & redarguat omnes ex eis, qui sunt impij de factis omnibus, quæ impie patrarunt, deq; omnibus duris quæ loquuti sunt aduersus eũ peccatores impij. Qui habet aures ad audiendum audiat.

ADHORTATIO AD preces.

Ut igitur uelum ignorantia cordibus nostris detrahatur, & discutiatur ab oculis inuidia caligo: ut profunda cogitatione & consideratione hunc tristem casum pro

sum pro occasione à Deo oblata confi-
teamur: ut omnis uerborum acerbitas,
omnis gloriatio, indignatio, maledi-
ctio, obrectatio, maleuolentia cum om-
ni malitia abiiciatur, coram Deo cle-
mente, & misericorde nos prosterna-
mus, & pijs precibus ab eo misericor-
diam inuocemus. In quibus com-
mendo uobis Ecclesiam Catholicam, Pro Catholica
Ecclesia.
Sanctam Dei communionem, ut cum
digna confessione, & gratiæ atque
donorum Christi sponsi & capitis gra-
ta acceptione, progrediatur in cogni-
tione eius uoluntatis, & in Domini
nostri & saluatoris fide persistat. Ora-
te insuper pro omnibus ijs, qui per er-Pro errantibus
rorem atque infidelitatem manifesto
deprehenduntur extra Ecclesiam: uel
qui hypocritica simulatione habentur
de eadem, cum sint reuera synagoga
Satanæ, ut uocem Christi summi pa-
storis unanimes audiamus, & efficiamur
unum ouile, unus grex, uno ore & corde
gloriam tribuentes Deo patri domini
nostri Iesu Christi. Orate pro Ecclesia
Anglicæ

Pro Ecclef.
Regis

Pro fcijs.

Anglicana & Hybernica & ambarum ſu-
premo capite p̄xime à Chriſto illuſtriſſi-
mo et clemētiſſimo Domino noſtro, Re-
ge Eduardo eius nominis ſexto &c. Po-
ſtremo gratias agamus pro fratribus no-
ſtris & ſororibus, qui è miſerijs huius ui-
tæ emigrarunt ſigillo fidei ſignati. Pre-
cemur etiam pro nobis ipſis, ut quemad-
modum patres ueteris teſtamenti uerſa-
bantur in continuis uotis et expectatione
primi aduentus Seruatoris noſtri in car-
ne, ut abundantis benedictionis, quam
certo cognoscerent illum adducturum,
participes forent: & mundo patefactum
corporeis oculis uidendi illum amore &
deſyderio capiebantur: Sic et nos ſub No-
uo Teſtamento ſobrie, pie ac iuſte uiua-
mus in hoc mundo, acerrima cupiditate
ſecundum aduentum manentes: & unā
cum dormientibus fratribus plenam re-
demptionem corporum noſtrorum eius
glorioſo corpori conglutinandorum ſi-
tientes, conſociati Abrahamo, Iſaaco, Ia-
cobo etc. inter quoꝝ uobis numero hunc
præſtantem & reuerendum patrem D.
Martinum Bucerum, pro quo fidēter
gratias

gratias agamus Deo, quod in sanctitate
 requiem suā inceperit, quod pura & in-
 corrupta doctrina super uerbum Dei, su-
 per confessam fidem Apostolorum, &
 Christi Catholicę Ecclesię fundata exte-
 rit, huic uitę & moribus cōstanti pro-
 fessione consentiens: quod permanse-
 rit fortis & immutabilis usq; ad extremū
 spiritū. Nam uenīa misericordię & pro-
 missionis omnipotētis Dei audacter pro-
 nuncio eum in Abrahami sinu summa
 frui foelicitate et requie cum sancto cōctu
 Electorū Dei. Et hoc de eo affirmo, Scio
 quia resurget in resurrectione in nouissi-
 mo die, certissima scientia: ea nimirum,
 quę proficiscitur à fide: Scio, quod cum
 Christus seruator noster prædicit se esse
 resurrectionē & uitam: &, Qui credit in
 me, etiam si mortuus fuerit, uiuit: rur-
 sum, Omnis qui uiuit et credit in me, nō
 morietur in æternum: Scio (inquam) &
 credo ex fiducia quam habeo in Dei uer-
 bo, & testimonio quod de eius fide, uita
 & moribus, & constanti nominis Chri-
 sti usq; ad extremum uitę diem confessio-
 ne, quod quāuis dissoluitur ad tempus,

Notandum con-
 tra calumniato-
 res.

NOTA

K quod

quod ad corpus attinet, tamen spiritu ui-
uit cum Deo, & nouissimo die in plausi-
bili iustorum resurrectione rursus con-
glutinabitur, ut cum Deo tum cor-
pore tum animo gaudeat &
uiuat in perpetuum.

Hic factæ sunt tacitæ preces.

IVDICIVM CLARISSIMI ET DO-

*ctissimi cuiusdam Theologi de D. Mar-
tino Bucero.*

MARTINVS BVCERVS FIDELISSI-
mus Ecclesię Christi doctor, præter recon-
ditam eruditionem, copiosamq; multa-
rum rerum scientiam, præter ingenij per-
spicaciam, multā lectionem, aliasq; mul-
tas ac uarias uirtutes, quibus à nemine fe-
rè hodie uincitur, cum paucis est conse-
rendus: plurimos antecellit: hanc sibi
propriam laudem habet, quod nul-
lus hac memoria exactiore dili-
gentia in Scripturæ inter-
pretatione uersa-
tus est.

D. GVAL.

D. GVALTERO HAD

DONO LEGVM DOCTORI IO^hannes Checus. S. D. P.

EPISTOLA III.



ERVMAE ET MISERIAE
nostræ, quibus non modo
quotidie iactamur, sed fluctu
amus etiam, sunt magnæ le
uationes ægritudinum & solatia morbi
tui. Arbitror te nunc non modo in finem
vitæ mortem intueri, sed etiam in finem
mortis Christum, cuius siue uiuimus, siue
morimur, serui sumus. Habes exemplum
bonorum & religiosorum uirorum, quorum
tu discessum diserta uoce lamentabaris,
qui tibi aditum ad Christum communi
uerunt, ut si cui relinquenda hæc lux esset,
cuius usura nobis omnibus chara esse so
let, non tot & nobilioribus hortationi
bus instrui posset, si uniuersæ antiquitatis
monumenta euolueret, quam tu ante o
culos penè collocata habes: longitudo
morbi, quæ multa præmeditatione seda
torem omnem dolorem facit: frequens
de morte & necessaria cogitatio, quæ isti
us uitæ oblectationes tollit, & puerilem

K ij uitæ ac

EPIST. III. IOAN. CHECI

nique ac uoluptatis sensum imminuit: magni et graues impetus morbi, qui uires frangunt, & te in meditationem mortis necessario deducunt: mors Bucerī, cuius si dignitas uitę è mortis faucibus illum eripere non potuit, quid speremus de ceteris: quorum laus, etsi magna, maior tamen & dignior illius laus esse nō potest. Sed quemadmodum pueri, sic tu fortassis, cum domo egredientes parentes uident, lamentantur, flent, petunt ut foras cum illis eant: serui, quorum uilia & domestica in ædibus opera sunt, ne petunt quidem ut domo exeant: quia illis neque liberum est petere quod impetrare non possunt, neque sciunt quid foris agere debeant, minime uel asueri ad externa, uel periti. Tu Bucerum præeuntem cernis, in discessu semimortuus clamas, non audit amicus, non abis quo uis: est qui audiat fortassis, et post parentem tuum te deducat, & interea quosdam morbi aculeos auget, qui dolorem tibi inurant, qui corporis quasi carceris tedium tibi injiciant, ut animus liber & solutus, in cœlum quasi in domicilium subuolet, & his communibus

M. Bucerī laus
 maxima.

nibus & quotidianis gromnis, quę uitam humanam nimis moleste premunt, liberet. Hæctū uidens quid aliud cogitas, quā, pater domo egressus, me euocat, sequendum est: sic me uoluntas, sic natura iubet, sic Deus sapiens & bonus uult: cuius ego bonitatem sentio filius, sapientiam mortalis, presentiam creatura. Atmas te contra furorem carnis, quę si non sepulta prorsus, at fracta morbis est, et docet nisi eterno architecto reficiente, corrigi inueteratum malum non posse, & quę rendum aliud domicilium quo migremus, cum ruinam huius imminentem et propendentem uideamus. Quanquam quid dico domicilium? regnum tibi, idq; hæreditarium, & amplissima ditio parata est, quam Christus amissam suis redemerat, culpa illorū prestita, & spiritu donato. Hic tu fortasse: non omnes qui his cruciatibus strati iacent, continuo etiam de ualitudine desperare debent. Non est necesse certe, sed prudentiæ est ita in omnes parteis prouidere, ut ne quid necopinatum accidat, de extremis cogitare, de amissione non laborare, de meliore stas

K iij tu non

tu non desperare. Neque enim uiuendum
sine spe, nec moriendū cum cura: ne uel
uita misera sit, quę solatio spei egeat: uel
mors acerba, cuius aduentu angamur.
Duodecim enim horę diei sunt, quibus
expletis, sol occidit, non expletis, lumen
mortalibus sua uī diffundit, nec ante oc-
cidit, quā tempus à Deo pręscriptum
aduenerit: nec diutius heret, quā cursus
illius designatus finis impellitur. Ne pi-
lus quidem in terram cadit, sine cęlestis
patris uoluntate, quo iubente defluunt
capiti, resistente consistunt: ut intelliga-
mus uitam & mortem nutu & authorita-
te Dei gubernari, nec metuendum quod
ille prouidet, nec fugendum quod affert,
nec detrectandum quod iubet. Sed mihi
ad hęc neque tempus propter occupa-
tiones, neque tibi propter ualerudi-

nem. Dabis igitur ueniam si hic

sistam. Bene uale in Chris-

sto, Haddone. 19.

Martij. Anno

1551.

Docto

DOCTO ET INTE

GERRIMO VIRO, CONRADO

Huberto, collegę & amico

charissimo, S. D.

EPISTOLA IIII.



REDERE FORTASSE POS
ses, Huberte in Christo cha-
rissime frater, idemq; uene-
rande Collega, quod ad te
hactenus minime scripse-
rim, tui memoriam ex animo meo dele-
tam. Verum istud caue putes, si quid in te
Christianę charitatis reliquum est, ut mul-
tum esse confido: & de tua erga me singu-
lari beneuolentia nihil immutatum esse
arbitror. Antea sane non scribebam: quia
uiuebat tuus, imò meus Bucerus. Ille (cõ-
pertissimum id habeo) non deerat offi-
cio: ad te cum primis, & ad alios in Chri-
sto fratres Argentinen. perpetuo scribe-
bat: & mihi subinde, ut amantissimus
collega, quę agerentur per literas indica-
bat: quare cum ab eo istud genus officij
quàm diligentissime obiretur, mea ope-
ra nō opus esse iudicaui. Verum nunc il-

K üij leađ

EPIST. IIII. D. P. MART.

le ad Deum nostrum, & Christum IESUM in pace migrauit, communi omnium bonorum luctu & incredibili mœrore. Adeo sum ob illius mortem fractus & consternatus, ut plusquàm dimidia parte mei, & ea quidem potiori, mihi uidear mutilatus. Quam ob rem gurnis & lachrymis penè conficior: & præ doloris acerbitate me amplius apud me ipsum esse nō arbitror. Obijt ille pridie Calend. Martias, qui strenuè bella Domini per multa uicit. In pace Deus illum ad se uocauit: neq; passus est, ut in manus inimicorū incideret. Felix ille quidem nunc est: sed nos deflendi sumus, qui calibus grauissimis, & miserijs infinitis adhuc sumus expositi. Deus hunc nostrum nunquam satis laudatum patrem atq; doctorem ad aliquod tempus dedit commo- dato: modò cum illi uisum est ad se reuocauit. Nostrum est iudicia eius non accusare, sed ad misericordiam eius prouocādam, precibus omni studio atq; conatu inniti: hoc intentis uotis petendo, ut promilitibus emeritis, quos per mortem exauthorare subinde pergit, strenuis rursus bellato-

bellatoribus iam uacuas acies expleat. O me miserum, dum Bucerus in Anglia fuit, aut in Germania simul uiximus, nunquam mihi sum uisus exulare. Nunc plane mihi uideor solus esse desertus. Habui haftenus fidū comitē in hac uia, qua pariter atq; coniunctissime ambulabamus. Modo ab homine unanimi, & qui uere secundum cor meum erat, morte amantissima, quæ intercessit, sum diuulsus. Vere manus Domini tetigit me. Viuit ille, ac suorum laborum fructus dulcissimos percipit. In meliorem uitam est à Deo transplantatus: charos reliquit, sed à charioribus in æternis tabernaculis exceptus. Quod erat putridum et corruptibile abiicit, et immortalitatis æternę stolam induit. Ah quàm ille perpetuo Argentinensem Ecclesiam in ore habebat: quas pro ea curas gerebat: licet procul esset, & quo ad corpus ab ea uideretur disiunctus, erat tamen spiritu (credas mihi uelim) semper uobiscum. Venit ad me huc Oxoniū elapsa ætate, atq; in domo mea per undecim dies fuit: qui sermones: quæ consolationes de uobis omnibus optimis in

Christo fratribus intercesserunt : Dum
 unà loqueremur, in medio uestrum Ar-
 gentinē uidebamus nobis agere. De redi-
 tu cogitabamus : uerum ille me anteueta-
 tit, & non in Argentinē nostram, sed in
 auream celorum Ecclesiam se recepit : il-
 la est nunc æterna sedes & beata domus
 à Deo illi concessa, unde nulla unquam
 ui poterit eijci : neq; ulla ratione uolet
 emigrare. Deum immortalem precor, ut
 cum illi fuerim in uita coniunctissimus;
 non diu me patiatur ab eo per mortem
 diuelli. Alia complura sunt quę liberet ad
 te scribere, uetū doloris pondere ita pre-
 mitur animus, ut etiam grauetur manus,
 et cum uires ad scribendum ulterius non
 sufficiant, precor, ut mei sis memor : &
 quando non es amplius ad D. Bucerum
 scripturus, me tuis literis quandoq; refi-
 ce atque rectea. Et literas quas hic inserui
 uenerabili Capitulo S. Thomę nomine
 meo reddas, omnesq; Collegas in Domi-
 no salutes. Deinde D. Hedionem atque
 Theobaldum Nigrū, necnon Iohannem
 Garnerium Ecclesię nostrę peregrinorū
 optimum pastorem. Vxor mea & Iulius
 tetu-

A DE OBITU D. M. BVCERI 70

ge tuamq; familiam omnem salutant.

Opto te in Christo bene ualere, & for-
tiori animo ferre casum D. Bucca-
ri, quàm ego ferre possim.

Oxonij. viij. Martij

Anno 1551.

Non sine honore humatum est sanctū
cadauer: tres enim Doctores, magna fa-
cundia, et ingenti spiritu funebres in eius
funere habuerunt orationes: om-
nisq; turba rū scholasticorum,
tum ciuium in exe-
quijs affuit.

Tuus ex a nimo
Petrus Martyr.

EPIGRAM

EPIGRAMMATA VARIA

CVM GRAECE TVM LATINE

conscripta, in doctissimum & san-

ctiss. Theologum D. Mar-

tinum Bucerum.

IN MORTEM PATRIS VE-

NERANDI D. MARTINI BVCERI

Epitaphiũ Henrici ducis Suffolciensis.

VITA *Suavis erat multis, uiuente Bucero,*
Vita peracris erit multis, moriente Bucero.
Voce Dei docuit delectauitq; Bucerus,
Morte docet, uita docuit CHRISTVM esse sequendum.
Talia discenti nec mors nec uita nocebit.
Hæc pius hic docuit uitaq; & morte Bucerus.
Plangite tam clarum patrem, uitamq; sequendo
Fingite: Sic cœlum capiet, quos terra tenebat.

IN EVNDEM Caroli Brando ni fratris Ducis Suffolciensis.

ET puer, extinctum cogor deflere Bucerum.
O utinam lachrymæ possent reuocare Bucerum.
Sed dolor hic frustra, potius peccata dolendum
Nostra: Deus nobis iratus sustulit illum.

Plecti

Plectimur, & merito, rapitur super astra Bucerus,
 Elysij fruitur campis, pius ille triumphat.
 Nos gemimus casum: nam nos miseri sumus omnes.
 Solus enim felix qui corpore liber abiit.
 Anglos ergo puer doleo, bene nanq; Bucero est.
 Ille uiget felix, miseri nos uiuimus omnes.
 Corpore uexamur ualde, manet ille quietus.
 Et sedet in regno CHRISTI, cœloq; locatur.

In eundem Dom. Ioan-
 nis Sheffieldi.

Vita quæ Christum sapit est beata:
 Vita sed Christum sapuit Bucer:
 Ergo ter felix fuit & beata

Vita Bucer.

Qui DEO fidens moritur, beatus:
 Occidit fidens Domino Bucerus:
 Mors fuit felix igitur Bucer

Vltima nostri.

Vita erat felix, fuit & beatus
 Morte, quis totum neget hunc beatum?
 Quis neget talem merito tenere
 Sydera cœli?

In eundem Ioannis Checi.

Vita

EPIGRAMMATA

Vita grauis misero, grauior mors: sed tibi tanto
 Mors nec uita potest esse Bucere grauis.
 Vita fuit Christus, mors lucrum, uiuere cessas
 Naturæ, at Christus uita perennis adest.
 Alma fides Christi, quam tu super astra ferebas,
 Te super astra eadem sustulit alma fides.
 Cumq; tui mores, pietas, doctrina probentur,
 Mors tua non grauis est, & grauis est eadem.
 Mors grauis est nobis orbatis Lumine tanto:
 Non grauis est tibi, quæ uita beata tibi est.
 Doctrinæ studium, uitæ constantia, mortis
 Exitus, ô idem sit mihi CHRIS TE precor.

In eundem Antonij Cooci.

Bucero nocuit, nocuit præsentia Paulo.
 Non oculus sed mens optima quæque uidet.
 Corpore sublato, tantum diuina supersunt:
 Hac Martine tui parte perennis ades.
 Gratus odor CHRISTI, mors, uita & scripta, labores,
 Non peritura die, stant monumenta tui.

In eundem Gualteri Haddoni.

Germanis ô flende tuis, ô flende Britannis,
 Omnibus ô terris flende Bucere iaces.

Te scho

Te schola nostra suum desiderat orba magistrum,

O schola sublato debilitata duce.

Membra quidem Christi sunt nobis multa relictæ,

Sed caput his membris quod fuit, illud abest.

Et caput excellens, quo toto doctius orbe

Non fuit, & non est, nec fore credo potest:

Vita fuit similis doctrinæ sancta probata,

Vtraque laus illi propria semper erat.

Summe Deus lucem nostris infunde tenebris,

Pectora scripturis, imbue ceca sacris.

Qui fuit & tuus & noster, nunc desijt esse

Noster, & in cœli parte Bucerus inest.

O Martine uale CHRISTI præclare minister.

O Cantabrigiæ gemma Bucere, Vale.

Est tua conditio felix, qui fecibus agri

Corporis abiectis, gaudia mentis habes.

Nos miseri, nostro qui te pastore remoto,

Ibinus incertis inscia turba uijs.

Tu Deus ô nostri communis pastor ouilis

Martino similem præfice quæso uirum.

Sic simul in cœlo ciuis potes esse Bucere,

Et simul in terris esse Bucere potes.

APOCAL. XIII.

Beati mortui, qui in DOMINO

moriuntur.

EIS

ΕΠΙΓΡΑΜΜΑΤΑ

ΕΙΣ ΤΟΝ ΜΑΡΤΙΝΟΥ ΒΥΚΗΡΟΥ

ΕΠΙΤΑΦΙΟΥ ΤΩ ΝΙΚΟΙ.

ΛΑΪΣ ΚΑΡΕΥ.

ΤΙΣ ὄτος ὄτι τύμβος;
 ΤΙΣ ἔνθον ὄτι νεκρός;
 ΒΕΪΤΑΝΝΟΣ ὄτι τύμβος,
 ΓΕΡΜΑΝ ὄτι ὄνεκρός.
 ἄλλοτρί τι χώρα
 ἄλλοτρίος τέθνηκε;
 ὁμῖδ' ἰοὶ σύγγασαι
 ἄλλοτριοὶ δέχονται.
 ποῖ ὄ μὲν ὄρ' προφήτης;
 τέχνην ποίην μάθησας;
 θέαν θέ ὄ θεῶ ὄρ.
 τι ὄρ φυγὰς παρορμᾶ;
 φεύγει ὄπλα κρατῶν ὄς.
 τί ὄ θέλε προθύμως
 θεηγόρ ὄ προφήτης,
 θεῶ ὄ πέρ τε θνᾶναι;
 μαιφόνος ὄλέθρου
 μία σφαγὴ θανόντ ὄ
 ἔπω πάντες δυνάϊτο.
 καὶ δὴ ὄ μῖρ τι καλὸν
 αὐτῷ πόρε μάθημα;
 Βίη βίον κράτιστον.
 ὄδοις φθόν ὄ λέγοντι.
 καὶ δὴ

καὶ δὴ κακὸν κρατῶντι
 ποῖον ἔβηλόντι;
 εἰς κακὸν γένεσθαι
 αὐτοὶ ἐβλήοντο χόϊοι τ' ἔμ
 χρεῖν οὐκ ἔλεγε ταλῆως
 κενὸν βαρὺς ἐλαύνωμ
 ὅμοις προῖοι δέχοντες.

ΤΟΥ αὐτοῖς τὸν αὐτὸν.

Τί ξένε θαυμάζεις; χθόνιον πρὸς τὸν χθον' ἴοντα;
 παύε δὲ θαυμάζωμ, οὐδὲμ ἀκθές ὄρεας.
 ὡσπερ γὰρ προτέρως λυγρὸς κατεστράφητο πότμος.
 ὅτω νηλείης ὄϊον ἐμαρψέ μοι.

ΤΟΥ αὐτοῖς τὸν αὐτὸν.

Γερμανοῦ μάντηρ τύμβος κατέκρυψε Βρέταννος
 αὐτὶ δὲ πῶν θέων γήιν' ἀμβόμεν.
 τόνομα; Βόκηρος, μῦθον θεῶν ὅτε μάθηςας
 ἐκ μεγάλου σώματος ὄϊον εἶπε βροτοῖς.

IN eundem Roberti Pemberi.

Moriatur, ut resurgamus.

Hanc carnem fragilem ac miseram deponere leti
 Debemus, cum nos hinc Deus ipse uocat.

EPIGRAMMATA

Certa resurgendi spes, mortis mitigat omnem
 Horrorem, mentes recreat illa piæ.
 Hac spe robusti uita migremus ab ista,
 Quando datam repetet, qui dedit ante Deus.
 Cogitat assidue hæc qui secum commoda uitæ
 Præsentis, minus hic expetit atque minus.
 Vanaq; fallacis contemnet gaudia mundi,
 Negliget et falsas, quas habet orbis, opes.
 Non splendore unquam capietur honoris inani,
 Seria quem mortis cura metusq; mouet.
 Diuitijs & honore licet Solomona beatum
 Exuperes, hinc te mors trahet ipsa tamen.
 Inuitum trahet hinc te mors, ducetq; uolentem,
 Ducat ut ad uitam te quoque perpetuam.
 Vera tibi pietas uitam sit culta per omnem:
 Illecebras carnis subde, domaq; tuæ.
 Vera fides fructus tua proferat, atq; frequentes,
 Vanâ nec in labris sit, natet atque tuis.
 Buceri exemplo cunctis prodesse labora,
 Sis patriæ & ciuis commodus ipse tua.
 Bucero tanquam gnauo, fidoq; ministro
 Commisit CHRISTVS quinq; talenta sua.
 Reddidit hæc eadem Domino duplicata fidelis,
 In Domini intrauit gaudia & ipse sui.
 Ille quidem grandæuus erat, seniorq; sed annis
 Mathusalem ut possit uincere dignus erat.

Doctrina

Doctrina excellens eius sic commoda plura

Orbi adduxisset, plura pijsq; bona.

Erroribus studuit ueteres euellere cunctos,

Quos retinent monachi, quosque Papisinus habet.

Errorumq; loco pietatem inducere ueram,

Hec mens Buceri, propositumq; fuit.

Auxit sic commissa sibi sua quinque talenta,

Laudet eum ut Dominus iure, probetq; suus.

Seu commissa tibi duo sunt, unumue talentum,

Tu tibi commisi muneris esto memor.

Effice & inuigila, seruus bonus atque fidelis

Vt Domini uerbis ritè uocere tui.

Vt tibi dicatur uox & ter amabilis illa:

Intrato in Domini gaudia uera tui.

Quiescat in pace Ecclesia.

In eundem Eduardi Bouingtoni.

Fuit Bucere tuum Cantabria mœsta sepulchrum

Christicolis tristi pro dolor interitu.

Vix tamen nup̃lla res Bucerum credimus esse:

Altera pars tantum: corpore nempe iacet.

In eundem Christophori Carleli.

Quisnam est qui uehitur cœlum sublimis in altum?

Dic quis? & unde uenit? quis in aurea subuolat astra?

L 2 Bucerus,

EPIGRAMMATO

Bucerus, quem firma fides ad sydera tollit.
Quocirca letus superunt nunc sede triumphat.

Eiusdem in eundem.

Felix Martino fruitur Germania magno
Dum sua respondent uocibus acta suis.
Supremi nostras ui numinis actus in oras,
Cum magna magnum fruge peregit opus.
Sed Deus impuros non passus cernere mores,
Aurea de medijs tollit in astra malis.

Eiusdem in eundem :

Corpus sepulchro conditum
Quiescit imo puluere,
Auris quoad uitalibus
Reddat supremus arbiter.

Animus triumphat gaudio
Magna corona cœlitum,
Gestit benigni numinis
Fretus nitore fulgido.

Quod occidit, non angimur,
Sed nostra quod Respublica
Suo carebit lumine
Quo clara fulsit undique.

Lustra=

Lustravit almo lumine
 (Quod ex Deo ter maximo
 Hauserit) suam Germaniam
 Primum, dein Britanniam.
 Vbi dimicavit acriter
 Morbos premens & vulneca,
 Inseuit altis mentibus
 Præcepta præstantissima.

ΤΟΥ αὐτοῦ εἰς τὸν αὐτὸν.

Τί πρᾶξε Βῆκερον πολίτην οὐρανῶ;
 μορος χ' ὁ θάνατος θεῶ ἀθανάτου
 χρεῖσιν δίδουσι παῦλαν πόνων, κ' αἰώνιον
 ζῶν. κακοῖς ἀρχὴν πόνων ποινὰς σκότους.

ΤΟΥ αὐτοῦ εἰς τὸν αὐτὸν.

Τίς ποθ' ὁ δὲ πῶς ἔραθεν ἐπ' αἰθέρα ὀρνύτῃ ἐν ἑνὶ
 ὧρ δὲ νέκυν κλαίεσσι πῶρισα δὸν αἰέτας Ἀγγλοι.
 τίς δ' ὁ νέκυσ; Βῆκερ. ποῖ δ' ἡ ποθεῖν ἴσαθ' ὁ δὲ νύξ;
 τὸν κόσμον προλιπὼν βασιλείαν θείαν ἱκάνει.
 πῶς ζῆν ἡμῶν καὶ ἀγέρας ἡμῶν πάντα,
 αἰνέσας τρία δ' ὁ δὲ φαάντα τε διερετῇ αὐγῇ.

In eundem Vuilsoni.

EPIGRAMMATA.

Bucerus Tauros cornu percussit acuto,
 Et præfractorum conatus fregit inanes.
 Centauros prosligauit, Scyllasq; bisformes,
 Turgentes Papæ cristas lacerauit atrocis:
 Pontificumq; minas, cæcis quos otia pascunt
 Lustris, compressit: procerumq; coërcuit iras.
 Et simulachrorum cultum diffregit, inertes
 Dissulit errores, compleuit pectora luce.
 Discussit tenebras, reuocauit lumina Phœbi,
 Romanum fregit crebris cum cornibus Hydram:
 Cuius ab imperio pendebant horrida monstra
 Eckius insignis scortorum laude sacerdos,
 Et Maluenda minax, Pigius sua commoda querens,
 Desperans Latomus, solatia nulla receptans.
 Quas omnes pestes domuit, uirusq; repressit.
 Prætereo reliquas labe, quas carmine nostro
 Complecti pigeat, quia uicti terga dederunt
 Turpiter, atq; serunt, quam commeruere, repulsam.

Εἰς τὸν αὐτὸν Εὐεῖκον Αἰλάνδαν.

Ἀπέρχεται Βῆκηρ ὦρ αὐτὴ μέγας.
 πόντοις μέγας, λόγῳ μέγας, πίστι μέγας.
 Βῆκηρ ὠθρήναι νεκρὴ Γερμανία.
 Βῆκηρ ὠκλαίαν νεκρὴ Βρεταννία.
 Ἀργυνοτορὰ ζῶντα. Σὺ φεύγοντα μὲν
Καντας

Κανταβρυγία δὲ θυθανόντ' ὑκόντ' ἔτι.
 τυρανν' αὐτῇ ἔχθρος ὦν ἀληθείας,
 δόξης ἀμύντορ ὠδὶς θεῶ πακῶς,
 ταυτῇ γε κερφθόνθ' γίνωρ μάκρ' εἰς
 ἐκκλησίας διδ' ἄσκαλον δ' ἀφαίρετ',
 ὠχισίανε, τοῖς ὅχι διακρύεις;
 πατ' ἀντιχρίστ' ἄρ' θανόντ' ἐνανδ' ρου.
 πρέβατα θεῶ ἄρ' ποιμένα ὅ σενάζετε;
 πῶχοι πίνετ' ὅθ' ἄρ' τροφὸν ὅχι πίνετε;
 τὸς αὐτοδαίης πάντας πρέπει ἄρ' αὐτ' αἶμα
 γνῶσι τ' ἐπιστάτην ἐπισήμους χρίου,
 καὶ τὸς διδ' αὐτὸς διακρύειν διδ' ἄσκαλον.
 ὅθ' ὅθ' οὐδ' εἰς μὴ κάλ' ὅς μίσωρ τρόπος
 καὶ μὴ θεῶ ἄρ' γνηρ διώκων θρίσκειαν,
 ὅς ὅθ' ἐνάγμους οὐκ ἄλίσκεται πόλιν
 Βύκρησιν ἔσθ' τὸ μόνον τυχόντ' ἴδωρ.

In eundem Ioannis Tomsoni.

Morte patris gnatus graue damnum sustinet, atque
 Discipulus, quando is, qui docuit, moritur.
 Urbis quando cecit pastor bonus, omnia moerent.
 Sic feruus dominum cum cecidisse uidet.
 Non pater aut doctor, non pastor, non Dominus nunc
 A nobis talis tam subito abripitur.
 Ast heu iam patrie pater, omnis doctor ex orbis,
 Publicus hinc pastor concidit ac Dominus.

Martinus

EPIGRAMMATA

Martinus cecidit Bucerus, mortuus ille est,
Cunctis perfacilis, cum grauibûsq; grauis.
Splendidus ingenio, doctrina cuncta peragrans,
Vitaq; digna Deo, qui bona tanta dedit.
Omnis græx Christi, cuncto dispersus in orbe,
Hoc sentit uulnus, cœpit & occidere.
Nulla cicatricem magni huius uulneris ætas
Delebit, quanta hinc (heu dolor) orta mala;
Palpandum nunc est manibus nam cuncta tenebris.
Nigrescunt, lapsa est maxima stella cadens.
Iam cadat in luctum uir, fœmina, doctus, & expers,
Rex cum nobilibus, cum iuvene atque senex.
Hæc tamen esse potest nobis solatio cunctis,
Corpore quod presso, scandit ad astra anîma.
Illius hoc uitæ, mortis ratio docet isthuc,
Firma fides probat hoc, unica spesq; DEO.

In eundem Ioannis Freri.

Ingens Dei clementia
Et multiplex benignitas,
Nobis nec expectantibus
Vatē dedit sanctissimum.
Doctrina cuius integra,
Mores probi sic omnibus
Palam nitere cœperant,
Vt iure summum dicerent.
At uita

At uita turpis fontium,
Libido perditissima,
Decreta Iouæ negligens,
Nobis eum nunc sustulit.

Etenim Deus mortalium
Nefanda facta puniens,
Morbo graui mox afficit,
Ponitq; uitæ terminum.

ΤΟΥ αὐτοῦ εἰς δὲ αὐτὸν.

Βῆ κηρος οἱ τέθνηκε τῷ θεῷ σῶμα.
θνητῶν ὅν ἔδωκε ὥστε βλέπεται πάλιν.
τὶ δὲ κρύβεις θανόντα ἑσθ' ὅν ὥ ξένε,
ἔζησε φῦς αὐθροπῆς ἀγγέλου βίον,
καὶ τῷ θεῷ θέλημα πράττωρ γνησίως,
λάοις διδάσκει τῶς λόγους χρίσθ' μόνον.
θνήσκει γέρον φύσει κάτω βροτῶν νόμῳ.
νῦν δὲ βροτῶς λιπὼν αὐθι νάει τῇ.
τὶ δὲ κλαίεις; κόσμος θανὼν ζᾷαι θεῷ,
αὐτὸς τὸ ὄψιν εἰσορᾷ σὺν ἀγγέλοις.
μὴ ζᾷ νομίζω ἀγνοεῖς θείαν γραφὴν.
Γισθ' ὅν τὸ ἔθνος, ζῇ πάλιν πεισθὲς αὐτῇ.

ΤΟΥ αὐτοῦ εἰς τὸν αὐτὸν.

ΕΠΙΓΡΑΜΜΑΤΑ

Τίς; πόθεν ὄνι νέκυσ; Γερμανῶ, τὸν ὄνομα τῶ δέ;
 Βύκκρη. σὺ δέ τίς; Ἀγγλος ὁ κῆρυκλαίωρ.
 ἔπειτ' ἐμὶ βροτοῖς ὅτι ζῶν ὁ φιλέσαστο πολλοῖς,
 εὐρ δὲ θανὼν ὄρυκρη δέ κεν συπασιθεῖ.

In eundem Thomæ Gardineri.

Vixit Buccrus, & diu hic uiuit Deo,
 Nunc mortuus multo magis uiuet Deo.
 Viuus loquutus est Deum patrem suum,
 At mortuus uidet Deum patrem suum.
 Corpus iacet terrena moles & cinis,
 Mens uiuit, & uiuit Dei ad nutum excubans.
 Dum uiuit, en nobis erat coniunctior,
 At mortuus, factus Deo coniunctior.
 Ita exiit mundum, Deo ut se iungeret:
 Quem nos sequamur, & feramur mentibus,
 Quô non datur nunc nostra ferri corpora.
 Dum uiueret, pure didicimus uiuere,
 Nunc mortuo, discamus ex illo uiuere.

Ἰλερμῶ Βοϊτῶν.

Οὐ μὴ σιγήσω σὺ γόος Γερμανία.
 ὅ μὴ ὁ λυγρὸς σὺ λυγρὸς Βρεταννία.
 σὺ ὅτι εἴδω φθιγματοῦ Βύκκρη σὺ,

κλαίει βριταννία, κλαίει Γερμανία.
 καὶ ὅσῳ θανμασὸν τί αὐτῷ βοτοῖς ἔχοι,
 σὲ πατρὸς γ' ἢ μητρὸς εἶχε, ἢ δὲ σ' ἔκγονον.
 ἢ μὲν ὅσῳ καὶ τὸ φθίγμα σου ἀληθινόν.
 τὸ φθίγμα γὰρ τὸ φθίγμα αὐτὸ καὶ θεῶ.
 ἢ χώρεα γ' οὐ μὴ τις τανῦν ἰδὲ βοᾷ,
 ἰδὲ ἰδὲ βοᾷ δὲ δικαίως δειρδοκεῖ.
 ἀλλ' ἔσω ἄλλαις μὴ νομαῖς ἀρκεῖν ἰδὲ.
 ὅμως βριταννία, ὅμως Γερμανία.
 δὲ οὐκ ἰδὲ, τρεῖς οὐκ ἰδὲ διαρκεῖ.
 οὐκ ἀρκεῖ δειρδοκός, οὐδὲ δειρδοκός,
 κλαυθμός μὲν οὐ, στενάγματ' οὐ διαρκεῖ.
 ταύταις ἀπαντα ταῦτα φερέ^{ται} εἰνδοκεῖ.
 μόρ^θ ἢ μὴ βόκηρε σὸν φερέ^{ται} εἰνδοκεῖ.
 εἶχοι σὲ γὰρ ζήσαντα ποισὸν ποισμῶνα,
 ἀρχηγέτην ποισὸν, ποισμῶνα ποισμῶνα.
 ποισμῶνα ποισμῶνα, βίω ποισμῶνα ποισμῶνα.
 ποισμῶνα ποισμῶνα ἰδὲ, ἔτ' οὐκ ἔχουσι σὲ
 ἀρχηγέτην, οὐ ποισμῶνα, οὐ ποισμῶνα ποισμῶνα.
 τὸ σῶμα κείνου τι οὐ λέγειν ἔχει.
 οὐ γὰρ πᾶσι δὲ νῦν, οὐ νῦν ἀπέρχεται.
 ἔσ' οὐ λέγειν, ὅχ' ἢ παροίμια λέγει
 ἔτ' ἔσ' ἔλυσθ' οὐκ αὖθ, ὅ κῶν^θ οἰκεῖται.
 βοᾷ σὺν πᾶσαι νομαῖς ἰδὲ ἰδὲ,
 πᾶσαι μὲν οὐ ποισμῶνα ποισμῶνα ἀγνοεῖ.
 ἀλλ' ἢ βριταννία, καὶ ἢ Γερμανία

λίαν

δίκην λυγρῶς βοῶσι πολλὰ ἰσὶς.

In eundem Iohan. Culpeperi.

Concidit insignis summæ pietatis alumnus,

Qualem nulla dabunt tempora longa uirum.

Mæonio ueteres tribuunt miranda poetæ,

Hoc præcone Dei sed fuit ille minor.

Propter doctrinam si collaudetur Homerus,

Quid nos Bucerum concelebrare uetat?

Illius ingenium miratur Græcia felix,

Bucerus multum præstitit ingenio.

Ille fuit uates, uero mendacia iungens,

Bucerus uates, nil nisi uera docet.

Fontibus illius multi sua scripta rigarunt,

Hic sancta mentes relligione rigat.

Sed quid confertur cæco Bucerus Homero,

Qui uitæ nobis lumina tanta dedit?

Artibus ingenuis adiunxit dogmata sacræ

Legis, qua Christum noscere quisq; potest.

Scripturæ præstans interpres atque magister

Iam cœpit nostris liber abesse malis.

Bucerum peperit magnum Germania quondam,

At nunc Bucerum terra Britannia tegit.

Subuolat in cœlos animus terrena relinquens

Gaudia quæ semper spreuerat ille pius.

Ille Deus

Ille Deum planè confessus uoce diserta,
Nos docuit uerum religionis iter.
Osi nunc possis iterum Bucere renasci,
Vt nostris iterum præficere scholis:
Quàm iucunda foret tua tum præsentia nobis,
Lætitiâ cunctis cum tua uerba darent?
Sed tibi pergratum fuerat mortale cadauer
Linquere, quò posses regna tenere poli.
Horribiles alijs mortes in parte putabas
Lucri felicijs, quæsticuliq; boni.
Et certe mortis nil formidabile telum
Te læsit, uerum commoda magna dedit.
Nos mala, nos pestes, nos hæc incommoda pungunt,
Et nobis solis mors tua sancta nocet.
In uerbo Christi tua nos doctrina regebat:
Quis nos sic post hac ducere quæso potest?
Lumina prætulerat nostris tua mentibus ætas,
Dum rectis studijs tempora quæque dares.
Exemplo uitæ quis nunc, & moribus alnis,
Erudiet, prohibens turpia facta sequi?
Est igitur nobis tam iusti causa doloris,
Quàm tibi lætitiæ uir uenerande, datur.
Quàm Cantabrigiæ charus Bucere cadebas,
Funeris id mœror significare potest.
Sed quia nobiscum non es post ista futurus,
Quæsumus, ut similem det Deus ipse uirum.

ΕΠΙΓΡΑΜΜΑΤΑ
ΤΟΥ αὐτοῦ εἰς τὸν αὐτὸν.

Η Κανταβριγίη παρέχει τοῦ σώματι σῆμα
 Βακχέρη, ψύχην οὐρανὸς αὐτῷ εἰχει.
 ἀθανάτου αὐτὸς ζωῆς ἢ ἄξιον ἄρα,
 ἀθάνατον νῦν δὴ βίον ἔδωκε θεός.
 θῆκε δέ μιν χεῖρ ὅς γε φέωρ χαρίεις αὐτὸν ἡμῖν
 κήρυκα, ὅς ποίμην ἦν μάλα σφοδρὰ καλός.
 τηλικὸν ἡμετέρῳ τίς δώσει ποίμενα λαῶν;
 ἢ τίς τοιῶτον πέμψει ὁδὸν γοῦ ὁδοῦ;
 ῥήματα νῦν χεῖρ τίς ἐρμηνεύσει τῇ ἡμῖν;
 τίς δύνάται παυλὸν μουσικὰ πάντα νόον;
 ἔσκε φύλαξ, τέχνη, ξίφιον, δόρυ, ἔγχος ἰσθῶ
 ἐνθύνων κραδίας πῖσι ἀναῶ.
 ἀλλὰ θεοδικήτου ἡμεῖς μὲν ἀνάξιοι αὐτοῦ
 ἡμεῖς ἀμαρτιῶν πλήρεις ἀεχρὸτάτων.
 νῦν μελανοπῆγόν γων κεύθεις γῆν μητέρ' ὀνείρων
 αὐτὸν, σκολῆφι δώσεται σῶμα τροφήν.
 Βακχέρη θάνατος πᾶσι μὲν γὰρ τῷ ἡμα Βριτανόισι
 ἡμῖν μὲν λυπὴν, αὐτῷ ἔδωκε χαράν.
 φῶς λίπε τὸ κόσμον ὅσον καὶ σῶμα γεῶδες,
 σῶμα δὲ, φῶς, ζῶν τεύξετ' οὐρανόθεν.
 Εὐκέρη θάνατον γόερον μέλος ἐσιρὰ κῆρυ,
 δεινὰ φέροι πάθει, καὶ ἀμέγαρον ἄχθος.
 αἰδοῖς δὲ κακῶν μάλλον μετὰ ταῦτα δολκήσῃ;
 εἰ μὴ οἱ ἴσον αὐτῷ δίδωτο θεός.

In eundem Richardi Kytchini.

Contra quam deceat clamare, & uelle capillos
Vellere lugubri uoce, pudore caret.
Martinus uere martyr, uerbiq; minister
Quod sua templa petit, lachryma multa cadit.
Iustior ille tamen luctus, si forte leuare
Vel damnum possit, uel reparare bonum.
Sed quando exacta fatorum lege tenemur,
Que licet & poteris, disce ferendo pati.
Mortalis morti non imperat, omnibus illa
Librata uitas lance ferenda rapit.
Expulit hunc mundus, quem mox excepit olympus,
Mortalisq; suo desinit esse lucro.
In iuvene & puero mors immatura putatur,
Nunc in maturo seua fit illa uiro.
Est quod eos doleas, in quæis spes magna relucet,
Nec florens arbor uere reuulsa placet:
Sed grandes fructus maturi temporis æui
Cum tolli uideas, proh dolor, ille dolor.
Ærumnas Martine tuas quis fleret acerbè?
Accidit hoc nobis uulnus, & omne malum.
Te manet æternæ cum Christo gloria uitæ:
At nos uita breuis, luce carente die.
Tu Cantabrigiam testem Martine repone,
Dum summi ueniant tempora iudicii.

EPIGRAMMATA

Hec urbs nanque tuum decus, hoc insigne relinquet
 Testatum superis, omnibus aucta modis.
 In nullo ueterum quos fama adiunxit olympo,
 Inuenies similem pondere et arte uirum.
 Quod studium, quantusq; labor susceptus ab illo est,
 Expertus nisi sis, credere difficile est.
 Qui Cantabrigiam summis muniuit alumnis,
 Tempore quàm paruo profuit ille bonis.
 Qui flexit iuuenes, qui consummauit adultos,
 Qui CHRISTO iunxit relligione senes.
 Qui prius ut uates, & mens præsaga futuri
 Quò uenere patres, accelcrauit iter.
 Quique prius terræ, cœlo nunc nascitur alto,
 Quòque prius cunctos ipse uocauit, abit.
 Anglia si ex humili uis esse augusta, tuorum
 Tale uiri exemplum, transfer in omne decus.

In eundem Petri Perusini.

Dum patris in solio Christus regnabit, & illi
 Parebunt homines, angeliciq; chori:
 Dumq; erit æternum quicquid manauit ab ore
 Illius, & quicquid Biblica scripta docent:
 Semper erit celebris tua laus, & fama Bucere:
 Semper & ingenij fulgida imago tui.
 Ergo cur doleam? quòd tandem liqueris orbem,
 Vt tandem summo perfruerere bono.

Num pote=

Num poteras olim magis inclarescere mundo?

Haudquaquam. hoc plenè iam tibi contigerat.

Num uita hæc aliquid, quod delectaret, habebat?

Nil certe. Est cunctis illa referta malis.

Viue igitur sælix: & qui, dum uita manebat,

Orbis eras splendor, nunc decus esto poli.

In eundem Thomæ Vvilsoni.

Proh dolor, horresco: pater & præceptor honesti

Occidit, eximius præco Bucerus abit.

Anglia tam claro luget spoliata Bucero,

Turbaq; doctorum congemit interitum.

Tristibus infœlix resonat clamoribus æther,

Aula gemit, lugent oppida, uilla, schola.

O dolor, ô gemitus uehemens, ô uiuere triste,

Vita pio pestis, mors erit ipsa lucrum.

Tollitur excellens lumen, tenebrasq; sequentes

Conspicor, in tenebris (proh dolor) error inest.

Sic solet iratus uitijs graue mittere fulmen

Iupiter, haud grauius numina fulmen habent.

Discite mortales uitam contemnere, Christum

Noscite uenturum, tempus abire iubet.

Fata ferunt nullum, cum tollunt fata Bucerum:

Si fuit in terris uir bonus, ille fuit.

Strenuus æternæ pastorq; & præco salutis:

Vita clarus erat, morte beatus erit.

In eundem Ioannis Goodrici.

Insignem pietate uirum mors seu a Bucerum
 Sustulit, ut nostris pœna sit ille malis.
 Dum præsens fuerat, cæcis erroribus acti
 Non sumus, amplexi commoda tanta uiri.
 Absentem cupimus uotis, sed uota iuuabunt
 Nulla, nec ad uitam sedula uota uocant.
 Doctrinæ plenus, morum, uiteq; probatæ,
 Nil nisi de Christo sueuerat ille loqui.
 Christus in ore fuit, Christum pia lingua docebat,
 Christum expresserunt splendida facta suum.
 Ergo Bucere tuis hæc restant præmia factis,
 Mortuus ut uiuas, nec tua fama cadet.
 O uir summe uale, ueræ uirtutis amator.
 Cuius in exequijs Anglia tota gemit.

In eundem Osuvaldi Metcalfi.

Laude Bucerus celebris perenni
 Hoc iacet pressus tumulo, sed exit
 Fama per latum uaga, clara spargens
 Facta per orbem.
 Angliæ splendor, patriæ decusq; :
 Namque turgentis fera monstra Papæ
 Sustulit, recti pater atq; ueræ
 Religionis.

Deflet

Deflet hunc Clio, reliquæq; musæ,
 Ingemit Pallas, lachrymatq; Phœbus,
 Atq; diuinam cupiens salutem
 Anglica pubes.

Eiusdem in eundem;

Anglia quid luges Bucerum morte peremptum?
 Cum Christo superos possidet ille polos.
 Carmine lugubri tua dicas turpia facta,
 Bucerum nobis hæc rapuere mala.
 Flagitijs motus, mortalibus arma mouere
 Vult Deus, & poena nos grauiore premet.
 Inditium est iræ Bucerus morte peremptus:
 Noluit hunc Dominus tanta uidere mala.
 Anglia te desle, luge tua facta nefanda,
 Bucerum magnum quæ rapuere tibi.
 Buceriq; memor, docuit quæ dogmata constans
 Persequere, & colito cum pietate fidem.
 Huc honor est illi summus: sic ira recedet
 Magna Dei, uanas reddet & ipse minas.

In eundem Ioannis Bacheri.

M 2 Martinus

EPIGRAMMATA

Martinus nimium matura morte Bucerus
Ablatus, iusta est immensi causa doloris.
Res ô quam misera est nobis, miserandaq; semper,
Tempore quæ nullo queat evanescere prorsus.
Infando siquidem memorans horresco dolore:
Nobilis heu periit toto Martinus in orbe,
Veridicus uates patris omnipotentis, & huius
Sedulus interpres: custos, quoq; religionis:
Bellator uero pro Christi dogmate sanctus,
Virtutis cultor, uitæ præceptor honestæ:
Consilij plenus, quamuis mirabilis arte,
Excellens fidei columen, fidusq; satelles:
Regibus optatus, summoq; affectus honore
Vixit principibus, ducibus, clarissimus heros.
Sed moerent omnes Martini morte Buceri.

In eundem Gulielmi Harvvardi,

Doctos semper habet Germanos Anglia charos,
 Germanusq; Anglos ardet amore pio.
 Hoc natura dedit, dedit hoc quoq; gentis origo,
 Cum tu Germanis traxeris Angle genus.
 Sed neq; natura, nec gentis origine tantum,
 Buceri quantum creuit amore hic amor.
 Bucerus fuerat qualis si forte requiris,
 Te sua scripta docent, sed pia uita magis.

Artis

Artibus ingenuis nunquam Germania talem,
 Quamuis præclaros, ædedit illa uiros.
 Hunc sibi dilectum semper, post fata sepultum
 Anglia clara tenet, atq; obiisse dolet.

In eundem Henrici Vvrightij.

Angliarumpe moras, lugubrem sumito uestem:
 Quò ueniunt clades, perueniatq; dolor.
 Suscepti merito Bucerì morte dolores,
 Prodantur luctu, flebilibusq; modis.
 Luctus & in magnæ dominetur mœnibus aula,
 Et resonet luctus nobilitata domus.
 Oppida mœrebunt, urbes, uillæq; lociq;
 Deserti, & lachrymis Anglia tota fluat.
 Et quos damna præmunt communia, luctus eosdem
 Coniungat, luctu regio nulla uacet.
 Tu quoq; præ reliquis, Academia mater, euntem
 Doctorem lachrymis fac comitere tuis.
 Magna etenim fuerant ad te uenientia ab illo
 Commoda, quò melior causa doloris erit.
 Occidit (heu) tua laus crudeli funere, uoce
 Orba pij patris, qua resonare soles.
 Scilicet impietas hominum, scelerataq; uita
 Hoc facit: & tantum sustulit illa uirum.
 Ingratos homines, CHRISTI sententia tanta
 Censuit indignos commoditate uiros.

EPIGRAMMATA

Vindictæ scelerum nostrorum funera iustæ
 Extant, irati signa tremenda Dei.
 Anglia rumpe moras, superum prostrata precare
 Irarum finem, disce timere Deum.
 Buceriq; tui celebrentur funera luctu,
 Et iustis tanti quicquid decet esse uiri.
 Optima quæ docuit, factis imitare: sequentes
 Verba, manet similis uita beata uiros.

In eundem Iohannis Semani.

Anglia, si qua dies tristis tibi fulserit unquam,
 Hic tibi iure dies, Anglia, tristis erit.
 Aspicias ut dirum torfit mors impia telum,
 Ut tetigit nostræ languida membra scholæ?
 Aspicias & sanctis quàm magna est facta ruina?
 Quid mors seu nimis sic tua tela iacis?
 Sponte tua mittis iaculum reuocasq; uolucres:
 Vel fit fortuito, uel Deus alter agit.
 Seu tu, seu fortuna facit, seu fecerit alter,
 Non tu, non alius, fors neq; cæca bene.
 Sic inuisa fuit diuini uita Buceri?
 Quid magis huic reliquis cur moreretur erat?
 Scilicet & mores puri, pura, integra uita:
 Tam purum impura hæc non bene uita decet.
 Germanis splendor charus, lux grata Britannis
 Inclusus tumulo sancte Bucere iaces.
 Pascebas

Pascebas uerbo populum, nunc corpore uermes
Pascis, depastus pastor & ipse bonus.
Heu nos interea miseros, quæ cura remordet,
Linquimur ut puppis, quam regit unda maris.
Quis tua præterea, Deus optime, uerba repandet?
Quis populo nomen dicet in orbe tuum?
Quis tua membra leget totum diuisa per orbem?
Pauperies uestri nunc ubi curâ iacet.
Fleto tuos casus, deplora fata Buceri,
Maxima nam uitæ pars fuit ille tuæ.
Sed merito patimur, nam numinis ultio summi est:
Sic uitium pensat numinis ira grauis.
Sic neq; desistet, nec sic sua dextra quiescet:
Iam fortem gladium uibrat utraq; manu.
Intendit ualidum brachio fortissimus arcum.
Spicula cui resonans plena phæretra dabit.
Anglia si regum metuisti bella potentum,
Bellantem metuas Anglia parua Deum.
Ipsa Deum ueniam non ficta uoce rogato:
Sic placida ueras audiet aure preces.
Lumina quodq; boni clauserunt fata Buceri,
Sæpius exclama, sancte Bucere uale.
Omnibus una uia est, duce te Martine sequemur:
Quam mihi præmonstras, hanc sequar opto uiam.

In eundem Thomæ Leuvsii.

Ergo hic (ut uideo) iugis est mutatio rerum:
 Vel quasi bulla sumus, uel leuis umbra sumus.
 Nempe Bucerus abest: quid ages mors impia nobis,
 Si sis tam sancto seua cruenta uiro?
 Viuus erat dudum, qui nunc est truncus inanis,
 Proq; pijs ouibus, corpore pascit humum.
 Hunc igitur iubeant iterumq; iterumq; ualere
 Omnes quos tangit religionis amor.

In eundem Gulielmi Templei.

Turba quid ah facies? quo consolante dolores
 Ferre potes? lachrymis finis an ullus erit?
 Quid facies rectore carens orbata Bucero?
 Quis tibi Scripturas qui reserabit erit?
 Ah mihi quid facies? quo preceptore carebis?
 Quis leget in nostris dogmata sancta scholis?
 Scilicet interijt, non amplius ille docebit,
 Non leget in nostris amplius ille scholis.
 Vltima fata uidet: nil ars operosa medentum,
 Nil gemitus nostri, uota precesue iuuant.
 Christi abiit miles, cecidit doctrina refulgens,
 Vox cecidit resonans, cana senecta ruit.
 Occubuit pastorq; ouium, terrorq; malorum,
 Occubuit nostri fida columna status.
 Cuncta hæc in cineres fati grauis intulit hora,
 Omnia mors rapida carpsit acerba manu.
 Ergo

Ergo est creptum nostrum solamen, & acris
Cernitur in nobis ira furorq; Dei.

Hinc tam dira fames, hinc est discordia fratrum
Hinc illæ lachrymæ, bella facèsque fluunt.

Scilicet in causa est irati numinis ira.
Anglia maturè disce timere Deum.

Anglia, quid cessas, quid cessas Anglia? funde
Vota DEO, sceleris penituisse decet:

Posce Deum ueniam, ueniam dabit ille roganti,
Si modo qua debes mente rogare uelis.

Lugeat interea Britannica turba Bucerum,
Pastoremq; suum: uirq; puerq; gemat.

Grata dedit certe nobis Germania lumen,
Lumen ad extinctum quod dedit illa gemat.

Sed bene res cecidit: sic stat diuina uoluntas:
Sic Deus æternus, sic sua fata uolunt.

Quicquid fata iubent, nobis parere necesse est,
Semper & est iusto gratia danda Deo.

Det Deus, ut simili fœlix hæc turba Bucero
Fiat: spero piæ audiet ille preces.

Nempe suo rectore carens, iactata procellis,
In subitos scopulos cæca carina ruit.

Credula turba sumus, uarijsq; obnoxia morbis:
Vna feret nobis mille pericla dies.

O si uiuisset longæui Nestoris annos,
Non esset nostra terra beata magis.

EPIGRAMMATA

Donec erat sanus, cecinit præconia Christi,
 Voce Deo fidus, pectore fidus erat.
 Paut oues Domini, cœlestia dogmata sp̄s sit:
 Lumen erat cæcis, regula certa bonis.
 Audijt hunc sc̄elix Academia nostra docentem,
 Ter quinos menses, uerba stupenda Dei.
 Iamq; æger Martinus erat, non amplius illum
 Audijt in nostris turba stipata scholis.
 Sc̄uit hyems n̄nium, cœli inclementia uires
 Fregit, & ad lectum fata inimica trahunt.
 Vt cecinit Christum morborum mole grauatus,
 Quàm cupijt nostris liber abesse malis?
 Quàm petijt ueniam, quàm forti pectore dixit:
 O Deus hanc animam suscipe, quæso, tibi.
 Vox deerat: mentis superabat sola potestas:
 Sustulit ad summum languida membra patrem.
 Seminecesq; manius tendens ad sydera, uitam
 Liquit, & hic quicquid terreus orbis habet.
 O ego sic moriar, sic ô mea lumina condam,
 Sic Pater omnipotens det mihi posse mori.
 Corpus apud nos est, cœlum est possessio mentis:
 Ter quater ô sc̄elix, cui dedit ista Deus.
 Sexaginta unum transegit fortiter annos:
 Atq; hic Martini meta suprema fuit.
 Fine sui extinctum uidit Februarius: atqui
 Martius ad tumulum mortua membra tulit.

Mille

Mille et quingentis sit quinquagesimus unus

Additus, et presens funeris annus erit.

Quid memorem fletus, Haddoni tristia uerba?

Quid Mariæ templum, funus id intus habens?

Sic tegitur paruo tam gloria magna sepulchro:

Sic locus exiguus nobile corpus habet.

Ergo hunc perdidimus: sed qualem nulla tulerunt

Secula, sed qualem secula nulla ferent.

Iamq; Bucere uale: celebris tua fama per æuum

Non cadet: ô iterum sancte Bucere uale.

Tu quicumq; leges defuncti scripta Bucer,

Dij faciant fructu non pereunte legas.

Qualis at ille fuit, talis sis moribus ipse:

Sic bene, sic fructu non pereunte leges.

Ipsa ut coepisti solers Academia perge:

Sordibus abiectis, nil nisi sancta tene.

Iusta manus Domini tetigit te: uulnera passa es

Iusta: Deum ueniam posce, petita feres.

Perge bonis auibus noctesq; diesq; beata

Artibus ingenuis, moribus esto bonis.

Exemplar propone tibi, propone Bucerum:

Adiunges studiis commoda quanta tuis.

Disce timere Deum: sic felicissima fies,

O nimium felix qui facit illud, erit.

Ah miseros qui sæda colunt, qui numina temnunt,

Quos derisorum turba nefanda capit.

Franget

EPIGRAMMATA

Franget eos Dominus, conatus reddet inanes,
 Contundet forti pectora dura manu.
 Pone truces animos: elatos numina frangunt.
 Solum submissos suscipit ille Deus.
 Sic dabitur summi penetrare in limina cœli,
 Vita ubi perpetua est, & sine fine salus.

Eiusdem in eundem Ecloga.

- Germa.* Anglia quid mœsta es? quid mentis conscia nostræ
 Plangis, & ex animo toties suspiria ducis?
 Quicquid id est, timeo: ne sit communis utriq;
 Hic luctus uereor: quas o' mihi singula pande,
- Anglia.* Ille (ah non adsunt miseræ mihi uerba loquenti)
 Ille, inquam ille suis cecidit, Germania, satis.
- Germa.* Cur toties illum geminas charissima, paucis
 Dic mihi cur toties, illum, tam mœsta loquuta es?
 Fare, nec ulterius uerba imperfecta relinque.
- Anglia.* Flenda mihi, lugenda tibi, Germania dico.
 Mœsta loquor, nobis communia damna duabus:
 Ille tuus, flos ille tuus, quem grata dedisti
 Tu mihi, crudeli prostratur morte Bucerus.
 Illum (ô falsa essent) non amplius ipsa uidebis.
- Germa.* Me miseram, cecidit mea gemma, mea inclita proles?
 Lux mea surrepta est, periit mea sola uoluptas?
- Anglia.* Flere licet. quid flere iuuat? quis numina frangat?

Fata

Fata quis auertat? sic stat sententia Parcæ.

Sic est: ast utinam morientia lumina & ipsa

Germ.

Clausissem, & poterat propria tellure reponi.

Siste tuas lachrymas, animum deponere noli:

Anglia.

Idem animus nobis, eadem doctrina, uoluntas

Vna: tuum, quodcunq; meum est, ucrè esse putabis.

Sic iacet extinctus propria tellure Bucerus.

Vt mihi grata manes, sic sum tibi grata uicissim.

Germa.

Inque uicem meritis pariter certamus utraq;

Det Deus ut nullis amor hic decreseat in annis.

In eundem Gulielmi Thulesij.

Quid fles Bucerum gens Anglica funere raptum?

Num lachrymis illum posse redire putas?

Frontem porge tuam, miseras depone querelas,

Viuit, non moritur uir pietatis amans.

Non solum pateris damnum, Respublica Christi

Tota quidem passa est, sparsa ubicunq; fuit.

Quamuis putidula corpus putrescat in urna,

Mens erit æterno consociata Deo.

Sæuit, & in cineres illud mors uertit inanes:

Non mors, non demon hanc uiolare queunt.

Non moritur, posthac mors non dominabitur illi,

Quicquid enim uiuit, uiuit id omne Deo.

Occurrens sponso superas rediuiuus in auras,

Cœlestes epulas concelebrare parat.

In eundem Nicolai Karuilli.

Doctorum genitrix Academia summa Britannis,
 Qua doctis grex est nulla repleta magis.
 Ah quoties uolui meritas te soluere grates,
 Fundere saluifico carmina leta Deo?
 Ah quoties uolui ut maculis circumlita nullis,
 Susciperes grato pectore uerba Dei?
 Sed tibi contemptus Deus est, contemptaq; uerba,
 Verba quibus ueniunt gaudia, uita, salus.
 Sustulit ergo Deus quem miserat ipse prophetam,
 Quòd tulit in culpa est crimen (iniqua) tuum.
 Cuius amor summus concesserat, ecce Bucerum,
 Sustulit ardescens illius ira tibi.
 Tam cito sublatus cum sit, tua crimina defle:
 His tua sunt tantis crimina digna malis.
 Et nisi præmissam uitam, moresq; nefandos,
 Contemptum uerbi deseruisse uelis:
 Ah grauiora magis, multò grauiora sequentur
 Vulnera, lis, bellum, pestis, acerba fames.
 Ergo tuam causam lachrymeris, deq; Bucero
 Exultans, Christo carmina digna feras.
 Mortuus hic uiuit, uiuit per secula cuncta,
 Inque Dei uiuit perpius ille manu.
 Quòd moritur nobis flendus, flendusq; uidetur,
 Quòd modo præceptor nunc iacet ille cinis.
 Quòd

*Quòd Domino uiuit, corrupto corpore solum,
Gaudia, non lachrymæ sunt ineunda tibi.*

In eundem Gulielmi Lechei.

*Non animi uires, non nomen, non decus amplum,
Mors minuis: tantum pectus & ossa teris.
Bucerus uiuens Christi deuicerat hostes,
Nunc cœli sedem, liber ab hoste, tenet.*

In eundem Francisci Neutoni.

*Pone graues fletus, mentem nec confice luctu:
Mors etenim secum gaudia magna tulit.
Ærumnas uitæ tristes hæc depulit omnes,
Numinis inque domum mors patefecit iter.
Et quamuis corpus condatur puluere terræ,
Mens tamen in cœlis iungitur ipsa Deo.
Ipsius hoc meruit uirtus clarissima semper,
Omni quæ uita sedulo culta fuit.
Iustus erat, constans, patiens, pariterq; benignus,
Et lenis cunctis, & moderatus erat.
Quid reliquas dotes memorem, quibus undiq; sælix
Omni doctrina cultus, & arte fuit?
Omnibus ingenuis sic floruit artibus ille,
Vt nequeat Pallas nunc reperire parem.*

Et

EPIGRAMMATA

Et fuit in primis sacra studiosus in arte,
 Legit sincerè uerbaq; sacra Dei.
 Atq; Deum semper tanta pietate colebat,
 Ut merito Diui nomen habere queat.
 Quem nunc omnipotens in cælum sustulit altum,
 Proq; suis factis præmia digna dedit.

In eundem Alexandri Nouelli.

Cognita Germanis, bene cognita sancta Britannis
 Vita Bucere tua, & lingua Bucere tua.
 Cognita sunt latum sanctissima scripta per orbem,
 Queis pia nulla magis, docta nec ulla magis.
 Sed Cantabrigie, non toto cognitus anno,
 Conditus es tumulo magne Bucere breui.
 Sic Cantabrigie, fatorum lege, Bucere
 Cognitus & decus es, conditus & dolor es.

Eiusdem in eundem.

Extinctum nollem quisquam putet esse Bucerum,
 Mens uitam in supero lumine cuius habet.
 Extinctum nollem quisquam putet esse, quid ergo?
 Corporis est placidus somnus, eritq; breuis.
 Extinctum nollem quisquam putet esse perennis,
 Fama uiri uiuit, scriptaq; docta uigent.
 Extin=

Extinctum ne ergo quisquam putet esse Bucerum,
 Scriptaq; cum uiuant, famaue, mensq; uiri.
 Tristis abesto dolor, uiuenti gratulor: ille
 Nam mundo uiuit, uiuit & ille Deo.

In eundem Gulielmi Lodouici.

Bucerus, mortis limoso clausus in antro,
 Terræ concessit, quod modo terra fuit.
 Innocue uixit, multos & uiderat annos
 Conspicius, sacri gloria magna chori.
 Teutones hunc celebrant docti, celebrantq; Britanni:
 Vtraque flet tellus, Pieridésq; gemunt.
 Personuit Christum sanctæ tuba maxima legis,
 Lumina Scripturis, lumina clara dedit.
 Exemplar uitæ, sermonis norma, trilinguis,
 Doctrinæ solidæ, flosq; decusq; fuit.
 Mors iter in cœlum, mors lucrum & uita perennis,
 Ossa dedit terris, sydera habent animam.

In eundem Ioannis Herdi.

Ergone Bucerus iam desijt esse supersles?
 Et uerbi interpres desijt esse sacri?
 Nos miseros, quibus est uoces audire negatum,
 Quas docto sanctus protulit ore senex?
 N Nostram

EPIGRAMMATA

Nostram deploro sortem, sed gratulor illi
Nunc patriam quod habet, qui prius exul erat.

In eundem Petri Bellopoelij.

Si nescis, Lector, quisnam fuit ille Bucerus,
Quem satum nobis eripuisse uides.
Exitit idem qui nunc est: nisi ducere tandem
Illum uulgari conditione placet.
Ipsa quidem occubuit moles, sed spiritus auras
Hac præteruectus intonat altus humo.
Exhibuit nobis hominem Germania, Virtus
Auxit: at Anglorum Regis alumnus obiit.
Nec lis ulla quidem est fuerit Germanus an Anglus,
Qui se sydereo uouerit ipse polo.

Eiusdem in eundem.

Immortalem animum tibi cum natura, Bucere,
Eiusq; insignes expediisset opes:
Corporis effigiem quandam addidit: extulit & te
Tandem ad conuexi mystica uerba Dei.
Hæc sine non magna subiisti laude: sed in quo
Sic abes, o fidei sax memoranda tuæ.
Vna quidem nos angit res, quod mortuus ipse es,
Cum te uellemus, non potuisse mori.

Quamquam

Quamquam propterea minimè lugemus: habemus
 Quòd! etiam impediatur, ni superesset amor.
 Heret enim rediuiuus amor, neq; flaccida certè
 Cuiusquam nostrum fallere membra potest.
 Hocq; magis, quòd pauci extant quos amulo sacra
 Scriptura uirtus auferat, & teneat.
 Hinc te uniuerſi fœlicem ducimus, ut qui
 Perpetuo hanc quodam uolueris orbe rotam.
 Id tua uiuendi ratio testatur, id ipsa
 Religio, & mortis prodita signa tua.
 Vixisti moriens, uiuens in fata ruiſti:
 Vita fuit tibi mors, mors tibi uita fuit.
 Vita odium conſlauit iners, mors abstulit: ecce
 Illa tibi iam lux, hæc tibi iamq; ſalus.
 Præter te ſimilesq; tuos quàm deniq; pauci,
 Flectere quos non plebs ambitioſa queat.

In eundem Bartholomei Traheroni.

O nulla moriture die, cur mortuus eſſe
 Diceris? hæc potius mors tibi uita fuit.
 Viuis, nunc demum uiuis, nec es antea uiſus
 Viuere, ſed uere mortuus eſſe mihi.
 Non es tu nobis, ſed nos tibi lumine caſſi,
 Et mortis telo ſaucia turba ſumus.
 Tu noſtram ſleres mortem, ſi gaudia tanta
 Queis fruieris, ſincerent, non tamen illa ſinent.

EPIGRAMMATA

Ergo Bucerus uiuat, nostramq; fleamus
Mortem, ut uiuamus, uiuit ut ille pius.

In eundem Nicolai Vdalli.

Siste gradum Lector, si nescis, ecce, Buceri
Quo cernis tumulo corpus & ossa iacent.
Cuius fama, decus, libri, facundia, uirtus,
Implebant orbem, quem breue marmor habet.
Nec dicendus erit tamen interiisse Bucerus,
Cuius non poterunt scripta diserta mori.
Et meliore sui regnat iam parte Bucerus,
Tam pia mens stygios nescit adire lacus.
Discessu indoluit Germania tota Buceri,
Sed mage defunctum terra Britanna gemit.
Quid Parcas, quid fata sibi uoluisse putemus,
Cum talem nobis eripuerit uirum?
Anglia si uiuo fuerat te indigna Bucere,
At saltem cineres excolat illa tuos.
Quod nisi naturæ cessisses legibus, in te
Forsitā haud noster cognitus esset amor.
Nunc fueris cunctis quàm charus & utilis idem,
Luctus hic, & passim carmina fusa docent.
Anglia te fuerat foeliciter usa magistro,
Exemplo, uiua uoce, librisq; fruens.
Sed iam tempus erat requie mutare labores,
Per quæ obitum in campos mittier Elysios.
Ergo

Ergo Bucerè uale, cœloq; fruare beatus,
Nos quoq; dum iungat mors superata tibi.

In eundem Gulielmus Buclæus.

Lis est, Germanus fuerit ne Bucerus, an Anglus,
Vtraq; gens causam quo tueatur habet.
Mundanum celebris fecit Germania ciuem,
Cœlestem ciuem terra Britannia facit.
At cœlum mundo longè est præstantius: ergo
Conditio melior terra Britannia tua est.

In eundem Martini Fargani.

Qui simul interitus hominum metitur, et ortus,
Quid non Buceri funera grata putet?
Natus erat moriturus: at hinc migravit in altum,
Vitam uicturus postmodo perpetuam.
Quanto igitur rebus præstant æterna caducis,
Tanto mors uitæ est anteferenda suæ.

FINIS EPIGRAM-
matum.

EPICEDION SCRIP-
TVM REVEREN

DO VIRO D. MARTINO

BVCERO.

Autore Christiano Los-
tichio Germano.

ANNO DOMINI
M. D. LI.

PARCE Deus, nec perde tuum quĩ nomen adorant:
Vita quibus nati est sanguine parta tui.
Sed castas admitte preces, moueare querelis:
Totq; fatigatis casibus affr opem.
Sicut enim lapsis laterum compagibus, imbrem
Accipit æquorea naufraga puppis aqua:
Sic uarios dudum Germania passa tumultus,
Hei miserè externo milite fracta cadit.
Quas non sustinuit miseranda clade ruinas,
Acer ut in nostros seuit Iberus agros?
Quĩ propè porrigitur glaciale terra sub Arcton,
Squalet adhuc fuso triste cruore solum.
Turcaq; qui Tanais superans prius impius undas,
Indenatatus Asia milite cepit opes:

Nunc

Nunc quoq; Pannonios lacerans crudeliter agros,
Tristia Rhene tuis castra minatur aquis.

Quin etiam proprijs fracti languescimus armis:
Nostra perit nostris ignibus usta seges.

Sed magis una graues geminat iactura dolores,
Ne mala sint numeris ulla minora suis.

Inuida Musarum cultos mors seuit in hortos,
Et uaria doctos tollit ab arte uiros.

Nam qua clade iaces patriæ diuine Lutheræ?
Quo sacra religio uindice tuta fuit.

Sic quoq; te Capito, sic te facunde Grynæ,
Eripuit studijs inuida parca bonis.

Sic tua, magnanimi Cruciger comes arte Lutheri,
Ossa cubant gelido nuper humata solo.

Quid querar in gracilem ut mutatus Fagius umbram,
Funus in externa triste tegatur humo?

Vtq; pius mox hunc Bucerius ad astra secutus,
Clauserit hei uitæ fata suprema suæ.

Parce Deus: tristem quid adhuc non contrahis iram?
Parce: grauis quoniam causa doloris adest.

Sustulit hei nobis Bucerum Parca: nec isto
Funere causa mali tristior esse potest.

Hei nimium dubij sunt iura potentia sati,
Arbitrio cuius uita stat, atq; cadit.

Dignus erat Pylios qui uitam ferre sub annos,
Imperio cecidit mors truculenta tuo.

EPICEDION C. LOT.

Ne tamen infœlix prorsus tegat urna iacentem,
 (Si quis cui superest fama iacere potest)
 Ipsius haud fictas complectar carmine laudes:
 Manibus infœrias triste poemâ ferens.
 Scilicet hæc illi pietas debetur, ab isto,
 Quo teneras Christi tempore pavit oues.
 Quo tamen ingenuas complectar carmine dotes,
 Grande leues elegi non patiuntur onus.
 Ergo Selestadij grâuida cum matris ab aluo
 Iisset in hæc mundi tempora natus homo:
 Qua ueteres quondam Tribochi sedere: minorum
 Alsatiam uerso nomine turba uocat.
 Protinus excolitur studijs, curâq; parentis,
 Iuit ad excultos urbis ab arte uiros.
 Iamq; breui spatium linguam formare Latinam
 Ceperat, & Latio purius ore loqui.
 Inuitum, specie cum religionis honesta,
 Dominicis ipsum fratribus addit auus:
 Quinq; ter ætatis plenos ubi fecerat annos,
 Et data iam tumulo membra parentis erant.
 A quibus ut uenit Budorinam nussus in urbem,
 Nicer ubi Rheni non procul auget aquas.
 Quam princeps olim fertur posuisse Rupertus,
 Accipit imperij cum diadema, scholam.
 Protinus occultas naturæ discere vires,
 Ponere & ingenua tempus in arte iuuat.
 Quatuor

Quatuor ut surgant genitalibus edita causis,
Fœta repentina quæ uice terra parit:
Vnde trahant homines generis primordia: & omne
Quod leuis hic ær, terra, fretumq; fouet.
Quid fœrat ignito metuendus crine cometes,
Imperijs, terret cum graue sydus humum.
Iuppiter ex ima cur nube tonitrua torquens,
Concutiat rauco triste fragore solum.
Vnde leues capiant uires alimenta; uenti:
Frigora cur Boreas, cur fœrat Ausfer aquas.
Dura quid immiti concreseat in ære grandio:
Vrantur gelida cana quid arua niue.
Obstanti uarios pingens in nube colores,
Nuncia Iunonis cur bibat Iris aquas.
Vnda uagi senis cur defluat æquoris horis,
Sextaq; stagnantes hora redncat aquas.
Mox & in æthereas mens altius euolat arces,
Et uicina Dijs sydera nosse cupit.
Vt duo sint, quorum uicina primus ab Arcto,
Imus ab opposito dicitur axe polus.
Hos ut cæruleus circum uoluatur olympus,
Sentiât impositum nec tamen axis onus.
Venit ubi propius rutilos ad Apollinis ignes,
Luna magis fuscis cur uideatur equis.
Cur eadem medium cœli dimensa uoluen,
Protinus aurata turgida fronte micet.

EPICEDION C. LOT.

Cur caput inuoluat coeca caligine fratris,
 Dum caret usura luninis orba sui.
 Et quid equos densis immergat Apollinis umbris,
 Fraternalis quoties dura resistit equis.
 Certa recurrentis cur tempora quatuor anni,
 Cur grauis autumnus continuetur hyems.
 Quid uehat aut Procyon: aut quid nimbosus Orion,
 Pendula quid pluuias Libra reducat aquas.
 Mox superas casto rimatur pectore sedes,
 Autorisq; pio flagrat amore Dei:
 Sydera qui mentis formosa cohercuit aptis,
 Ut peragant cursus lege coacta suos.
 Incipit ergo sacros studiosè uoluere Vates,
 Qui pia perpetuè uerba salutis habent.
 Cumq; forent isto, Romani fraude tyranni,
 Tempore Dædaleis obruta sacra dolis:
 Ipse Deum, sordes, fucataq; dogmata linquens,
 Purius absterfo cepit amare luto.
 Nam ueluti roseum Phœbo properante sub ortum,
 Præuius auroræ Lucifer ire solet:
 Sic tibi, qua populos inuicte Luthere doceres,
 Currere uicinum cepit Erasmus iter.
 Atq; sacris aliquo ueterem tenus addere lucem,
 Multaq; de turpi tollere scripta situ.
 Hic igitur docti monumenta legebat Erasmi,
 In quibus æthereæ semina lucis erant.

Oraq;

Oraq; Cecropijs mox applicat impiger undis:
Nec mora: Palladia uictor in arce fuit.
Iamq; satis clara pietate probatus & arte,
Inter honoratos ceperat esse uiros:
Fama ducis quando Friderici uenit ad aures,
Sceptra Palatinæ qui gerit ampla domus.
A quo conspicuis ornatus honoribus: aulam
Imbuit antiqua relligione ducis.
Iamq; aliquot Belgis Christum monstrauerat annos,
Crimina perpeffa tollere nostra cruce:
Eius ut informes Monachi petiere cruorem,
Vera quibus pietas lusibus esse solet.
Ergo suo cupidos ne sanguine tingeret enses,
Vincula concessa uitat iniqua fuga.
Suscipit hospitio propriam Franciscus in arcem,
Gloria Siccingæ non moritura domus.
Hic erat ex generosus eques, uatesq; disertus,
Huttenus, Latij pestis acerba Papæ.
Qui duo, cum nondum defuncti morte fuissent,
Præsidium fidei dulce labantis erant.
Otia quapropter nactus tranquilla: legebat.
Omnia quæ sacrum scripta uolumen habet.
Quinq; ter exierant à Christo secula nato,
Et quatuor lustris additus annus erat:
Carolus imperij procures conscribit in urbem,
Quam propè Rhenanum Vangio littus habet.

EPICEDION C. LOT.

Cumq; aliqui cuperent fulgorem extinguere Christi,
 Vt phœbi lucem noctua ferre nequit:
 Iussus erat fidei causam recitare Lutherus,
 Ante ducum & magni Cæsaris ante pedes.
 Hunc quoq; Bucerus fidei de rebus agentem,
 Audit, & audito comprobat acta uiro.
 Contulit interea cum magno multa Luthero,
 Ista Conuentus donec in urbe fuit.
 Purius hinc igitur firmato pectore cepit,
 Dulcia de nostra uerba salute loqui.
 Vt pater, ut sit imago patris, quiq; halitus exit,
 Missus ab amborum pectore, cuncta fouens:
 Filius humanos ut tantum sumpserit artus,
 Verus ab illæsa uirgine natus homo:
 Quo mortale genus patrio donaret olympo,
 Ipse feram Solyma passus in urbe crucem,
 Et phlegetontæo mox uictor ab amne reuersus,
 Suscitât è putri propria membra solo.
 Hic est nostra salus, ait, hic est certa salutis,
 Ianua: si firma suscipis ista fide.
 Sic fassus forti Bucerus pectore Christum,
 Iustifica saluos nos decet esse fide.
 Falsaq; degeneris condemnat numina Papæ,
 Artificumq; manus quos statuere Deos.
 Cepit & in Solymam mentem demittere linguam,
 Posset ut in linguis arbiter esse tribus.

Inde

Inde sacris reddit detractum nuper honorem,
Vatibus, & cultus induit arte noui.
Multaq; præterea nobis monumenta relinquit,
Quæ nullus toto nescit in orbe locus.
Quæ legit immensas Germania lata per oras,
Quæ legit Hesperij littus utrunq; maris.
Flauaq; de nostro semota Britannia cælo,
Atq; Lycaonio terra propinqua polo.
Cumq; ita Buceri nomen caneretur in orbe,
Magnaq; conspicuis fama uolaret equis:
Aemula Maßylia uocat Argentina magistrum,
Ad gnatum ut reuocet pectora mœsta Dei.
Hic ubi Rhenigenas deuoluitur Ellus in undas,
Et uitreo Rheni flumine pingit aquas.
Hic ubi, Dardanij dictus de nomine Iuli,
Teutonicas Latio milite fregit opes.
Primus in hac igitur factus sacer urbe minister,
Diuini populum munere lactis alit:
Qualiter infantem teneris nutricula succis,
Pascit, & infirmos instruit ire pedes.
Instauransq; scholam, munus subit ipse docendi,
Atq; animos docta frangit ab arte feros.
Nam, nisi prima bonis formetur in artibus ætas,
Quæ ratio uitæ, quæ pietatis erit?
Ipse sacras igitur pueros dum duxit in artes,
Sustinuit magni grande laboris onus.

Primaq;

EPICEDION C. LOT.

Primaq; Bucero debetur gratia : Musis
 Quod datur hospitium dulcibus iste locus.
 Iamq; diu tumidi iactatos turbine ponti,
 In portum ciues traxerat ipse suos:
 Cepit ut Augusta te ritè uocatus in urbe,
 Palanti dudum Chrifte docere gregi:
 Hic ubi finitimis Lycus Alpibus errat in agris,
 Boiaq; de Sueuo separat arua solo.
 Quin multos Christo populos, hinc indè docendo,
 Afferit, & pulsus purgat ouile lupis.
 Quid loquar, ut toties sit dura pericula passus,
 Inuictò contrà cum ruit ore Papam?
 Vllà nec ingenuam fregere pericula mentem:
 Deiecit nullus fortia corda metus.
 Ciuica Mars quoties accenderet improbus arma,
 Raucaq; militie classica signa darent.
 Mittite sæuiciam, dicebat, mittite reges
 Arma: quid in proprias bella mouetis opes?
 Arua suos dulci fructus sub pace ministrent.
 Quid tuba terribiles excitat unca sonos?
 Pace uigent pietas, & iura tenacia recti,
 Martius econtrà tollit utrumq; furor.
 Sed si bella iuuant, & partus ab hoste triumphus,
 In Mahometigenum uertite tela genus.
 Hunc procul à patrijs depellite finibus hostem,
 Pace domi leges semper alente sacras.

Sæpius

Sæpius ad tales uoces furor arma remisit.
Et data sunt phœtreis tela soluta suis.
Dum loquor: ingenti Germania mota tumultu,
In sua Germano milite fata ruit.
Non ita fracta fuit diuturnis languida bellis,
Cepit ut Ausonio subdere colla iugo:
Vt nunc per proprias fecit sibi uulnera uires,
Vulnera quæ nullo sunt coitura die.
Mox etiam rigidis aliud cessantibus armis,
Passa fuit fato flebiliore malum.
Prodigiosa citò pauidum Sphinx uenit in orbem,
Orcum quam peperit passa Chimæra uirum.
Non forma una illi: nunc hanc, nunc induit illam,
Intuituq; necat uisa repente suo.
Hei mihi quàm cæco multos ænigmate captos,
Turpiter ad Stygias præcipitauit aquas.
Hec quoq; Bucerum pestis ne lædat: ad Anglos
Ipse sacro ductus numine carpit iter.
Nec minus hic magno defungitur ipse labore,
Dum docet in templo, dum docet inq; scholis.
Turpis & haud unquam mentem timor abstulit illi,
Impiger in casus quoslibet ire fuit.
Doctus erat seruare sacrum sociale cubilis,
Castaq; nec socij fallere iura thori.
Nec fuit in placido uentosa superbia uultu,
Turpis ab ingenuo pectore fastus erat.

SACRA

VITA PAULI FAGII

27

*En tua terribiles Ecclesia passa procellas,
In medijs à te fluctibus orat opem.
Ingemit, & fidis pastoribus orba, cruentos,
In populum miserè conspicit ire lupos.
Da, pater, in cineres cum flamma redegerit orbem,
Nos aliquem supera sede tenere locum.*

VITA PAULI FAGII,
THEOLOGI PIETATÈ
ATQVE LINGVARVM COGNITIO-
ne excellentissimi, per ministros aliquot
Ecclesiæ Argentinæ, uerè & bre-
uiter descripta.



PROPOSITVM NOBIS EST,
Candidissimi Lectores, in hoc
opusculo uitam Pauli Fagii, mi-
nistri Christi, pietate, fide, dili-
gentia, scientiaq; præstantissi-
mi, conscribere. Sed antequam ad id perue-
niamus, pauca prius de nostro consilio dicen-
da uidentur, ut ijs qui reprehensuri sunt, resis-
tamus: contraq; in his qui nobis fauent, stu-
dium, beneuolentiamq; magis cõfirmemus.
Erunt enim nonnulli, qui hoc totum genus
scribendi improbabunt: idq; duabus de cau-
sis po-

is potissimum, quarum prior est: quod in hoc genere non tanta insit utilitas, ut quis uel scribendo, uel legendo in eo occupari debeat: altera, quod certam etiam perniciem aliquando allaturum sit. ex ipsdem enim iniquis superstitiones olim innumeras mendaciaque cepisse. Non deerunt etiam, qui à nobis requirunt, cur tam diu Fagium in tenebris iacere passi simus, & nunc primum eius nomen in lucem memoriamque reuocare instituerimus. Alij uerò in nos ipsos incurrent, nosque aut temeritatis, aut arrogantiae arguent: quòd, cum multi uiri docti, in scribendi dicendique exercitatione uersati, quibus Fagius notissimus fuerit, taceant: nos potissimum hunc laborem susceperimus, qui cum illis, nullo modo simus comparandi.

Hæc tria, si ab inimicis nobis obijciantur, criminationes sunt: sin ab amicis, reprehensiones, quibus utrisque respondendum nobis est, ut alteros læsisse pudeat: alteros didicisse delectet. Etenim si uerum est, quoquo modo id obijciatur, ex hoc scribendi genere non modo nullam utilitatē, sed contra maximū potius detrimentum adferri: quis nisi infans ea aut editurus, aut lecturus est? Sed longe secus est. Habet hoc genus scriptonis, semperque

perq̃ habuit cum summa utilitate, summam
etiam conjunctam laudem. Quid enim uti-
lius & dignius esse potest, quàm Christianæ
religionis, pietatis, fidei, cæterarumq̃ pul-
cherrimarum uirtutum exempla literis, ho-
minūq̃ memoriæ mandare? Quod si genti-
lium exempla ad humanitatem, ad animi mo-
derationem, ad æquitatē iustitiamq̃ in om-
ni uita colendam, non exiguum momentum
omnium sententia, conferre iudicantur: quis
non maiora adiumenta ad uerum Dei cultū,
pietatem, castitatemq̃ Christianorum, et eo-
rum qui his præfuerunt, exempla allatura es-
se censebit? Ac, ut cætera plurima omitta-
mus, duo tantum præ reliquis assumemus: &
quibus cuius perspicuū esse potest id quod
dicimus, huic scribendi generi, cum summā
utilitatem, tum dignitatem inesse.

Primum illud est: & quacunc̃q̃ re gloria Dei
maximè illustratur, ea non potest non & uti-
lissima & præstantissima iudicari. At inter
omnia Dei opera sancti Dei homines princi-
pem locum obtinent, & quibus gloria gratiæ
Dei, tanquam ex speculo clarissimo resulget.
Id quod Propheta longè omnium diuinitas-
mus his uerbis confirmat, cum inquit, **AD-
MIRABILIS** est Dominus in sanctis suis
quomodo

VITA PRÆC. THE OL.

quomodo autem admirabilis erit Dominus in sanctis suis, hoc est, fidelibus, si eorum omnis sublata sit memoria?

Alterū est, quod hic splendor gratiæ Dei, quo Deum in sanctis suis admirabilem fieri Propheta testatus est, eos etiam, qui religiosè eam legunt atq; cōsiderant, impellit atq; excitat, ut ad eundem fontem gratiæ & gloriæ sitibundi festinent: quo unà cum illis impleantur atque illustrentur. Quem enim tot, tamq; præclara diuinæ misericordiæ & gratiæ exempla, ad eandem experendam non inflammarent? Quod si hi duo maximi fructus, gloriæ scilicet diuinæ illustratio, & spei nostræ de misericordia Dei confirmatio, in sanctorum memoria non inessent, nunquam Propheta, per Spiritum Dei, memoriam iustorum æternam fore prædixisset: multo uerò minus Apostolus diuinæ gloriæ studiosissimus, & omnis superstitionis hostis acerrimus, præcepisset sanctorum Dei ministrorum memoriam, ad Hebr. cap. 13. his uerbis, *Μνημονεύετε τῶν ἁγίων ὁμῶν, οἵτινες ἐλάλησαν ἡμῖν τὸν λόγον τοῦ θεοῦ, ὥς ἀναβῶντες πρὸς τὴν ἐκκλῆσιαν τῆς ἀναστροφῆς μιμεῖσθαι τὸν πόσιν.* Quid prædictione Spiritus S. firmitus? Quid hoc mandato Apostoli manifestius? Quam

Quam obrem sic statuiamus, hoc genus scri-
ptionis Ecclesiæ diuinitus mandatum atq;
cōcessum esse: idq; sapientissimo Dei cōsilio.
primum, ut ex eo gloria gratiæ suæ elucescat:
deinde, ut perpetuos testes cœlestis Doctrinæ
haberemus: tum etiam, ut exemplis gratiæ
suæ in alios tam promptę tamq; benigne ef-
fusæ, ad eandem appetendam confirmemur.
Postremo, ut omnium pulcherrimarum uir-
tutum in sanctis exempla, tanquam in specu-
lo considerata atq; imitanda, nobis omni-
bus proponerentur.

At hic nobis obijcient Diuorum inuoca-
tionem & cultum, innumerasq; alias super-
stitiones, infinita mendacia inde esse exorta.
Negamus ex religione superstitionem, aut ex
ueritate mendaciū unq; oriri posse. Vtrumq;
enim horum utriq; contrarium est: contra-
rias igitur causas habeant necesse est.

Nec uerò obscurum est, in quem omnium
Superstitionū mendaciorumq; origo referen-
da sit; in Diabolum scilicet principem omnis
superstitionis et mendaciū, iuxta illud Christi
dictum Iohan. 8. pater est mendaciū, & in ue-
ritate non stetit. Huic accedit hominum ma-
litiā & peruersitas, qua fit, ut magis probent
& ament mendacia satanæ, quàm Dei ueri-

ratem. Non igitur Deo aut ueritati attribuendum est, quod homines, relictō Deo & ueritate, ad creaturarum uenerationem cultumq; & portentosa mendacia prolapsi sunt: sed faranæ, & ipsorum hominum maliciæ. Quis enim tam impius erit, ut dicere audeat. Deū sibi ipsi, aut religioni suæ contraria iussisse: aut eorum memoriam sua autoritate consecrasse, per quos ipsius ueneratio atq; maiestas nō cresceret, sed imminueretur? Ex quo concludimus: si homines præceptum Dei, ueritatemq; sequentur, nullo modo superstitioni & uanitati locum esse relictum.

Ad eos iam uenimus, qui forsitan consiliū nostrum non improbabit: sed tamen tantam temporis moram reprehendent. Fateamur libenter, hæc citius à nobis eximīis illorum uirtutibus præstanda fuisse. Sed cum & occupationibus, & iniquitate temporum, adde etiam spe quadam nostra factum sit, non puto nos in eo iure accusari posse: præsertim, cum de ueritate nihil imminutum sit: & quod moræ intercessit, id diligentia, & uirtutum pulcherrimarum exemplis atq; accessione facile compensari possit.

Postremo nōs etiā respondebimus, qui huius oneri nos impares esse dicent: & conatū hunc nostrum

nostrū aut in temeritatis, aut arrogantiae crimen uocabunt. Quiduis potius patiemur, quàm ut hæc in nos conferantur. ab utroque enim longissimè semper absumus, & adhuc abesse cupimus. Fatemur libenter nos ad illorum maximas uirtutes parē orationem adferre non posse: & alios esse, quibus ea facultas à Deo tributa sit. Sed cum illi ad huiusmodi uiros ornandos, eloquentiā suā, quibus de causis nescimus, adhuc cōferre noluerint: nos, cum præ cæteris summis illis uiris deuincti simus, gratitudinis potius, quàm eloquentiæ rationē habendam esse iudicauimus. Quamobrem consilij nostri causis expositis, nunc ipsam rem aggrediemur, & uitam optimi Fagij, quoad eius fieri poterit, breuissimè & uerissimè describemus: eorum instituta sequentes, qui in hoc genere elaborauerunt. Quod si minimè id quod uolumus consecuti fuerimus, ueniam ab æquissimis quibusque Lectoribus & petimus, & obtenturos nos facile, haud diffidimus. Sed ad rem.

De Natalibus Pauli Fagij.

PAVLVS Fagius patriā habuit Tabernas rhenanas, oppidum in Palatinatu non procul à Bretta (quæ fuit patria per-

petua laude atq; memoria dignissimi uiri
Philippi Melanthonis) situm: uulgo nomi-
natur Reinzabern, propter uetustatem haud
incelebre, quemadmodum ex libro Rerum
Germanicarum Beati Rhenani latius patet.

Pater Fagij fuit Petrus Buchlin dicti op-
pidi ludimoderator & grammataeus annis
permultis. Mater, Margaretha Hirnin Hei-
delbergæ nata, cuius parens Henricus Jæger
(cui propter uirtutes bellicas Fridericus Pa-
latinus cognomen dedit Hirn) auus Fagij,
equestris ordinis homo, atq; magister quem
uocant ab Ephippijs, rebus bellicis adeo fide-
lis, peritus & felix, ut Elector illi meritorum
ergo præfecturam Zenth dictam, admini-
strandam commiserit: neq; sine magna laude
in hac administrationis munere uersatus esse
perhibetur, quemadmodum Fagius ipse me-
minit in præfatione libri, quem Thargum in-
scripsit, annis ab hinc sedecim hic editi.

Hoc auo, auia, & parentibus nascitur Fa-
gius Anno restitutæ salutis M. D. IIII. quo
tempore bellum quod dicitur Bauaricum, ex-
stitit: satis infelix atq; inauspicatum suis ma-
chinatoribus: quemadmodum historiæ su-
priorum temporum tradunt.

De edu

De educatione puerili.

F Agius, primis iam literarum rudimentis in schola paterna utcunque iactis, cum ætatis annum ageret circiter undecimum, à patre suo, pro more & consuetudine eius seculi, instructus octo batiorum uiatico, Heidelbergam studiorum ergò ablegatur: ubi sub clarissimis uiris D. Ioanne Brentio, & Martino Frechto, alijsq; doctis aliquot præceptoribus, literis operâ haud indiligentem, eamq; longo tempore dedit.

Adolescentiæ descriptio & iuuenilis ætatis.

A Dolescens iam factus annorum circiter 18. excolendi ulterius ingenij gratia, Argentinam se contulit, ibiq; ad annos aliquot permansit, pædagogi munus peragens: quo inopiam suam melius subleuare, literarumq; progressum optatû obtinere posset. Sub hoc tempus studiû linguarum in Germania emergere cœperat, & uir doctissimus D. Vuolfg. Capito, quatuor linguarum peritus, iam Institutionum hebraicarû libros duos, rarissimo eius temporis exemplo, in lucem ediderat: Iudæi etiam aliquot hinc inde

O s uaga-

tragabantur, & suam linguam alios utcumq;
docere coeperant. Occasionem hanc Fagius
arripiens, hæbraicæ linguæ studio se manci-
pauit serè totum, atq; ita in familiaritatē Ca-
pitonis, Hedionis, Bucerij, Zellij, aliorumq;
doctorum, qui non absq; maxima difficultate
Christo hic Ecclesiam primò plantarunt, se-
felicitè insinuauit.

Studia & officia Fagij in uirili ætate.

ANno deinde 1527. iam literis & lin-
guis mediocriter instructus, paupertate
ipsa, & hominum doctiorum maxi-
mo neglectu quasi coactus, Isnam, quod Al-
gauis oppidum est, in ludimagistrum ab ami-
cis & fautoribus promouetur: ubi diligentia,
et uirtutibus labore se omnibus approbans,
uxorem duxit, liberos procreauit, & patrem
familias haud indiligentem egit. Interea tem-
poris multum in bonis literis, plurimū uerò
in linguæ sanctæ studio profecisse Fagium no-
strum, extra omne dubium est.

Inclarescente autem ipso iam magis ac ma-
gis eruditione, pietate, uirtutibus, alijsq; do-
nis ad maiora uirum uocantibus, ex pistrino
scholastico ad ministerium sacrum destina-
tur: & ut ad id se magis instruat, subsidia sup-
peditantur

102
peditantur ei splendida. Verum tū temporis
lingua Græca & Hebraica Argentinae cū pri-
mis florebat, & permulti uiri doctissimi
etiā exules, ibi degabant: eum locum eligebat
suo instituto præ multis alijs accommodum.
In his itaq; excolendis amplius, rogatus à stu-
diosis aliquot, qua fuit facilitate, rudimenta
linguæ Hebraicæ magna felicitate tradidit.
Neq; destitit in studio theologiæ atq; decla-
mationibus theologicis se ita exercere, ut biē-
nio ipsius progressibus præscripto iamq; re-
uoluto, melius ad suos cū familia redire pos-
set, instructus atq; ornatus.

Anno itaq; 1537. à Senatu Isnenſi ad mi-
nisterium pastorale suscipiendum domum
reuocatur: quod sanè magna fidelitatis & elo-
quentiæ laude, multorumque auditorū maxi-
mo fructu annis fortasse quinque uel amplius
religiosissime procurauit.

Interea uerò ociū aliquod nactus unā cum
libris necessarijs ad hoc studium linguæ san-
ctæ (quæ potissimum ipsi adlubescebat) ad-
de etiam Chaldaicæ, se totum serè impendit,
atq; in his breui tempore ad miraculum usq;
proficit. Vfus etiam est opera Eliæ Leuitæ,
Iudæi doctissimi Venerijs ad se accersiti, ut
ipse testatur in præfatione super librū Thisbi

gen inscriptum. De his omnibus ipsius monumenta abundè testantur, quare breuitati studentes ea hic prætereunda esse censuimus.

Habuit Fagius noster, præter permultos alios viros eruditissimos, etiam ex Senatorio ordine amicos & fautores non paucos; inter quos præcipuus Inæ fuit Petrus Buflerus, qui, pro eximia sua pietate & liberalitate, pastorem suum Fagium in tantū cupiebat plurimis prodesse quos acceperat donis, ut sumptu suo non paruo Inæ officinam typographice ipsi institueret, curationemq; demandaret: id quod libelli aliquot istic æditi satis indicant. Scopus autem utriq; idem fuit, gloria Dei, & propagatio linguæ sanctæ. Postquā autem initia uotis, præsertim eo loci, non satis respōdebant, sua suorumq; Fagiū pericula atq; damna uidebantur ab instituto deterere: iussit Buflerus ipsum securo esse animo, alijsq; commodando pergere, sibi ista curæ fore: nimirum subsignificans id quod postea præstitit. O rarissimum erga studia sacra exemplum, præsertim ab idiota profectū. Quē enim mihi hodie ditissimorum quæso mercatorum dabis, qui non potius pecunias suas ad quæstum, quam Bufleri exemplo ad literarum religionisq; studia excolenda cōferat?

Acne

Ac ne quis fortè hanc solam eius liberalitatem esse dicat, aut magnum aliquod lucrum ex ea typographia fecisse cogitet, utrumq; breuiter longè se aliter habere demonstrabimus. Fuis Buflerus semper ab ineunte ætate religionis studiosissimus: cum huius autem studio, tum omnium pauperum cura, tum in primis ministrorum Euangelij ita cohæret, ut alterum ab altero diuelli non possit. Quum his moribus similem uxorem inuenisset, erat domus ipsius commune quasi perfugium omnium pauperum, & ministrorum Euangelij hospitium, in quo excipiebantur egentes & miseris: neq; quisquam eorum sine honesto ulatiko dimittebatur. Quis diligentiam, liberalitatemq; uxoris suæ, foeminæ primariæ & honestissimæ, satis pro dignitate cõmemorabit: cuius officia pauperibus infirmis summo solatio, Buflero autem marito gratissima fuerunt. Non enim puduit illam tam diuitem, tamq; primariam matronã, ultro adire quosuis ægrotos: maximè autem tenuis fortunæ homines, eosq; contrectare, medicinam, curationesq; adhibere. Quapierate & uirtute non uideo, quid in Christianis matronis possit esse laudabilius.

Ex his præclaris initijis cœpit Buflerus
maiores

maiores in pietate progressus facere: cogitabat non modo miserorum inopiæ, in his quæ huic perituræ uitæ necessaria sunt, succurrere: sed etiam Euangelij doctrinam in sua patria, cæterisque vicinis aliquot oppidis ad posteros propagare: ut in ijs locis semper idonei doctores essent, qui uerbo Dei docendo, et Sacramentis administrandis, hominibus uiam ad cœlos patefacerent, inque cœlestium bonorum possessionem inducerent. Ad eam rem, cum scholarum prudenti constitutione, tum etiam stipendijs opus esse iudicauit. Quamobrem Argentoratum, urbem florentissimam, in qua literarum & religionis studia præ cæteris tum uigebant, delegit: iuuenes delectos ex singulis oppidis, ad quos beneficium suum pertinere uolebat, Argentoratum mittit, qui liberalitate ipsius tam diu aluntur, quoad cum utilitate atque honore in patriam reuocantur. Quod unius Bufleri exemplum senatus amplissimum prudentissimusque Reip. Argentinæ. mox secutus, longè utilissimum, pulcherrimumque gymnasium maximis sumptibus ædificauit atque collocupletauit: in quo cum omnium bonarum artium disciplinæ, tum in primis diuinarum literarum scientia traderetur.

Quis hanc Bufleri singularem pietatem, prudentem

prudentiam, liberalitatemque non laudabit?
Quis exemplum hoc tam felicem successum
habuisse non admirabitur? His ille tot tamque
præclaris summæ tum pietatis, tum liberali-
tatis documentis præstitis, cepit hortante
Fagio, ut paulò ante dicere cœperamus, ani-
mum adijcere, quomodo etiam Hebraicæ lin-
guæ studium, quod in Germania in multis
locis tum aut negligebatur, aut ob librorum
inopiam desiderabatur (quod tamen ad uer-
g religionis cognitionem plurimum conferre
acceperat) maximos cepit sumptus facere,
& euocatis Venetijs Inā doctissimis Iudæis,
procurante Fagio, typographiam instituit,
ex qua re non modo quæstum nullum fecit,
sed ne ad summam quidem expensarum un-
quam peruenire potuit. Quæ res & Fagium
ab omni avaritia longè alienissimum facile
exculabit. Nam nisi tanta in Buflero liberali-
tas extitisset, frementibus cognatis & hæredi-
bus, omnibus suis fortunis, una cum maxi-
mis suis laboribus, fuisset euersus. Buflerus
igitur cum singularem Fagii industriam pie-
tatemque perspectā haberet, quam ei reliquam
debebat summam aureorū plus mille totam
condonauit: missoque chirographo Argento-
raturum cauit, ne ab hæredibus ullo modo ap-
pellari

pellari posset. Ouirum præstantissimum, unâ cum coniuge matrona pudicitia, pietate, elemosynarum, omniumq; uertutum laude spectabili, memoria sempiterna dignissimum. Sed ad Fagium, unde paululum digressa est oratio reuertamur. Scopū hunc præclarum studijs suis præfixum semper habuit, ut ad gloriam Dei collatis sibi donis uteretur, atq; Christi Ecclesię plurimum prodesset: nempe, ut præter concionandi munus, quod fideliter & syncerè obiuit, linguæ sanctæ propagatione, tam docendis rudibus, quàm edendis in publicum libris utilibus (erat enim iam suppellectili typographica cōmodè instructus) opera & industria sua adesset.

Progressu autē temporis, edoctus experientia rerum magistra ad hoc suum institutum persequendū, Isnam multis de causis parum accommodam esse uidet: quare de mutanda sede diu multumq; cogitat, atq; cum amicis intimis deliberat. Qua uerò fuit conscientia, & amore singulari erga suam Ecclesiam Isnensem præditus, minimè in animū istud sibi in duxisset, nisi huic commodo successore prospicere se uelle iam antea constituisset.

Inter familiares multos Fagius intimum habuit etiam Bucerum, qui rogatus de consilio ipse,

lio ipſius, reſpondit: ſe non uidere, qua conſcientia Eccleſiam ſuam deſerere poſſet, haud enim uocationes Dei temere eſſe mutandas. Habere quidem ipſum non leues cauſas loci mutandi, eas autem ipſum haudquaquam poſſe perſequi, donec de certo & commodo, populoq; grato ſucceſſore probè conſtarete quemadmodum etiam ex autographo Buceſſi demonſtrari poteſt. Præterea addidit, cauere ipſum debere diligenter, ne uoti iam compoſ factus, quieti ſuæ, uel lucro faciendo potius conſulere, quàm Chriſti Regno conceſſis ſibi donis promouendo, ſtuderet. Interea tamen Fagio ſententia de transferendo domicilio ſuo perpetuò manebat firma, etiam alijs familiaribus doctis & pijs bene conſcijs. Occaſio itaq; ſe tandem obtulit, ut D. Ioannē Marchium Lindauienſem nanciſceretur in ſacro miniſterio ſucceſſorem commodū: quo oblato Eccleſia Iſnenſis probè contenta, parochia ſua dictis de cauſis migrationem permiſſit liberam.

Poſtea Anno 41. ut in multis alijs locis, ita Iſnæ quoq; peſtis graſſari cœperat: quo tempore quam Fagius cum animi magnitudinem, tum charitatē ſolicitudinemq; oſtenderit, nullo modo nobis uidetur prætereundum.

P dum.

dum, Primum cum sciret ciues, præsertim locupletiores, si quando lues ista sæuisset, oppidū relinquere, & alia in loca, in quibus aer salubrior eiset, sese conferre consueuisse, nulla ratione pauperum & ægrotantium habita. Deinde cum illud etiam, quod ipsis cum multis commune est, ciuitatis institutum non ignoraret, ut si qua in familia pestis aliquē infecisset: reliqua tota familia per integrū mensem domo egredi prohiberetur: sui officij esse iudicauit, de utroq; homines admonere, & ex uerbo Dei docere: & conuincere, utrumq; non modo a pietate Christiana, uerū etiam a communi humanitate remotissimum esse. Et ut erat in dicendo copiosus & uehemens, facile multorum animos in suam sententiam adduxit: ut pleriq; ciues aut manerent, & diuinæ se suosq; prouidentiae committerent: aut si qui discedebant, ita discederent, ut gratissimam sui memoriam relinquerent: dum non solum ante abitum suum eleemosynas liberaliter dedissent: sed etiam postq; abiissent, non desistebant pauperum meminisse, ipsius cohortationibus commoti, & eleemosynas mittere.

Effecit etiam, ut longe tolerabiliore conditione n̄ essent, quos Dominus uisitauerat, quā

quàm antea fuerant. Etsi enim nondum Senatus illud interdictum, quo uetabatur exire, quorum in familia quispiam peste correptus fuisset, penitus sublatum erat: tamen ea prudentia & pietate Senatus fuit, ut homines idoneos sumptu publico constitueret, hisq; mandaret, ut omnibus laborantibus, qui ipsorum opera uti uellent, adessent, eorūq; diligentissimam curam gererent. Ipse autem Fagius in-
trepidus omnes laborantes adire: nemini suū officiū denegare: dies noctesq; omnibus adesse: ut plane diuino miraculo in tā se ualua omniū testimonio conseruatus fuisse non dubitaretur. His rebus breui effectū est, ut ita elemosynæ auctæ ac cumulæ sint, ut ex his noua domus ædificata, omniq; necessaria suppellectili instructa atq; ornata sit: in quā tenuiores & ciuibus, famulitia, & peregrini recipiebantur. Quis huius pastoris fidem, uigilantiam & constantiam non æterna memoria digna esse iudicet? Quis itē illius Ecclesiæ cum obseruantiam atque obedientiam tantam, tum liberalitatē tam promptam atq; eximiā non admiretur? non ad exemplū cæterarum Ecclesiarum cōmemorandam esse arbitretur aut constituat?

Eodem tempore pestis etiam Argentinæ

P 2 indēmen

inclemētius grassabatur, & præter alios quosdam uiros doctos, etiam clarissimum illum uirum D. Vuolsg. Capitonem abripuerat: nimirū mortē parochianis, atq; adeo omnibus symmystis luctuosissima. Percrebuerat autē iam magis ac magis rumor etiam hic, Fagium omnio sedem aliam instituto suo commodiorem querere: hinc Bucerus habito consilio Senatorum & Pastorum præcipuorum, statim ad illū scribit in hanc ferē sententiam: Quandoquidē Isnæ diutius manere certis de causis nollēt, idēq; animo iam planē obfirmato, atq; ideo uocationē apud Academiam uel urbem aliquam insignē, suo tamen instituto accommodam, facile amplexurus uideretur, (innotuerat enim aliquibus, quod Halsiæ Princeps ipsius operam et ministeriū pro sua Academia iam ambiuisset) rogare se suo atq; aliorum nomine, ut potius huic nostræ Ecclesiæ atq; Scholæ, alumnæ suæ, inseruire: & si Domino uisum foret, D. Capitoni tā in cura pastoralī, quam in professione Theologica succedere uellet. Ad oblatam conditionē inuitari ipsum præter alia loci commoditate, usus fori notitia, doctorum auxilio, studiosorūq; frequentia, quibus tam docendo in Scholis, quàm edendis libris plurimū prodesse posset.

Lite

Literis hisce & aliorum iterum atq; iterum cum Fagio actum fuit: & nisi memoria fallat, etiam coram: is autem ad petita nō statim annuit, ut qui se pridem uocationi diuinæ pariatum affirmasset: cui, ut bona conscientia ac commodare se posset, enixis precibus à Patre coelesti id petere, aliosq; ut idē pro se faciant, orare & obsecrare nō intermittebat. Cæterū aliquot post mensibus, uidebatur Fagio, ut multos quos Argentinæ haberet amicos semel inuiseret: hoc ubi facit, cum eo actum fuit de supra commemorata uocatione apud nos suscipienda, si contingat eum eligi: quam is modeste primo recusauit: instantibus uerō deinde amicis ipsius, ut saltē concionem unā atq; alteram ad iuniorem Petrum haberet, Ecclesiamq; nostram uerbo saluifico recrearet, passus tandem fuit se persuaderi, euentum interea Domino missis commissum placide expectaturus.

Necessitate iam atq; orbitate dictæ parochiæ exigente, presbyteri eius loci & uiri quidam alij prudentes, nec nō auditores aliquot iudicio præditi conueniunt, penuriam parochi exponunt, ad electionem aliquot, quos Ecclesia iam ab obitu Capitonis audiuiſſet, proponunt, fit electio, atq; ita Fagius omniſi

ferè suffragiis, uti dignissimus, qui optimo Capitonì succedat, in parochum eligitur atq; expetitur. Hanc electionē, ut legitime factā, Senatui nostro exponunt, eiusq; cōfirmationem petunt atq; obtinent. Ista omnia sub autumnū Anni quadragesimi secundi (annum ferè integrum à morte Capitonis) contigerunt. Postea Senatus noster, qui benelontiae studiosus est erga omnes, maxime eiusdem religionis socios, quicquid hic actū fuerat, Senatui Inensi significat, & ut istam electionē, liberi iam Fagi ad obstringendū se cui uellet, in meliorem partem (quod persuasissimum ipsi de illius pietate foret) interpretaretur.

Interea Fagi ex mercatu Francofurti reuersus, migrationem cum coniuge, liberis, familia, instructaque pridem typographia paulo post instituit: nam id uocatio ipsius, de qua paulo ante diximus, exigebat. Verum, nescio quocasu Respub. Constantiensis tum religionis socia, conatum uiri, modis quibus potuit, impedire, ne dicam huic Ecclesiae totum praeipere uisa fuit: certe tantū scriptis & precibus enixis effecit, ut Senatus noster Fagiū ipsius plebi ad biennium ministrare in uerbo & sacramentis permiserit: neq; id satis illi uidebatur, nisi tempore hoc iam reuoluto (cum

(cum totum obtinere non potuit) alterum in super biennium peteret, quum tamen is ministerium suum, modo per Constantienses licuisset, longe citius hic Argentinæ obire maluisset.

Mutato itaq; rursus domicilio, Fagius, sub autumnum Anni 1544. Argentoratum tandem uenit, ubi honorifice exceptus, ministerium ad quod assumptus erat, fideliter obit. Cæterum elapsis aliquot diebus, rogatur à quibusdam doctis atq; studiosis, ut linguæ sanctę rudimenta unà cum alijs, ad huius meliorem cognitionem facientibus, priuatim ipsis traderet: inter quos fuerunt D. Ioan. Marbachius, Ioan. Lenglinus, Melch. Speccerus, Matthæus Neglinus, & Anton. Reuchlin, qui sanè præ omnibus profecit plurimum: testes huius sunt scripta ipsius in hoc studiij genere proximis annis in lucem edita.

Minime uerò silentio prætereundum conseo, quòd Fagius noster libros interea temporis non paucos parturiebat, quos doctis atq; studiosis linguæ Ebraicæ & utiles & gratos futuros (sic enim ipse in Epistola quadã sua ad Bucerum Insæ data commemorat) omnino non dubitabat. Sunt autem isti: Commentaria Rabinorum selectiora in sacra Biblia:

VITA PRAEC. THEOL.

sed à mendis atq; fabulis quibus scatent, diligenter repurgata. Versio utilissimi libri Radicū David Kimhi, Hebræi ut doctissimi, ita in re grammatica excellentissimi. Liber rituum Judaicorum, quibus antiquitus usi fuerunt. Collatio uariarū translationum in S. Biblia ad Hebraicam ueritatē. Annotationes in eadem Biblia, quarum iam specimen aliquod in Exegesi sua quatuor capitū Geneseos edidisset. Item Chaldaica Biblia in linguam Latinam à se iam aliqua ex parte uersa. Et quædam alia hisce non dissimilia. Qua in re aliquid ceriè effecit: plura effecturus, si difficultas temporum & præmatura mors non interuenissent.

Erat autem animus illius in hoc totus, si cuti diximus, ut paulatim ad maiores progressus, Ecclesiæ Christi commodandi, sese præpararet; ideo domi in sacris & alijs literis hoc propositū promouētibus, exercere se nō destitit. Vnde paulo post Buccro, Hedioni et alijs symmystis uisū fuit, ut septimanis alternis tempore pomeridiano Theologiam extraordinariè, ut uocant, in schola huc publicè doceret. Onus hoc imponi sibi, præsertim a charissimis præceptoribus suis, esse passus libenter: licet non parua laude atq; fructu auditorum

torū in hoc munere fuit uersatus. Habebant autem tum temporis professionem Theologiæ ordinariam duo præclarissima Ecclesiæ Christi lumina, D. Marr. Bucerus, & D. Petrus Martyr : similiter & D. Caspar Hedio : ex istis, si quis uel propter magis ardua Ecclesiæ negocia, uel ualeitudinē aduersam munus suum obire non posset, in eius locum suffiebat noster Fagius. Interea tamen is, si quas alias horas, præsertim à publicis Ecclesiæ negocijs, habere potuisset uacuas, eas sane integras in lucubrationes impendere fuit solitus : quarum recensioem diligentem suo loco daturi sumus.

Cæterum qua summa fide & diligentia Fagius in ministerio sacro ritè peragendo uersatus : quo studio singulari iam olim collapsam disciplinam in Ecclesiam reuocare conatus : qua sollicitudine paterna erga singula Christi membra affectus : qua prudentia, dextérité atq; uehementia in docēdis rudibus, monendis negligentibus, redarguendis peccantibus, & conuincendis hīs, qui sanę doctrinæ se opposuissent, præ multis alijs ornatus fuerit, haud putamus quenquam uerbis assequi posse. Certe auditoribus suis, præsertim ueritatis studiosis, se ita approbavit uita atq;

P doctrina

VITA PRAEC. THEOL.

doctrina, ut amarint & coluerint ut patrem. Quid multis? ita se optimus pastor in omnibus gessit, ut qui D. Vuolfg. Capitoni theologo incomparabili, linguarum plurium cognitione, ministerij Ecclesiastici procuratione, sacrarumq; literarum professione succederet, dignissimus sit omnium bonorum testimonio iudicatus.

Idem uir, inter uirtutes uarias quibus eminebat, moribus fuit suauissimis & placidissimis, cunctisque amabilibus: affectu in pauperes atq; egenos propensissimo, animo ab omni fastu & auaritia alienissimo, etiam hostibus ueritatis luculenter attestantibus. Adde etiam (quod hoc nostro saeculo fermento perrarum est) ad Concordiam sanctam studio propensissimo: cuiusmodi sane uirtutes dispensatorem mysteriorum Dei cum primis decent, nedum ornant. Hic si commemorare fufius uelimus, quam fuerit potens docendo & exhortando; quam disertus & facundus, praeter multis alijs symmystis, etiam alioqui doctissimis: quam prouerbiorum germanicorum ad institutum suum accommodator & artifex exquisitissimus, uerba apud multos aegre si dem inuentura crediderimus. Satis itaque in praesentia sit, nos horum uel obiter mentionem

nem

uem fecisse, quando plenius explicare, quæ in hoc uiro eximia fuerunt, tenuitati nostræ facultas addicendum necessaria id denegasse uideatur.

Dum ista fiunt, moritur Fagii pater pñs. Petrus Buchle sub autumnū An. 1548. Eo autem tempore res Germanicę paulatim magis ac magis periculis inuoluuntur maximis: synceræ ac puræ religioni tentationes uarię, atq; insidię callidissimę struuntur: Interimica sphinx, Ecclesię Christi ex uale malum, tyrannicę obtruditur: exilium, crux dira & acerbissima, fidei Christi ministris, deq; doctrina recte sentientibus, palsim intentatur: omniū uerò maxime ihs, qui iam usu rerum etiam Ecclesiasticarum, præstantia singularium donorum, dignitate atq; autoritate cunctis ueneranda plurimum præstabant: ipsiq; Antichristo se, pro domo Dei, muros athenos opponebant. Inter quos, post singulare organum Christi D. Martinum Bucerū, uirum cunctis sæculis laude dignum, haud postremus Fagius extitit. Mansit tamen is perpetuò constans & firmus in ueritatis professione: nihil quicquā ueritus Pontificiorū minas et fulmina, tū omniū crudelissimè in optimos et sanctissimos quosq; desipientia.

Cæterum tot atque tanta, quæ pijs Christi ministris, omniū uerò maxime antesignanis, in Germania imminabant pericula, nationes etiā exteras latere diutius haud poterant; unde factum est, ut & Bucerus & Fagius, propter ueritatis inconcussam professionem, extremis periculis quasi expositi, diuina prouidentia sic disponente, ab Archiepiscopo Cantuariensi, & Regni Anglicani Protectore, in Angliam, quasi in locū refugij tutissimum, semel atq; iterum seriō uocarentur: nimirum ut eam nationem fermento Euangelij magis conspergerent. Dimissi itaq; à suis magistratibus, licet inuitis, & temporū necessitatibus quasi adactis, per terras & maria paulo ante Calendas Maij (ringentibus interea, atq; fermentibus plurimis quos habuerunt hostibus, ijsq; impijs) in Angliam salui atq; incolumes peruenerunt. Hac diuina in hos benedictione considerata, haud præter rem quis cogitet, Germaniam iam permultū mutata ab illa, tantis ciuibus ulterius fuisse indignam. Hæc tamen est fortuna non insolens fidissimis quibusq; doctis atq; Ecclesiasticis uiris, in huius tristissimo incolatu sæculi: donec aliquando lætissimū illud, Euge serue bone ac fidelis &c. à summo Pastore Christo suo audire contingat.

In

In Archiepiscopi huius aula noui & diu
expetiti hospites Germani, honorificentissi-
me excipiebantur permultisq; diebus ibi nō
absq; pietatis incremento detinebantur. Sub
id uerò tempus subingressi sunt dies, quos
uocant, uacantiarum, quibus in Academjs
istius regionis anni serè quartam partē à præ-
lectionibus professores feriantur. Hæc sanè
fuit causa, quod Bucerus & Fagius, quamuis
id ualde optabant, certis suis ministerijs tem-
pestiuus non sint destinati. Quanquā autem
nullum diem absq; linea ducta abire pateren-
tur: tamen præter reliquas lectiones atq; me-
ditationes, in maxime præclarum & uniuersę
Ecclesiæ Christi utilissimum opus, præcipue
erant intenti: nimirum, ut integra Biblia non
solum proprietate sermonis, sed etiam succin-
ctā, clara tamen, certa atq; perspicua interpre-
tatione, locorumq; difficultium aut pugnan-
tium enodatione ac conciliatione illustrata in
lucem ederentur. Habuit hic ipsorum cona-
tus laudatissimus anthorē Archiepiscopum
Cantuariē. qui ipsos ad alios labores para-
tos, ad hunc præcipue tum uocabat, atq; inui-
tabat. Cuius uoluntati libenter morem geren-
tes, ipsum opus pari studio & alacritate aggre-
diuntur: ita tamen, ut ipsius operæ facerent

aliquam distributionem, uidelicet, ut D. Bucerus in explicatione & illustratione Noui testamenti; alter uerò Paul. Fagius in interpretatione et elucidatione Veteris testamenti, cōsideratis fontibus linguarum, elaboraret. Habuit quidem iste labor pulcherrimū initium: sed tamen illius progressum morbus utriusq; ualde periculosus mox intercept: cuius etiā effectū mors Fagij insperata, maxime tamen luctuosa, ut paulo post dicitur, prorsus tandem evertit. Dedit nihilominus uterq; specimen alicuius praeclari monumenti, si Deus uirā ipsis prorogasset. D. enim Bucerus Euangelium Ioannis auspicatus: Fagius uerò Esaiā aggressus, aliquot capita uterq; in suo opere absoluit.

*De aduersa ualetudine Fagij, morte
atq; sepultura.*

Quia uerò optimi uiri iam diu auide expetebant audire, ubi nam locorum ipsis esset degendū atq; docendū, designatur ipsis tandem Cantabrigia, altera regni Academia celeberrima. Verū, quæ rerū omnium uicissitudo est maxima, eaq; quam aeris atq; dietæ mutatio haud leuiter, sed serē in deterius promouet, paucis post diebus morbo corripitur uterq;, Fagius tamen grauiori.

uiori. Nam 18. Augusti proxime finem caniculariū febris acutissima per multis conflictatur diebus. Postquam autem adhibitis etiam medicinis conuenientibus, nullā morbi leuationem sensisset, proprioq; nidulo multis de causis libentius intersuisset, intra spem & merum cōstitutus, mutationemq; aeris profuturam sibi persuasus, Cantabrigiā paucis post diebus deportari omnino uoluit: manente tū Bucero & ipso uoletudinario diutius Londini, præter uoluntatem: ut qui amicissimo sibi fratri & Collegæ adesse perpetuò & indiuulse cupiebat. Quàm autē ipsi diuulsio ista fuerit tum inexpectata, tū acerba, literis suis paulò post ad Christoph. Scælium generum suum scriptis prolixè testatur. Quare omnem dabat operam, ut quàm primum fieri posset, ad illum se cōferret: quod tamen ante Nonas Nouemb. ægrè fieri potuisse percepimus.

Cæterum hunc Fagii morbum satis per se acutū & periculosum, sollicitudo atq; ardens uorum pro salute afflictissimæ Germaniæ, nedum Ecclesiæ, à qua nuper improborum machinationibus fuerat auulsus, ad ingratū exilium iam accedentes, non parum exasperarunt. Neq; tamen is, qua semper eximia pietate animiq; constantia ornatus fuit, consolatio-

tionis pastori animarum dignæ immemor extitit, ut quæ laborantibus & oneratis omnibus gratissimā promittit refectiōem. Cruciatu itaq; quos acerbissimos sensit, agnoscit esse saluberrimā Patris cœlestis castigatiōem, qui se filijs suis dilectis eiusmodi aduersis magis ac magis agnoscendum & plenius redamandum proponere solet: agnoscit etiā omnia tandē ipsi cooperatura esse in salutem, propter filium suum Christum saluatorem. Hac fiducia atq; specertissima fretus, ad patientiam animum suum pridem Spiritus S. gratia obfirmatum habuit: nimirum certissimus, quod is cui credidisset, depositum suum ipsi seruaturus esset in illū usq; diem, quo dissolutus cum Christo posthac uiueret.

Diebus itaq; decem, quibus Bucerus egroto adesse potuit, multis uarijsq; colloquijs atq; sanctissimis consolationibus se mutuo recrearunt: additis subinde ardentissimis ad Patrem cœlestē in Christi nomine suis precibus, aduersus mille artificis insidias atq; tentationes ingruentes. Inualecente uerō morbi acerbitate atq; uehementia ad summū usq; gradum ita, ut uires naturales optimū uirum iam destituerent penitus, læto animo, in uera inuocatione filij Dei, agni immaculati pecca

ta mundi expiantis, Idibus Nouembris uita hanc caducam cum sempiterna commutans, placide in Christo obdormiuit, annos iam natus 45. Atque ita, quod dolendum fuit, antequam ingenij sui & eruditionis specimen aliquod Anglis ædere potuit, in cœlestē Academiam beatorum spirituum immigrauit: quantis gemitibus, suspirijs, lachrymis, uxoris, liberorum, collegæ Bucerī, atque aliorū amicorum, dici uix potest. Horum omnium euidentissimum nobis præberent testimonium, literæ Bucerī Cantabrigia ad fratres et symmystas huc scriptæ: si eas ad manum iam habere datum atque concessum fuisset.

Sequenti die cadauer uiri iam beati honorificè tradidum est sepulturæ, in æde D. Michaelis, cuius funeri deducendo interfuerunt præter Bucerū, non pauci de Academia atque oppidanis uiri primarij. Quod autem celebritas hic tanta non fuerit, quanta in Bucerī sepelitione, mirum non est: partim quod Fagij notitia & gloria non ita orbem penè iam totū peruasit: partim uerò quod propter morbi præoccupationē, studiosis & doctioribus Academiae uiris, nondū defuncti pietas cum eruditione præsertim linguæ Hebraicæ atque Chaldaicæ innotescere potuit. Non pauci ta
men

VITA PAULI FAGII.

men fuerunt, qui scriptis Epitaphijs funus ipsum sunt prosecuti, quæ si ad manus nostras peruenissent, digna gratitudinis exhibitione, & ipsa in lucē edere perlibenter uoluissēmus.

Hæc habuimus in præsentia, optime Lector, quæ de uita atq; obitu Pauli Fagii, præceptoris nobis charissimi, tecū fideliter communicanda esse duximus. Restat nunc aliud nihil, quàm ut istud nostrum quaecumq; pietatis atq; gratitudinis studium æquiboniq; consulas: id quod de candore tuo rogatum, adeoq; iam exoratum esse, percipimus.

CATA.

CATALOGVS SIVE
INSCRIPTIONES LI-
BRORVM OMNIVM, QVOS PAV-
lus Fagius in lingua Ebræa & Chaldæa
uir doctissimus, annis sex in lu-
cem edidit.

INFORMA FOLII

Lexicon Caldæicum, auctore Elija Leu-
ta, quo nullum hactenus à quoquā ab-
solutius editū est. Omnibus Hebraicæ
linguæ studiosis in primis & utile & neces-
sarium. Cum præfatione triplici, una Hebrai-
ca ipsius auctoris Eliæ, à Paulo Fagio latine
reddita: reliquis duabus Latinis ab eodē præ-
fixis, una ad Lectorem, altera ad D. Vuolfg.
Capitonem.

Sæpher Tehillim. hoc est, Psalteriū, cum
Cōmentario R. David Kimhi, Hebraicè ex-
cūsum Isnæ, Anno minoris suppritationis à
Creationē mundi.

Commentarium Hebraicum R. David
Kimhi in 10. primos Psalmos Dauidicos, cū
uersione Latina è regione: pro exercitiame-
to omnibus Hebraicæ linguæ studiosis: qui
bus

CATALOGVS

bus ad legenda Hebræorum Commentaria
animus est, per Paulum Fagium.

Thargū, hoc est, Paraphrasis Onkeli Chal
daica in sacra Biblia, ex Chaldæo in Latinū
fidelissimè uersa: additis in singula ferè capi
ta succinctis Annotationibus. Authore Pau
lo Fagio. Pentateuchus, siue V. libri Moyssi.

Consilium & utilitatem æditionis huius
Chaldaicæ ex præfatione ad Lectorem intel
ligere poteris.

Collatio præcipuarum, quæ in usu sunt,
translationum Veteris Testamenti, in præci
puos sacræ Scripturæ locos, in quibus cum
interpretum, tum Commentatorum mira est
uarietas. Ex qua non tam ipsas uariationis
causas quàm quis interpretum, ac exposito
rum cum ueterum, tum recentiorū, uel à sco
po ueritatis longius aberrarit: uel ad illum
propius accesserit: ex ipsa ueritate Hebraica
pulchre cognoscere licebit.

Autore Paulo Fagio.

Opus inabsolutum, partim propter illorum temporum
difficultates: partim propter extitū & obitum præmatu
rum optimi atq; doctissimi uiri paulo post subsecutum.

IN

IN FORMA QVARTA.

Opusculum recens Hebraicum à doctissimo Hebræo, Elija Leuita Germano, grammaticè elaboratum, cui titulum fecit, Thisbites: In quo DCCXII. uocum, quæ sunt partim Hebraicæ, Chaldaicæ Arabicæ, Græcæ & Latinæ, quæq; in Dictionarijs non facile inueniuntur: & à Rabbinis tamen Hebræorum in scriptis suis passim usurpantur: origo, etymon, & uetus usus doctè ostenditur, atq; explicatur Per PAVL. Fagium, in gratiam studiosorum linguæ sanctæ, latinitate donatum.

Sententiæ uerè elegantes, piæ, miræq; cum ad linguam discendam, tum animum pietate excokndum utiles, ueterum Sapientum Hebreorum, quas Pnke Auoth id est, Capitula, aut si mauis Apophthegmata Patrum nominant, in Latinum uersæ, scholijsq; illustratæ Per PAVLVM Fagium.

Exegesis, siue expositio dictionum Hebraicarum literalis & simplex, in Quatuor Capitula Geneleos pro studiosis linguæ Hebraicæ, Per PAVLVM Fagium. Cuiusdam scripti Iudæi, ad Christianismū conuersi ante annos CC. in quo obiter ostendit causas aliquot, propter

CATALOGVS

propter quas multi Iudæi, etiam si ueritatē agnoscant, ad fidem tamen nostram accedere uerentur.

Sententiæ morales ordine Alphabeti Ben Syrach uetustissimi authoris Hebræi, qui à Iudæis nepos Hieremiæ Prophetæ fuisse creditur: Cum succincto commentariolo, Hebraicè & Latine,

Tobias Hebraicè, ut is adhuc hodie apud Iudæos inuenitur. Omnia ex Hebræo in Latinum translata in gratiam studiosorum linguæ sanctæ, Per PAVLVM Fagium.

Sæpher æmana, id est, Liber fidei, Hebraicè impressus Isng Anno CCCII. minoris supputationis à Creatione mundi.

Liber fidei, preciosus, bonus & iucundus, quem edidit uir quidam Israelites sapiens & prudēs, ante multos annos, ad docendum & comprobandum in ea argumentis sufficientibus & euidentibus, quod fides Christianorum, quam habent in Deum Patrem, Filium et Spiritum S. atq; alia, perfecta, recta, & indubitata sit, collocata super fundamentū legis, Prophetarum, et Hagiographorum. Ideo uocauit nomē eius Sæpher æmana, i. Liber fidei
scu

seu ueritatis, ad illuminandū in eo oculos cæcorum, & ad ducendū in uiam rectā errantes. Translatus ex lingua Hebræa in linguam Latinam operā PAVLI Fagij.

Precationes Hebraicæ, quibus in solennioribus festis Iudæi cum mensæ accumbunt, ad huc hodie utuntur: & quo modo, ordine & ritu eas dicant. Ex quo uidere licet, uestigia quædam ritus ueteris populi, quem & Christus Saluator in sacrosancta Cœna sua, uti eam Euangelistæ, præsertim Lucas, describunt, in quibusdam obseruauit.

Paruus tractatulus ex libello Hebraico excerptus, cui nomen est Sēpher æmana, id est, Liber fidei. Iudæi cuiusdam ad Christianismū conuersi ante Annos CC. in quo obiter ostendit causas aliquot, propter quas multi Iudæi, etiam si ueritatem agnoscant, ad fidem nostram accedere uerentur. Per PAVLVM Fagium translatus.

Sēpher Midoth, ist est, Liber uirtutū Germanicè compositus, Hebraicis tamen characteribus exaratus.

Grammatica Helię Leuitę Hebraicè excusa

CATA. LIB. P. FAGII.

sa Inq. Anno à Creatione mundi CCCII. mil
noris supputationis.

Compendiaria Isagoge in linguâ Hebræâ.
Authore PAVLO Fagio.

Prima Quatuor Capita Geneseos Hebrai
cè, cū uersione Germanica è regione, Hebrai
cis tamen characteribus exarata, eaq; iuxta
usitatam Iudæorum interpretationem, ad uer
bum translata, unà cū succinctis in fine adie
ctis scholijs, & ratione legendi Hebræogera
manica.

Tredecim fundamenta fidei Iudæorū, quę
cōposuit R. Mosche filius Maiemon: Hebrai
cè excusa, absq; ulla uel loci uel temporis nota
tione præfixa, aut subscripta.

IN FORMA OCTAVA.

Nomenclatura Hebraica, authore Helia Le
uita Germano Grammatico: In gratiam om
nium tyronum ac studiosorū linguę sanctę.

FINIS.

HISTORIA

115
B

HISTORIA DE AC-
CVSATIONE, CON-
DEMNATIONE, EXHVMA-
tione, atque combustione excellen-
tissimorum Theologorum D.
Martini Bucer, & Pau-
li Fagij.

ANNO DOM. M. D. LVI.



ARDINALIS POLVSTRI-
ennio postquàm in Angli-
am redierat, ab ceteris Regni
negocijs reuocata paululũ
cogitatione, compositaque, per omnes
partes Religione Pontificia, quæ iam ali-
quot annis, Regnante Edoardo sexto,
antiquata, in desuetudinem abierat, ad
Academiam Cantabrigiensem, quæ &
ipsa quoq; in primis reformatione uisa
est indigere, primo quoq; tempore ani-
mum adiecit. Quippe inutilem fore la-
borem iudicauit, qui in purgando reli-
quo corpore poneretur, si pars illa, unde
reliqua membra alimẽti subsidium hau-
sirent, in ægritudine relinqueretur. De-

Q lecti

Inquisitores
quinque confi-
uti,

lecti ad hoc negotium, Cuthbertus Sco-
tus, non ita multo ante inauguratus Ce-
strensis Episcopus: Nicolaus Ormane-
tus Italus, Archipresbyter plebis Bodolo-
ni, Veronensis diœcesis, in utroque iure
professor: Thomas Vvatsonus, electus
Lincolniensis: Ioannes Christophero-
nus electus Cistrensis: & Henricus Co-
lus Collegij Etonensis Præpositus. Cur
his potissimum, hæc res demandata sit,
suberant causæ satis idoneæ. Quod enim
Ormanetum spectat, notum erat, esse
eum hominem magno in pretio apud
Iulium tertium: (erat is eo tempore sum-
mus Pontifex, cuius negotium ista Lega-
tione procurabant.) & ipsum propterea
ad hoc Anglicanum iter, cum Polo Car-
dinali, de industria designatum, quod
sine illius cognitione, in quo maximè
Pontifex confideret, nihil quod esset ali-
cuius momenti & ponderis, geri vole-
bar. Ceteri uel propter experientiam re-
rum Academiæ huc missi sunt, uel è reli-
quis uidebantur maximè idonei, quibus
ea causa credi deberet: quoniam Ponti-
ficiæ religionis, rerumq; ad eius stabili-
tatem

tatem pertinentium, acerrimi propugnatores habebantur. Non deerant, qui suspicabantur Scorum, Vvarsonum, & Christophersonum, quoniam odium esset ipsis cum illius Academiae nonnullis, à quibus paulo antè se lesos esse putabant, nunc autem propter tempus occasionem esse animaduertendi in eos pro arbitrio suo arbitrarètur, profectiorem istam studiosè procurasse.

Hi sic designati, interea dum ad uiam sese comparant, literas præmittunt ad Andream Pernum eius anni Procancellarium. Huic mandant, ut ad undecimum Ianuarij diem, intra horam octauam & decimam, denunciaret eorum nomine, adesse omnes ordines Academiae in Ecclesia beatæ Mariæ uirginis: (est is locus propter publicos Academiae conuentus & coitiones celebris, non longè ab eius oppidi Cantabrigiensi foro situs, quo si quando uel sacra publicè facere, uel pro concione aliquid dicere oporteat, omnes cōuocantur): Iubèt ut se ipsum in primis pararet, moneret præterea uersos quorum interreat, ut Academiae

Citatio præmissa instituta actioni.

Q. a ipsi

HISTORIA COMBUST.

ipsius, adeoq; reliquorum Collegiorum statuta, priuilegia, libros, monumenta deniq; omnia, quæ cuiusquam ipsorum essent, peruestigarent: eaq; ad eum diem illis exhiberent: & iuxta se quoq; unusquisq; eo loco sisteret. Ipsos illo in tempore adfuturos, & simul quæ ad hoc negotium reformandę Academię opportuna essent, in medium allaturos: porro quæ e re ipsius fore, quæq; ab illis fieri deberet, prout Canonicis institutis magis uideretur conuenire, apertis uerbis demandaturos. Has literas locis maximè idoneis Procancellarius affigi curat.

Academię perturbatio de futura reformatione.

Erat in expectatione reformatio ista iam aliquot menses. Nunc uero postquam de ea certò constaret, mirum in modum animi singulorum permouebantur. Alij, quòd adesse nunc tempus, in quo liberè, non dicendi solum, sed agendi etiam quiduis in suos aduersarios, qui Pontificias antea nugas proiecerant, licere existimarent, mirificè exultabant. Alij, qui ipsos fore in periculo cernebant, se diligenter circumspicere, et rationes

rationes omnes, quibus expectatis difficultatibus se explicare possent, inire cœperunt. Nonnulli, certorum hominum, qui apud illos formidabiles Legatos gratiosi fore cognoscebantur, amicitias ambire: quidam offensas suas agnoscere, precariq; ueniam ab his, à quibus ipsi antea affecti essent iniuria: plerosq; deprehendere licebat, qui magno quidem studio cōplecti se ueram doctrinam antea simulabant, sed uita & moribus uehementer eam deformauerant: & quæ spiritus esse debebat libertas, eam ad suas transtulerunt cupiditates, ut quiduis sibi licere putarent: ñ purgandi sua scelera, hanc esse unicam rationē arbitrati sunt, si aliorum, quorum antea amicitias sequebantur, accusatores forēt. Se quidem ipsos, quò & fidem faciant, se non dissimulanter religionem Pontificiam sectari, & maiorem apud Legatos gratiam ineant, ad ordines sacerdotales, primo quoq; tempore transituros pollicentur. Fore enim hanc rem intellexerant Legatis illis ualdè gratam: qui sic quidē comparati erant, ut sicut neminem, qui sese

Q 3 offerre

HISTORIA COMBUST.

offerre uellet, repellerent ab illo ordine, ita ingeniosissimum quemque maximo conatu eò adhortarentur.

Cur suscepta
reformatio
Academica

Diximus initio, uisum esse Cardinali, Academiæ opus esse emendatione. Eius rei hæc erat ratio: uel quoniam illa, ex longa multorum annorum memoria, deiecto Pontificis iugo, ad sanam doctrinam, quæ hæreseos insimulata est, cœpit propendere: uel, quia & propter recentem schismatis memoriam, & propter doctrinam D. Martini Bucerii, qui non ita multò antè, publicè in ea Academia sacras scripturas interpretatus est, quamplurimos cernebant tantum corruptionis & macularum, ex ista contagione imbibisse: ut, sicut in publico incendio diffusa flamma, nisi maturè remedium adhibeatur, haud facilè uideretur multis deinceps annis posse extinguì. Esse autè uerendum, si negligeteretur, ne ut in ægris corporibus ferè sit, malum hoc uires sumeret, & partes quæ adhuc synceræ essent, uicinitate conspurcarentur. Fuit hoc Anno salutis humanæ, supra millesimū quingentesimū, quinquagesimo sexto.

Vc

Vt igitur medicinam huic morbo facerent, ueniunt Cantabrigiam, quos diximus, Legati Ianuarij die nono. Illis, dum adhuc sunt in uia, non longè ab ipso oppido, ex Præsidibus Collegiorum nonnulli occurrunt, & pro ut decebat, humaniter primò ad ipsum oppidum, inde ad hospitium usq; deducunt. Excepti sunt in Collegio Trinitatis à Ioâne Christophersono, eius domus præfecto, paulo antè electo in Cicestrensem Episcopum. Inuitati alius alio, ubi subesset aliqua ratio officij declarandi, aut ostendendæ uoluntatis: Colus à Regijs, Vvarsonus ab Ioannensibus. Cæterum siuè propter familiaritatem cū Christophersono: siuè propter amplitudinē domus ipsius, quæ, cum omnes capere posset, hoc ipso uisa est magis oportuna ad inuenda consilia, & facilem accessum conuenientibus præbebat, huc omnes diuerterunt.

In ipsorum aduentu, habita est coram illis oratio gratulatoria, à socio quodam illius domus, qui aliorum omnium nomine, pergratum esse eorum aduentum.

Oratio in eorum aduentum habita.

Q. 4 tum,

HISTORIA COMBUST.

tum, multis uerbis testificatus est: se, uero in primis, & collegas suos, per magnas agere gratias, quod tale iudicium de illis fecissent, apud ipsos præcipuè hospitium deligendo. Hoc facto suo, & animos eorum, ad meliorem spem amplioris cuiusdam beneuolentiæ erga ipsos accendisse, et ista sua præsentia, Collegium ipsum non mediocriter cohonestasse. Itaque ab ipsis uicissim ea studia, quæ ad summam obseruantiam pertinerent, licere illis expectare. Huic respondet Vuatsonus, istam, ad humanitatis officia, propensionem animorum & uoluntatû, sibi suisque pergratam esse: adhortari porro, ut in eadem uellent constanter persistere, et cum opus sit progredi etiam. Tam abesse autem, ut hunc illorum cursum tardare uellent, ut sua sponte sic currentes, concitatus etiam uti currant, sint incitaturi. Non frustra inductos, ut de illorû beneuolentia sperarent: Se quidem, ipsorum gratia, nihil non esse facturos, quod è re illorum esse possit.

Hoc die, quoniam sub uesperum uenerant, etiam sol ad occasum festinaret, nihil præ-

hil præterea est actum. Diem sequentem, erat is Ianuarij dies decimus, ad seipsos recreandos ab itinere, & reliqua componenda dederunt. Verum, ne is omnino inanis præteriret, duo illa templa, beate Marię uidelicet, ubi D. Martinus Bucerus, & Diui Michaëlis ubi Paulus Fagius sepulti sunt, hoc die sacris interdunt. Hi iam antea à uita decesserant, Fagius, uix dum ingenij & eruditionis prima indicia dederat, cum ad superos emigraret: Bucerus superuixit paucos mense, in quibus, cum scribendo, tum legendo & concionando publicè (in quo nunquam sibi aut suę ualeitudini laboriosus senex in uerbo Domini perpercerat) tãtam omnium admirationem conquisiuit, ut illius & singularem uitam, & doctrinam sinceram, neq; amici unquam satis laudare, neque inimici, uel leuiter reprehendere potuerint. Eius rei certissimum sit indicium, pompa funebris, quæ tanta omnium ordinum celebritate et applausu condecorata est, ut nihil, ad illius amplitudinem, quocunq; modo posset accedere. Huius tota actio, à Nicolao Carro homi

Templa beate uirginis & Michaëlis interdita sacris.

ne erudito, commentariolo quodam ad clarissimum uirum D. Io. Checum equitem perscripta, ab eodem adiecta epistola consolationis plena, super illius obitu, ad ornatissimum uirum Petrum Martyrem, agentē tū Oxonij, transmissa est.

A funere Bucerii et Fagij, ad istorum legatorum aduentum, intercesserunt iam quatuor anni, plus minus. Indē ab eo tēpore, quo est mortuus Edoardus sextus beatissimus Rex, ad illum diem, nunquā desierunt sacrificuli suas missas, et omne genus suorum factorum, illis locis celebrare. Idq; quantum poterat intelligi, sine scrupulo. Cæterum ubi uenissent isti, quę antea pro sacris sunt habita, nunc ceperunt denunciari prophana: itaq; conuentus illos, qui deinceps sacrorum causa fierent, ad capellam collegij Regij, quę reliquis omnibus multis partibus magis erat conspicua, indicunt. Venerat nūc dies undecimus, in quō se Academię Procancelanus, collegiorū præfecti, atq; adeo omnes omnium domorum ordines, sese Dominis illis legatis sistere iuebantur. Conueniunt igitur magno numero ad Collegiū Trinitatis: ubi eos exceptos

esse hospitio, suprà demonſtrauimus: parati, quò illi ire uellent, inde prout de cuit, eos deducere. Ibi tum Ioannes Stokſus, publicus orator Academię factionis papifticę, (neq; enim alijs eo tempore ad ullos honores promouebātur) uerba ad eos facit nomine cæterorum. Et cum ante haberet actionis capita quędam à Ceſtren. & alijs quibusdam illi præſcripta, multa de Academiã, multa de ipsis, nonnulla etiam de religione præteritorũ temporum, quę nulla neque oratione, neq; concione prætermiſſa eſt, teſtificatur.

Primum quidem Academiã, quę in expectatione aduentus ipſorum aliquandiu ſolicita fuerat, eandem nunc præſentia illorum ualdè recreatam, libentiſſimè uultus eorum intueri dixit: et ad demonſtrandam hanc uoluntatis ſuę teſtificationem, uniuerſam ſe ſuosq; omnes effudiſſe: conueniſſe in illum locũ totam Cantabrigiën. frequētiam, ad eſſe ibi omnes ordines, de quorum certa & explorata ſibi ad hanc rem uoluntate, illud publica fide, apud eorum amplitudinem, in ſe recipere, eos & ſingulos ſeparatim, & coniunctim omnes, optatiſſimum hunc eo-

Oratio Ioannis Stokſi oratoris Academię.

HISTORIA COMBUST.

rum aduentum, mirificis studijs, & consentientibus animis gratulari. Illud enim omnes animis suis habere persuasum, simul negotium hoc, quod eo die auspicerentur, ad Academicæ rationes fore accommodum: & in re ad cōmunem salutem tam necessaria, nullam eorum operam, nullum laborem defuturum. Multa esse ad hanc opinionem confirmandam, at tamen cetera prætermitturum, ea tātum oratione attingere uelle dicebat, quæ ita cum præsentī negotio cohererent, diuelli ut ab eo disiungiq; nulla ratione possint. Atque esse illa quidem numero certa & finita, sed re & uirtute ualdè immensa, nulla ut ullius dicendi facultate possent plenè comprehendī. Ista donec breuiter recenseret, precatur faciles sibi aures præberi.

Indè tum aliud dicendi initiū sumens, orditur ab ipso cardinali Polo: hunc religionē oppressam restituisse, ruinas Reipub. suffulxisse, de cetera legesq; maiorum iam diu antiquatas, quasi postliminio reduxisse ait: Istum, istum Polū, Anglum, uere nostrum Moysen, legationis istius esse

esse authorem: à cuius excellenti uirtute, plurima in omnes suæ patriæ partes, cōmoda dimanarunt. Quo uno uinculo necessitudinis, etsi omnibus temporibus, optima sperare ab eo, Academiæ liceret, quod ex corpore esset ipsius Reipub. sub esse tamen arctiorem atq; interiorem causam, quæ illi cum Dominatione ipsius separatim intercesserat. Superiore ipsum anno, eius procurationem in se humanissime quidem recepisse, quàm sanè liberali custodia ita septam se tenere uelle, literis confirmabat, ut non solum incommoda, si quæ essent, quibus affligerentur eius studia, submoueret, sed adijceret etiam ea omnia ornamenta, quorum splendore augeri dignitas Academiæ, aut maximè etiam illustrari posset. Hanc rem & spem antea nostram confirmasse: & nunc in illam cogitationem nos adduxisse, ut putaremus omnem illius humanitatem, in hanc unam uisitationem esse collectam: in qua quidem, ea se ab illis expectare omnia, quæ diuinissimi Cancellarij summus amor, præter communem charitatem, Academiæ

HISTORIA COMBUST.

miæ, quasi pupillæ suæ, propriè pollice-
retur. Optare quidem se, adesse hoc tem-
pore ipsum Cardinalem, si id sine Rei
publicæ detrimento fieri posset, & Aca-
demiã suam, è tenebris & profunda
nocte emerfam, ipsum suis radijs, & cla-
ro ueræ religionis splendore, illustrare:
Verum optioni suæ publicam utilitatem
repugnare: qua, quoniam esset impedi-
tus sanctissimus sedis Apostolicæ Lega-
tus, ipsos uicarios prudenter substituissè,
quorum & naturas, propter prudenti-
am: et personas, propter dignitatem: &
uoluntates, propter educationem, ap-
tissimas ad hanc ipsam rem existimauit.
Quapropter illud uerè, & ex animis om-
nium qui adessent, se affirmare posse di-
cebat, ipsos esse uiros, quorum religio-
nem omnes amarent, uirtutes colerent,
uoluntatem, fidem & consiliũ, ad sa-
lutem publicam implorarèt. Postquam
enim singulari, & præstantissima uirtu-
te Cardinalis Polĩ, ex superiorum tem-
porum caligine & tenebris, Lucem in
Repub. respicere ceperimus, unà certè
grauissimæ ætatis nostræ mala sensisse.
Quibus

Quibus profecto infinitis & miserrimis
 etsi antea premeremur, tamen ad cala-
 mitatis magnitudinem accessisse eius-
 dem ignoracionem: atq; adeo eius opi-
 nione, eo esse magis miserabiles iudican-
 dos, quod & tam turbulenta tempesta-
 te iactati, neq; moueri quidem nos: &
 tam graui conscientię & hæresis morbo
 oppressi, neq; ægrotare nostras mentes
 intellexerimus. Valdè periculosam esse
 ægritudinem illam, quæcunq; sine dolo-
 ris sensu, naturam conficit, & affectos
 prius sæpè extinguit, quàm ægrotare se
 fateantur. Huiusmodi morbo Academi-
 am laborasse, & quæ ad alias fortasse res
 satis erat solers & ingeniosa, in hac causa
 religionis, propter caput Ecclesię læsum,
 unde omnis sentiendi facultas esset,
 omnino stupidam & sine mente fuisse:
 quoad tertio antè hunc anno, diuina
 Sanctissimi patris Iulij tertij clementia,
 Angliæ fermè emortuæ miserata, nos
 iterum Ecclesiæ inieuit, uitam sensusq;
 recreauit: (cuius ope conualescens Bri-
 tannia, quàm certa gehennæ pericula
 effugerit, iam facile intelligere: Idem
 nunc

nunc Academiam acutius cernere, nec quidquam mali uspiam accidisse putare, quo sane regio illa, in hac religionis uastitate & schismate, non sit miserrimè afflicta.

Longum fore, recensere euerfa monasteria, spoliata Deorum immortalium delubra, stragem sacerdotum, cædes nobilium, tumultus et motus populi, totius regni egestatem. Quæ etsi aliudè possent accidere, tamen cum tam grauiæ essent, ut opprimerent, ultionis & uindictæ potius, quàm probandi causa infligi in malos & nocentes putat. Interim si concederentur ista fortunæ esse ludibria, grauiora multo fuisse passos, religionis & conscientia detriméta. Pietatem in Deos, unà cum ipsis aris exulasse, uirginalem sacerdotum professionem ad libidinem solutam esse, animos iacuisse quasi consopitos, quos nullæ ceremoniæ excitaret, mentes ipsas uarietate opinionum ita distractas, ita sibi dissentientes, ut infinitis erroribus implicarentur. In his fuisse duos præcipuos fontes, ex quorum riulis & hausisse Academiam paulo liberalius, et ipsa po-

ipsa portione, ferè inebriatam se confiteri. Priorem, ortum habuisse ex illa nostri uiolenta diuulsione à catholicæ Ecclesiæ unitate, re non dissimili illius pugnx, quam olim in intestina ciuium discordia, Menenius Agrippa, de corpore humano memorabat. Posterio rem, ex immensa palude, & cœno Vvicleuiano emanasse: quem celebris apud ipsos, immo miserabilis de Sacramento altaris disputatio patefecerat. De cuius rei ueritate, plerosq; suo sensu abundantes, pro arbitrio quemque suo statuissè: Se uerò philosophos, nec illos quidè optimos imitatos, ex Epicureorum schola, ad scripturæ lumen aliquid attulissè. Etenim quæ Christus præcisè omnino, & sine exceptione, de corporis sui uera & perpetua præsentia dixisset, id ipsos ita interpretatos esse, ut mancā & alienā Christi uocem iudicaret, nisi illa Epicuri propria particula (quasi) adderetur: & quod Christiani corpus & sanguinem, illos nunc Epicureos, quasi corpus, & quasi sanguinem, dicere.

Sed non esse illius temporis præterita

R nimium

HISTORIA COMBUST.

nimium meminisse, optare etiam, alio
 quando æterna obliuione deleri posse,
 nè ulla tantæ labis memoria propagare-
 tur ad posteros. Leuiter tamen esse at-
 tingendâ: generatim quidem, quòd er-
 rantibus confessio esset salutaris; mem-
 bratim uerò, quoniam Academia his
 uulneribus à censoria potestate conse-
 cta, à censoria medicina ad salutem re-
 duci postularer. Ipsam pro se & suis,
 spondere, omnes fore in illorum au-
 thoritate, quos assiduis concionibus,
 ita ad poenitentiam reduxerat, ut eos &
 ad sanam religionem fidissimè transi-
 uisse, & in eadem diligenti præsentis ui-
 tæ usu, superioris ætatis damna sarcitu-
 ros, iustissimè debeant sperare. Nam &
 primos in isto cursu acerrimè in eo con-
 tendere, quòd tam uoluntariè suscep-
 rant, & eos qui tardius egressi quasi pos-
 meridianis horis, ad hoc certamen accel-
 serunt, ea certè prebere immutatæ uo-
 luntatis indicia, ut quomodo temerè &
 iuueniliter à uera religione defecerant,
 ita nō nisi maturos & cum iudicio ab hæ-
 resi ui-

refi uidentur defciuiſſe. Vniuerſis uerò ſimul reſtitutam & deſideratam religionem magis placere, quàm ſi aſſiduè percepta, neq; ad tempus aliquod obſcurata fuiſſet.

Quapropter Academiam ſupplicem & proſtratam, primùm à Deo immortalium ueniam petere, precariq; ab eo, ut illum diem ad ſuorum ſalutem cōſeruandam, & ad illam Rempubicam conſtituendam illuxiſſe pateretur: deinde pro ſe, pro ſuis, pro uniuerſis, pro ſingulis hanc petitionem ad eorum cellitudines afferre, ut ſuperiorum annorum offenſas, ex inſcitia et errore proſectas, præſenti hominum indiſtrię uellent condonare. De reliquis uerò, ita pro ſumma prudentia illorum & ſingulari erga ipſos amore ſententiam ferrent, ut cauſas eorum aut iuſtitia bonas inueniret aut, clementia ipſorum bonas eſſe faceret. In utroq; beneficium fore par, ſi uè Academiam pro cauſæ æquitate iudicaret, ſi uè pro amoris abundantia innocētem eam eſſe uellent. Omnes eos qui aſſent, pro referenda

HISTORIA COMBUST.

gratia, summam in sacris modestiam assiduam in literis operam, perpetuum uerę religionis amorem, sempiternam illius beneficij memoriam, repromittere.

Responsio Epi
scopi Cestren.

Vbi ille perorasset, Cestrensis ad ea respondet, ualdè sibi gratū esse, quòd tam apertam uoluntatis suę erga ipsos significationem Academia dedisset: ingentes uerò agere gratias eo nomine: orare deniq; , ut quę uerbis & oratione de seipsa prolixè esset pollicita, ea re ipsa & factis prestare uellet. De ipsorum quidam bene uolentia nihil esse cur dubitent. Non enim eò ipsos uenisse, quo` grauius quidam in resipiscences decernant: uerum & Cardinalis ipsius, & suas quoq; cogitationes omnes, ad beneuolentiā, pacem atq; concordiam spectare: neq; quidquā uehementius expetere, quàm ut ij qui aberrarunt ac defecerunt, in uiam redeant. Reuerendissimum Cardinalem, quem optaret adesse, & ipsum quoque idem optasse, neq; quidquam illum magis cupere, quàm Academiam, pupillam suam (agnoscere enim libenter tutelę officiū) suis manibus, & labentem sustinere, & erige.

erigere etiam iacentem. Valdè sibi dolere præteritorum temporū contagionem, tam graues morbos uulgasse, ut eorum afflatu Academia & ipsa attracta sit. Multo illum libentius uisendi ac salutandi illius causa, quàm castigandi occasione uenire uoluisse, si per negotia regni licuisset: nunc autem cum hoc illi integrum non esset legationem istam instituisse, in qua uicaria ipsorum opera usus sit, qui quoniam esse Academiam in precio apud illum sciebant, magis diligerent, et quoniam eiusdem aliquando fuissent alumni, uehementius complecterentur.

Ad summam huius negotij spectare, ut qui aberrassent faterentur sua delicta, & in uiam redirent. Permagnum enim ad sanitatem progressum fecisse, qui se deliquisse agnoscerent. Itaq; prudenter ab illo positum esse, nolle se uel Academiæ, uel aliorum quoq; hominum delicta omnino excusare, sed fateri culpam, & agnoscere, non esse nulla quæ corrigi debeât & emendari. Ideo autem se missos ut lapsos erigant, & resipiscentes in gratiam recipiant: et in ea re si fortè apud

HISTORIA COMBUST.

quosdam (quod nō sperent) minus profecerint, ipsos tamen pro suo officio nihil esse reliqui facturos ad summam diligētiam. Esse apertius quā ut dissimulari amplius possit, multos multa facere proteruē, ac insolenter sumere sibi magnos spiritus. Se quidem grauitē illud & moleste, prout decet, sette, cupere etiam ei malo medicinam facere. In quos si quid acerbius statui uideretur, esse id suis meritis, non ipsorum uoluntati assignandum. Neque illos qui sani essent oportere aliorū castigatione quicquam permoueri: pertinere hoc non solum ad eluendam illam maculam, quę nunc inhaereret Academiae, sed etiam ad plurimorum salutem, qui ex illorum contagione multum accepissent incommodi. Se quidem magis ad clementiam quā ad seueritatem ullam inclinare: sed quoniam tam graues morbi non possent lenibus medicamentis curari, ueniendum esse necessario ad uehementiora. Quod si se ad sanam mentem reduci uniuersi paterentur, (quod illi maximē omnium cuperent: optate enim se ut omnes respiscant,

piscant, & salutaribus consilijs maturè acquiescant) quòd si possit impetrari, si & errorum suorum iam tandè tædium capere posset, & patrū, suosq; antiquos mores uellent pro illis sumere, licere sibi ab illis omnia humanitatis & beneuolentiæ officia expectare in hac tota reformationis actione, quam nunc se aiebant auspicari. Tantummodo faceret Academia, quod esset suarum partium, ipso-
rum beneuolentiam neq; publicis neq; priuati cuiusquam causis ulla ex parte de futuram pollicebatur.

Finitis his ad Collegium Regis ab omnibus ordinibus deducuntur: ubi decantatur missa de spiritu Sancto, magna celebritate: nihil ei negotio defuit, quod ad ornatum facere posset. Hoc loco animaduersum est à nonnullis, Nicolaum Ormanetum (Datarium uulgo appellabant) qui licet dignitate à Cestrensi, qui Episcopus erat, uinceretur, autoritate tamen reliquos superabat, dum missa celebraretur, nunc stando, nunc sedendo, quandoq; procumbendo ingenua, ceremonias quasdam obseruasse, quæ po-

Missæ ad Collegium Regiū decantatur.

Concio Pecoki
in ecclesia
D. uirginis.

Citati Præfetti
collegiorū.

Roberti Bressel
exceptio.

stea ab omnibus reciperentur: in quib. tū ille suo exemplo cæteris præibat. Sed de his infra cum erit opportunum, pluribus dicemus. Ab hoc loco ad Ecclesiam D. uirginis, quam antea sacris interdictionem esse demonstrauimus, unā cum Dominis Legatis omnes proficiscuntur: vbi licet propter prophanatū locū, celebrari missa non potuit, tamen sermo habebatur ad Populum, pro concione dicit Pecokus, sermone Latino. Quo finito Procancellarius, unā cum Præfctis Collegiorum, unusquisq; suo ordine, de nomine citatur.

Ibi tum Robertus Bresseius, prudentia & canitie conspicuus senex, Prepositus Collegij Regij, recitato post Procancellarium eius nomine, adesse se quidem sicut cæteri dixit, uerum quoniam illius domus castigatio omnis, cognitioni Lincolnensis Episcopi, non Principis solum, sed rescripto etiam ipsius Pontificis reseruata esset, graui multa imposita, si alienos reciperet: se quidem pro officio suo protestari, nisi eorum mandatum, iurisdictionem in Collegium illud

lud, aut testatis uerbis, aut sensu perspicuo illis daret, non adesse se respondit. Hanc illius exceptionem indignissimè omnes tulerunt, se quidem plenam eius rei procurandę potestatem habere à Cardinale, cuius cognitione, neq; persona cuiusquam, neq; locūs esset ullus exemptus. Itaq; malè illum fecisse, quòd eorū authoritatem tam omnibus notam uocaret in questionem. Cestrensis uisus est cæteris esse cōmotior. Id erat, quoniam Bresseius præposituræ illius dignitatem, inuito illo, & omnibus modis contranite, paulo antè obtinuerat. Accensitis demum præfectis, digressi ad aliquod tempus, quisq; domum suam petit: iussi adesse in publicis Academiæ scholis ad primam eius diei horam. Huc ubi ordines Academiæ conuenissent (uulgo Regentes et non Regentes dicuntur) quod reliquū erat eius diei, perlegendis rescriptis principū, indulgentijs Pontificū disquirendis, cæterisq; Academię peruestigandis monumentis, ibidem transigunt.

Cestrensis cur
iratus Bresseio.

Die sequēti, qui erat Ianuarij dies duodecimus, conueniunt ad Collegium Regium

gium, inquirendi causa. Quod uel reli-
 quis prepositum est, propter dignitatem
 loci: uel, quoniam illa domus pre omni-
 bus, alijs, ex longa iam ante memoria
 non carere uno aut altero heretico (ut
 appellabant) iudicata sit. Ad præsens au-
 tem, quamuis plurimi iam pridem se-
 ipsos indè subduxerant, paucos tamen
 superesse existimabant. Modum quo uel
 lent excipi, singulis Collegijs, cum fieret
 inquisitio, ipsi antea præscripserant. Is
 autem erat eiusmodi. Præfectum cuiusq;
 domus, & eius reliquos omnes tam so-
 cios quàm scholares, uestibus Ecclesiasti-
 cis indutos (capas nuncupant uulgo) ad
 exteriorem domus ianuam, quæ esset
 uersus oppidum, illis occurrere præci-
 piunt: ipsum Præfectum ornari illo ha-
 bitu, quo uestiuntur qui Missam cele-
 brant, nisi quod superius capam induer-
 et, ut reliqui. Ordinem progrediendi
 hunc esse iuebant: præcedete præfe-
 ctum, reliquos sequi suo quemq; loco,
 proximè ad præfectum eos, qui ordine
 & tempore præcesserunt, & grandiores
 essent cæteris, huic præferri crucem &
 aquam

Modus quo
 excipiebantur
 Inquisitores.

aquam lustralem, qua uellent aspergi. In ipso autem occurſu, demurmuratis preculis quibusdam, cum iſta pompa ad ſacellum ſe deduci inſtituerunt. Nonnullis uidebantur plus ſibi honoris ſumere, quàm pro hominum conditione cōueniret: alij uerò, quoniam nunc non Cardinalis modo iuriſdictionem uendicabant, ſed ipſius etiam Pontificis diſtionem poteſtatemq; prætexerent, qui plus eſſe quàm homo putabatur, multis partibus eſſe minus acclamabant, quàm eius ſanctitas poſtularet: pertinete autem ad ipſius dignitatem, quicquid Legatis ſuis impenderetur honoris.

Legati Papam
preſentabant.

Iam aderat hora qua decreuerant uenire, & cum in ipſis eſſent Collegij foribus conſtituti, ubi Præpoſitum cum reliquis expeſtabant, & à nemine eſſet illis occurſum, progreſſi indè ad templi oſtium, ſubſiſtunt paululum: ibi cum Præpoſitum & ceteros ſeſe, quantum poſſent, cernerent ornantes eo modo, quo ab illis antea diximus fuiſſe præſcriptum, ſuperueniunt cum adhuc illi loco non mouiſſent. Ibi tum Præpoſitus excuſate pri-

munt

HISTORIA COMBUST.

mum se, quòd paratior non esset agno-
 scere cum primis hoc illius officij fuisse,
 deindè ualdè sibi placere eorum aduen-
 tum: & primum quidem pro seipso, de-
 inde nomine quoq; reliquorum, sum-
 mam in his quæ communem utilitatem
 spectarèt, qualia demum ab ipsis se dixit
 expectare, obseruantiam polliceri. Cæte-
 rum quòd in Ecclesia Diuæ uirginis su-
 periori die fecisset, eandem quoq; exce-
 ptionem nunc illis opponere, quod ne
 grauius ferre uellent uehementer orare.

Robertus Brel-
 teus iterum ex-
 ceptionem op-
 ponit.

Cestrensis re-
 spondit:

Se quidem, quum pro officij sui ratione
 hoc faceret, multò iustiorẽ causam ha-
 bere qua debeat excusari. Non dum per-
 orauerat, cum statim Cestrensis contra-
 sta fronte, uultuq; irato admodum, lo-
 quentis adhuc uocem intercipit; nec esse
 illi opus dicit reperere, quæ esset antè
 protestatus, nec ipsis ad ea iterum respon-
 dere, quibus abunde satisfacissent. Ve-
 hemèter se uereri, ne eorum causa nimis
 bona sit, ita ipsos tergiversari, ita quære-
 re suffugia. Nimirum sic fieri plærunque
 ab ægrotis, qui grauiora medicamenta,
 propter doloris sensum, diffugerèt. Qua

siue.

si uero à quocunq; tandem concessa immunitas tanta sit, ut Pontificiꝝ authoritati posset obsistere? Quin etiam ipsa Pontificis rescripta pro se quidem et suis facere: contra se uero minimè posse opponi. Itaq; monere ut discedat ab ista inutili disceptatione, & se suosque ad id quod agebatur, componeret.

Post hæc itur ad Missam, qua magna olennitate peracta, primū quidem templi altare adeunt, ibi q; salutato suo Deo, quesitoq; an omnia essent circa eum salua, mox omnes templi interiores domos perambulant. Bona ecclesiastica, cruces, calices, libros missatiles, quidquid esset uestium, quidquid ornamentorum sibi exhiberi postulāt. Perlustratis omnibus, uocatisq; singulis eius domus & socijs & scholaribus de nomine, ad hospitium Præpositi cōtendunt: ubi ipsum primò Præpositum, mox ceteros suo quemq; ordine (delato primum iureiurando, ut ad postulata respondeant de scientia) examinant. Sed hoc sacramentum quidam recusarunt admittere, tum quoniam Collegio primam fidem dederant, tum etiam

HISTORIA COMBUST.

am quoniam iniquissimum esse iudica-
rent, contra seipsos iurare. Esse hoc quis-
dem contra publicas leges, cogi quem-
quam seipsum prodere: uix recipi fidem
cuiusq; ad se defendendum, cum perspi-
cua argumenta deessent, multo esse iniu-
stius, uim afferri alicui seipsum uti accu-
set. Sed & hi, post multam altercationē,
tandem cum conditione salutē fidei prius
Collegio prestitę, admittuntur ad iuran-
dum. Tridui fuit ibi facta inquisitio.

Consultatio
Præfectorum
de Bucerī ex-
aminatione

Iam hic tertius erat dies ab eorum ad-
uentu, & Bucerī Fagijq; causa uisa est nūc
longius differri: plurima enim futura erat
illis actio super ea re. Et quoniam præsens
causę status explicationem consilij requi-
reret, conueniunt Procancellarius & præ-
fecti Collegiorū ad publicas Academię
scholas: ubi quid tandē uideretur oportu-
num fieri, singuli sententiam dicūt. Post
multam consultationem, ab omnibus
itum est in hanc sententiam. Ut quando-
quidem Martinus Bucerus, dum adhuc
uiueret, non solum perniciosam errone-
amq; doctrinam inter ipsos sparsisset, sed
fuisse etiam sectarius, primique nominis
hæretic

hereticus, errasset ipse ab Ecclesia Catho-
lica, dedissetq; alijs occasionē ab eādem
deficiendi: D. Legatis, publico Academię
nomine, supplicatio fieret, ut demortuū
iam antea illius corpus; primo quoque
tempore exhumaretur: id esse necessari-
um dicebant, ut de doctrina posset co-
gnosci: quæ quidem subiecta quęstioni,
si minus sana deprehenderetur, ex ipsa
lege fieret contra eum processus. Esse
contra regulam factorū Canonum, eius
corpus Ecclesiasticę sepulturę tradi, im-
mo uerò etiam pertinere ad apertam ho-
noris Diuini contumeliam, sacrarumq;
legum uiolationem, coniunctū esse cum
nonnullo animarum etiam periculo, &
offensione fidelium, hoc præsertim tam
difficili & exulcerato tempore: nec uerò
esse ferendum, ut quibus nihil ex mori-
bus, nihil ex legibus cōmune esset cum
cæteris, sepulturę religione participarēt.
Itaq; uindicandam esse cumprimis Dei
gloriam, infamiam contractam ex hoc
facto, quàm celerrime ab ipsis depel-
lendā. His nihil relinquendum loci
esse, in quo ipsis etiam fieret elementis
in

iniuria: expiandum locum, et cōcedendum hoc quicquid esset conscientijs infirmorum. In hoc nunc tam insigne documentum dandum esse mortalibus, ut ne deinceps aliquis aliquando simile quicquam audeat. Id ipsum de communi singulorum consilio cum Fagio quoque decernunt faciendum.

Andreas Pernus Procurator Academiæ institutus ad causam exhumationis Buce et Fagij.

Christophersoni uox de Perno.

Supplicatio Academiæ Legatis porrecta.

Huic scripto mandatum attexunt, quo Andreas Pernus Procancellarius cum legitima authoritate publicus Academiæ procurator designatur. Erat is ei negotio maximè idoneus, uel propter magistratum, quem eo tempore gerebat, uel quoniam ipsius Christophersoni testimonio è reliquis omnibus maximè Catholicus censebatur. Supplicationem istam confirmatam suffragijs ordinum Academiæ, & obsignatam sigillo publico, die sequenti, qui erat tertius decimus Ianuarij, Procancellarius Legatis porrexit. Facetè obducta causa subornatur iste qui hoc ab illis precibus contendat, Nimirum nisi ira fecisset, non erant utiq; facturi. Sed fucus hic statim deprehenditur, Fuit illi actionis huius formula iam

antea

antea ab ipsis Legatis descripta. Sed for-
tè cogitabant facti illius inuidiam isto
modo ab ipsis depellere. Venit ad Lega-
tos Procancellarius, sicut die superiore
conuenerat, ad horam septimam ante
meridianam, & iam uix dum aduentus
sui causam exposuerat, cum non solum
postulata impetrat, sed hoc ipso quoque
tempore sententiam de utriusq; & con-
demnatione, & exhumanatione iam an-
te ab ipso Ormaneto Datario pulchrè
descriptam accipit. Hæc sententijs ordi-
num Academiae cōprobanda erat. Con-
uentus itaque ad hanc rem indicitur in
horam nonam.

*Sententia con-
demnationis a
Datario scri-
pta.*

Coactis ordinibus, postulata propo-
nuntur de condemnandis Bucero & Fa-
gio: causæ afferuntur in medium eæ, quas
paulò supra ab ipsis diximus præfectis
in sua consultatione die superiore addu-
ctas. Itaq; ineunt suffragia ordines, dictis
sententijs placere illis renunciatur. Per-
lecta tum condemnationis sententia, ite-
rum rogatio fit, ut sigillo publico obsi-
gnari possit sententia. Id quod summa
sanè facilitate obtinetur. Neq; erat pro-
S festo

HISTORIA COMBUST.

fecto mirum: iam enim ex quo Edoardo Rege mortuo ad sororem eius Mariam imperium deuolutum est, profligatis illis, qui Pontificiam religionem proiecerant, in quib. propè solis residebat quid quid erat in reliqua Academia aut ingenij, aut eruditionis, tanta hominum sex eorum loco surrogata est, ut indoctorum sacrificulorum iam omnia plena esse inciperet: quibus nihil fuit antiquius, quàm nomen Bucer per ora hominum quocumq; modo traducere. Supererant etiam adhuc nonnulli, qui postulatis eorum contradicerent (sed hi quoniam: ut sæpe fit pars maior meliorem uicerat) proficere nihil poterant. Est enim hoc positum in more in illis rogationibus, ut quod à pluribus decretum est, id nomine singulorum publicetur: & quod maior pars repudiauerit, id perindè uideri, quasi à nemine fuisset comprobatum.

*Sententia commune Sigillum
Academice affi
gitur.*

Die sequentē Baconus aulæ Gonuilli præfectus, Procancellarium, Iungum et Harueyum Doctores, Svybornum et Maptidum, &c. domum ad se inuitat prandendi causa. Hi statim à prandio instrumen-

strumento illi condemnationis, cui præterito die assensu essent ordines, Academia sigillum publicum curant affigi. Idemque non ita multo post ad ipsos Legatos domi sue deferunt. Quod illi cum accepissent, quoniam diligentius perspicientibus ex omni parte minimè visum est placere, quædam ex eo eradunt, alia de nouo intertexunt, permurant nonnulla, ex integro toto conscribendo nouum exudant laborem.

Sententia iterum describitur de nouo correctæ.

Ad hoc ferè tempus, è Collegio Regio quidam ex his, qui tum fortè aderat, cum templi ornamenta, & cætera quæ in suis sacris utuntur sacrificuli, Legati perlustrarent, audissetque Ormanetum oleum illud quo inungere suos infirmos solent, iubere exhiberi, quod ut uerosimile erat, non antè ille uidisset, post eorum discessum cupidus ista cernere, accedit ad locum, templi custodia tenebatur: percontatur ubi sit, cum inspexisset ubi nam esset illud spissum lac, quo unà cum oleo utebantur, postulat ubi esset exhibitum, & propius considerasset, propter odorem auersus, cogi illud Lac in case-

um iubet, quod nisi facerét, fore breui fœ-
tore suo molestissimum. Cæterum huius
dicti paulo post grauissimam multam
subiuit: nusquam enim deerat Doegus
aliquis Idumæus, qui ista ad Saulem de-
ferret: habebant enim ubiq; suos emissæ-
rios, qui passim obrepebant hominum
cœtibus.

Exequiæ in
Collegio Re-
gio, & ibi quid
actum sit.

Nondum erat expiatum templum D.
Virginis, neq; locus purgatus ab ossibus
& emortuo cadauere M. Bucerii. Quare
exequiæ & iuxta illa anniuersaria, quæ R.
Redo militi ex more impendi solebant,
ad Collegium Regium indicuntur. Ibi
cum adessent Legati, Cestrensis nōdum
persolutis sacris indè exiens, euocat ad se
quendam ex his qui aderant, quem hu-
iusmodi sermone, statim ubi uenisset,
adoritur. Non est, inquit, tibi ignotum,
non longè nunc abesse eum diem, quo
Bucerii cadauet iuxta legis præscriptum
exhumandum sit, & quod de illo adhuc
supereft, ut sit omnibus insigne docu-
mentum, flammis (sic enim postulare sa-
cros Canones) committendum, & me-
moriam ex omni posteritate condemnari
da

da. Quoniam autem superior illius pompa funebris magna celebritate decorata est, nobis uidetur necessarium, ut hæc illius exustio non minori solennitate & apparatu celebretur. Hoc nos in primis cogitamus, hoc ad omnes ordines pertinet: turpe est enim & non ferendum, tantum officij præstitum esse hæreticis; itaque interest singulorum mutatae uoluntatis suæ indicia omnibus modis ostendere. Neque uero (inquit) mirum debet uideri, si in mortem quoque ista inquisitio extendatur: nam si in criminibus maiestatis licet memoriam accusare defuncti, non immerito & hi debent ipsis reis perditionis nocentiores subire tale iudicium. Cum sepelirentur, inquit, habitæ sunt publicæ orationes ad Ordines Academiae, pro cōcione dictum est ad plebem. Simile quiddam nos hoc tempore cum exurentur, cogitamus. Te autem, cuius in dicendo facultatem intelligo, maxime uolui ad hanc rem deligere, quam cum laudi tibi sit futura, scio non inuite subiturum: quòd me quidem attinet, eo te libentius (inquit) ad hoc negotium

euocaui, quoniam cupio tibi illo benè
 consulere. Vnus est in tota Academia,
 cuius, cum adhuc esset iuuenis, tutelam
 gerebam, Nic. Carrus, hunc, quoniam il
 li hoc nomine faueo, tibi in ista causa so
 cium adiungam, ut uel ex eo intelligas
 honoris causa tibi hoc negotium esse de
 latum.

Huic ille, cum haberet hanc eius ora
 tionem ualdè suspectam, ad hunc modum
 respondit: optare quidem melioribus
 huic causæ reservari ista de se iudicia, nec
 illi hunc honorè iucundum esse, neque ora
 tionem eius fidem habituram, neque præ
 terea inuenire se posse, quod contra tan
 tum uirum, præsertim in istam sententi
 am, cum probabilitate posset dicere. Vi
 tam quidem hominis non nosse, quan
 tum autem aliorum sermone posset in
 telligere, fuisse eiusmodi morum uitæque
 illius institutionem, ut nè inimicis qui
 dem reprehendi occasionem præbuerit.
 De doctrina uerò, non esse facultatis suæ
 iudicare: utcumque putaretur deprauatæ
 religionis, de qua ille sententiam ferre
 non posset, cum inter tam eruditos ho
 mines

mines quæstio esset, esse tamen hoc in cōfesso, Bucerum singulari quadam scientiæ & ingenij dexteritate fuisse: quam, esset nō ferendæ impudentiæ, conari imminuere. In summa, restare ad æstimationem tantæ causæ magis idoneos adhiberi defensores. Se quidem, neq; ætate satis gravem, neq; ingenio promptum, neq; facultate satis instructum ad hanc causam esse. Si quis usus illius esse posset, nihilo minorem rebus alijs posse capi.

Instat ille acrius: & cum nihil hoc genere sermonis proficeret, in iram uersus, prodit tandē se suaq; consilia. Non enim hoc ille percipuū agebat, ut in Bucerum aliquid diceretur (quanquā & illud quoque ex occasione fieri cupiebat) sed ut ij, quos de religione suspectos habebat, cōtra se ipsos dicerent. Itaq; addit, tu inquit, in illius funere eius laudes epitaphijs et acroamatis mirificè extrulisti, quapropter nunc quoq; uelis nolis, tibi in contrariam partem dicendum erit, idq; se et collegas suos dixit imperare. Post multa respondit alter, de suo nihil extare huiusmodi, quod si posset in medium adduci,

HISTORIA COMBUST.

satis facturum eorum uoluntati, si non posset, nullo modo uelle se adduci, ut contra eum diceret. Tandem cum non possent ostendi illius scripta, Cestrensis ab incepto desistit.

Iam iterum exscripta erat condemnationis sententia, ad quam denuo obligandam, ordines Academiae ad quintum decimum Ianuarij diem conuocantur. Qua perlecta rogatio promulgatur de affigendo sigillo, sicut antea diximus fuisse factum, quæ et statim obtenta est. Post hæc dimittuntur inde ordines, iussi primo quoque tempore in æde Diuæ uirginis adesse; quo & Legati ipsi se conferunt. His, ubi consedissent, Harueyus L L. Doctor mandatum, quod erat de inquisitione super hæresi facienda, tum primum à Cardinali transmissum, coram multitudine representat. Quod Vincētius de Noalli, qui erat Ormaneto à commetarijs, clara uoce legit, ut ab omnibus possit exaudiri. Hoc facto, Andreas Pernus, quem supra Academiae procuratorem institutum fuisse demonstrauius, sententiam condemnationis publico nomine illis exhibuit.

Harueyus mandatum, Cardinalis representat Legatis.

buit : qua perlecta publicè rogat, uti denuntiare per literas suas uellent, adesse Bucerum & Fagium, uel si qui ipsorum causas agere uellent, & sese in tertium ab indè diem iudicio sistere : ut postquam sui copiam fecissent, quid de ipsis præscripto legis fieri oporteret, melius posset decerni. Hanc sententiam de communi ordinum consilio, se quidem iam antè in publico cōuentu, prout iuris ratio postulat, pronunciaſſe affirmabat. Annuerunt eius postulatis legati : & die sequenti editum, de in ius uocando, promulgatur : hoc publicus eorum preco, Vincentius de Noalli, recitatū prius coram certis testibus designatis illi negotio, locis opportunis, uidelicet ad ianuam templi Diuæ uirginis, ad ualuas publicarum scholarū, & ad crucem, quæ in medio oppidi illius foro erecta est, affigi curat. In hoc edicitur, ut qui Bucerum & Fagium tueri et defendere, qui eorum doctrinæ patrocinari uellent, ij se ad decimum octauum diem eius mensis in ecclesia D. Virginis, quæ erat iudicij sedes futura, coram Dominis legatis sisterent : fore enim ut ibi

Pernas postulat ut Bucerus & Fagius uocentur in iudicium.

Citatio prima.

S 3 quan-

HISTORIA COMBVST.

Testes iurati
aduersus Buce-
rum, & Fagium.

quantum satis esset, quisq; audiretur. Multis uerbis edictū hoc proponitur. Iam res ad iudiciū festinabat : itaq; postridie eius diei, qui erat decimusseptimus dies Ianuarij, Procācellarius accersit ad se, ad domū Diui Petri cui ipse pręerat, Iungū, Segisuycum Doctores, & cum his Bollocū, Taylerum, Percarum, & Redmanum, (non eos quidem qui in funere ipsius Bucerii honorificè de illo prædicauerunt, sed longè dissimiles uiros) Vuhitlocum, Mitchum, & paucos alios : hi consilia communicant de testimonio dicendo aduersus Bucerū & Fagium, quo hereseos conuinci possent. Quoniam enim iudicio contendebatur, & fieri poterat, ut rei defensores haberent, testibus, qui de doctrina deponerent, opus esse existimabant. Quid ista cōsultatio tandem pepererit, non satis constabat.

Inquisitorum
solicitudo pro
expensis Col-
legiorum.

Habebant Domini Legati, (ut erant in omnibus æquissimi) impendiorum, quæ cuiusque Collegij forent, ubi fieret inquisitio summam rationem. Quare, nè aut supra modum, aut ultra uires suas cuiusquam liberalitas extenderetur, edixit

edixerant iam in initio, ne alicubi illis plus quam tria cibariorum genera in suis refectionibus parerentur. Non absimilem modum Cardinalis ipse, in Synodo quadam provinciali, toti Ecclesiastico ordini in suis conuiuijs paulo antè indixerat. Vbi igitur ad Reginenses inquirèdi causa decimo octauo die uenissent, & ultrà præscriptam formā unus capus apponeretur eis in mensa, eū cum magno stomacho reiecerunt. Homines frugi, qui unius capi apparatu tantoperè cōmoti sunt: penè mēstruo tantū spacio præter has priuatas refectiones, de publicis Collegiorū pecunijs plus minus centum libras quotidiano uictu obligauerunt. Vt merito posset Academia detorquere in illos Væ illud Seruatoris, qui culicem quidem excolatis, Camelum uero integrum deglutitis.

Math. xxijs.

Hoc ipso die Procancellarius Legatos adiens, erant apud Reginenses uti diximus, commonefacit eum esse diem illum, quo eos qui Bucerum & Fagium iudicio defendere uellent, in æde Diuæ Virginis adesse iusserant, per literas suas

die

HISTORIA COMBUSTI

die sexto decimo publicatas. Rogat igitur ut sui copiam faciāt, si fortè quisquam experiri iudicio uellet. Huic illi facilè assentiuntur. Itaq; cum eò Procancellarius pro officij ratione illos deduxisset, Edictum monitorium, quod ab eisdem paulo antè acceperat, promulgandum illis exhibet: quidquid eius ratio postularet, se dicens diligētèr esse exequutum. Consistentibus hic illis, cum pro reis prodiret nemo in iudiciū, Iudices seorsum euocant Iungum, & Segisuycum Doctores, item Bullocū, Taylerum, Maptydum, Hunterū, Percarum, Redmanum, quos paulo antè nominauimus, Brovvium, Gogmanum, Ruddum, Iohansonum, Mitchum, Rauenum, & Carrū, eum ipsum, qui filius Buceri antea ad ornatissimum uirum D. Ioa. Chesium militem, cum ipsius Buceri singulari quadam commendatione descriptum emiserat. Hi fide prius iureiurando data, testimonium contra hæreses & doctrinam Buceri & Fagij dicere iubentur. Sic iuratis dies illis statuitur ad redeundum uicesimus secundus.

Testes alij iurati
contra Bucerum
& Fagium

Interim

Interim Ormanetus, et Vvuarsonus domi in suo hospitio subsistunt, ad excipiendum eorum testimonia, quos paulo ante ad Collegium D. Petri conuocatos, cum Procancellario de eodem negotio consilia sua communicauisse, supra ostendimus: qui quidem quid deposuerint, diximus etiam non constare. Cestrensis & Colus hoc die Catharinenses inuisunt, ubi nihil actum esse comperimus, quod opere precium esset commemorari.

Sedentem ad Collegium Trinitatis Ormanetum, Ioannes Dalus Reginensis adit, iussus antea ab illo Pixidem, qua impanatus Pontificis Deus includi solet, secum adducere: habere enim se dixit Ormanetus, thesaurum quendam (lintheus is erat panniculus, quem Pontifex ipse suis manibus sacrum fecerat) hoc se dono ipsis daturum pollicetur. Dalus autem male intellecto Ormaneto, pro pixide, calicem & azimum panem, (hostiam uocant) quem sinu suo inuolutum secum adduxit, eò fert. Vbi uenisset salutauit hominem benignè Ormanetus: ecquid tulisset quæ ille imperauerat, rogat: cui

Reliquæ dono
datæ Collegio
Reginensi a
Datario.

tui cum tulisse respōderet, proferri iubet. Profert ille calicē et panem. Hęc cum uideret Ormanetus, refugere paululū admirabundus cœpit, stupidū appellans, et insanienti nō admodum dissimilem: quid ista uellent percontatur, se nihil horum postulasse, planē indignum esse qui tanto munere frueretur. Cæterum quoniam am daturū se iam antea promiserat, præstiturum etiam ne fides desideretur: itaq; productum linteum in calice, & panem simul, cum multa cēremoniā deponit, iubens et propter rei sanctitatē, & uerō etiā propter authorē, pro ut decebat, apud ipsos cum debita ueneratione asseruari.

Mandatum In-
quisitorum de
exhibendis sus-
pectis libris.

Sub hoc ferē tempore Legatī præfatis Collegiorum mandarunt, ut suos quisque quantum haberet librorum, unā cum authoris nomine, describi faceret. Vnumquemq; autē, quo maiori fides res ageretur, sacramento astringi iuebant. Impios enim illos libros nefandorum hereticorum aduersus uenerabilem Orthodoxorum sectam, decretaq; sanctissimorū Canonū scriptos, habere aut legere, aut describere, nemini esse licitū. Itaq;

Itaq; curarent diligenti studio requiri, ut publicè comburi possent: monere se quidem hæc, quod minimè oportebat: poni enim ista potius quàm excuti debere dicebant: hoc nō Canones solum iubere, sed angustissimos etiam Imperatores, Theodosium & Valentinianum alicubi de scriptis Hæreticorum, speciatim de libris Nestorij decreuisse. Hoc mandatum alij exactissima diligetia, alij quoniā iniquū iudicārūt, remissè satis exequuti sunt.

Diem decimū octauum iudicij diem Citasio reorum
secunda. fuisse supra posuimus. Eo autem die cum neq; rei se iudicio sisterent, neq; defensores haberent, sententiam tamē dicere Legati noluerunt, quod quidē propter contumaciam absentiū potuerūt tamē: cum esset perēptorius is dies, sed homines ad æquitatē et clementiam propensissimi, maluerunt gratiæ aliquid dare, quàm seuerius uti suo iure uideri. Quare edictum Vincentius iterum publicat, & eisdem locis quibus antea affigit. Eius sententia à superiori nihil uariauerat, nisi quòd iudicij diem in uicesimum sextum eius mensis reijceret: quo die de publicāda sententia, cum

HISTORIA COMBUST.

cum Procancellario paulo antè ad se accersito conueniunt. Quem quo nihil celebrитatis huic negotio deesset, monere iubet oppidi Prætorem, ut cum omnibus suis ordinibus adesse ad eum diem uellet, quod & diligenter Procancellarius fecit.

Inquisitio
apud Aulam
Clarensem.

Dum hæc fierent de Bucero & Fagio, non destiterunt interim alicubi, prout res postulabat, inquisitiones fieri. Cū igitur ad hoc ferè tempus uenirent ad Aulam Clarensem, et Sacellum ingredi rentur, quod primum ubiq; facere consueuerant, animaduertunt nullum in altari Sacramentum (sic enim uocant) suspensum esse: quòd cum indignè ferrent: Ormanetus accersitum Præfectum monet quantum sibi suæq; domui piaculi contraxerit hoc facto suo: utcunq; enim illi uix turpe sit, ipsis tamen nefas uideri, idque inexpiabile. Attonitus Senex cum circumspiceret quid posset responderi, uolens purgare culpam adauxit eandem: Locum esse prophanum dicit, quod nullis adhuc ceremonijs sacrum esset factum. Mirati illi eo magis, & num ille,
aut

aut alius quisquam Missas ibi celebrasset, querere: quibus cum & à se et ab alijs sæpissimè esse factū fateretur: O te miserum senem, inquit Ormanetus, & te & illos omnes in grauissimam excōmunicationis sententiam coniecisti. Permotus sic in initio Ormanetus, hominem diligenter excutit, quorū haberet Ecclesiastica beneficia, ubi sita essent, cuius gratia aut indulgentia plura simul occuparet, qua excusatione tam longè illis abesset. Videri enim illi eum maximam anni partem in Academia agere, procul ab ea cura, quam in se sumpsisset. Ssynbornus sic erat attonitus tam subita Ormaneti perturbatione, ut ipse factus perturbatior, neque ad ista, neq; ad alia quæ Collegij eius statum spectabant, uerbum unum potuerit respondere. Quapropter Socius eius domus, qui tum erat cæteris prouectior, uices præfecti in eo negotio subiit.

Dies hic nunc erat uicesimus secundus, quem paulò supra iuratis testibus Iungo, Segysvico &c. deponendi sua testimonia diximus fuisse præstitutum. Qui

HISTORIA COMBUST.

Testes sacra-
mento adacti
de non vulgan-
do suis testimo-
nijs.

Dies iudicii a
Legatis præ-
scriptus.

tamē eo die sedentibus ad ædem D. Vir-
ginis legatis, neq; comparent, neq; publi-
ce quidquam contra reos opponunt: se-
orsum si quid obiecerint constare nō po-
tuit. Nam eadem fide publicare testimo-
nia sua prohibiti sunt, qua ad testifican-
dum accesserunt.

Sessione ista nihil est actum, nisi quòd
Procancellarius edictum de inius uocan-
do, nudius tertius ab eis acceptum, resti-
tueret: cuius sententiam se dicebat, prout
illi imperauerant, in contumaciam reo-
rum publicasse: & ut quartum ab inde
diem dicendæ sententiæ condemnatio-
nis uellent statuere, ab eis contenderet:
quod & sine difficultate impetravit. Nā
hoc ipsos antea sic conuenisse suprā mon-
strauimus. Et tamen sic uideri interim be-
nigni & clementes uolebant sanguinarij
isti carnifices, ut nihil illi antè decerne-
rent, quàm prius iste turpissimus aliorū li-
bidinis minister magnis precibus hoc ab
illis postularer. Quasi id nemo posset de-
prehendere fucum esse: aut quasi ut ani-
mos, sic oculos quoq; nostros, ne quid
quam cerneremus, abiecissemus à nobis.

Sic

Sic illi in omnibus obducta causa fidem sibi præstruebant, ut cum opere præcium esset cum magna mercede incautos deciperent. Nolebant sanè uideri id agere, quod ipsis esset in animo propositum: itaque celandi occasiones undecumque circumspiciebant: sed latere non poterant.

Circa hoc tempus proponitur editum, ut præfectus cuiusque Collegij, de communi suorum consilio, quantam quaque domus haberet pecuniæ uim, quantum annui redditus perciperet, quantum ex illo in usus necessarios ipsius Collegij, quantum in sociorum stipendia & uictum quotidianum, quantum ex quacunque causa in alias res impenderetur, quantum etiam superesset in annos singulos, & de eo quid fieret quod residuum esset, reuocatis ad calculos omnibus quæ ad hoc negotium essent necessaria, ordine describi facerent. Quod, ne propter insolentiam & rei nouitatem hominum mentes in uarias cogitationes deduceret, hoc ante ipsos fecisse Collegium Etonense, fecisse hoc Collegium Vintonense, & complures alios dicebant. Se autem cum

T a pere

pere hoc cognoscere, quo fieri posset ipsis manifestum, an hi quibus esset eorum bonorum concredita administratio, si-
dem quam quisque præstare debebat, in-
tegram persoluissent. Hoc præ se quidē
ferebant isti tam solliciti & diligentes
aliorum bonorum curatores: Verum
hanc iactatam magis causam, quàm ue-
ram esse satis cognitum est. Erat enim il-
lud ipsis in animo Ecclesiasticorum vires
inquirere: quas, quoniam in studio sua-
rum partium qui essent de principib. hu-
ius negotij, fore non dubitabant, explo-
ratas iam antè in omnem fortunæ even-
tum esse uolebant.

Neque uerò inanem coniecturam hanc
esse, aut pendere leui aliquo momento,
putare quisquam debet, qui quantam ar-
morum uim, quantum apparatus bellici
congestum domi apud se, aut sub confor-
deratorum custodia, Ecclesiasticorum or-
dines quidam haberent, maximè uero
Episcopi, penes quos erat eo tempore re-
rum summa, non ignoraret. Quæ qui-
dem cum non alio, quàm ad uim specta-
rent, hoc præsertim tam exulcerato tem-
pore,

pore, quid habet absurdi, uirium Academiae, quæ et ipsa pro uirili sua quiduis periculi, & oneris pro obscæna illa superstitione subire parata erat, ad eundem quoque euentum fieri explorationem. Sed benigne respexit nos Deus, qui eorum secures à ceruicibus nostris depulerit. Cæterum ad Bucerū & Fagium reuertamur.

Dies Iudicij

Iam aderat iudicij dies, & Academiae omnes ordines sese ad hoc spectaculum effuderant: aderat Prætor oppidanus cū suis, omnes in æde Diuæ Virginis coierant, ut ibi quid tandem de his hominibus à Legatis decerneretur, possent cognoscere. Expectante multitudine prodierunt tandem Legati, & suggestum quendam, qui ceteris paululum eminebat, paratum ad hanc rem conscendunt. Vbi sedentibus illis, Pernus Procancellarius actor fabulæ, edictum quod ultimè de iniusuocando publicarum fuisse diximus, composito ad magnam grauitatem uultu, cum his uerbis porrigit. Reproduco, inquit, uobis Reuerēdis patribus Cōmissarijs Reuerendissimi D. Cardinalis Poli, attexuit quòd reliquum erat eius ti-

tuli, hanc citationem executam secundū effectum eiusdem. Pro se quidem nihil prætermittens, quo istam causam facere posset commendatiorem. Quæ cum ille dixisset: assurgit continuò Cestrensis, & perlustrata paululum multitudine, ad hunc ferè modum exorditur.

Cestrensis oratio
ante senten-
tiam condem-
nationis.

Videtur, inquit, quàm multis uerbis Academia à nobis contendat, quàm impensis precibus postulet, ut Bucer & Fagij, qui præteritis hisce annis, apud uos perniciosissimam doctrinam euulgaerunt, non hæreticos solum denuntiare (uti sunt quidem) uerum etiam ut eorum demortua cadauera, quæ ad hunc usq; diem apud uos sepulturæ honorem obtinent, exhumari, & sicut sacris est Canonibus optimè constitutum, ignibus, aut si quid illis grauius possit esse, imponi mādare uellemus. Neq; uerò molliter hanc rem, aut per dilationes nobiscum agunt ordines Academiae, sed ita urgent, instant, ut ne laxamentum quidem ullum nobis dent. Et quanquam sane hæc quidem causa sit eiusmodi, ut ipsa hominū illorum indignitas impetrare hoc à nobis

bis debuerit, multo magis his tam salutaribus postularis permori, par est ut concedamus. Vtuncq; enim nos ipsi ad clementiam animis propenderemus, qua nihil nobis neq; charius, neq; optabilius esse profitemur, lex ipsa tamen ad uindictam insurgit, ut priuatæ animorum nostrorum charitati, publica omnium uestrum salus, quam lex prospicit, præiudicare debeat. Neq; uero est committendum, ut uixdum ex naufragijs prioris culpæ claudisq; emergentes, hoc tam inexpiabile nefas animos infirmorū diutius torquere permittamus. Tum Academiae etiam, tam uehementer istud à nobis contendenti, aliquid tribuere oportet. De nobis ipsis non est opus multa ut dicamus. Si cupidè ad hanc causam accessissemus, licuisset quidem post primam denuntiationem uenire ad sententiam: cæterum quoniam defendi reos uoluimus, & experiri iudicio, secundam publicauimus. Si uindictam sequeremur, licuisset etiam in uiuos sæuire: ex quibus (proh dolor) nimium sunt multi, qui hanc doctrinam complectuntur: si sanguinem spiraremus,

HISTORIA COMBUST.

minimè is quidem in cadanere & exiccat
 tis ossibus quærendus erat. Itaq; nulla no
 stra uoluntate, huc nunc hoc tempore ac
 cessimus, sed partim quidē precibus his
 Academię adducti, partim uerò indigni
 tate causę ipsius permoti, maximè autem
 omnium solliciti de uestra salute, quam
 omnibus modis integram saluamq; as
 seruari cupimus. Vos enim huic rei cau
 sam dedistis, uos confessionis huius occa
 sionem præbuiistis, apud quos hodie
 nus dies hoc spectaculo insignis, & ad
 omnem posteritatem memorabilis esse
 debet. Quo, non excutere modo eas sor
 des, quas ab istis contraxistis, sed cauere
 etiam in posterum, ne tam turpiter prola
 bami, potestis discere. Quanquā De
 us prohibebit hæc, & uobis mentem da
 bit uti prohibeatis.

Quod illos attinet, quorum causa iudi
 cio agitur, obducebant quidem Euan
 gelij nomen, sed re ipsa nihil aliud molie
 bantur, quàm latrocinia & imposturas.
 Eo erant autem nocentiores, quoniam
 his tam turpibus factis tam pulchri &
 sancti nominis præsidium quærebant,
 Quam

Quamobrem minimè quidem dubitan-
dum est, quin cōtumeliam hāc ex se qui-
dem impiam, ex uobis perniciosam, ex
authoribus infamem & abominandam
sic ulturus Deus. Quod si ille (ut est tar-
disimus ad uindictam) conuiuere ad
tempus uelit, nos tamen in quibus cura
Dominici gregis incumbit, impunitis
his tam execrandis sceleribus, ne ad ho-
ram quidem possumus quiescere.

Condemnatio
Buceri et Fagil.

Hæc ubi dixisset, sententiā de scripto re-
citat, nec non Bucerum & Fagiū de hære-
si condemnat; cadauera effodi de sepul-
chris iubet, & sacris exauthoratos ma-
gistratui seculari (ipsis enim innocentibus
hominibus, & remotissimis à san-
guine, & occidendi studio, neminem
interficere licebat) in manus tradit. Fa-
cinus indignum, quod Academia nun-
quam expiauerit: quem uiuum omni-
bus honoris insignijs decorasset, mor-
tuum contumelijs lacerare quàm indi-
gnum erat; quem uiuum summis obse-
quijs, ut præceptorem & uitæ optimum
ducem prosequuta uenerataq; esset, mor-
tuum ut pessimum impostorem, & de

Academix In-
gratitudo maxi-
ma.

T s uia

uia abducentem de testari, quàm minime sane ferendum, ei mortuo non parere, qui uiuus sibi ipse, quò illis prodesse posset, & senex & ualitudinarius nunquā pepercit: quid hoc erat monstri? Nihil illi toto tempore quo decumberet affixus lecto suo magis doluit, quàm quòd tum & ipsis, & ecclesiæ Dei esset inutilis: et tamen mortuus, nequē apud discipulos obsequium, nequē apud Christianos sepulturam inuenit. Si humanitatis ratio hoc à nobis impetrare non potuit, ut parcere mus memoriæ, aut reuereremur cineres: crudelitatem hanc tamen & immanem barbariem, ipsa natura & gentium ius, quo uocatus in Regnum fide publica uenerat, arcere ab illius ossibus debebant.

Conclo habita
ab Andrea Pernus
pro contra Buse-
tum.

Ceterum hanc Academię infamiã publicè sic contraclam Andreas Pernus Pro-
cancellarius suo sermone adauxit. Is post recitatam à Scoto sententiam, pro con-
cione ad populum dicit: Sumens sibi il-
lud Psal. 132. Ecce quàm bonū, et quàm iu-
cundū. &c. Vbi exorsus à cōmendatione
concordię et mutuę cōiunctionis animo-
rum, coherere istā nullo modo posse dis-
cebat,

cebat, nisi & à capite, quod Romanè sen-
 Pontificem esse uoluit, sumeret origi-
 nem, & simul eodem quoque resideret.
 Vbi multis uerbis usus esset hoc loco, trā-
 sijt tandem ad Bucerum, quem tantis
 contumelijs onerat, ut nullo modo e-
 ius nomen potuisset turpius traduci:
 dedisse illius doctrinam causam diuul-
 sionis Reipublicæ: nec ullum fuisse tam
 grande malum, quod eius occasione
 non fuisset inuectum in hoc Regnum.
 Qualis uerò esset hæc doctrina, etsi om-
 nibus constare possit ex his quæ scripta
 sunt ab ipso, se tamen manifestius no-
 uisse, idque ex ipso authore seorsum di-
 dicisse aiebat. Atque hic perfidiam ipse
 met suam omnibus prodidit. Nam cum
 haberent illi sermones inter se priuatim,
 optasse Bucerum aiebat sæpenumero,
 uti alio quouis nomine quàm quo esset
 uocaretur; id uerò propterea factum ab
 ipso esse, quasi grandis mali sibi cōsci-
 us, latere hoc pacto orbem, & sermones
 hominum diffugere potuisset. Addit
 etiam inter alia sensisse Bucerum, quod
 & ipsi indicauerit, DEVM non solum
 boni

Pernus quibus
 de rebus Buce-
 rum accitit

boni authorem & fontem esse, sed & mali etiam: & quidquid esset eiusmodi, & ab ipso tanquam origine & fonte promanare: hanc doctrinam syncretismam quidem esse, se tamen propter varias hominum offensiones quas pareret si uulgaretur, proferre ad aures hominum non fuisse ausum. Attenuavit multa, in hanc sententiam, partim de primatu Pontificis Romani, de nuptiis hominum ecclesiasticorum, & de repudijs: de mordacibus item usuris, quasi eas licere inter Christianos sentiret, & alijs permultis. In quibus cum impudentissimè de Bucero mentiretur, quod illius scripta perspicuè indicant, non tam illius nomen maledicendo læsit, quàm sibi ipse inexpiabilem infamie maculam turpissimè meriendo de tanto homine inussit. Quanquam quid opus est testibus, ut mendacij arguatur: conscientiae testimonium erit instar multorum. Increbuit fama, authores habuit ex illius familiaribus, illum aut statim dimissa concione, aut paulo antequam eò accederet, percussio dextra manu pectore penè cum

Pernus quid
perceperit
de Bucero.

cum lachrymis, domi suæ uehementer optasse, daret illi aliquis Deus, ut eius anima iam tum cum Bucero ageret. Satis enim sciebat, fuisse huius uitam eiusmodi, ut si alterius cuiusquam, illius in primis animam cœlo dignissimam ipse iudicaret.

Dum iste ad populum sic diceret, interim ualvæ Templi uersibus oppletæ sunt, quibus ineptientes adolescentuli, qui Bucerum de facie uix norant, tamen eius nomen turpiter maledictis figunt: quidam etiam aliquantulum prouectiores, sed ipsis adoleſcētibus magis imprudentes, eidem quantum possunt, tanquā importuni canes, quibuscum bene fuisset actum si eis crura frangerentur, oblatrant. Ut autem uideri possent numerus esse, quo plurimum se iactant Romanenses, pellexerant ad hoc negotium quam plurimos, qui Bucero omnibus modis fauebant, eiusq; nomen, prout decebat, reuerēter colebant: quī tamen, ut eorum crudelitatem hoc prætextu diffugere possent, inuitissimis animis parcē illum modiceq; uellicabant.

Versus scripti
in Bucerum &
Faginm.

Peractis

HISTORIA COMBUST.

Sententia con-
demnationis
missa Londinũ
cum literis Le-
gatorum.

Breue de com-
burendo Hæ-
retico.

Peractis his, Pernus, quasi re bene ge-
sta à Legatis humanitatis causa ad pran-
dium inuitatur ad Collegium Trinita-
tis : ubi post remotam mensam senten-
tiam condemnationis magna celerita-
te describi faciunt, quam, affixo ei sigil-
lo Cestrensis Episc. Londinum die se-
quenti, unà cum nonnullis ex illis uer-
sibus & famosis libellis (sic enim uoca-
re licet) transmittunt. His addunt lite-
ras suas, quibus & quousque progressi
essent in isto negotio Cardinalem do-
cent, & simul petunt, ut mandatũ quod
ex lege erat (uulgo appellant Breue de
comburendo hæretico) ad Smythum
prætozem oppidanum curaret quàm
primum mitti . Nisi enim prius literis
illis regijs esset illi cautum de indem-
nitate, facere nihil uolebat. Quod au-
tem nunc erat reliquum faciendum, do-
nec mādatum illud uenisset, perfici non
poterat . Dum nuntius hic erat in iti-
nere, libros quos antè iusserunt per-
quiri, duci ad se imperant, nam illos
unà cum Bucero & Fagio in ignem mite-
re decreuerunt.

Et ad

Et ad hoc tempus, Vvatsonus, nactus
 occasionem ex eo quod dies esset solen-
 nis, quo purificatae Virginis memoriam
 celebrare consueuerant, pro concione ad
 populum dicit, de illo Psal. Suscepimus
 Deus misericordiam tuam in medio tem-
 pli tui. In qua Bucerum & Fagium, eo-
 rumque doctrinam multis contumelijs
 aspergit. Istos dicit, & qui cum his senti-
 rent omnes temporum nostrorum hære-
 ticos, quos ex Germania ferè omnes pul-
 lulasse dixit, inter cætera quæ perniciosè
 in hominum mentes infunderet, de pro-
 ficiendis Cæremonijs contentiosissime
 docere: cum tamen & Apostolus ipse iu-
 beret omnia ordine fieri, & ex illo D. Vir-
 ginis & Iosephi, quod hoc die ab ipsis
 factum est, satis constaret ipsos cum in-
 fantulo Seruatore obseruasse hos ritus,
 & cæremonias, quas Catholici homi-
 nes docerent. Ipsos enim eo tempore,
 cum accensis cereolis, processionaliter
 (ut uocant) cum magno decore ordine
 que ad templum accessisse. Nos tamen
 ista omnia cum illis hæreticis & secta-
 rijs turpiter deridere. Hoc cum ille de
 Christo,

Vatfont con-
 do die Purifi-
 cationis D. Vir-
 ginis.

Christo, Maria & Iosepho diceret, quidam ex his qui audierant, facetus homo & lepidus, uersus ad eum qui illi astabat & hoc si uerum sit (inquit) quod hic nunc prædicat, quis horum quæso te crucem reliquis prætulit? Nam is abesse non potuit istis cæremonijs. Neque uero iste solum hominis stultitiam sic risit, sed et alij quam plurimi manifestam illius impudentiam, in deprecandis his tam uanis et ineptis superstitionibus, illuserunt.

Christophersoni subita ægrotudo.

Dum ille sic alloquitur populum, Ioannes Christophersonus Cistrensis electus, qui unà cum reliquis aderat, subita ægrotudine correptus, inter turbam semimortuus prolabitur: uixque post aliquantum temporis ad se reuocatus, interim multa temerè & insanienti non dissimilis, balbutiebat. Hoc alij inde esse rati sunt, quod ob malè administrata Collegij bona, apud cæteros Legatos grauiter delatus, indignissimè ferret se ab illis corripì: quos ex eo sibi infensos esse cognouit, quoniã Ormanetus scriptum quoddam illius, quo prædium eius Collegij leuitæ suo locauerat, cuius, conditiones iniquio.

iniquiores uisę sunt, corā illo discerpserat.

Redierat circa hoc tempus nuntius, quę supra diximus cū literis legatorū paucis ante diebus Londinū missum esse: & mā datum de exurendis his hominibus secū adduxerat. Quo accepto diem sextū Fe-

bruarij perficiendo negotio statuerunt: iam enim longo tempore res inter ma-

nus hæserat. Hic igitur dies ubi uenisset, Procancellarius à legatis accersitur: quær-
ritur ab illo, quo loco res essent, ecquid omnia ad hoc negotium essent parata? Cum esse ab illo intelligerent, iubent ad exitum rem deduci. Ille igitur accepto se-
cū Marshalllo notario publico rectā per-
git ad templum D. Michaëlis, ubi Pau-
lum Fagium sepultū fuisse diximus. Hic euocatos Andreā Smythū, Henricum Savverum, & Henricum Adamum, pa-
rochianos, iureiurando astringit de effo-
diendis Fagij ossibus, & deducendis ad supplicij locum: sacramenta Marshallus excipit. Idem quoq; Rogero Smytho & Gulielmo Hasello pretorianis, & Ioanni Capperō ædituo eius ecclesię, eadem fi-
de de Bucero faciendū imperauit. Smy-

Exhumatio &
ultio D. Buceri
& Fagij.

V thus

HISTORIA COMBUST.

thus Pretor oppidanus, qui futurus erat eorum Lictor (nam ipsis in causam sanguinis sese intromittere nō licebat) imperauerat quibusdam ex suis adesse cum armis, quibus stipata cadauera, circumligatis funibus, hominumq; humeris imposita (erāt enim inclusa tabulatis Bucerus quibus sepultus erat, & Fagius, nouis) in medium oppidi forum cum magno comitatu deportantur.

Vbiusti Bucerus & Fagius.

Locus hic iam antè erat paratus, ubi et truncus magno pondere in terram defixus extabat, cui cadauera ligarentur, & cōportata magna ligni strues, qua posset comburi. Huc ubi uenissent, eriguntur tabulata inclusis cadaueribus, & hinc atque inde ex utraque parte defixa sudis, perinde ac si tum uixissent, circumducta longa catena ex ferro, postea alligantur, ibi'que appposito statim igne, quum flamma se diffudisset, librorum, quos unā condemnauerant, magnus numerus in eam coniectus est. Conue-nerat hoc die in oppidum multitudo rusticorum, (erat enim dies commer-
cij

etis publicis emendis uendendisque rebus consuetus) hic cum quosdam ad supplicium duci cernerent, & percontando iam antè mortuos fuisse cognoscerent, partim quidem Legatorum crudelitatem & sœuitiam in putrida cadauera derestantur, & horrent: partim uerò stultitiam rident illius apparatus. Quid enim arma? (inquiunt) quasi à non sentientibus sit formidanda uis: aut quid illa catena qua astringuntur? laxius comburi posse sine periculo: non enim nunc uerendum esse dicebant, ne aufugerent. Ita quisque qui ex multitudine erat, aut acrius, aut lenius, prout cuiusque ferebat animus, facti grauitatem culpabat: uix pauci eorum qui uel ipsi parum sana religione erant, factum probabant.

Rusticorum
uox de uisione
Buceri & Fa-
gii.

Interea dum hi flammis torrentur, Vvarsonus suggestum conscendit in Ecclesia D. Virginis, & ibi doctrinam eorum, ut impiam & minus orthodoxam pro concione traducit. Hanc doctrinam dedisse causam omnis mali, quod in Remp. ex iam longo tēpore inuestū sit.

Conclo Vvarsoni in uisione
horum.

V a Intuea

HISTORIA COMBUST.

Intuemini enim inquit horum deinceps annorum uel secundas res, uel aduersas, inuenietis omnia aduerse euenisse sequētibz hanc fidem, fœliciter spernentibus.

Calumniarum
cumulus in Euā
gelicoz.

Quas inquit uidimus regni expilatio-
nes & rapinas, donec falsis dogmatibus
religio deformabatur. Publica omnium
ciuium subsidia & regni bona ad quorū-
dam libidines profundi turpiter, ordinē
omnem dissolui, remitti disciplinam, sa-
crificijs solennibus statos dies negligi,
quodq; amplius esset, loca ipsa dirui, die-
bus uetitis carnem & id genus aliam in-
terdictam alimoniam passim sinē scrupu-
lo ædī, in cōtemptum uenire sacerdotes,
Missam proscindī conuicijs, sacramentis
Ecclesiæ nullum deferri honorem, om-
nes ordines ad tantam licentiam & im-
punitatem propendere, ut nō longē om-
nia à deflagratione & ruina abesse uide-
rentur. Interim nomen Euangelij sic ob-
duci dixit, ut quasi propter ipsum dog-
mati fides haberetur, cum nihil ab ipso
alienius, aut ad diuini uerbī contumeli-
am magis pertineret. Quid enim in illo
sanctissimo Dominici corporis mystico
sacra-

sacramento præter azymum panem inesse docuerunt, & adhuc reliqui docent, cum Seruator ipse corpus suum hoc esse perspicuis uerbis affirmaret. Quàm periculosam esse doctrinam, de fatali rerum omnium & absoluta necessitate: hanc illos tamen sic euulgauisse, ut nullum omnino in rebus delectum relinquerent, neque nunc interesse, utram in partem quis quidquam statueret, cum secus atque res facta esset, decernere nequaquam posset. Hanc opinionem esse propriam eorum, qui Deum mali authorem facerent, & homines in tantam futuræ æternitatis securitatem ex hac persuasione traducerent, ut interim nihil neque ad uitam neque ad mortem interesset ullius, quid à quoquam in hac uita gereretur. Hos errores, qui ne inter Ethnicos quidem locum inuenerint, ab illis magna cōtentione defendi.

Hæc, & alia quamplurima, criminose & falso coniecit in Bucerum, cuius doctrinam sicut ab ipso est tradita, aut intelligere noluit, aut uoluit calumniari. Quamquam non ignorauit quidem, quæ à Buzero tradebantur, quæ non alia fuerunt

HISTORIA RESTITVT.

Scoti & Vrat
sonum subscri-
pisse ante Buc-
gelicæ doctrinæ.

ab ijs quibus & ille antè, & Scotus eti-
am regnante Edoardo sexto, manuum
suarum subscriptione assensierant. Dum
iste ad populum diceret, multi eorum
qui antea uersus conscripserant, nouos
affigunt quibus in eisdem Bucerum &
Fagium, quasi ranæ palustres, conuicia
turpiter eruant.

Restitutio tem-
plorum inter-
dictorum.

Huius fabulæ hic erat actus postre-
mus. Et tamen supererant adhuc pau-
ca, inter quæ faciendâ erat restitutio tem-
plorum Diuæ Virginis & Michaëlis,
quæ sacris interdicta esse monstraui-
mus. Quæ & facta est die sequenti per Ce-
strensem cum magna cæremonia, pro ut
ius postulat. Sed Deus ille impanatus,
quem Buceri cadauer inde effugauerat,
nondum eò redierat: neq; uero fas illi
erat, nisi cum multa celebritate prius de-
duceretur. Hunc toto hoc tempore quo
aberat, apud Legatos in Collegio Trini-
tatis hospicio exceptum, ibiq; peregrina-
tum fuisse existimauimus. Nam illo om-
nes ordines die octauo Feb. conueniunt,
ut hoc officij et humanitatis in reducens
do eum domum illi præstarent. Inter
quos

quos Cestrensis ipse, dignus propter honorem Episcopale, qui proximè ad eum accederet, exceptum deferebat indutus cappa, et magno holoserico pãno obvolutus, quo et ipsum quoq; idolũ implicauerat. Dederat hũc Academię ad eũ usum paulo antè Ormanetus Datarius. Cum iste nunc rediret, non recta ibat & uia compendiosa, qua solent alij: sed magnam oppidi partem circumiens, longoq; itinere multas per plateas circumducto, uix tandem post horam tẽplum ingreditur. Nõ ab similem credo morem ab Romanis illis ueteribus obseruatum fuisse in suis Lustris, cum ad omnia puluinarĩa Deorum suorum fierent supplicationes. Ordo hic erat: præibãt Magistri Regentes, qui magna uoce canebant, Salue festa dies. &c. Sequebatur proximè ad eos Cestrensis, illi circumfunduntur Ormanetus cum suis Collegis, et Præfetti Collegiorum quisq; suis manibus oblongos cereolos ardentes præferens. Quos exiguo post interuallo subsequantur reliqui ordines Academię: pone Prætor cũ suis oppidanis subiuit. Antè

Processio festi-
lenis ordinẽ
Academię &
Oppidanorũ

HISTORIA COMBUST.

omnes ibant præcones, acclamantes his qui occurrebāt, ut se ad sacrosanctam hostiam humiliter inclinarent, si quis detrectaret, carcerem statim minabantur. Cū ista pompa deductus eorum deus, & maioribus hostijs Bucerij & Fagij placatus, tandem resedit. Multis uerbis precante Scoto Cestren, uti is dies illi omnibusq; qui tum adessent scēlix faustusq; esset, & ex eo tempore, placato nunc Deo, & cæteris rebns benè constitutis, ad pacem & concordiam, maximè eam quæ esset religionis, omnes se uellent cōponere. Post hæc dies paucos, in mulctandis his, quibus uisum est, transigunt. Illis partim adiunt suffragij ius, aut mandando honores alijs, aut sumendo sibi: quibusdam interdiciunt tutelæ cura, ne teneram adolescentum mollitudinem corrupta doctrina & hæresi inficerent: alios alijs modis, iniustissimè quidem nonnullos, & præter omnem æquitatem castigant.

Quidā ex Academia mulctati.

Decreta Inquisitionum publicata.

Postremò decreta quædam, quibus Academiam deinceps institui uolebant, publicè proponunt: in his multa de electionibus magistratuum Academiae, & de man-

de mandandis honoribus, de publicis prælectionibus & de disputando, de custodia, & administratione bonorum Academiae, de quæ alijs permultis rebus cauent. In primis uerò religionis causam diligenter agunt: in qua tam multi fuerunt, ut omnia partim apertis blasphemijs, partim ridicula superstitione reddundarunt. Hic modum præscribunt quot quisque Missis diebus singulis interesse, quot quæque dicere oporteret: quando intrare ad sacra, & in introitu quomodo ad altare, quomodo ad præfectum se inclinare: quid ibi facere, et quousque quisque permanere deberet: quot & quas preculas quisque dicere, quid & quomodo canere, & cum secretè sacrificulus sibi obmurmuraret, quid interim alij meditari, quando sedere in Missa, quando surgere, quando flectere genu, quando excludiue, quando includiue, nihil non superstitiosissimè statuendo, facerè ludificati sunt. In his ordinati isti magistri ordinis causa edicunt, quemque indui superpellicio non attrito, non lacero, sed mundo: neue quis nasum illo tergeret, uehe-

V s mens

HISTORIA RESTITVT.

menter prohibent. Atque hæc illa sunt quæ supra diximus, quosdam animaduertisse Ormanetum in templo Collegij Regij suo exemplo obseruauisse, quæ nunc publicè omnibus grauissima multa imposita negligētibus indicebantur.

Ormanetus &
Colus Docto-
res inaugurati.

Constitutis ad hunc modum rebus omnibus, cum se iam compararent ad discessum, Academia pro tantis beneficiis, quorū memoriam uix post multos annos excidere passura erat, humanitatis aliquod officium erga illos uicissim ostendere cupiens, Ormanetum & Colum, (nam reliqui præter Christophersonum, qui iam electus Episcopus præcesserat hunc ordinē, antea in istam dignitatē cooptati erant) doctoratus honore insigniuit: quē illi benignè se accipere significabant. Sic tandem dimittuntur homines pacifici, qui ad cōponendas lites & dissidia uenerant: qui sic quidem unumquemq; ad alterius accusationē extimulando, tantos in hominū animis hiatus in suo discessu reliquerunt, ut ad hunc usq; diem non satis coierint.

Edixerant Legati isti antequam Academia

demia discederent, describi à Præfæctis
singulorum Collegiorum decreta sua,
quæ præter publica edicta priuatam cu-
iusque domus administrationem certis
quibusdam formulis continebant. Hæc
Svynbornus, quem diximus præfesse au-
læ Clarenſi, interrogatus à quodam ex
ſuis, qua re, pellibus nè an papyro uellet
inſcribi. Non intereſſe reſpondit, quæ
nam eſſet illa materia: papyrum, aut ſi
quid eo haberent minus permanens, ſa-
tis cõuenire: fore enim dicebat, ut quid
uis eius generis diutius multò extaret,
quàm decreta illa uires haberent. Neq;
fefellit hominẽ ſua diuination: poſt enim
ferè biennio benignè reſpiciens nos De-
us, Reginam Mariam (qua Principe mi-
ſerabiliter, ad perniciem Eccleſiæ Chri-
ſti, abuſi ſunt Cardinalis & reliquĩ Epif-
copi Anglicani) ad XVII. Nouem-
bris, Anno Domini ſupra M.

D. LVIII. è uita
euocauit.

Hiſtoria

Svynbornus
de decretis In-
quiſitorum ſcri-
bendis.

Mariæ Regi-
næ mors.

HISTORIA DE RESTI-
TVTIONE PRAECLA-
RORVM ORGANORVM DEI D.
MARTINI BUCERI & PAVLI
Fagij temporibus restitutæ
religionis in An-
glia.

ANNO M. D. LX.



MARIAE DEMORTVAE
succedit in Imperio ELI-
ZABETHA soror, cui Prin-
cipi similem ex longa secu-
lorum memoria, replicatis Annalibus
haud faciliè inueneris, Religionem iam
non modò afflictam & iussam solum
uertere, sed exustam penè redactamq; in
cineres, in lucem reuocauit. Quæ cum
acceptis uiribus paulatim sese attolleret,
fex illa Romanensium præstigiarum cœ-
pit statim colliquescere. Iterum ergo in-
cipit ædificari templum Domini in An-
glia, cuius structuram Sanaballite, & To-
biæ illi non solum tum impedierant, uas-
tauerantq; sed & hodie (ut est astutissi-
mus

Restituta reli-
gio sub Eliza-
betha regina.

mus calumniator Satan) multis modis,
 ne ad liquidum ueritas cernatur (quæ
 nisi ex professo conninentibus obscura
 non est) satagunt. Istius operis dum di-
 ruta instantantur, subit memoria uene-
 randi Patris & præceptoris quondam
 nostri D. Martini Buceri, qui cum Paulo
 Fagio superiorum temporum tam uio-
 lenta tempestate correpti, è statione quã
 in huius ædificationis muro habebant,
 deſciebantur. Quos Reuerendiſſimi in
 Chriſto patres Mattheus Parkerus, nunc
 Cantuarienſis Archiepiſcopus, totius An-
 glia Primas, qui antè in funere illius ho-
 norificentiffimè de eo prædicauerat, &
 Edmundus Grindallus Londinèſis Epi-
 ſcopus, qui inter cæteros qui hoc offici-
 j illi præſtabant, pheretrum, quo ad ſepul-
 turam portabatur, humeris ſuſtinuit, &
 reliqui Clariffimi uiri, in quibus erat
 Gualterus Haddonus, Supplicum li-
 bellorum ad Sereniſſimam Reginam
 magiſter, qui funebrem de mortuo Bu-
 cero ſemimortuus ipſe orationem habu-
 it, quum ad componendam religionem
 in Academia Cantabrigienſi, & alijs re-
 gni

Reſtituti Buce-
 rus & Fagius
 per quos.

HISTORIA RESTITVT.

gni partibus, mandatum à Regia Maie-
state accepissent, loco suo reponendos
esse statuerunt.

*Litteræ pro re-
stituendis Bu-
cero & Fagio.*

Ad hanc rem dant literas suas prædi-
cti Reuerendissimi Patres ad Procancel-
larium & ordines Academiae: gerebat
istum magistratum hoc quoque tempore
Andreas Pernus, qui de Buceri & Fagij
in integrum restitutione, ne uerbum qui-
dem audire libenter sustinuit. Perlectis
his literis rogatio proponitur Ordini-
bus, placeret ne illis, ut gradus & hono-
ris titulus, quæ olim Mart. Bucero & P.
Fagio publicis huius Academiae suffra-
gijs adempta erant, eisdem in integrum
restituerentur, & omnes actus cõtra eos
aut eorum doctrinam rescinderetur: cui
publicè assensû est ab ordinib. Erat hoc
ad xxij. diem Iulij, Anno Do. M. D. L. X.
Hoc etsi ad restitutionis ius sufficeret, ta-
men quoniam neque pro dignitate tan-
torum hominum, neque pro officio Aca-
demie satis esse uisum est, qui hanc cau-
sam procurabant, indicunt publicum or-
dinum cõuentum in æde D. Virginis ad
penultimum eius mensis diem. Vbi non
cum

enim ita multo ornatu & splendore (que
ueritas ambitiosè non quærit) sed cum
honesto decore ad conciliandos homi-
num animos, de Bucero & Fagio uerba
fiunt. Orationem habuit Achvvorthus
publicus Academiæ Orator, cuius uerba
ut ab ipso prolata sunt, ordine recēsebo.

ORATIO ACHVVOR- THI IN RESTITVTIO-

NE D. MARTINI BVCERI,
& Pauli Fagij.



DE TANTI VIRI LAU-
dibus, cuius celebrandi gra-
tia hodiernus uester cœtus
atq; cōcursus factus est, an de
temporum à quibus nuper uindicati su-
mus, uitij & calamitatibus mihi dicen-
dum sit, an de utroq; quoniam alterum
sine altero uix cōmemorari potest, igno-
ro. Quibus temporibus tantum doloris
& cruciatus sensistis, Fratres, ut repeti-
tis illis & ad nostram memoriam reuo-
catis, uereor ne nō tam iustū in nobis odi-
um ob iniurias acceptas struere, quā uere

Dubitat unde
exordium su-
mat.

rem

HISTORIA RESTITVT.

rem luctum, gemitumq̃ reuocare uide-
 retur. Vt putidum autem & ineptum re-
 prehendi officium meum necesse est, si
 eum qui antè oculos uestros in laude ui-
 xit, mea oratione magis illustrari posse
 putarem, quàm sua uita & moribus ipse
 sit illustratus. Sed temporum iniurià, quę
 tam celebre, & omnium penè uocibus
 frequentatum nomen ex hominum me-
 moria delere conata est, multum profu-
 it, adeo ut cum in uita omnia ei ad sem-
 piternam gloriam splēdida fuerint, tum
 post mortem nihil magnificētius, quàm
 tam magnifico apparatu & cāremonijs
 tanti uiri memoriam lādere uoluisse,
 ne id quidem effecerit quod uoluit, per-
 fecerit autē id quod uitare studuit. Mor-
 tui enim desiderium multis attulit, fa-
 mam perennem & immortalem non su-
 stulit, sed auxit potius atq; amplificauit.
 Ita fit, ut qui de rebus ad Bucerī lau-
 dem post mortem eius spectantibus di-
 cere uelit, de temporum iniurijs, ex quib-
 us magna laudis accessio adiecta ei est,
 reticere non possit. Sed uitam eius ita il-
 lustrauere non modo illustrissimorum
 uiroꝝ

uitorum scripta Checi atq; Carri, & Clarissimi uiri D. Haddon uox magna cum admiratione ex hoc loco edita, cum corpus eius humationi & sepulturæ traderetur, tum funere peracto piæ & sanctissimæ conciones Reuerendissimi iam in Christo Patris Cantuarien. Archiepiscopi, & D. Redmanni, quæ sine scriptis diuturnius animis nostris propter earum dignitatem & excellentiam inhærent, quàm pleraq; quæ scripta sunt, & literarum monumentis mandata: uerum etiam omnium ordinum eodem die in funere ducendo celebritas: postridie uero singulorum qui Græcarum aut Latinarum literarum facultate præditi erant industria, quorum nemo fuit qui iustissimi sui mæroris testes uersus aliquot huius templi parietibus non affixerit, ut neque tum quidē quicquam officij, quod mortuis & ex hac uita excedentibus deberur, prætermisum sit, uel nunc restare, quod ad sanctissimi & celeberrimi uiri memoriam, uel ad æternitatem consecrandam pertineat, uideatur.

Buceri uita a
quibus uiris
clariss. ut illu-
strata.

Vidimus tunc institutis eius floren-

X tem

HISTORIA RESTITVT.

tem hanc Academiam, & assiduus eius
 quotidianisq; cōcionibus syncerę religio-
 nis nō modo ingeneratum, sed cōfirma-
 tum amorem: adeo, ut cum hinc repente
 sublatus esset, uix quisquā foret, qui prae
 dolore praesentis uitę conditionem faci-
 le ferre possit, quin aut hinc in aliam ui-
 tam, unā cum Bucero migrare, & mor-
 tuum ad immortalitatem sequi: aut eum
 omnibus iam perfunctum uitę mole-
 stijs, iterū ad corporis uincula, ē quibus
 excesserat, luctu, & gemitibus reuocare
 studeret: ne nos quasi in militiae statio-
 ne sine duce relictos desereret, ipse eme-
 ritis stipendijs dimissus decederet, &
 castris exutus, ad æternam animorum
 quietem & tranquillitatem se conferrer.
 Itaque tum aperte omnes indicarunt, &
 quā grauius mortem eius ferrent, &
 quā difficulter mortui desiderium to-
 lerarēt, dū religionis ardor, quo eius do-
 ctus inuincibili sumus, uigeret, et incredibi-
 le tanti uiri cupiditatē nobis relinqueret.

**A morte Buce-
 ri religionis
 studium remis-
 sum.**

Verum postq; uir pius in conspectu
 oculisq; uersari desijt, etiam religionis
 amor in flagrantissimis animis paula-
 tim

nim deferbuit: & ut postea tulerunt mi-
 lera illa quidem & nobis omnibus exi-
 tiosa tempora, non modo sensim ob-
 scurari cœpit, sed prorsus euanuit, & in
 nihilum concidit. Iterum enim inci-
 dimus in Papisticæ disciplinæ pertur-
 bationem, restituti sunt ueteres Romane
 Curia ritus, non ornandæ, ut ipsi pu-
 tabant, sed uiolandæ & contaminan-
 dæ Christianæ religionis causa: mors
 ante oculos posita est his, qui in perce-
 pta Christiana doctrina perseuerarent:
 in exilium acti, qui temporibus se accom-
 modare non poterant: his qui man-
 serunt aut dissimulare, aut se occultare
 & delitescere, aut tanquam Circeo po-
 culo exhausto, non modo ab humana
 natura in ferinam, sed quod longè re-
 trius, & monstri similis est, à cœlesti
 ac diuina in dæmonum speciem con-
 uerti, ac mutari necesse erat. Atque hic
 quidem fuit communis totius Angliæ
 morbus.

Sed utinam illorum temporum uitia,
 quæ totam Rempub. occuparunt, singu-
 las eius partes saltem nō attigissent: quo-

HISTORIA RESTITVT

rum nulla fuit quin præter *συμπάθεια*,
 quam ex totius morbo & contagione
 percepit, non nihil etiam proprii dolo-
 ris & calamitatis habuerit. Atq; ut cæte-
 ras omittam, de quibus neq; hic est ad-
 dicendum constitutus locus, nec tem-
 pus patitur, ut aliqua dici possint, hoc
 musarum domicilium, quod Academi-
 am nominamus, satis locuples testis esse
 potest, quid de reliquorum corpore ex-
 istimare debeamus. Neq; enim dissimu-
 landum est (fratres) quod obscurari non
 potest. Fœdissimis temporibus obsecu-
 ri indignè celsimus, animosq; demissi-
 mus, qui aduersa hæc, ægestatem, exili-
 um, mortem ferre non potuimus: qui ne-
 que constantiam ex Philosophia, nec
 tolerantiam ex sacris Scripturis perce-
 ptam in moribus uitaq; retinuimus: qui
 ad aliorum nutum & arbitrium cuncta
 gessimus. Itaq; quod Poëta, licet alio sen-
 su, luculenter dixerit, uerissimè tamen de
 nobis uaticinatus uideri potest: Tempo-
 ra mutantur, nos et mutamur in illis. Eie-
 ctis hinc & disturbatis nonnullis, qui
 christiane de Religione senserant, cæte-
 ri

Confessio or-
 dinum Acade-
 miz Cantab.

ri qui remanserunt inhumanitatem eorum experti sunt, penes quos rerum hie gestarum autoritas fuit, quanquam leuiori uerbo usus sum quàm oportuit: non enim inhumanitas, sed potius immanitas & feritas censenda est ea, quæ cum omnia genera cruciatus & supplicij in uiuos consumpsisset, cum perseuerantibus uitam, cæteris opes, honores, ac magistratuum gerendorum spem crudeliter ademisset, expleri tamen non poterat, quin maiori furore incensa & concitata in mortuos ipsos sæuire cœperit.

Itaq; cum singula genera flagitiorum singulis in locis perpetrata essent, nec ullū sceleris genus prætermissum, quod non alicubi factitatum sit, hoc erat Cantabrigiæ proprium, ut crudelitatem, quæ in uiuis cruciandis alijs in locis adhibita fuit, eam contra mortuos exerceret. Oxonium Reuerendos patres, Cranmerum, Ridleium, & Latimerum clarissimos Euangelicæ lucis testes combussit: Londini item hæc duo Lumina periit Rogerus & Bradfordus, in quibus difficile dictum est, orationis nē uis et facundia

Oxonij Cranmerus, Ridleius, & Latimerus: Londini Rogerus & Bradfordus combussit.

HISTORIA RESTITVT.

an uitæ sanctimoniam maior enituerit. Infiniti alij, & in his & in alijs locis, propter ueritatis testimonium ad cineres reducti sunt. Quæ enim ciuitas, non dico tectorum & ædificiorum, sed sanctorum corporum quasi incendio non flagrauit? Cantabrigia uerò, postquam iam uiuui non extarent, in quos acerbitatis suæ uirus euomeret, in mortuos dementer insaniuit. Mortui, quorum uitam reprehendere, quorum doctrinam refellere nemo potuit, adhibitis falsis & calumniantibus accusatoribus postulati, in ius cõtra diuina humanaq; iura uocati, damnati, sepulchris fractis & uiolatis extracta cadauera, & igne cremata sunt. Rem quidem incredibilem, nisi oculi fidem fecissent, ac inauditam. Sed huius sceleris indignitas percrebuit, omni sermone iactata, & per totum orbem Christianum sparsa ac disseminata est.

Beneficiorum
Buceri maximorum,
qualis recompensatio.

Bucerus ingenij & doctrinæ celebritate notus, ab omnibus nostris penè expetitus, à pluribus autem sollicitatus atque accersitus, ut Cantabrigiensibus
synce-

syncera Christianæ religionis dogmata
 traderet, senio confectus & fractis iam
 viribus suos reliquit, longinqui itineris
 molestiam non recusauit, navigationis
 periculum non perhorruit, his omni-
 bus propagationem Ecclesiæ Christia-
 næ antiquiorem putauit. Itaque uenit,
 aduentui ab omnibus gratulatum est :
 ita deindè uixit, ut non sua, sed nostra
 causa eum huc aduenisse constaret. Qui
 nec morbum ex itineris iactatione con-
 tractum profligaret, nec cum uires de-
 biles & labefactatæ essent, ualitudini
 suæ studeret : sed in nobis erudiendis
 immensam operam, et intollerabiles la-
 bores poneret. Et in hunc talem tan-
 tumque uirum, uiuum quidem omnia
 humanitatis officij & obseruantie, mor-
 tuum uerò horrenda crudelitatis exem-
 pla sunt edita. Quid est enim tam com-
 mune, quàm testæ, & domicilia uiuis,
 mortuis uerò sepulchra concedere : aut
 quis eum omni hospicij officio fouen-
 dum & excipiendum censuerit, cui mor-
 tuo Sepulchrum consecrandum non

HISTORIA RESTITVT.

duxerit? Cuius rursus est inconstantia, quem, honorificentissime concursu omnium laudis & uirtutis preconio sepelietis, huius deinde bustum monumentumque uiolare & mortuo, qui in laude semper uixerit, iniusta turpitudinis notam aspergere?

Hæc omnia Bucero contigerunt; cui uiuo summorum Principum & magnifice structæ ædes paterent, mortuo sepulcræ ius diuturnum esse non potuit. Qui cum ad sempiternam laudem humatus splendide, ad ignominiam postea contumeliosè combustus fuit. Quæ, quanquam mortuum non læserint (in cadaueribus enim doloris sensus non est, nec sanctorum fama ex aura populari & leuissimis hominum rumoribus, sed iusta censura & iudicio pender) tamen summam crudelitatem redarguit, et inexplebile uindictæ cupiditatem in eis, qui tam atroci iniuria mortuos affecerint. Hos igitur, quos mortuos è sepulchris ereptos flammis commiserunt, si tum uixissent, omnium credo testis eiectos, omnium societate exterminatos crudelissimis supplicijs

eijs dilacerauissent: quanquam adue-
nas, quanquam peregrinos, quanquam
huc à nobis ex ea patria accitos, in qua
non modo nullum supplicij genus me-
tuendum eis fuit, sed contra honoribus
populariꝫ fama illustres & conspicui
semper extiterunt.

At quanto humanior istis Gardine-
rus Episcopus, acerrimus tamen Papisti-
cæ disciplinæ uindex, qui in nostros nul-
lum crudelitatis genus prætermisit, ut
nascentem olim Euangelij lucem ferro
flammaꝫ extingueret: exteris tamen pe-
percit, quorum ius tam sanctum est, ut
nulla id unquam barbaries uiolarit. Is ce-
leberrimum uirum Petrum Martyrem
Oxonij docentem, cum iam in eius po-
testate esset, retinere ad supplicium no-
luit, qui ut audiui, decedenti commea-
tum præstitit: ut quod in nostris iustum
statuerit, id iniquum censuerit in peregrini-
is. Quem igitur ius diuinum cohibere à
nefaria suorum cæde non potuit, eum
ab exterorum occisione continuit ius
gentium, quod omnium barbarorum
feritatem leniuit, immanitatemꝫ miti-

Gardineri Epi-
scopi Papistæ
humanitas.

X s gaur.

HISTORIA RESTITVT.

gavit. In quo quidem maximus cernitur
sensus humanitatis, quod in hospitem
iure pie inuiolateq; conseruando, barba-
rissimę gentes semper consenserunt. Ete-
nim homines hominib. accedere, quā-
uis mari et regionib. distincti longeq; se-
parati sunt, humanum est: sinē quo nec
cōmercium ullum, nec sensuum ingenio-
rumq; cōmunicatio, quę doctrinā pepe-
rit, nec ulla societatis cōmoda constare
diu possunt: uenientes repellere, locisq;
nostris prohibere, inhumanum: cōmo-
rantes autē, remq; familiarem permissu
nostro habentes malē tractare, impium.
Quocirca omnes omnium crudelitates
ista longē superauit, quę ad exercendam
tam inexplebilē sœuitiam, non modo
hospites nostro rogatu & accersitu huc
uocatos, sed effrata & putrida cadauera ē
sepulchris effossa ad supplicium rapuit,
ut eam uindictę sitim, quam in uiuorum
sanguine fundēdo nō poterat, saltem in
mortuorum ossibus cremandis satiarer.

Hæ sunt (fratres) hæ sunt, inquam,
iustæ causæ, quę diuinam in nos ira-
cundiam

cundiam uehementer cōcitarunt, quòd ad summā iniuriam mortuīs faciendam propensi, ad eam autem delendam nimis lenti atq; tardi fuimus. Credo enim si mihi fas sit, quæ sentio, liberè dicere, (ignoscetis autem si quædam in calore & cōcitatione orationis effusiā temere) hunc ipsum locum, in quē tam frequenter cōuenimus, nouo illo & inaudito sceleris genere contaminatū, obstare nobis diuinam opem implorantibus: precesq; nostras ingratas esse, quas ad diuinū numen placandum nobisq; conciliandum effundimus. Abelis sanguis à Cāino suffus uocem & clamorem edidit è terra, quæ eum absorpserat: hoc quoq; caduerum indigna cōbustio, à Deo optimo Maximo contra nos pœnas exposcit, & clamat impuros esse tanti sceleris non modò authores, sed etiā ministros: uiolata loca, in quibus hæc perpetrata sunt: coinquinatū ipsum aërē quem spiritu haurimus, ut corporis morbis grauissimū a pro tanto scelere supplicia luamus.

Circūspicite diligēter animis, fratres, et
respicite

HISTORIA RESTITVT.

Diuina uindicta
in Anglos a
Buceri obitu.

respicite in mala præterita omnia, originem à Buceri obitu hucusq; ductam uidebitis. Cum nos ad huc morerentes, necdum post eius funeris dolorem recreatos, primum exciperet sudoris morbus, qui celeriter totam Angliam transiens, & quasi percurrrens magnam hominum multitudinem deleuit atque consumpsit: Nobilissimi deinde Regis Edoardi mors immatura, cuius uita omnium opinionem uirtute superauit, & immortalitate digna uisa est, mors præter omnium expectationem accidit in ea ætate, in qua nil uis adhibeatur pauci intereunt: Religionis conuersio, uel potius euersio, et ad Papiſmum mutatio: exterorum incurſio et dominatio, quorum sub iugæ ceruices noſtræ penè redactæ ſunt: impoſita Episcoporum in Chriſtianos ſæuitia, quæ facinus illud patrauit, cuius expiandi gratia hodierno die cōgregati ſumus. Ac mortuum quidem hæc, combuſtum uero grauiora ſequuta ſunt: nouæ & Medicis iſſis incognitæ morborū peſtes et contagiones, à quibus ſingulorum ualeſtudines afflicte, aut planè ad interitum

Interitum conciderunt, aut ægrè restituta sunt. Bella cruenta sinè uictorijs, ex quibus ad inimicos commoda, ad nos clades & grauissima detrimenta peruenierunt. Quæ indicant auersum à nobis Deum & iratum fuisse, nec precibus nostris aures adhibuisse, ne clamoribus gemituq; permoueri, sed expectare hūc cœtum conuentumq; nostrum, ut funeribus uiolatis iusta restituantur: & sanctissimorum uirorum fama illæsa atq; integra posteritati commendetur.

Quamobrem resipiscite tandem (fratres) qui propter temporum uarietatem ac inconstantiam suspensi adhuc animis & dubij fuistis, & alacres ac recti estote ad expianda mortuorū iura, quæ tanto cum flagitio nuper læsa & polluta fuerunt: non obsoletis illis & profligatis odorum suffimentis, sed uera & non simulata animi pœnitentia et oratione, ut diuinum numen antea infestum, in reliquis nostris uotis magis propitiū & secundum habere possimus.

Cōclusio, cum
exhortatione
ad pœnitentiā.

Concio

HISTORIA RESTITVT.
CONCIO D. IACOBI
PYLKINTONI IN RE
STITVTIONE D. MARTINI
Buceri & PAULI
Fagij.



VM ACHV.VORTHVS
perorasset, D. Iac. Pylkintonus in Theologia professor
Regius suggestum conscen-
dens, pro concione dicit super Psalmum
centesimum undecimum, cuius initi-
um est: *Beatus uir, qui timet Dominum, &c.* ubi
probaturus memoriã iusti non periturã,
ac Bucerum beatum esse, et impios cum
hoc uiderint fremituros, sed frustra om-
nia tentaturos: ut uerũ sit illud, *Maledicã*
benedictionib. uestris, et benedicam ma-
ledictionib. uestris: Exorditur à sua perso-
na, se quidẽ, etsi satis uoluntariẽ proptẽ-
que ad hoc negociũ accederet, cũ pro-
pter ipsius rei dignitatem, tum etiã pro-
pter eorũ singulares quasdam uirtutes,
quos confessus ille spectaret: minimẽ ta-
men esse idoneũ, dixit, qui hanc causam
suscipere deberet. Multo enim æquius
fuisse,

fuisse, ut qui antè Bucerum iniuria affecerat, is nunc præ cæteris damnum resarciret. Tam abesse, ut ipse illum sua uoce affligeret, ut utrumq; et illum et Fagiũ propter singularem in omni propè doctrinarum genere cognitionem humanissime complexus sit. Bucerum uerò propter amicitiam, quam habebat cum illo paulò familiarem, aliquanto plus dilexerit. Hanc ob causam, quanq; non satis conueniret, uti is eo tempore diceret, fecisse tamen hoc humanitatis et amicitia officium, ut deesse illis in isto negotio non potuerit.

Sic quasi præfatus, ingreditur ipsam causam, in qua grauitè accusat Romanensium immanem illà & barbaricam scuitiam, qua in mortuos debacchari solent. Grauius quidem esse quàm ut ferendum sit tã crudeliter in uiuos scuire: defunctis uerò tam impiè aliquem insultare, uix unquam esse auditum dicebat. Nisi quòd rationem istam anathematizandorum mortuorũ Roma profectam esse maxima ex parte affirmaret. Et si Eutygium ita sensisse scriptis traditur

ab

Accusatur gra-
uiter Romanen-
sium scuitia.

HISTORIA RESTITVTI

ab Enagrio permotum exemplo Iosiae,
 qui sacerdotes Baalis occidit, eorumq;
 mortuorum ossa in ipsis altaribus exul-
 sit. Cum ante Eutychie tempora genus
 hoc supplicij ferè esset incognitum, neq;
 postea usurpatum à quoquam (quod
 audiuerat) usq; ad annos nongētos post
 Christum. Posterioribus temporibus,
 quæ quo longius aberant ab auteo illo
 Apostolorum seculo corruptiora erant,
 capturn esse hoc genus sæuitiæ latius ser-
 pere. Nam constare Stephanum sextum
 Pontificem Romanum, qui eum præ-
 cesserat in ea sede, Formosum sepulchro
 effodisse habituq; Pontificio spoliatum
 ueste seculari (ut uocant) sepelisse, abscis-
 scis & proiectis eius duobus digitis, qui-
 bus suo more consecrare & benedicere
 solebat, in Tyberim. Hanc uero illius ty-
 rannidem quam in Formosum exercue-
 rat, sex annis post in ipsum eundem For-
 mosum, Sergium tertium auxisse, effos-
 so enim post mortem eius corpore, & in
 Cathedra Pontificia collocato, caput
 amputari, dissectisq; à reliquo corpore
 tribus reliquis digitis, truncum in fluen-
 tem

Stephani VI.
 & Sergij III.
 in Formosum
 crudelitas.

tem Tyberim conijci curasse: quin & decreta etiam illius, quod à nemine antè eum diem factum esset, omnino abrogasse. Exercenda tantę immanitatis causam hanc esse (referente Nauclero) quod Formosus Stephano & Sergio, cum Pontificium honorem ambitent, aduersarius extiterat. Pontifices ipsos hoc genere inauditę crudelitatis, mutuò in se aliquandiu sæuissē, nunc autem in nostras ceruices, cum nondum ipsi satis in se experti essent, idem cōuertisse. Optandum quidem fuisse, ut quod ab ipsis cōperat, apud authotes utiq; ipsos mansisset: neq; indè ad nos fuisset propagatū. Sed sic esse mali ingenium, ut in exemplū facillime transmittatur. Nam circa annum M. CCCC. apud nos Ioan. Viclefum eodem modò effossum, redactumq; in cineres in flumiū, quod oppidū, ubi sepultus erat præterlabitur, coniectum fuisse.

Id ipsum quoq; expertū esse Gulielmum Treceam Glocestren. uirum genere clarum, quoniā testamento scripserat, se sola fide in Iesum Christum saluū fore, neq; ad id egere opera cuiuscq; alterius, siue in cœlo

Gulielmus Treceus Glocestrensis.

HISTORIA RESTITVT.

Anno D. M.
xxx.

Lanienæ Fran-
cisæ regis Gal-
liæ in Vvald.

is esset, siue in terris et ppter ea Legatum
in eâ rē sicut oēs facere cōsueuerāt nullū
reliquerat. Factū hoc fuit nostra memo-
ria, ad xxiij. annum Regni Henrici octa-
ui. Et uerò cū sic in mortuos sœuitēr, quid
de uiuis facere uellent, facilem esse conie-
cturā aiebat. Multis nos exemplis nostro-
rum hominū superioribus his annis ex-
pertos esse. Et si paulo antiquiora malle-
mus recolligere, licere ex historia nostro-
rū temporū insigniora dare. Sufficere ad
eius rei demonstrationē ferinā illā Regis
Galliæ lanienā, quā in Vvalden. ad Ca-
brierā et uicina ei loca, duce Minerio cir-
ca annū M. D. X V. exercuit: qua nihil un-
q̃ legi posset crudeli⁹, ne à barbaris qui-
dē esse factū. Et tamē cū tā immaniter in
istos et cōplures alios à multis sœuitū es-
set, tā abesse ut Euāgelij lucē restinxerint,
quā conabātur obruere, ut indies magis
ac magis accreuerit. Atq; hoc quidē Caro-
lum V. quo neq; orbis noster prudētiorē
Principē, neq; Ecclesia Christi ferē grauiorē
aduersariū habuit, facile animaduertif-
se. Et ppter ea cū haberet in sua potestate
Lutherū mortuū, uiuos uerò Melantho-
nem,

nem, Pomeranum, & quosdam alios
 Euangelij præcones, nō solū nō statuisse
 aliquid in eos grauius, nec sepulchra uio-
 lasse: sed tractatos humaniter dimisisse,
 ne phibitos quidē eā doctrinā quā profi-
 rebātur uulgo enūtiare. Hoc esse ingeniū
 Ecclesiæ Christi, ut quo magis in eā Tyrā-
 ni insultāt, eo magis augeatur et efflores-
 cat. Insigne quidē documentū providen-
 tię uoluntatisq; diuinę in serendo Euāge-
 lio, fuisse aduentū illū Boëmorū ad nos
 audiēdi Vviclefi causa, de quo diximus,
 qui tū publicē Oxonię legerat: et nostro-
 rum quoq; hominū exorta persecutione
 ad ipsos Boemos profectiōē. Sed mul-
 to tamē celebrius esse, qđ his nostris tēpo-
 rib. cōtigisse uidimus. Hispanos oppri-
 mēdi Euāgelij causa in hoc regnū accersi-
 tos, reuersos domū multas suę patrię par-
 tes eadē religiōis ueritate cui⁹ hostes erāt
 repleuisse. His exēplis perspicuū satis fie-
 ri, frustra moliri huius mūdi Principes il-
 lius euerfionē, quā diuina nūc clemētia,
 nō in eas modo regiones quas diximus,
 sed in Galliam, Poloniam, & Scotiam,
 & reliquā penē omnem Europam dif-

NOTA pro-
 pria Ecclesię
 Christi quid.

HISTORIA RESTITVT.

seminauerit. Nam & Italiae quoque partes aliquas (quamuis Pontifici ipsi uicinas) iam dudum tamen ad agnitionē diuinae ueritatis propēdere. Satis argumēti ab eius successu & incremēto duci, ut doctrinam hanc diuinitus ad nos missam crederemus, nisi uoluntariē essemus cæci.

Quod si quis pluribus sibi persuaderi cuperet, licere illi oculum adijcere in illam Pontificis & Cæsaris coniunctis copijs in Boëmos expeditionem, in qua Cæsarem ipsum cum tanta indignitate repulsum ab exigua hostium manu fuisse, ut nusquam ferē maiorem ignominiam acceperit. Huius rei etiam maximē memorabile exemplum esse mortem Henrici Gallorum Regis, qui eo ipso die quo proposuerat Ecclesiam Christi affligere, & quosdam ex suis, quos habebat in uinculis, religionis causa flammis committere, quorum supplicio se quoq; inter futurū promiserat, in medio triumpho, à subdito quodam suo hasta in caput defixa, ita uulneratus est, ut non ita multo post ē uita emigrarit. Nec minus metuenda Dei iudicia domesticis exemplis compro-

comprobata esse. Quendam enim sanctorum Christi insignem carnificem uiuum putruisse, neque adhuc mortuum tam ingratum, ut fertur toto corpore foetorem exhalasse, nemo ut ad eum amicorum sine nausea posset accedere: alium uerò desperata ferè omni salute miserabiliter eiulasse: alium correptū furore, complures quoq; alios, qui Ecclesiæ aduersabantur, misere periisse. Certissima hæc argumenta diuinæ Maieft: in Ecclesiā quidem benignitatis & tutelæ, in ipsos uerò Tyrānos indignationis & uindictę fuisse.

Et quoniam de Boëmis mentionem fecerat, appositissimum esse dicebat huic negotio exemplum Ziscæ ipsorum ducis, qui cum esset illi moriendum, suum cadauer excoriari iussit, & sua pelle tympanum militare obregi curarent. Fore enim ut ubi eius sonus ab hostibu audiretur, contra ipsos non possent consistere. Simile consiliū ipsum de Bucero illis dare, ut quod oëmi de pelle Ziscæ, id illi de argumentis & doctrina Buceri uellent facere: simulatq; enim eius uocem Pontificij audirent, eorum deliria

Is fuit Stephanus Gardinerus Episcopus Vintonensis.

Ziscæ ducis Boëmorum exemplum.

X 3 statim

HISTORIA RESTITVT.

statim quidē occasura esse. Præterq̄ enim q̄d uim adhibeāt resistantib. nihil habere eorū doctrinā, q̄d ratione aliqua apud Sacras literas uel mediocriter intelligētes niti uideatur. Quæ autem fiunt ab ipsis in eos, qui insanire cū illis non possunt, quædam apertā uim, quædā ridiculā stultitiā sapere. Quid enim hoc primum, an non frivolum esse toto triennio Missam celebratam in templis ubi quiescebant in Domino Bucerus & Fagius, nihil peperisse offendiculi: statim uerò, ubi illis uisum est, piaculum esse, si ibidem audiantur? Aut non minus tunc quoq; bonum esse quàm antea fuerat? Aut si tunc esset nefas eam celebrari eo loco, antea t̄i temporis culpā eò grauiorem esse, quo tunc fuerat antiquior? Deinde illud quoque inane fuisse, Buceros & Fagios solos defodi sepulchro.

Fannius Prætor urbanus
osor papatus

Quid enim? an hi tātū eā religionē quā heresim appellabāt amplexi sunt? Perspicuū fuisse quo animo erga religionē Pontificiam fuerat is homo Prætorianus eius Oppidi, qui cū moreretur neq; campanarum pulsus in illius anniuersario, ut uocant,

tant, neq; exequiarū celebritatē, neq; ali-
 ud quidq; eius generis nugarū fieri māda-
 uit: sed potius adhiberi instrumēta Musi-
 ca, quæ præirent Maiori & urbis Senatui
 eius memoriā celebraturis: et sermonem
 ad populum quotannis haberi iubebat.
 Cōcionatori pro impēsa opera certā pe-
 cunię summā testamēto inscribens. Neq;
 uerò prætereundū hoc loco ab illis fuisse
 Vvardū illū pictorē, licet obscurū homi-
 nem, religionis tamē causa quā diligēter
 sequutus est, nō cōtēnendū. Neq; alios
 cōplures, quos certissimē cōstabat in ista
 rum partiū studio fuisse, et in alijs cōme-
 terijs per Cātabrigiā uel potius omne re-
 gnū conuiuiscere, nec tamen Missas suas
 cōtaminasse. Quos aut oēs quidē, quo-
 niā idem senserāt, exhumādos fuisse, aut
 oēs cū eadem religione potuisse dimitti:
 Nisi quid liceat, quid uerò nō liceat id es-
 set potestatis ipsorū p suo arbitratu edi-
 cere. In condēnatione uerò istorū Buce-
 ri uidelicet & Fagij, nimia illos crudeli-
 litate, nimia ui ufos fuisse. Vt cunq; enim
 constaret de doctrina Bucerī, de Fagio
 nihil habere ipsos de quo posset accu-

Vwardus pi-
 ctor plus.

De Fagio quod
 accusare nū-
 hil habuisse.

HISTORIA RESTITVT.

sari. Nihil illum scripsisse quod extabat, præter pauca quæ ex Hebræa aut Chaldaica lingua Latina fecerat. Post illius autem aduentum in hoc regnum, nec legisse, disputasse, aut concionatum fuisse, aut docuisse, & tam breui tempore reinteriisse, ut sanè nihil dum occasionis dederit, unde aduersarij accusationem in illum instituere possent, quem nunquam loquentem quicquam audiissent.

Quod uerò Bucerum tam capitaliter oderint, propter probatas Ecclesiasticorum hominum nuptias, sine causa susceptas ab illis inimicitias, & hanc ipsorum meram esse calumniam. Habere enim illum præter cætera istius causæ præsidia, testimonium Pñ secundi Papæ, qui alibi magnis de causis ablatas esse sacerdotibus suas uxores, sed maioribus restituendas fuisse dixit: Et edictum Cæsaris (Interim uocant) quo cauetur, ne qui ex ordine Ecclesiastico matrimonium contraxerunt, ab uxoribus separarentur. Atq; ab his ad Academiae ordines conuersus, ingratitude eorum, quam erga hos homines

Academia reprehenditur in
gratitudinis.

homines ostenderant, paucis uerbis re-
prehendit. Nam si Dominus ossa regis
Edom effossa & exusta, hominis impij Amos ij. cap. 3
licet, inulta non esse est passus (ut ait
Amos) certè piorum præconum suorum
iniuriam tam insignè impunè non feret.

Post etiã cum ueniret ad condemna-
tionem (quam diximus superiori actio-
ne à Perno Procancellatio, eorum nomi-
ne pronuntiãtam esse) paulò commoti-
or factus, admonet, quantum ipsorum
intererat, summã adhibere cautionem,
quid de quoq; suffragijs suis ad honores
& gradus Academiæ sumendos uel reij-
ciendos decernerent. Quod enim ab il-
lis auctoritatem sumeret apud reliquam
multitudinem, quæ propter opinionem
quam habebat de eorum doctrina, iudi-
cio, approbatione & scientia de illis be-
nè sentiret, præiudicij multum parere.
Fieri autem posse, si idoneis tantum ho-
minibus honores suos mandarent, &
indignos dimitterent, ut et Resp. ab illis
multum acciperet utilitatis & commo-
di, & præterea Deo quoque placerent.
Quod si minus curarent, & Rempub. il-

HISTORIA RESTITVT.

los grauissimè læsuros esse, & infamiam quoq; sibi iustissimè quidem contracturos: præterquam quòd diuinā Maiestatem grauiter offenderent, cuius edictum de non dicendo falso testimonio hoc facto suo uiolarent.

Interim dum ille hæc & alia multa sic diceret ad populum, multi ex Academia ornandi ac defendendi Buceri causa, uersibus partim Latinis, partim Græcis & Anglicis, templi parietes & aditum ex utraq; parte sepiebant: quibus animorum suorum erga utrumq; & Bucerum et Pagium, apertam significationem dabant. Finita demum concione, celebrantur publicæ preces, quibus cum gratias Deo inter cætera pro restituta tandem sincera ueraq; religione egissent, ab omnibus est discessum.

LITERAE ACAD
EMIAE CANTABRIGIEN
SIS, AD COMMISSARIOS RE
giæ Maiestatis, in causis
religionis.

Reue-

166
REVERENDISSIMO IN CHRISTO
patri ac Domino D. Matthæo Archiepiscopo Cantuariensi,
totius Angliæ primati, & reliquis sum-
mis Illustrissimæ Regine Com-
missarijs.



ITERAE VESTRAE DE
Bucero Sanctissimo homi-
ne, & planè diuino, dum ui-
xit, nunc autem beatissimo,
qui cum Deo ipso habitat, uehementer
gratæ acciderunt cuncto senatui nostro.
Id enim flagitauerunt à nobis, quod
summo studio, incredibili uoluntate, mi-
rifica frequentia, concursu, plausu, læti-
tia omnium perfectum est. Nam ut li-
teræ uestræ lectæ sunt, iniuriæ quæ à uo-
bis commemoratæ, quibus ille Vir ex-
cellens mortuus est uiolatus, omnes ad
eum honorandum inflammatis animis
statim exarsimus. Primūq; referebatur, ut
Bucerus Fagiusq; perditis illis & miseris
temporibus, quæ non ita pridem sunt
elapsa, improbè & sceleratè tractati, per
nos ea recuperarent, quæ tum nefarie illis
erepta fuerunt. Id omnes ordines appro-
barunt. Cōstitutus deinde dies quo, con-
cursus ad eos celebrandos fieret. Eo die
cuncta

HISTORIA RESTITVT.

cuncta se effudit Academia : desyderio
 talium uirorum, domus omnes exinani
 tæ: aderat prætor oppidanus cum suis:
 magna undique confluebat multitudo.
 Cum omnium animi essent erecti expe-
 ctatione, habita mox oratio est ex supe-
 riore loco, quæ Bucerī laudes, & Fagij,
 præstantes quæ uirtutes, querelam etiam
 superioris temporis complexa est. Deins
 de subsequuta concio, qua diuinitus de-
 monstratum est, huiusmodi hominum,
 quales illi fuerunt, memoriam, nullis hu-
 manis uiribus, nullis opibus, nulla calli-
 ditate opprimi et extinguī posse. Aditus
 templi circumfusus uersibus, quibus eo-
 rum uita omnis est expressa. O diem illū
 præclarum & honorificum huic Acade-
 miæ, quo tantorum hominum laudes li-
 bere prædicabātur, quo doctrina Bucerī
 sancta, sincera, pura, quæ plurimis eius
 scriptis cōsecrata extat, publicè declara-
 ta, et tacitis omnium iudicijs cōprobata
 est. Academia autē præstitit Bucero om-
 nia: nam et uiuū coluit, et mortuum sum-
 mo officio prosequuta est, quū publico
 luctu eius funus honestaret: legum deinceps

ceps et notatū, iā condecorauit ut potuit.
 Sed illius uiri existimatio lædi nō potest
 iniurijs: quo enim crudelius afflicta eius
 fama et uexata fuit, eo certè erit illustrior
 et cōmedatior hominū memorię sempi-
 ternę. Hoc in homine ornādo nihil pre-
 termiſſum est à nobis, eo die que uobis,
 supra posuimus ante oculos, summum q̃
 honore, qui à nobis proficisci posse uide-
 batur, excitati auctoritate uestra, per nos
 metipſos etiā paratissimi, illi debitū, nec
 satis magnum fuisse arbitrabamur. Sic
 enim & nostrę cupiditati eū illustrandi
 mortuū, à quo uiuo omnes getes accepe-
 runt summa beneficia: & uestris prætere-
 literis, in eam sententiā scriptis, fecimus
 satis. Deus amplitudinem uestram con-

seruet. Datum Cantabrigiæ,

è Senatu nostro, tertio

Nonas Augusti.

M. D. LV.

Vestri honoris cupientissimi,
 Procancellarius, & reli-
 quus noster Senatus.

ENCOMIASTICA
VARIA, CVM GRAECE
TVM LATINE CONSCRIPTA
in laudem restitutorum D.
Mart. Bucer, & Pauli
Fagij.

GVALTERI HADDONI LL. DOCTO
ris, & Reg. Maieſt. à ſupplicibus libellis, In ex
humationem et reſtitutionem ueneran
di Patris, D. Martini Bucer.

Ergo tuos cineres effodit dira tyrannis?
Credidit & nullos eſſe Bucere Deos?
Non ita: ſed Deus eſt ſummus uirtutis amator.
Et grauis admiſſi criminis ultor erit.
Prende Satan, iaculare minas, & concute dentes,
Nulla dies Chriſti ledere membra poteſt.
Triftia præclari flagrabant buſta Bucer,
Cum Satan igniuomo ſparſerat ore faces:
Sed Domini clemens extinxit dextera flammæ,
Atq; nouo cineres ſecit honore coli.
Sic pietas tandem uictrix ſuper æthera ſcandit,
Subijcit & Chriſto colla ſuperba Satan.

IN REDINTEGRATIO
NEM NOMINIS BUCERI IO
annis Freri D. medicinæ.

O uarias

O uarias hominum mentes, ô tempora, mores
 Proteas ô plusquam mobilis aura leues.
 Ut populus deamat, quod mox capitaliter odit?
 Ut nil perpetuò nos retinemus idem?
 Nam quem pro meritis prius hic super extulit astra,
 Vox eadem in stygias præcipitauit aquas.
 Turpiter hæreseos damnauit sacra docentem,
 Nec nisi de Domini fœdere rapta sui.
 Mortuus accitur præconis uoce, rebellem
 Quòd non compareret, ludicis ira probat.
 Hoc nec contenta est hominum furiosa libido,
 Quin etiam effodiens putre cadauer humo,
 Seuiter iniicit flammis (miserabile uisu)
 Censuit et summè se coluisse Deum.
 Hec ego crediderim manifesto numine gesta,
 Quo ueri et falsi regula certa forent.
 Altera pars seuit, patienter at altera suffert.
 Alterius scelus est, alteriusq; fides.
 Vi cogunt, geniti qui sunt humanitus omnes:
 Se pius haud uinclis uerberibusq; negat.
 Conseruata fides moriendo, religioni
 Incrementum addit, uictima grata Deo.
 O scitu res digna? furor dum dirigit ictum,
 Errat, et ignorans in sua damna ruit.
 Erroris uoluit tibi Bucer inurere sanam:
 Sed sic maiori nomen honore uiret,

Carmina

ENCOMIASTIC CARM.

Carmina multa tuæ peragunt præconia laudis,
 Coniunctis studiis funere scripta tuo.
 Obruet hæc annis nunquam spatiosa uetustas:
 Hinc uitæ integritas eminet alma tuæ.

In eundem Gulielmi Daſſ.

Et uita foelix, Bucere, ex morte fuisti:
 Et cœlum, gemina sorte beatus, habes.
 Quid uiuus poteras optare beatius unquam,
 Quàm uiua summum uoce docere Deum?
 Quid moriens? quàm (quod uiuus sæpe ante petisti)
 Vita quod hæc docuit, morte docere tua?
 Scilicet hæc superas iſti sortitus ad oras:
 Ut meritò ex omni parte beatus eas.
 Quàm fortunatus, qui, ne quid tale uideres,
 Qualia sunt mortem damna sequuta tuam,
 Omnibus ereptus curis, cœlestia scandis
 Sydera, supremas iussus adire domos.
 Sic ô sic iusti misero rapiuntur ab orbe,
 Ne uideat mœstos turba beata dies.
 Credimus interea, communi lege perisse:
 Nec dextram æterni cernimus esse Dei.
 Verum age, quantumuis modico claudare sepulchro,
 Parua nequit nomen testa tenere tuum.
 Quantumuis ferro flammaq; ferociat orbis,
 Non perit extructis gloria tanta rogis.

Maior

Maior agit Diuus, per quem, bis mortuus, auras
Emergis uiuus rursus ad aethereas.

Inunc, qui coelum ferri sine Numine dicis,
Noscere prudentem disce, Epicure, Deum.

Discite qui terras undis, qui tartara coelo
Miscetis, superi discite regna Dei.

Qui frigere facit flammās, ardere pruinas,
Quiq; etiam media uiuere morte facit.

Eiusdem in eundem.

Quæ cecinit tristes morienti Musa querelas,
Nunc eadem uiuo carmina læta canit.

Sed quid adhuc uiuum dico? bis mortuus auris
Numquid adhuc uiuus uesceris aethereis?

Non equidem: nec fata sinunt, ut corpore uiuas:
Mens est, qua semper parte superstes eris.

Quòd si post cineres mansisses uel leuis umbra:
Sensisset rapidos, uel leuis umbra, rogos,

Nempè manes non umbra leuis, nec subditus igni:
Verum Euangelij buccina clara Dei.

Sic uixisti, uiuesq; etiam Bucere superstes
Occasumq; ferent tempora nulla tuum.

Eiusdem in Bucerum & Fagium.

Bucero primas dedimus, tibi Paule secundas
En damus, Hebrææ gloria Paule scholæ.

Z Hoc non

ENCOMIASTICA CARM.

Hoc uno inferior Bucero Paule fuisti,
 Quòd prior extremum cernis adesse diem.
 Verum illo maior Bucero Paule fuisti,
 Quòd prior æterno es iussus adesse Deo.
 In reliquo similem duxistis tempore uitam,
 Ambo salutiferi buccina fida Dei.
 Ambo stelliferi sparsistis semina regni,
 Semina prouentu non caritura suo.
 Vnde utrumq; Deus magno dignatus honore,
 Vtrumq; ad superi transtulit astra poli.
 Et ne uestra queant communia fata putari,
 Qualia sunt, quæ nos, uulgus inane, ferunt:
 Mors postquam è uita solita uos lege tulisset,
 Restituit sacris ossa cremanda focis.
 Non ut confessi tantum, sed ut ultima passi
 Scandatis celsi sydera summa poli.
 Fœlices animæ, superas licet ijsitis ad oras,
 A nobis uestrum nomen abire nequit.
 Eximia semper uiuetis laude perennes,
 Quam canet Aonijs nostra Thaleia modis.

In eundem Antho. Girlingtoni.

Non uehemens animus, sed mens fera, ferrea, seuæ,
 Extincti famam quæ uiolare studet:
 Per scelus impurum qui lædit iura sepulchri,
 Abijcit ille hominem, suscipit ille feram.
 Inhumanis

Immanis parcit non nunquam bellua stratis:
 Sternitur, atq; iacet: quò furibunde ruis?
 Sed non interijt, sensu tum morte perempto:
 Iustorum certè uita perennis erit.
 Non sibi natus erat, sibi gratum cedere uita:
 Mors sibi, sed reliquis, commoda uita dedit.
 Excellens inerat pietas, diuinàq; uirtus,
 Vita grauis, constans, casta, probata bonis.
 Mens eadem rebus, uarijs infracta ruinis,
 Non elata bonis, omnia ferre potens.
 Fuderat assidue uiuens oracula sacra:
 Non sibi parcendum censuit esse seni.
 Iustus honos igitur uirtuti debita merces,
 Concio quem celebris leta hodierna dabit.

In eundem Alani Parr.

Flos manet Palma, neq; ledit aestus,
 Nec recedentis nocet umbra Solis,
 Quin suas affert sibi bruma gemmas
 Flore recenti.

Iuste, sic coram Domino uirescens
 Fama florebit tua Palma Christi es,
 Scuiat, quantum uelit, improborum
 Turba cruenta.

Viuit, haud ultrà moritur Bucerus:
 Viuit in Christo, licet impiorum

Fex, sacros eius uiolare manes
Non dubitarit.

Mente cum Christo fruitur perenni
Luce, nec possunt tenebræ nocere.
Sint Deo grates, tenebras abegit,
Luce fruamur.

In eundem Thomæ Penny.

Laudibus ecce uiget Buceri fama superstes,
Quam ferro & flammis, sceptro fulgente Maria,
Depopulaturi, strinxerunt arma Papistæ.
Ridiculis nimium flammis putrida ossa dederunt
Corporis extincti: stimulat sic ira furentes.
Tela tamen prohibente Deo iacit irrita liuor:
Stat pectus nullis odij uiolabile telis.
Authoremq; suum strauit retroacta sagitta.
Mortuus est mundo, genuit hanc Academia mortē.
Sed uiuit Christo, probat hanc Academia uitam.
Innocuus uixit, docuit pia dogmata Christi,
Confregit uiuens fulgentia cornua Papæ,
Romanum triplici monstrum quod latrat hiatu
Vertere terga (dei confisus numine) fecit.
Vixit & inuictus, uitam uictusq; profudit:
Semper in hac pugna uictis uictoria cedit.

Εἰς τὸν αὐτὸν τῷ Θωμᾷ
Τρενίερ.

Ω. Kara

Ω Κανταβριγιή ἐν πάντι τὸ θεομόρφωσα
 νῦν, ὅτι συμπάσῳ ἀείρεσθω σεύεσθαι.
 ἄθρει καὶ νόσι ὡς ἐλεήμων κύριε ὁ ἐσίμ,
 ἐν τῷ ἀφῆναι σοὶ πταίσματα πάντα σέθεν.
 δόγμασιρ ἀνθρώπων ἄλοισιρ ὅταν σε σάλευσαι
 εἰλικρίνη χρίσθω δώκε διδασκαλίαν.
 καὶ τὸν Βυκῆρομ ταύτην κηρύξ' ἐκέλευσε μ
 ἐν διηκηγορίαις, ἐντε βιβλοῖσι μεῖαις.
 ἀλλὰ σὺ μὲν κείνην ἄσεβῃ ὡς αἵρεσι μείλεις,
 ἦν γε σαφῶς ἐγνώσ' ἐμμεναί θεοτάτην.
 ὅμην παύτοκράτωρ σέ θεός συνωπώλεσε πάνπαν
 μάλλον πρὸς κρείττους ἀλλ' ἐφυλάξε χρόνους.
 αἰνέσομ πόλι λάμπρα θεόν, μηδ' ἠθέλ' ἀκῆμ
 ἡλθίωρ βυλῶρ, ἀλλ' ὑπάκκε θεῷ.

Εἰς τὸν αὐτὸν τοῦ Γνωριῖς Βλέθθ.

Βυκῆρομ μὲν ζῶντα θεός παρὰ δειγμὲ τίθει κε
 ἡμῖν φη ἀρετῆς πᾶσιρ, τέλ' ὁ δὲ χολώθεις
 αὐτὸν ἀφῆλ' ἐκ γῆς, βιὸν ἀθάνατόν τε δίδωκε,
 ἦν ἡ διδασκαλίη τε τροπὸς τε τοσούτος ἐκείνος,
 οἷον εἶδωκε θεός θνητοῖς οὐ πώποτε πᾶσιρ.
 ὡς τοίνυν ἔτι ζῶν ἡμῖν καλὰ πολλὰ παρῆχε,
 τίνο μιν (οὐ μὲν ἄλλος) λύγροι τὰ δίκαια θανόντι,
 ἀρκτὸς ῥωμαῖος μετὰ ταῦτα βρύχωρ τε βιάζωρ,
 τὸν ταφόν (ὡς ἀδίκως) αὐδρὸς γύμνωτε μᾶθόν,
 μῶρ οὐκ οἶδε θεὸς ταῦτ' ἢ ἐγὼ καὶ ἀποτίσσει

ENCOMIASTICA CARM.

τὸς υἱὸς Μωᾶβ τιμώρησ', οἱ κατέκαυσαν
 ὅσα σαβρὰ κακῇ ἰδρυμαίων βασιλῆϞ,
 εἰ δὲ κακοῖς θεὸς ἐκδικῇ ἡ, ἀγαθῶν ἀμελῶσαι;
 ἀλλ' ὅτω φανερῶς δειτὸς αἵματοπότῃαι,
 Βακχὴρ' τε πάλιν φημὴν παρὰ πᾶσι τελεῖσθαι,
 μάρτυρα καὶ χρίσθ, ἅμα ζῶντα θανόντα γινέσθ.

In eundem Guliel. Kingi.

Ecce, iterum pulsus oritur lux clara procellis,
 Aureus et medio ludit nunc Phœbus olympo:
 Tandem cesserunt melicri Regna sorori,
 Quo nihil esse potest nostro scælicius orbi.
 Ergo age, pro tantis laudemus numina donis:
 Solennes gratis oneremus uocibus aras.
 Rursus sacra Dei resonant præconia, rursus
 Ecce Euangelium nostras peruenit ad aures.
 Quodq; magis mirum est, ruptis redi uina sepulchris
 Se tollunt patulas putrefacta cadauera ad auras.
 Quanquàm quid falso putrefacta cadauera dico?
 Ecce iterum tremuli cineres in corpora surgunt:
 Bucerus Fagiusq; iterum se uiuere dicunt.
 Donec enim audiri poterit uox illa salutis
 Nuntia perpetua, illorum quoq; nomina uiuent.
 Frustra ignes uestros struitis, frustra arma mouetis,
 Spes tanta uestros metuunt nec tela, nec ignes:
 Quin tandem in ueras det sese Academia laudes

BUCERUM,

Bucerum, Fagiumq; suos agnoscat Alumnos,
 Accipiatq; sinu placido, siveatq; receptos,
 Se Matrem ostendat, nimium fuit illa Nouerca.
 Et nunc summe Deus similem fac ducere uitam,
 Ut simul hæredes celfo regnemus Olympo.

In eundem Edoardi Scoti.

Te, nisi communi prognatus lege fuisses,
 Indigne è nostro fata tulere sinu.
 Quippe tot ingenij cepisti à numine dotes,
 Dignus ut ingenio sis superesse tuo.
 Ergo si uix te tetricæ sine crimine Parcæ,
 Iusserunt lutea ponere corpus humo:
 Quon graue pondus habent sceleris, qui sancta sepulchro
 Non permiserunt membra iacere suo?
 Sed bene prospexit uobis qui sydera torquet:
 Inuidia authori semper obesse solet.


In eundem Thomæ Bingi.

Occideras Bucere semel, semel orbe relicto
 Iussus es ad superos ipse uenire Deos.
 Et fugis è terris, corpus mortale relinquis:
 Corpus humo tegitur, mens petit astra Poli.
 Fleuimus, & merito (quis enim tunc flere negaret?)
 Signa suæ mentis carmina quisq; dabat.

ENCOMIASTICA CARM.

Occideras iterum, cum dira & foeda Tyrannis
 Non fuit tumulo membra iacere tuo.
 Irruit in putridos artus, sensuq; carentes
 Sæuijt in cineres turba cruenta tuos.
 Tunc luxit miseram mœrens Academia cladem,
 Et dedit inuitos Musa coacta modos.
 Sed benè prouidit summi moderator Olympi,
 Altera mors laus est, altera uita fuit.

Dialogus, Germani & Angli,
 incerto authore.

Ger. Dic ubi Martini tumultus? An. Quid? fortè Buceri.
 Ger. Hunc ipsum quæro. A. quid dicā? proh pudor ingēs.
 Ger. Immanes illum foedarunt ecce Tyranni.
 In cineres sœuire solent? quis nam author et actor?
 Ang. Proditor en Patriæ Polus, quem Papa remisit
 Author erat sceleris; demensq; Datarius actor.
 Ger. Dic quibus adiuti? quid uestra Academia fecit?
 Ang. Nulla fuit, miseranda fuit, spoliata Magistro,
 Denudata bonis, indoctis plena Papistis.
 Hic sceleratus erat Scotus, hic & Christopher 
 Vanus Vuatsonus, κέρτς Colus, impia turba
 Isti ductores fuerant. Tu putride lunge
 Expertus flammam, debebas parcere flammæ.
 Bardus Bullocus, stulti cognatus Aselli,
 Atq; Papistarum turpis sentina malorum,

Ger. Quos Antichristus donauit uertice raso.
Hei mihi tu quæ monstra refers? nūc dicito quando?

Ang. Infandum est, hospes, memorare lugubria regnā,
Fœmina cum Papæ seruit Regina Tyranno,
Exule cum Christo nutans Ecclesia tota
Bestia cum sanctos urit spurcissima fratres,
Innocuoq; gemens cum aspersa est sanguine terra,
Cum mundus totus sentiret numina læsa.

Ger. Quomodo, dic, factū est? An. quin risum cõtine, dicā.
Templum suspensum, putrescens pixide monstrum
Inde exportatum, tum sedes facta superba
Occasum uersus (quid si non cernere cœlum
Vellent, et meminisse Deum ista ulturū aliquando)
Tanquam Dij picti, seu cassi mente sedebant,
Atq; peremptoria defunctum uoce citabant.

Ger. Apparet? An. uah qui poterat? uix ossa manebant:
Fustibus armati et gladijs pauca ossa cremabant.

Ger. Quid porro sequitur? An. cæcū monstrare furorem
Hij: populus ridere horum stultissima facta.
Fœlix culpa quidem, laus sic donata Buccro
Duplex: laus Martine tibi iam contigit indè,
Post mortem es fidei testis, sine sanguine Martyr:
Quodq; futurus eras, uitam si fata dedissent,
Hoc furor immanis, crudelis, dirus, et atrox,
Et scui in cineres tibi donant ecce Papistæ.

Quiescit in pace Ecclesiæ.

ENCOMIASTICA CARM.

In eundem Thomæ Ieffrei.

In sanctos seuit mundus, fera bella minatur.

Novit cum Christo uincere uera fides.

Bella gerit mundus tecum diuine Bucere,

Tu semper fidei numine tutus eras.

Nobilis ô fidei doctor, Christiq; minister,

Tu procul à mundo nunc super astra manes.

Τὸ αὐτὸ εἰς τὸν αὐτὸν.

Διδέτε δις μὲν εἰς, θεὸς ἑκδικῶν οἱ δὲ δικάζοντες·

ἐκ δὲ κακῶν σώζοντες, οἱ δὲ τὴν τῆς ὁσίως.

μήποτε βόκηρον ἔχομεν ψευδογόνου αὐτῶν

ἔχοντα αὐτοῦ ἔχει, καὶ φλὸν ἔχει ἑπύται.

In eundem Thomæ Noki.

Quid premis extinctum feritas Romana Bucerum?

Quid uomis in tantum, Roma, uenena uirum?

Aethereum cuius uirtus excelsa theatrum

Concutit, et uiui regia templa Dei.

Audet cum sacro Roma exturbare sepulchro?

Audet cum structis Roma cremare focis?

Quem Deus elegit, rabies Papistica torsit,

Quem rapuit uelox ignis, Olympus habet.

In eundem Ioan.

Tayleri.

Esse

Esse quid hoc dicam? Christus cui gaudia cœli
 Largitur, seuus Papa negavit humum.
 Regula sed uitæ fuerit si recta Bucerī,
 Putrida quid magni criminis ossa luunt?
 Quod si praua fuit Bucerī semita uitæ:
 Cur uocat hunc clemens in sua testā Deus?
 Iustus at est Dominus, superi regnator Olympi,
 Et iustus sanctos in sua templa trahit.
 Arguit iniustos Dominus nimis ergo Papistas:
 Quicomedunt iusti corpus & ossa uiri.

In eundem Thomæ Prestonī.

Inspecte Romulidum sanctissima dogmata patrum,
 Quosq; tulit primos inclita Roma duces:
 Heroum turbas quot produxere Mycenæ?
 Et quibus exultant Attica regna, uiros.
 Græcula Mæoniam collaudant regna pœsim
 Sola Demostheneos Attica regna sonos.
 Roma triumphali donauit fronde Maronem,
 Cedit, Io, Cicero lingua Latina tibi.
 Nos aciem, ô socij, patiemur hebescere nostram?
 Ibit & in luctus funere mersus honor?
 Tollite præcones, succingite carmine muros,
 Bucerī multo carmine uiuat apex.
 Vixit patricia plenus grauitate Senator,
 Illi successit gloria rara togæ.

Plaudite

ENCOMIASTICA CARM.

Plaudite densato palmas clamore togati
Omnes, & uarios insinuate iocos.
Viuat honor rapti ferali morte Bucerī,
Famaq; per nullos interitura dies.
Membraq; fatali miserè uiduata sepulchro
Ante tuos uiuant (Anglia clara) duces.

In eundem Hugonis Geruasij.

Stulte quid hostiles minitaris Papa secures?
Quidue ferox geminas uertis in arma manus?
Scis nos posse mori, uinci non posse probasti,
Dum cadimus, media uincere morte facis.
Vera solet damnis Ecclesia crescere: nam mors
Vnius multis uita fit atq; salus.
Prima morte parum, multò plus morte secunda
Cognita sunt populo nomina nostra Dei.
Quò magis accensis crescent incendia flammis,
Viuat eò nostrum nomen in orbe magis.

In eundem Thomæ Nandfi.

Si mihi quis dicat, uiuum consumere uiuos
Flammis, haud quidquàm res nouitatis habet.
Corpora namq; uorax ussit centena Bonerus
Viuida dum uiuus spiritus ora habuit!
Mortua si dicas ussisse cadauera uiuos,
Auribus haud nostris fabula rara foret.
Namq;

Namq; Dido, Minos, Ptolomæus, & Hercules olim
Mortua dicuntur membra dedisse rogis.
Ast mihi cum dicis monumenta relinquere patres
Defunctos, tumulum & deseruisse suum,
Viuida ut igniuomis consumant corpora flammis,
Quam dubius dubia uictito mente miser?
Vera tamen res est, pius ecce perambulat urbes
Bucerus, facit et Fagius illud idem.
Vindictam misera poscunt de gente supernam,
Et poscunt meritis præmia digna malis.
Illico Lethæus Papam iactabit in undas,
Et iacit, & miserum uiuida flamma rapit.
Illud conspiciens quæ turba Papistica mansit
Protinus, ô, cineres putrida & ossa petit.
Diruit è tumulo ficto doctorculus ore
Bis, bisq; hæreticos clamat esse uiros.
Curritur, inde parant flammis crepitantibus ignem,
Putrida uah rigidis ignibus ossa cremant.
Tum Deus omnipotens summo despexit olympo,
Missus & à cœlis ecce Bucerus adest.
Protinus et spurcum ueniens deiecit in ignem
Gardnerum, hunc sequitur Vuhitus alumnus ei.
Quid multa? innumeri ad uesana palatia ditis
Contendunt, nisi & his pœnituisse sat est.
Discite uos igitur reliqui de hac gente Papistæ,
Discite supremo concinuisse Deo.

Discite

ENCOMIASTICA CARM.

Discite dum placide ducatis stamina uitæ,
Indigni sceleris pœnituisse citò.
Ecce Bucerus adest, facilis uenit ecce Bucerus,
Flectite, nam Christo pœnituisse sat est.

In eundem Thomæ Latoni.

Non desistis adhuc laceratam tollere cristam
Gens toties multis exuperata modis?
Nunc desiste tamen, nunc herbam porrige tandem:
Cedere fac discas qui superare nequis.
Quæ tibi spes superest? agimus nos ecce triumphum:
Et fruimur præda quæ tua nuper erat.
Redditus est nobis, olim priuatus honore
Fœnore cum multo quem periisse putas.
Optima pars eius iamdudum sydera uicit:
Etherea iamdudum nempe Bucerus habet.
Magna suæq; capit uirtutis præmia magnæ,
Præmia, quæ nullo sunt peritura die.
Nulla dies abolere potest, mihi crede, Bucer
Famam, quæ uiuet semper in ore uirum.
Nulli nunc hostes, ignis, nec funera terrent,
Fulmina nullius uel maledicta timet.
Et quæ defuncto superest, hæc uiua per orbem
Fama uolat nullis interitura malis.

In eundem Thomæ Hatcheri.

German

Germanis Martine tuis, est nota Britannis,
 Omni nota solo fama Bucere tua.
 Te tua magnificis Germania laudibus effert,
 His dedit, et nunc dat terra Britanna pares.
 Omni nota solo, tua scripta Bucere leguntur,
 Que prohibent Dominum morte perire sum.

In eundem Richardi Bridgualteri.

O Deus omnipotens animis lux unica nostris,
 Magne Deus miseris una relicta salus:
 Qui mare, qui terras, liquidi qui sydera cœli,
 Struxisti proprio numine, sancte Deus,
 Qui tua supplicibus uenerantes nomina uotis
 Audis æthereæ, mitis, ab arce Poli:
 Supplicis exaudi te uerba precantia serui,
 Aspice (summe Pater) quas tibi fundo preces.
 Aspice nos homines, quos obruit undiq; pestis:
 Pestis atrox Satana, pestis acerba nimis.
 Aspice nos homines, quos diræ flamma gehennæ,
 Quos manet æterni numinis ira tui.
 Parce precor miseris errorum mole grauatis:
 Et scelerum pressis pondere parce precor.
 Da diuina Pater misera solatia menti,
 Et da conspectum posse uidere tuum.
 O concede tui cœlestia lumina uerbi
 Cernere, da Christi lumina uera tui.

Nam sc

ENCOMIASTICA CARM.

Nam satis in nostrum distenta est dextra cruorem,
 Si tibi sic uisum est, sæuijt ira satis.
 Quæ nisi iam cesset, nisi te reuocante quiescat,
 Quis quæso ex tanta clade superstes erit?
 Nempe salutiferi priuant nos lumine uerbi,
 Et ruit in damnum nescia turba suum.
 Deindè diabolicas pro uera luce tenebras,
 Proq; cibo infundunt mille uenena modis.
 Dant lapidem pro pane, tuo pro deniq; Christo,
 Vnica qui nobis est uia, uita, salus,
 Dant nobis asinum Babylonica sceptrâ ferentem,
 Qui clauos celsi iactat habere Poli.
 Dant monstrum, ô cunctis quàm formidabile terris,
 Qui septena suo cornua fronte gerit.
 Dantq; meretricem Barionæ sede superbam
 Quæ Satanae cyathis inficit omne genus.
 Quæ truncos, altare, crucem, sua numina, Missam,
 Non dubitat Christi præposuisse neci.
 Deniq; dant, toto qui regnat in orbe, Tyrannum,
 Nulla cui dominum regna tulere parem.
 Qui sua regna armis defendit ab hoste cruentis,
 Iuraq; flammiferis sanguinolenta rogis.
 Qui Christi seruos Stygias detrudit ad undas,
 Sic etenim meritos nescia turba putat.
 Iste Prophetarum, Deus ô supreme, tuorum
 Corpora sulphureis dat laceranda focis.
 Nec sâ

Nec satis est uiuos flammis uſiſſe nefandis :

Sed furit in truncos fulmine Papa ſuo.

Nam quod poſt quinos orbatum ſenſibus annos,

Manſerat effœta putre cadauer humo,

Ad flammâs rapiunt (ſic iuſſit curia Papæ)

Membra cremanda trahunt, diue Bucere, tuâ.

Oſſa trahit rigidos nimium crudelis ad ignes

Papa ſeris natus, Papa leone ſatus.

O deforme genus ſerpentum, ô ſecula dura,

O nimis excelſo monſtra inimica Deo.

Corpus quid meruit flamma crudeliter uſtum ?

An quia corpus erat, diue Bucere, tuum ?

Siccine Papa ſoles ſanctorum membra uirorum

Vrere, queis durus parcere Turca ſolet ?

Corpora concedit cæſorum inferre ſepulchris

In mentes noſtras Ethnicus arma ferens.

Papa tamen, ſamulis Chriſti ſæuiſſimus hoſtis,

ſæuit in extinctas, non ſatiandus, oues.

Sic lupus iſte uorax, urſus, leo, uipera, ſerpens,

Seducit populum, Chriſte ſupreme, tuum.

Sic terræ dominos, Satrapas, Regesq; Ducesq;

Subdidit ad uiles hydra ſuperba pedes.

Cæſareumq; caput pedibus ſuppreſſit auaris,

Subiecitq; ſuo colla tremenda iugo.

Se ſeruum uocitans, ſolus Rex, atq; monarcha

Vult eſſe, & Latia Cæſar in arce potens.

ENCOMIASTICA C ARM

Papa cupit dici toto uenerabilis æuo,
 Alter & in terris expetit esse Deus.
Quid? uult esse Deus? uel fortè potentior illo,
 Quantumuis Satanas sit tibi, Papa, pater.
O monstrum, ô uasti teterrima bellua mundi,
 Qui Christi meritis detrahis ipse tibi.
Hæc ne supreme Deus cernis? sic cernis inultus?
 An tua sacrilegus Papa trophæa feret?
Hunc cine sanctorum patieris sanguine lætum
 Sæuire in populum semper (inulte) tuum?
 Cum ferus incautum mactasset Cainus Abelem,
 Senferat admissio præmia digna suo.
Isabel in sanctos nimium bacchata Prophetas,
 Occubuit canibus dilacerata suis.
Atq; tui Christi, domini (proh numina) nostri,
 Iusta in carnifices sæuijt ira satis.
Deniq; quæq; suum comitata est poena tyrannum,
 Hiccine Romanus rabula liber erit?
Mortua Martini qui traxit membra Bucerij
 Sæuus ad arduos dilanianda focos,
Liber erit? non liber erit: nam iusta tonantis
 Ira manet iugulum Papa superbe tuum.
Sic pater omnipotens iustus, iudexq; paterq;
 Iudicio hunc, illum mitis amore colis.
Ignem nempe tuo compensas igne furentem
 Ensis & exhausti sanguinis ultor erit.
 Deniq;

Deniq; quisq; sua merito iugulatur ab hasta,
Sic sunt magnifici facta stupenda Dei.
Nuper id expertus noster Vulcanius Heros
Sensit uindictam, Christe supreme, tuam.
Vltus enim Deus es crudeles fortiter hostes:
Qui crucianda dabant corpora nostra rogis.
Destructa est Babylon regalibus inclyta muris:
Et redit ad cineres Roma superba suos.
Extincta est proprijs meretrix infanda uenenis,
Flammifer atq; suo fulmine Papa perit.
Exulat è nostro minitans sua sulphura regno,
Libera Romano est Anglica terra iugo.
Ruptaq; sunt letis Papalia iura triumphis
Hæc fecit magni dextera magna Dei.
Dextera magna Dei nostro perfusa cruore
Accessit nostris, sola medela, malis.
Restituit ueri cœlestia lumina uerbi,
Restituit Christi lumina uera sui.
Reddidit antiquo Buceri membra trophæo,
Mortua sulphureis membra cremata rogis.
Sed non membra dedit: Quis enim collegit adusta?
Sed quasi membra dedit (diue Bucere) tua.
Ossa quasi antiquo tua sunt illata sepulchro,
Et tanquam cineres continet urna tuos.
Ossa cremauit enim rigidißima flamma Papalis,
Et cineres rapidi præda Aquilonis erant.

ENCOMIASTICA CARM.

Et tamen haud totum consumpsit flamma Bucerum,
Nec potuit talem perdere sola uirum.
Membra minutatim sed edebant mortua uermes,
Terra sinu extinctum dum premit arcta suo.
Sic tria syncerum capiunt elementa Bucerum,
Terra, & flamma uorax, æthereusq; locus.
Terra tegit carnem, terrenis uermibus escam,
Ossaq; sulphureis ignibus usta iacent.
Deniq; mens (totus qua constat parte Bucerus)
Viuit in Angelicis sanctificata choris.
Ergo Deus qui sceptrā tenes sublimia cœli,
Sub cuius pedibus subdita terra iacet :
Da nobis animum penitus super omnia gratum,
Da sancti memores numinis esse tui.
Viuifica nobis ex uno mille Buceros,
Qui pascant agnos (optime Christe) tuos.

In eundem Guliel. Vuichani.

O uanas hominum mentes, ô pectora cæca,
Esse decet uasfræ sic te Cantabria mentis,
Vt nostræ linquens ueteris præconia laudis,
Carminibus nigrum nunc detrudamur in orcum?
Siccine te sacrum decuit uiolare sepulchrum?
Et lacerum rigidos corpus demittere in ignem?
Peruigilis nostri merces hæc summa laboris?
Sic satis enixè diuina uolumina uatum

Lectā

Lecta scholis quondam ferro, flammaq; rependis?
Ast moriens tua gemma uocor, Pastorq; fidelis
Diuini uerbi, puræ piæ regula uitæ.
Frendere sed postquam per regna Britannica cœpit
Turba Papiſtarum, rapidasq; accendere flammæ,
In medijs lucet tum gemma Britannica flammis:
Tum nimis infœlix paſtor, tum ſciſmatis author,
Hæreſiarcha uocor, curuataq; ſemita uitæ.
Nec ſolus plector, mecum ſed putrida Pauli
Oſſa traho Fagij flammæ tradenda uoraci.
Nec Cranmere pater, quæ te ſeruauit ab orco
In Chriſto ſyncera fides, ſeruauit ab igne.
Ridleium ſcriptura rogo dedit eſſe cremandum,
Siccine diſcipulis ſas eſt nocuiſſe magiſtram?
Si quicquam annorum ſeries ueneranda ualeret,
Te tutata eſſet canens, Latimere, ſenectus.
Ardua quem ſanctæ delectet ſemita uitæ?
Bradfordo nocet eſſe pium, nocet eſſe fidelem
Diuini uerbi (uis heu inſana) miniſtrum.
In natos tenoræm decet hæc inſania matrem?
Crudelis mater, quæ (ſacra ut pagina monſtrat)
Mollia præteneri partiret membra puelli,
Terra ſagittipotens, crudelis tu quoq; mater,
Exclamat ſanguis numeroſe prolis aduſtæ.
Paſtores mactaſſe iuuat ſic, Anglia, ſanctos?
Ah miſera, illorum ſancto te ſaguine paſces

ENCOMIASTICA CARM.

Qui tibi diuini donarunt pabula uerbi?
 Quanam ingrata magis, quanam magis inuida tellus?
 Qui te per Christi fecerunt uiuere uerbum,
 Qui tua cum Christi iunxerunt corpore membra,
 Horum tu flammæ das membra cremanda uorari?
 Heccine dannosi sunt iussa cruenta Papatus?
 Præ lachrymis nostra en tremulis uox faucibus hæret,
 Et querulam impediunt suspiria crebra loquelam.
 Anglia nunc tandem (quod te resipiscere cerno
 Et rursum amplecti latissima nuncia Christi)
 En, ne cedere rogo, ferro ne cæde Papali:
 Fortiter at summo discas insistere Christo:
 Nam fœlix quicumq; suis requiescit in ulmis.
 Ille Deus, Ionam monstri qui duxit ab aluo,
 Ille Papistarum confringet numine fastus:
 Ille tibi auxilium, cum flammifer ingruet hostis
 Adferet, ille tibi tribuet dextramq; fidemq;.
 Anglia nunc igitur longis erroribus acta,
 Te reducem fecisse Deum, persoluito grates.
 Nunc etenim Patrem, terramq; polumq; regentem,
 En tibi concessa est libertas uera precandi,
 Flammea romulei restinxit spicula Papæ.
 O Deus altitonans, mundi melioris origo,
 Exaudi uoces ad te (Pater alme) precantum,
 Ipse tuæ sis quæso uie fidißimus index,
 Ne nos humane uitient fermenta loquela.

Sint

Sint procul à populo latij deliria Papæ.
 Diuino sancti radiemur lumine uerbi:
 Vt tua lux nostras abstergat clara tenebras,
 Nostra tuis radijs sic intima corda calefant:
 Vt perfecta tua noscamus fœdera legis.
 Hec pater exaudi pro Christi nomine uota,
 Omnia quem laudant omnes per secula gentes.

Eiusdem in eundem.

Laudem'ne? an lachrymem tua tristia fata, Bucere?
 Nobis sunt sanè tristia, leta tibi.
 Te nobis lachrymo, fœlix Bucere, reuulsione:
 Gratulor annexum te tamen esse Deo.
 Funus idem unius letum est, & triste, Buceri,
 Ipsa tamen maius gaudia pondus habent.
 Non tibi, sed nobis moreris, Martine: beatus
 Qui moritur mundo, uiuat ut ille Deo.
 Fert bona sincere tua mors tibi præmia uite,
 Vox magis at nobis præmia uiuæ tulit.
 Fortunatus eras: nam ne mala nostra uideres,
 Rupta prius uite fila fuere tuæ.
 Est igitur lugere nefas tua fata Bucere,
 Tendis enim ad summi tecta beata Dei.

Eiusdem in Paulum Fagium.

Dulcibus ut Christi Fagius requiescat in ulnis,
 Sustulit è terris in sua tecta Deus,

122 ENCOMIASTICA CARM.

Papa, quia ut sanctus superas migravit ad oras,
 In terris tumulto non dedit esse locum.
 Flammea sed primam sequitur mors altera mortem,
 Quodq; erat in terris, id datur omne rogis.
 Morte sed ex gemina duplex en uita resurgit:
 Altera dat terris, altera adesse Deo.
 Mens agit in summis, licet usto corpore, cœlis,
 Viuere nobiscum uiuida fama facit.
 Esse quid hoc dicam? certè est mirabile dictu,
 Interimunt unum, non duo fata, uirum.
 Aspera nonnullis uitam mors abstulit una,
 Nil Fugio mortis spicula bina nocent.
 Sic sanctis Dominus medijs dat uiuere flammis:
 Sic sancta iustus uiuet adusq; fide.

In eundem Rogeri Brounei.

Vna probum, reprobumq; manet mors certa sepulchro,
 Nec referet posito funere præstet uter.
 Hoc tamen intererit: reprobi post fata recedunt
 Nomina uisceribus contumulata suis.
 At cuiusq; probi remanent post funera laudes,
 Et solidæ duro stant adamante magis.
 Ille uel unius deletur pondere glebæ,
 Nulla nocet gleba huic, nulla fauilla rogi.
 Illum fama simul chara cum luce relinquit,
 Fama probò, uitæ, lucis & instar erit.
 O quam

O quàm mille tulit Cantabria corpora lætho,
 Quorum posteritas nomina nulla tenet?
 En, tulit illa duos tantummodo, nempe Bucerum,
 Et Fagium, quorum uita quadrata fuit.
 Quos nunc, ut nuper, subitæ data corpora morti,
 Lugeat, in dubio est, laudet an illa magis.
 Luget ut amissos, quales uix nostra tulerunt
 Tempora, uix quales secla priora uiros.
 Laudat ut eximios uitæ morumq; magistros,
 Vt quos sana fides, relligioq; beat.
 Non gemit exustos. O fortia pectora bello
 En pugnam, cum sint puluis et ossa, mouent.
 At uiuis, Bucere, ferunt: sum uera loquutus,
 An tua cum Fagio cuncta cremata iacent?
 Viuitis, et famæ uiuos uos fata reseruant,
 Perpetuoq; iubent, his superesse modis.

In eundem Roberti Sparchi.

Quis furor hic? cur arma tibi tua suggerit ira,
 Anglia? cur sæuas parturit ira minas?
 Bilis cur doctos animos exulcerat atra?
 Quis tibi succensas suggerit arma faces?
 Insignes pietate uiros cur mittis in ignem?
 Quidq; iuuat rapidis ossa cremare rogis?
 Nil sentit, metuit nec uulnera dira, cadauer,
 Omnis ab exangui corpore sensus abest.

ENCOMIASTICA CARM.

Quis furit in manes? ne crudelissimus hostis:

Abstinet occisis et lupus ipse feris.

Hostis defuncto parcat, fera bestia parcat,

Nec fera defunctis, nec negat hostis humum.

Nos homines Christo nati, Christoq; dicati,

Vincimus immanes, heu, feritate lupos.

Nostris tellurem, nostrisq; sepulchra negamus.

Commissa o utinam non grauiora forent.

Effodimus tumulos, laceramus mortua membra,

Quam dedit extinctis terra, negamus humum.

Cetera erant tellus, uix nunc dura ossa manebant,

Dura damus rapidis ossa uoranda focis.

Que Cantabrigiam tenuit dementia? quondam

Altrix quæ studij, nunc inimica fuit.

Demone quo tantum facinus permota patraſti?

Pectoribus doctis tanta ne bilis inest?

Illos, qui de te quondam pars magna fuerunt,

Qui istos defunctos dilaniare potes?

Exulat alma fides? sic sic ingrata rependis?

Sic æqua es? meritis fors uenit ista bonis?

Offusas oculis tenebras ut pellere possent,

Infererent natis semina uera tuis.

Hos nec iter longum uetuit, nec certa pericla,

Nec metus inmensi terruit oceani,

Tu uerò requiem fessis ingrata negasti,

Hancine mercedem soluis iniqua tuis?

Nec sic

Nec sic immitis tandem defert buit ira,
Non capit hæc ullum dira libido modum.
Exuris libros, prohibes monumenta manere,
Queq; dabant lucem, luce carere iubes.
Que uos ô docti tenuit dementia? lucem
Illatis tenebris quid prohibere iuuat?
Ex imis plebem tenebris emergere nunquam
Vultis? dux cæco cæcus, uterq; cadit.
Quid dixi uultis? ualidis uos cogitis armis,
Inuitos ferro cogitis, ense, focis:
Nostra queant nitidum ne cernere lumina solem,
Qui nunc ostenso, lucet in orbe, die.
At ui quid tandem, seu a quid morte potestis?
Ignem pro domino passus uterq; suo est.
Auxistis laudes, auxistis præmia, quantum
Vobis et uestris debet uterq; focis?
Defunctis sobolem medio peperistis in igne,
Fertilior damnis fit seges ista suis.
Cur effossus eras Fagi? cur traditus igni?
Cur euulsus eras sede, Bucere, tua?
Quòd Christum puro docuistis pectore, soli
A uobis Domino quòd tribuatur honor.
Sacris scripturis animus quòd uester adhæsit,
Quodq; iubebatis his adhibere fidem.
Quòd gratis fieri nos saluos sanguine Christi
Afferitis, soli cui tribuenda salus:

Cui uis

ENCOMIASTICA CARM.

Cui uita est omnis sanctorum accepta ferenda,
 Cum non sit nostro parta labore salus.
 Sola fides saluos nos reddit sanguine Christi,
 Hoc quia contendis, membra (Bucere) cremant.
 Pontificis nugas quoniam explosistis: & illud,
 Deponi, ut deceat, tam graue posse iugum.
 Syncere Christi quod corpus cuiq; docetis
 Sumendum uera saluificaq; fide.
 Quod nota lingua scribi sacra dicta iubetis,
 Arcentes nullum ne sacra scripta legat.
 Supremum Papæ quod non donatis honorem,
 Qui solium primum, qui loca prima petit.
 Hinc uos effossi, uestra hinc uiduata sepulchro,
 Hinc lacerant sæuis putrida membra rogis.
 Sed uos sælices & uita & morte fuistis,
 Vtraq; uos seruos arguit esse Dei.
 Eximias uestras laudes abolere uetustas,
 Nulla nec illius Dæmonis ira potest.
 Tollere conata est, sed frustra tollere tentat,
 Numine filiolos auxiliante suos.
 Ergo uester honor uiget, æternumq; uigebit,
 Tempore nec tacito fama perire potest.
 Excepti cœlo, uestigia uestra manebunt,
 Donec erunt rutilo sydera fixa polo.

Im eundem Iacobi Coli.

Anglia

Anglia, quæ quondam uera sub lege tenebas,
 Lucis patronos, quo dominante furis?
 Busta (quis hoc credat) consumpta putredine feda
 Vastis mandabas dilananda rogis.
 Nec requiescis eò, donec monumenta reclament,
 Oppressis natis, dira nouerca, tuis.
 Hic mercedis honos, operisque hæc meta fidelis,
 Qui tibi, sic merita, seruiet ullus erit?
 Gemma tibi quondam fuit ô Cantabria tellus,
 Bucerus, diues munere quippè Dei.
 Donec uita fuit, stabantq; in corpore uires,
 Florebat gentis spesq; decusq; tuæ.
 Hunc docti coluere patres, sanctusq; senatus,
 Authorem studijs præposuere suis.
 O dilecte Deo diuino numine plene,
 O fons iustitiæ, religionis amor.
 Fœlicem cursu cœperunt te astra peractos,
 Teq; Dei sanctis cœlica turba beat.
 Illic parta quies, ibi curæ finis acerbæ,
 Celsaq; perpetuis perstrepat æthra metris.

In eundem Thomæ Teyzi.

Gens inimica Deo, furis agitata, Bucer
 Condita terrena membra cremauit, humo.
 Fama per immensum cuius uolitauerat orbem,
 Cui sincera fides, religioq; fuit.

Huius

ENCOMIASTICA CARM.

Huius ego eximium (quoniam iam fama reuixit)
 Carmine quo possim, nomen ad astra feram.
 Vir fuit haud dubie iustus, diuinitus atq;
 Edoctus, populo dogmata sacra dedit.
 Non hominum ritus, non ille insomnia Pape,
 Sed docuit Christi dicta sacrata sequi.
 Plaudite uos igitur, quorum est uelut omnia Christus,
 Quod non Bucerī fama sepulta iacet.

In eundem Rubini Shyrwoodi.

I to latiferis gaudens plebs cincta coronis,
 N ullo latitiam depositura die.
 L audibus ad cœlos sacrum deserto Bucerum,
 A ěre sydereum uox petat acta Polum.
 V irtus florescit, toto lux orbe renidet,
 D at Christus populis aurea secla suis.
 E n quondam oppressi probitas uiget alma Bucerī,
 M artini claret fama decusq; tui.
 B uceri suprema ferit laus culmina cœli,
 V ndiq; Martini laus generosa sonat.
 C rudelis tandem est rabies compressa ferarum,
 E t minus est solito plebs onerata iugo:
 R ectaq; nunc ratio populo ratione carenti
 I nditur, et uerus religionis amor.
 C haram igitur Christo geminam fidumq; ministrum
 A mplexu foueas (terra Britannia) tuo.

Respi-

R espice uirtutis fontem, riuumq; fluentem,
M artinum toto corde (Britanne) tuo.
E xue sollicitæ demum suspiria mentis,
N e reddant solitos pectora mœsta sonos.
R espue tristitiam, mentis pete limen ouantis,
V t uigeat solito gemma Britanna loco.
D ilue mœsticiam, uiget orbis gemma Bucerus,
E xue tristitiam, gemmma Britanna uiget.

In eundem Nicolai Aylandi.

Ergò cadet prorsus Bucer gloria nostri?
 Atq; honor æthereos dignus adire Deos?
 Doctrinæ eximium specimen morietur? & eius
 Gloria lethæis mersa peribit aquis?
 Absit, & unda prius det flammæ, flammæ det undas,
 Et mutant cursum flumina curua suum.
 Nam te sic pietas laudauit, gratia, uirtus,
 Laudarunt nomen cætera dona tuum.
 Vt non ulla dies, non ulla abolere uetustas
 Possit, & hoc nomen tollere ab orbe tuum.
 Nam quò fama magis mundo periisse uidetur,
 Hoc magis ad superos tollitur illa Deos.
 Nec tibi dedecoris tantum tuus ignis inussit,
 Nec tibi tam uitio cesserat illa dies:
 Ista dies quantum meriti tibi donat honoris,
 Quæ sonat in laudes cæmine tota tuas.
 Dignus

ENCOMIASTICA CARM.

Dignus eras: cuius reliquis sic fama præbat,
 Vincitur ut claro nox tenebrosa die.
 Publicares per te uiguit, doctrina refulsit,
 Defensor ueræ religionis eras.
 Ergo sepulturam potuit tibi turba negare?
 Et potuit structis ossa cremare rogis?
 Heccine tantorum est merces Bucere laborum?
 Heccine sunt factis præmia digna tuis?
 O duros homines, o plusquam ferrea corda,
 O nimium plenâs impietate ferâs.
 At tibi defuncto nihil hæc tormenta nocebant,
 Nil rogis accensus, nil tibi structa pyra.
 Nam tua fama uiget totum cantata per orbem,
 Quò magis obsistunt, emicat illa magis.

In eundem Hugonis Blythi.

Excepit quondam patria tellure profectum
 Anglica te gremio terra (Bucere) suo.
 Teq; eadem tellus et amauit, et oderat olim.
 Viuus eras hospes, mortuus hostis eras.
 Nam simul lac fratris cesserunt regna sorori,
 Illa negauit humum, quam dedit ille tibi.
 Et clausum (horresco refrens) aperire sepulchrum
 Ausa est, et manes sollicitare tuos.
 Vrite clamauit, crepitantibus urite flammis,
 Inuisi nobis mortua membra senis.

Non

Non mors una uni satis est, mors altera uenit,
 Mutat & in cinerem, quod fuit ante lutum.
 O crudele scelus, quid in hospite Regia Princeps
 Sæuis? quid sceleris putre cadauer habet?
 Desine crudelis, manes turbare silentes;
 Desine, nil meritò tale, nocere uiro.
 Sed meliora Deus (Deus æquus) tempora misit,
 Tempora dedecoris, tempora laudis habes.
 Nam modò crudeles passus post funera flammæ
 Viuis, & hac uita nobile nomen habes.
 Tu Búcere tua iam nunc uirtute beatus,
 Sydera pro terris, regia tecta petis.
 Cum pietate tua morum certauit honestas,
 Et doctrina pijs moribus æqua fuit.
 Doctrinæ tu lumen eras, uitæq; magister,
 Tu, tu, uel nullus, uiuere dignus eras.
 Tu Bucerus eras, quem uasti machina mundi
 Laudat, quem saluum terra Britannia uelit.
 Sole coloratos tua fama uagatur ad Indos,
 Atq; tuum sentit Roma superba decus.
 Deniq; nulla tuas nesciuit natio laudes,
 Deniq; terra tuo nomine plena fuit.
 Indeuitalis sed quod mors certa sagittis
 Percutiens te, te non finit esse super.
 En pullas gerimus uestes, & corpora planctu
 Tundimus, & lachrymis immaduere genæ.

ENCOMIASTICA CARM.

En lachrymis omnes per mœsta cadentibus ora

Deflemus structos (fata secunda) rogos.

Sed brevis ut longum claudat sententia carmen,

Hæc uerba ex animo scripta putate meo.

Quicumq; ad nostros deflectunt lumina uersus,

Vnanimi dicant uoce, Buceræ uale.

Eiusdem in Paulum Fagium;

Carmen absolui, meritumq; magnas,

Laudibus paruis cecini Bucerum:

Dumq; defessæ cupio Camænæ

Ponere finem.

Paulus exactos Fagius labores

Inijcit, Paulus Fagius remotis

Partibus terræ pietate notus,

Atq; superstes.

Quem, quod immites rapuere Parcæ,

Lugeat Pontus, lachrymetq; tellus,

Atq; tu semper tumidos profunde

Anglia planctus.

Abrahami Hartuelli in eundem.

Interlocutores Academiæ, Bucerus.

Heu lachrymæ desunt oculis, & uerba palato,

Et iuuat abruptis exululare modis.

Acad. Quid querar, heu, tanta serie calcata malorum,

Vulnera, me miseram, non coitura dolent.

Sic ne repentinis agitur uita procellis?

Et ce

Et celeri præceps cardine pulsaruit?
 Sic ne mihi miseræ duo pignora curia cœli
 Invidit? matri pignora chara suæ?
 Me miseram, binæ prolis quæ funera uidi,
 Fausta modò mater, nunc sine prole fleo.
 Te mea dicta petunt (ô mors seuissima rerum)
 Quæ geris ultrici ferrea sceptrâ manu,
 Tu patris & nati dulcissima fœdera rumpis;
 Heu auidos nimium Styx habet ima deos.
 Cur non maternis securus Paulus in ulnis
 Vixit? in innocuos cur tua tela iacis?
 Quis te turbo sinu nostro, quæ tela fugarunt
 Bucere? amplexus digne subire meos.
 En quem quæris adest: adsum charissima mater,
 Adsum tristitiæ sola medela tuæ.
 Vnde hæc, ô fili, macies & squallida tabes?
 Vnde oro uultus pallida forma tui?
 Vera hæc est facies? an ludis imagine uana?
 Dic mihi, dic matri quem cupis? unde uenis?
 Cœlica me uestris misit pulsata querelis
 Turba, tuus lateat ne sine teste dolor.
 Elysius colitur mihi campus, & atria cœli,
 Semper ubi uerno flore superbit ager.
 Sed tua quid iustam lacerant conuicia mortem?
 Voce quid immuni fata cruenta uocas?
 Quid mors ista ferat, quid fata nouissima nescis,
 Quò magis occidis, me magis inde beas.

Buc.

Acad.

Buc.

ENCOMIASTICA CARM.

Tum cum uita fugit carnis compage soluta,
 Tunc homo tunc primum desinit esse miser.
 Vita nihil nisi mors, mors est suauissima uita:
 Mors hæc fit uita fons et origo mea.

Quid talem defles genitrix pulcherrima mortem?
 Illo, illo ex riuo coelica uita fluit.

Acad. Vera ne quæ narras? quàm sint uerissima uellem?

Si quoque sunt, rebus gratulor ipsa tuis.
 Sed flet adhuc animus maiori saucius ictu:
 Altius hoc mea mens uulnere uulnus habet.

Ferrea uos postquam rapuit sententia fati,
 Morsque oculos telo clausit iniqua suo.

Non tibi sacra fides, pietas non profuit illi,
 Heu nocuit pietas, obfuit alma fides.

An non uestra fides olim sine labe refulsit?
 Punita est flamma uindice uestra fides.

Quid pietate fuit toto testatius orbi?
 Spectata est rapidis hæc tamen ipsa rogis.

Buc. Hic uirtutis honos? merces hæc digna labore?

Proh dolor, hæc pietas præmia sæpe tulit.
 Quid pietas ultra? quid uirtus proderit ulli?

Quid ue fides? ipsa est poena reperta fide.
 O coecas hominum mentes, o pectora dura,

O ætas centum digna subire neces.

Est aliqua ingratos homines taxare uoluptas,
 Hæc ego de nobis gaudia sola feram.

Sed

Sed quorsum furor hic? quin risus capto solutos?

Factaq; festiuis insequor ista iocis?

Sic ne in defunctum decuit scire cadauer?

O ætas centum digna subire neces.

Sic pelle in uacua decuit lassare lupatos?

O ætas centum digna subire neces.

Sic fidei iusta mercedem lance rependis?

Profuit esse malos, & nocet esse pios?

Ast ego quin abeo? & funestas desero sedes?

Et repeto celeri cœlica regna pede?

Siste pedem fili: quid deseris oscula matris?

Hæc cape, quæ fido pectore uerba loquor.

Sæuo quid dicis populo? num dira precaris?

Dic mihi, quæ meritis præmia digna refers.

Non extincta solent incendia sumere uires,

Et mora dilatis maxima damna feret.

Absit ut infaustum mea uox pandatur in omen,

Fausta precor, meritis & meliora suis.

Istam ne foueas mater dulcissima curam,

Pectore (si quid inest) excidat ira tuo.

Nil mihi quæ rapido gestat sub pectore uulpes,

Nil liuor nocuit, nil malefida cohors.

Claresco inuidia, nil ergo turba bilinguis,

Nil liuor nocuit, nil malefida cohors.

In eundem Ioannis Forcetti.

745 ENCOMIASTICA CARM.

Exue Musa situm longo sopita ueterno,
 Praeceptis in lucem ne sine luce ruas.
 Erige truncatum mortis feritate Bucerum,
 Ut fluat è latebris gloria multa suis.
 Ut sua funesto laus suffocata tumultu,
 Omne iam tollat dexteriore caput.
 O igitur dubias, Academia, tolle querelas,
 Et sensu tanti uiuat imago senis.
 Aurea consilijs armatum Roma Catonem
 Extulit: & sanctos Attica turba Patres.
 Nostra situ torpens Academia muta quiescet?
 Defraudans tantum nobilitate senem.
 Vnanimes potius distendite carmine neruos:
 Venit enim studio fama, laboris apex.
 Ille feros uiuus toties exterruit hostes,
 Ille tulit ueri dogmata sacra Dei.
 Ille cruoribibos uicit grauitate tyrannos
 Bucerus, patriæ gloria tanta suæ.
 Hic Christi pauit uerbi dulcedine sponsam,
 Præbuit & sacro pura alimenta gregi.
 Romæ sacrilegos damnans acerrimus usus,
 Sustulit è putri balsama grata fimo.
 Incipit inuisus Latio hinc primum esse tyranno,
 Illiusq; hæc est unica causa mali.
 Huus, ego expediam paucis, tristissima fata,
 Tristia non illi, sed magè Papa tibi.

Horrescit

Horrescit, quamuis animus luctuq; refugit,
 Corporis & quamuis undiq; uena fricat.
 Ossa senis chari lacero nudata sepulchro,
 More cruentorum diripuerunt canum.
 Quæ sopita diu terræ iacuere theatro,
 Turpiter accensis imposuere focis.
 O hominum rabies cæcis fuscata tenebris,
 O pietas tantis non benefida uiris.
 Vos tamen, ô, longa mulctati strage, Britanni,
 Nuncia grati animi fundite uerba Deo.
 Quod postliminio reuirescens fama Buceri
 Ipsius unâ etiam nunc pia scripta ferat.

In eundem Ioannis Neudegati.

Siue Martinum celebres Bucerum,
 Siue quis, Paulum Fagium decoris
 Laudibus tollat super alta celsi
 Sydera cæli.
 Fertilis nunquam deerit Camœna,
 Diues & nunquam deerit canenti
 Vena, Martini, Fagijq; ueras
 Carmine laudes.

Hic fuit uera pietate plenus,
 Ille suffultus bonitate patris,
 Vera prædixit populo Britanno
 Dogmata Christi.

ENCOMIASTICA CARM.

Hic lupum à sacris stabulis abarcens,
Legit errantes ouium cateruas,
Et greges sparsos reuocans, ouile

Duxit in unum.

Alter, ignaros homines docebat.
Et uiam ad coeli patefecit oras,
Quòq; feralis fugiatur imæ

Pœnæ gehennæ.

Hos tamen Papæ famuli nefandi,
Qui sacrum semper sitiunt cruorem,
Sicut infandos homines canino

Dente remordent.

Dente, quid dixi, lacerant canino?
Immò, cum corpus foret in sepulchro,
Et lapis grandis tegeret facundi

Ossa Bucerì.

Diruunt sacrum tumulum, suoq;
Mortuum corpus spoliant sepulchro,
Putridum, nec non rigidis cadauer

Ignibus urunt.

O scelus dirum, facinus nefandum,
Gentis ô sæuæ rabies cruenta,
O uirum nunquam satiata sancto

Turba cruore

Non fuit talis furibundus Hector,
Non fuit talis Phalaris tyrannus,

Non

Non fuit talis phrygium superbus
 Pyrrhus in hostem.
 Hostium semper cineri pepercit
 Præpotens Hector, tumulo sacrato,
 Nec negat Pyrrhus Priamo profundæ
 Viscera terræ.

Sed dolor finem iubet hisce rebus
 Ponere infandis: igitur silebo.
 Attamen finem uideas oportet
 Lector eorum.

Nam Deus summo aspiciens Olympo,
 Sortis humanæ miseratus, illos
 Exuit regno, meritosq; maius
 Carcere clausit.

Ergo letari poterunt Britanni,
 Et Deo laudes resonare dignas,
 Pro pia nobis bene restituta
 Religione.

In eundem Ioan. Cramptoni.

Aspera diuinum rapuerunt fata Bucerum,
 Fama tamen celebris non peritura uiget.
 Splendida quippè fuit patriæ lucerna Britannæ,
 Et docuit populum dogmata sacra Dei.
 Fagius alter erat ueræ pietatis alumnus,
 Cuius in æternum uiuida fama uiget.

B b 5 Nostra

ENCOMIASTICA CARM.

Nostra igitur resonent illorum carmina laudes:
Quippe duces ueræ religionis erant.

In Buc. restitutū Rich. Kechini.

Morte fera raptis quondam fuit ignis honori,
Nunc celebris famæ damna uerenda trahit.
Quæ tua sensisset si sensus urna tulisset
Non Bucere tuus corpore maior honos.
Corpus iners sensus rabidos sentire dolores
Qui potuit? gelidæ mortis ut umbra silens.
Mens egressa foras, lustrum simul ante peregit
Cum dijs cum superis, quàm rogos ossa uorat.
Spectate ô superi mala quo dementia traxit
Vesantum genus hoc demonis igne furens.
Est animus tutò, sine sensu corpus, in illum
Planè iuris habet cæca libido nihil.
Sed si quid potuit, fragilis tua senserat urna
Urnula quæ flammæ pertulit una tuas:
Ignari faciunt, quæ nos quoq; fecimus ipsi
Ardua Bucerus totus ad astra uolet.
In cinerem corpus redigunt, celeresq; fauillas,
Quæ in cælum recta corripuere uiam.
Ignea uis auida est, et corpora putrida sursum
Euocat, ad uolucrum membra pudica animam.
Hoc signi dederant inimici chære salutis
O Martine tuæ, sed pia uita magis.

Hectora raptabat Pelides sanguinolentus,
Curru quadriiugo nec fauet Andromachæ.
Quid minus atroces fuerant quàm durus Achilles?
Corpora cum stygio muta furore cremant.
Quin etiam flammis acribus fera bella minantur,
At quibus? infandum, Clotho caueto tibi.
Namq; isti ingeminant excussa nare furores,
Mililibusq; tuis bella cruenta parant.
Zoilus hic gelidas cum debacchatur in umbras,
Ecquid erit stabilis styx (Rhadamante) tua?
Hunc sibi proponit sphingem quem sanguine cassum
Nouit, et impuro carmine rodit eum.
Vtq; aliquid grauius faciat, facit Herculis hydram
Buceri manes, bella trophæa parans.
Sic misera scabie pellem rosisse caninam,
Sic didicit linguam contaminare bonam.
Sic malè conuitijs sæuit, laceratq; magistrum
Inuersis studijs impia turba suum.
Proq; salutari suasu conspergit aceto
Lurida perfundens lingua aconita fera.
Turpe est naturæ reuerendæ inuertere iura,
Proq; pijs monitis probra nefanda iaci.
Sed cæci gl'ies titubant in relligione,
Cum facibus firmant relligionis opes.
Si te ergo exacues in causa relligionis
Viuos allatres, parcius ure lares.

Mortuus

ENCOMIASTICA CARM.

Mortuus haud mordet, cur hunc insane laceſis?
 Atq; lares iugulas quos habet alta quies.
Iuſta ſepultura, tibi nos celebrauimus, iſti,
 Irrita fecerunt, inſcia turba Dei.
Ut præſatus honor, ſic molliter offa cubarent
 Optatum eſt: uotis ſors inimica fuit.
Atamen ut dedimus tibi nos, Bucere colende,
 Sic damus, & dabimus patri iura patri.
Nam mox ut uentis ualidis fortuna recurrit,
 Ecce tuis meritis muſica ſerta damus.
Et te clamamus ſœlicem, teq; beatum,
 Quem patribus ſanctis annumerare licet.
Sic lex, ſic uates, ſic pſalmographus uoluere,
 Sic Deus iuuat ſanctificare pios.
Quis fuit inuentus munerofa in prole tuorum
 Papa pater, quem non uicerat iſte pater?
Dic mihi ſi poteris, quoties reuocabat alumnos
 Ille tuos, pugnam cum renuere ſequi:
Horriſer ut nubes Boreas, ut clarus Apollo
 Mane fugat tenebras exoriente die:
Sic tu terrebas, & uiua uoce fugabas
 Magnanimos tibi quos oppoſuere duces.
Sanguine ut hircino fregiſti adamantina corda,
 Sic uirtute Dei corda ſuperba uirum.
At uelut inuiſti pugiles quàm ſæpe triumphant,
 Et iactant ſolos ſe didiciſſe ſatis.

Vnum

Vnum semper agunt, in uulgus spargere uoces
 Laudis amatores nocte dieq; student:
 Scilicet ut rerum doctrinarumq; bonarum
 Summa reducat, quo cupiere modo.
 Ardua doctrinae tetigisseq; culmina fingunt
 Stipes, iners, caudex: Vandalus atq; Geta.
 Nonne omnes prae se contemnunt ualde odiose?
 Sit quasi nemo alius doctus in orbe satis.
 Sunt fare, sunt flammis agiles (mihi crede) lanistae,
 Magnanimi ferro, fasce furente, fame.
 Sed quam docti sint diuina uolumina uobis
 Testentur sensim, quæ bene lecta monent.
 Tantum desistant maledicere, tollere cristas,
 Fastidire alios, dicere uera uelint.
 Namq; hunc Bucërum non sola Britannia luget,
 Anglia non huius dõgnata sola colit.
 Florentes populi Reges, Regumq; ministri
 Excipiunt ulnis & uenerantur opes.
 Conatus auxere pares, bonus ille Melanthon,
 Caluinus, Martyr. Musculus, innumeri.
 Quid refram plures, quos tempora prisca tulerunt
 Qui Christum pura religionē colunt.
 Nec nouus iste chorus, uolitans ut seminat error,
 Finibus aut medijs discrepuere uijs.
 Nam sacra consensu magno, studioq; frequenti
 Promulgant sacris, hymnidicisq; libris.

Et tamen

ENCOMIASTICA CAR M.

Et tamen in cunctis quibus est pia gloria Christi,
Sanum iudicium perpetuumq; tenent.
Ergo uerecundè consensus tam uenerandos
Nunquam rescindes. Dum iuga montis aper &c.

In Bucerum restitutum Henrici Vvrighti.

Qui modò deflebam sublatum morte Bucerum,
Et præceptorem lachrymis comitabar euntem,
(Scilicet ignorans quantum mors illa malorum
Tunc premeret, quantumq; boni, tristissima quamuis
Ferret,) post didici superis miserantibus illum
Cladibus ereptum, quas iam tum fundere in orbem
Ingratum, & miseros Anglos diuina parabat
Dextera: quarum & adhuc quoniam uestigia passim
Extant, & memori nequeunt excedere mente,
Narrando nolim uulnus refricare sopitum.
Vnum inmane scelus, stolidi impietate nefandum,
Quo Papæ pecudes cum laruis pugnam incuntes
Martini manes uiolarunt ossa uerenda
Effosso tumulo, mandantes ignibus: unum
Hoc refero inuitus. nam quæ uesania postquam
Nec uiuo poterant obsistere, nec pia scripta
Quæ uiuunt & adhuc rationum uellere punctis,
Grassari in cineres? Sed sic est cæca tyrannis,
Sic furit impietas. Martinus uiuit in astris,

Et cœ=

Et cœlo fruitur, quò iam non fulmina Papæ,
Non ignes penetrant, rumpantur ut ilia Papæ.
Viuít & in terris. nam quas Academia pridem
Bis ingrata notas audebat inurere famæ,
Sanior induxit, facti ueniamq; precatur.)(

De obitu, fortuna ac restitutione D. Mart.

Buceri, Carmen Rodolphi Scymeri.

Postquam Bucerus Christum patefecerat orbi,
Et procul in populos sparserat ore pio:
Postquam Romanum iam debellauerat hostem,
Atq; Antichristi dogmata diluerat:
En pater omnipotens Bucерum accersit ab alto,
Aduocat, & summum mandat obire diem.
Præcipit è uiuis superas euadere ad auras,
Inter cœlicolas sede locandus erat.
Anglia flet meritò, meritò Germania fleuit:
Ingens namq; decus, gloria magna cadit.
Anglia maiorem Bucero non tulit unquam,
Nunquam maiorem fouerat illa uirum.
Sustulit & plures quamuis Germania doctos,
At non maiorem sustulit illa uirum.
Doctior an melior uix est ut noscere possis,
Non plus doctrina quam pietate ualet.
Quemq; inuat summas Bucero dicere laudes,
Nec semel aut iterum sit cecinisse satis.

Ducitur

ENCOMIASTICA CARM.

Ducitur in templum magna comitante caterua,
 Doctorumq; chorus flebilis insequitur.
 Fundunturq; preces, soluuntur iusta piorum:
 Ingenti fletu conditur in tumulto.
 Carmina sparguntur uolitantq; per æthera Musæ,
 Omnes mors mæstos iussit inire modos.
 Omnes collachrymant, plangunt iuuenesq; senesq;
 Omnes Bucerum uirq; puerq; cupit.
 Hæc igitur tandem sententia hominumq; Deumq;
 Bucerus summos dignus adire Deos.
 Interea subitò succedunt plena periclis
 Tempora, (me miserum) tempora plena malis.
 Turba Antichristi furit, atq; profana per orbem
 Seuit in immensum, dogmata falsa ferens.
 Turpia pro ueris subeunt mendacia dictis,
 Nec ueneranda Dei uerba tenere licet.
 Protruditq; pijs, mendax, commenta uirorum,
 Proq; Dei uerbis somnia uana docet.
 Hæc pro more suo flammis ferroq; tuetur,
 Exilioq; pios, exitioq; premit.
 Non satis est uiuos totum uexasse per orbem,
 In tua sed nimium mortua membra ruunt.
 Corpora sanctorum & defossa cadauera terris
 Exerit in flammis, torret & igne graui.
 Nec iam terra satis furiunt in omina Diuum,
 Iudiciūq; tuum non metuere Deum.

Sed tentare nefas, olim ut cepere Gigantes
 Regnum captantes, Imperiumq; Iouis.
 Atq; ut deuicto leges imponere cœlo
 Possent, nituntur scandere celsa poli.
 Sic uetus hic hostis cunctos ad prælia diuos
 Prouocat, in cœlum cominus arma mouens.
 Increpat ore Deum, pestis: dextraq; coruscant
 Intentans flammam, fulmina dira iacit.
 Infestasq; pios iterum detrudere cœlo,
 Aestuat, & sanctos turpiter hostis agit.
 Hinc quoq; Bucerum malè deturbauit iniquus,
 E cœlo sanctum detrahit ille uirum.
 Defossam terris quamuis corpusq; sepultum est
 Extrahitur, tumulis effoditurq; suis.
 Iudiciumq; nouum Diuo parat impius hostis,
 In ius post mortem perfida turba uocat.
 Hæreseosq; reum peragunt, & crimina multa
 Obijciunt furdo, congeminantq; uiro.
 Mortuus ecce pater flammis dānatur iniquis,
 Flammis Buceris mortua membra cadunt.
 Insultant uasto tumidi clamore Gigantes,
 Atq; animos tollunt in tua membra Deus.
 Infestiq; ruunt, nos nunquam affligere cessant,
 Et nostra quotidie, tela cruenta parant:
 Iudiciumq; tuum spernunt, & in impietate superbi
 Contemnunt summi numina sancta Dei.

ENCOMIASTICA CARM.

Sed pater omnipotens rerum cui summa potestas.

Semper in extremis nouit adesse malis

Et iam subridens prospexit ab aethere summo,

Fraudes atq; dolos uidit, et insidias:

Vidit et humano madefactam sanguine terram,

Sanguine, quem sparsit sanguinolenta manus:

Viderat et passim proiecta cadauera campis,

Corpora nam ferro fusa iacere sinunt.

Respicit omnipotens miseros, meminitq; piorum,

Nec pessum prorsus cladibus ire sinit.

Defenditq; suos tandem, causamq; tuetur,

Præstat opem miseris, porrigit atq; manus.

Eiecti redeunt, coit et pia turba bonorum,

In patrias sedes usq; redire iuuat.

Reddita pax miseris, redierunt tempora læta.

Alma fides terris, religioq; redit.

Accersitq; patres, causas cognoscere iussit:

Et quæ damna suis turba maligna dedit.

Et malè tractatam Buceri expendere causam:

Causaq; flammæ quærere quæ fuerat.

Conueniunt igitur, Sanctorum turba coiuit,

Excutiuntq; diu singula facta uiri.

Nil reperire queunt, nisi quod tua dogmata Christe

Doctrinamq; pian fortiter edocuit.

Nil nisi quod Christum solum docuisset ubiq;

Quodq; pio semper Christus in ore fuit.

C

Vixerat

Vixerat & Christo, Christus spes una salutis,
 Quod semper Christus uitaq; morsq; fuit.
 Nunc igitur sanctiq; patres, sanctuq; senatus
 Immutare parant impia iudicia.
 Impia iura terunt, leges & sacra rescindunt,
 Funditus extinguunt perfida concilia:
 Restituunt coelo, quod te donante recepit,
 Rursum coelesti sede locare student.
 Irrita sic faciunt decreta iniusta malorum:
 Consultò reddunt irrita iudicia.
 Pontificum sic sancta fides pietasq; bonorum
 Bucero sancto pristina iura dabant.
 Quapropter cantate Deo mea carmina laudes,
 Carmina uictori dic mea musa uiro.
 Carmina Bucero iuuat hæc cecinisse beato,
 Carmina iam sancto condere grata iuuat.
 O utinam possem meritas tibi dicere laudes,
 Atq; utinam tanto dicere digna uiro.

PIO AC ERVDITO
 VIRO DN. CONRADO
 HVBERTO, MINISTRO
 uerbi Dei fidelissimo.

S. D.

Cc 2 Epi



ITERAS QVAS AD ME
 xv. die Martij, charissime in
 Christo frater dedisti, cura-
 uit Gulielmus Vvittinga-
 mus, qui penes nos aliquot diebus fuit,
 mihi reddi fideliter. Is uerò propter sua
 negotia non potuit ad nos uenire: sed
 Londini substitit. quod (si dicere debe-
 am ut res est) non mediocriter ægrè fe-
 ro: non tantum quòd illius præsentia &
 conuersatione destituar, quæ non mi-
 nus pia est, quàm iucunda: sed quia de re-
 bus uestris quomodo habeât nil adhuc
 intelligere potui. Quàm uerò de nostra
 Republica, Ecclesia & Schola Argentī-
 nensi, de quò omnibus germanis Euange-
 licis, audiendi sum cupidus, modo non
 dicam: quoniam & tu fortasse uix crede-
 res, & ego prorsus non possem expone-
 re. Ista itaq; de causa præcipuè ad ductus,
 cum magno desiderio cupio redire Ox-
 onium. Interea de humanitate illi abs te
 exhibita, cum eam (ut certo scio) mei gra-
 tia bona ex parte præstiteris, maximas
 ago gratias. De uxore autem mea conti-
 gerunt

gerūt adeò lugubria et tristitia, ut ea scribere mihi sit renouatio doloris, & (quæ tua in me charitas est) ea cognoscere tibi dolorem afferent. Cùm diu quartana febris, atq; illa uèhementi & duplici, diutius afflictata esset, ad Christum migrauit: eiq; Deus tantam fidem, pietatem, fortitudinem atq; constantiam dedit in confessione ueritatis, usq; ad extremam horam, ut omnibus astantibus miraculo quodammodo fuerit. Ego uerò, tamen si eius felicitatem ipsi gratulor, me tamen hac arte sic inopinatò relictum ab ea, non possum non uehementer dolere. Illa sanè propter charitatem, quam erga pauperes magnam semper exhibuit, omnibus firmè ciuib; non uulgare sui reliquit desiderium: mihi uerò (ut magis indies sentio) desolationem uix tolerabilem. Atq; id inter cætera mihi fuit acerbius, quòd quadriduo ante obitū eius ipse febris tam acuta & uehementi laborare cœpi, ut ei postrema officia præstare non ualuerim. Decimaquinta Februarij obdormiuit in Domino: ipse tamen diu postea morbo sum diuexatus. nunc tandem gratiâ Dei

HISTORIA RESTITVT.

naleo, quantum dimidiato licet. Quod ideo ad te scribo, ut mihi tuis precibus per Christum solidam consolationem impetres.

Remoram interpositam esse, quo minus D. Bucer patris nostri monumenta, ut constitutum erat, excudantur, moleste fero, & multo magis, quod acciderit obitu duorum talium uirorum (Dryan & Scelii) quorum utrumque dum uiuere, synceriter in Christo amauit. Sed Deus, qui & uitæ atque mortis est arbiter, qui sic fieri uoluit, nequaquam accusandus est: uerum orandus potius, ut his quos nobis libuit subtrahere, uicarios qui non sint eis deteriores, dignetur pro sua misericordia substituere. De scriptis D. Bucerii plura non habeo quæ scribam, quam tibi haftenus significarim: ad regias quippe manus, ut nosti, peruenerunt: unde non est facile, si quid ibi fuerit (quod ignoro) uel scite uel recuperare. Liber ille de regno Christi non est plane alius, nisi is, de quo Scelium tibi renunciaſſe scribis. Quæ uero de usuris hic reliquit, non multa sunt, et potius ad concertationem
pertine

CATHAR. VXORIS P. M. 196

pertinēt, quam aduersus quendam scio-
lum coactus est subire, quā aliquid no-
ui habeant, præter ea, quæ in excusis eius
Commentarijs luculenter habentur. Et
tamen qualiacunq; sint, cum opus habue-
ritis, pollicitus est R. D. Cantuariensis se
daturum. Vale in Domino, & me ut fa-
cis, in eodem ama: neq; interdum pigeat
de uestris rebus ad me scribere. Salutari
meo nomine cupio Dn. Bathodium, &
omnes nostros symmystas, præ ceteris
autem uxorem tuam. Oxo

nij 22. April. Anno

1553.

Tuus ex animo
Petrus Martyr.

HISTORIA DE EX-
HVMATIONE CATHA-
RINAE NVPER VXORIS DOCTIS-
simi Theologi D. Petri Martyris, ac eius-
dem ad honestam sepulturam re-
stitutione Oxonij facta iij.

Idus Ianuarij.

ANNO M. D. LXI.

Cc 4 Iaco

IACOBVS CALFHI

lus Edmundo Grindallo, Episcopo
Londinensi dignissimo, salutem in Domino sempiternam.



ITERIS, QVAS AD NOS cum mandato dedistis, uariè affecti sumus. Non enim adeò iucundum fuit, (conuersis diuina bonitate rebus) in pia causa non malam operam posuisse: quàm molestum, & prioris temporis iniquitatem uidisse, & factorum omnium atrocitatem, memoria nostra repetisse. Quis enim est, qui piorum illa tempestate graues, & non ferendas iniurias, moderatè ferat? Quis nò ad ipsam recordationem illius tyrannicæ potestatis exhorreat? Certè cum illud Antichristi nostri sæuū interregnum, & infœlicem nostræ reip. dominationem, animo & cogitatione complector, & si ueterem dolorem refrico, tamen & ad habendas Deo gratias impellor, & ad nos ipsos nunc demum uerè beatos prædicandos. Nam ut grauitas morbi facit, ut medicinam
magis

magis amemus: ita per amissionem uerbi diuini, miserabile uulnus inflatum, facit, ut curationem multo chariorem habeamus. In eo igitur toti esse debemus, ut bonis potius presentibus digni, quam malis præteritis dolentes uideamur. Quo circa, ne obductam pijs animis cicatricem refricem, uniuersa, quæ toto ferè sexennio omni cum diritate atq; immunitate facta sunt, prætereo. Tantum hoc attingam, quod & à me perscribi uis, & est nouissimè redintegratum.

Postquam igitur Cardinalis Polus, ita, uti meruerat, è finibus patriæ eiectus, exterarum nationes complures annos peragrauerat: regnante Maria, reginæ, Senatusq; consensu domum reuocatus est. Anno igitur Do. 1554. sic redijt, ut nihil aliud Roma, quam immanem illius ciuitatis crudelitatem, & inexplebilem hominum innocentium cruoris sitim domum deporrassè uideretur. Is in summa rerum potestate constitutus, certos quosdam homines, partim ob religionis, partim ob morum similitudinem,

Cc 5 sibi

HISTORIA RESTITVT.

sibi præcipuè charos & delectos Oxoni-
um cum eo mandato misit: ut pontificia
iura, & diplomata, quæ regis Edoardi
sexti temporib. antiquata fuerant, restitu-
erent, diligenterq; inquirerent, si qui es-
sent, qui pontificias cetermonias negli-
gerent, & pro nihilo ducerent: si qui ta-
les inuenirentur, apud quos uel leuissi-
ma huius rei suspicio haberet, omni con-
stitutione abiecta, primo quoq; tempore
eijciendos curarent.

Veniunt cum imperio & potestate
Brokus Glocestriensis Episcopus, Nico-
laus Ormonetus, quem uulgò Datari-
um appellabant, Robertus Morvven-
nus Collegij corporis Christi præses:
Henricus Colus, & Vvrytus Doctores
Iuris ciuilis. Erat in Broko literatura non
vulgaris, eloquentia non contemnenda
ingenium acutum, morum facilitas satis
amabilis, si illorum temporum iniqui-
tas, & malorum hominum consuetudo
naturam eius non immutassent. Fuit in
Ormoneto nihil notabile, præter arro-
gantiam intollerabilem, quare tam mi-
sericordè excellebat, ut ne fingi quidem, aut
cogita-

cogitari quicquam posset arrogantius. Fuit Colus eruditione ad suam opinionem eximia, ad aliorum uerò mediocri, natura tam insigniter morosa: ut nihil mirum, si nec sacra biblia, quæ combusserat, nec Christi fautores, quos infestauerat, ei placere potuerint. Is nihil ægrius ferre potuit, quàm ut à quoquâ uel ipse Cicero, uel Plato legeretur. Hoc cur fecerit planè nescimus, nisi ideo fortassis, quòd ingenioso illo suo paradoxo, (*Inscitiam & ignorantiam rerum, ueræ pietatis & religionis matrem esse*) nimium delectaretur. Fuit Motvvennus satis annosus pater, & paucus senex, ad rem tuendam paterfamilias bonus, ad doctrinæ & religionis controuersias uindicandas iudex parû aptus, acerrimus tamen uetustatis suæ defensor. Fuerunt, & sunt in Vvrito multa naturæ, & doctrinæ ornamenta: nec in illo homine quicquam desideres præter constantiam, quæ cum bonos omnes maxime decet, tum pastores præcipuè, quorum est, stabilem & certam, non errantem & uagantem de Religione habere sententiam.

Hi

HISTORIA RESTITVT.

Hi postquam satis diu pro libidine in complures fuerant perbacchati, & infinitum penè Bibliorum numerum, aliorumq; librorum Euangelij doctrinę sensum apertè & salutariter explicantium, in unum publicum locum apud forum conuectum, cōcremauerant: eò tandem insanix deueniunt, ut non in uiuos solum, sed in mortuos etiam & sepultos, crudelitatis uirus euomerent.

Fuerat Oxonię Edoardi temporibus, Petrus Martyr Vermilius Florentinus, Regius Theologię professor, uir ea docendi elegantia, disputandi subtilitate, comitate morum, totius deniq; uitę innocentia: ut ingenio, doctrina, pietate complures ad Christi ouile aggregauerit, qui paulò antè in pontificio luto uolutantes à ueritate aberrauerant. Huius uxor Deum in primis timens, domi, forisq; cum æqualibus sobriè, modesteq; uiuens, Anno. M.D. LII. uitam cum morte cōmutauit: maximo certè hominum egentium dolore, quorum paupertatem facultatibus suis semper munificè subleuauerat. Quę quàm pia mulier fuerit, quàm

quàm chāra bonis omnibus, mōtore fu-
neris indicatum est.

Hanc illi suspicantes eadem religio-
ne, qua uir, imbutam fuisse: huius rei ueri-
tatem elicere cupientes, singulos quibū-
cum uel Petro, uel uxori familiaritatem
aliquam intercessisse existimabant, co-
ram se sisti iusserunt: ut si quid tale com-
perissent; non aliter quàm ornatissimi
Buceri corpori Cantabrigiæ fecerant, hu-
ius quoq; defunctæ corpus Oxoni con-
cremarent. Adducuntur omnes: addu-
cti iureiurando obligantur, ut nihil simu-
lent, aut occultent earum rerum de quib;
bus interrogentur. De illius religione ro-
gati, omnes ad unum responderunt, ob-
linguæ, qua utebatur, peregrinitatem se
quidem nescire quamnam religionem
profiteretur.

Itaq; spe sua frustrati, quòd nullis illam
testibus hereseos cōuictam secundę mor-
ti (quī papistarum est furor) subiicere po-
tuerint: ad Cardinalem reuertuntur, re-
ferunt quid egerint, id est, quàm impu-
denter se gesserint, quàm multos è colle-
gijs indicta causa detruxerint, quàm sce-
leratè

HISTORIA RESTITVT.

leratè sacrosancta Biblia conbuserint, deniq; quã diligenter omnia de Martyris uxore perquisierint: nihil tamẽ reperisse, cur ex iure corpus cremaretur. Cardinales tamen ne sic quiescendum sibi existimans, aut ipsa dogmata, quæ Petrus alia quando docuerat, satis unquam irrita facta coniiciens, nisi de mortua uxoris ossa ejusdem flammis absumerentur, quibus ipsum uirum maiore multò cum uoluptate flagrantem aspexisset: interiecto aliquo tẽporis inuervallo, literas ad Marshallum indignissimum Aedis Christi Decanum scribit, ea per descriptione: *Vt, quoniam iuxta corpus sanctissimæ Fridesuidæ iacebat corpus Catharinæ uxoris Petri Martyris, exhumari et iactari faciat.*

Homini magis idoneo res committi non potuit. Fuit enim uir & parum sobrius & furiosus: ita ut non uiuis solum, sed sepultis etiam, & in terræ gremio iacentibus ualde terribilis fuerit. Is ubi iam ad uesperauerat, ab immanibus suis poculis aliquid temporis intermittens, baiulis et combibonibus suis comitatus, ad tumulum accedit, operas conuocari, instrumenta

menta parari iubet. Vbi acies satis instructa sibi ad pugnam uidebatur: rem aggreditur, corpus effodit, effossum baiuli cuiusdam humeris imponit, impositum foras deferri, & in sterquilinio desodi iubet. Atq; hæc fabula ab his impuris hominibus sic acta est illis quidem temporibus, quibus impietas insulam Angliæ sic occupauerat, ut quò quis turpior & crudelior esset, eò uir melior & sanctior haberetur.

At misericors pater, Deus opt. max. qui suos ad tempus solet affligere, ne si perpetuò rebus secundis, & ad uoluntatem fluentibus perfruerentur, sibi ipsi nimis præfidentes, diuinam bonitatem obliuiscerentur (est enim ea humana infirmitas, ut neq; res aduersas, neq; secundas uix moderatè ferre queat) tandem assiduus p̃sorum precibus còmotus, seruos suos è faucibus leonum, cædem & interitum quotidie anhelantium, eripuit. Sacrosancti uerbi sui contemptores è dignitatis sede deturbauit, uas suum electum Elizabetham, castissimam & ornatissimam uirginem ad nostram Remp. piè, prudens

HISTORIA RESTITVT.

prudenterq; gubernandam excitauit.

Hęc paucis diebus postquàm regnum inierat, uos, o grauissimi & ornatissimi uiri Matthæ Cantuariensis Archiepiscope, Edmundæ Londinensis, Richardæ Goodricie (interponatur si lubet, & alij) quos ego singulos honoris causa nomino, prudenter constituit, & eam dedit authoritatem, ut causas ad cultum religionem que Dei spectantes cognoscere-tis, omniaq; pro uestra prudentia agere-tis, quæ ad Euangelij lucem stabilien-dam, & Remp. à pontificia fece liberan-dam pertinerent. Intelligentes igitur quàm indignis modis auidæ hæ & rapaces bestię, emortuum innocentis cor-pus tractassent: certis aliquot nostrum qui Oxoni sumus, rei q; ueritatē cognos-cere possemus, id negotium dedistis: ut hanc infamiae notam eluendam, cor-pusq; è fimo & stercore detractum, in ho-nesto aliquo loco frequenti populo so-lenniter sepeliendum curaremus.

Itaq; postquàm omnes ad nos con-uocassemus, qui uel socij sceleris, uel ad-ministri fuerunt, uel certioribus saltem indicijs,

Indicijs, honestum p̄ij monimenti locum, rursusq; sceleratæ uiolationis formam nouerunt: ad Fridesuidę tumulum adducimur, atque non longè ab eo loco, in parte templi septentrionali, sepulchrū quod fuit, ostenditur. Corpus ipsum aliò delatum, atque per certos indices locus, ubi depositum fuerat, indicatus. Venitur igitur ad Marshalli stabulum, & è putri simo, nondum penitus absumpta carne, cadauer erutum. Ineratit caluarię longiores pili, rotumq; cerebri. Ossibus nulla inter se membrorum compage nexis, adhærebat candens & absumpta caro. Sed ipsa, ita ut erant, in unum uas collecta, diligenter ab ædituis in eadē sacra custodiri mandamus, eò usque, dum celebrioris festi oportunitas frequentiorē spectaculo populum exhiberet.

Interea, dum pro officij mei rationē, omnia studiosè pararem, quæ ad funus honestandum pertinere uiderentur: in abditissimo fani loco, fortè fortunā ossa quædam subfusca, binis manticis sericis diligenter testa & inuoluta reperi. Hæc eiusdem ædis hebetes & prisci Canonis

D d ci, reli

Postridie eius diei qui Dominicus fuit, (neque enim tot simul peragendis unusquisque dies sufficere iudicatus est) Rogerfonus noster concionem ex suggestu piam quidem et eruditam ad populum habuit: in qua cum multa de communi hominum sorte dixisset: de frangendo penitus & sepeliendo furore carnis nostre: de Christo ipso, qui sua morte viam nobis ad vitam communiuit: tandem & aliorum clarissimorum hominum, quos uiuos nefaria Papistarum tyrannis e medio sustulit: & huius etiam ornatissimæ foeminae satis honorificam mentionem fecit, quam toto biennio mortuam, & sepultam crudeles e tumulo detraxerunt. Ibi tum uulnus attigit, quod dolorem fecit, quanquam & causas attulit, cui minus quidem fecisse debuerit. Et enim honestæ matronæ uitam, tanquam exemplar ad imitandum: pessimorum hominum crudelitatem tanquam scopulos ad fugiendum proposuit, non ut redintegratione illius tyrannicæ potestatis pia corda uulneraret: sed ut eadem potius accenderet ad Deum nostrum in summa laude, Dd 2 gloriaque

HISTORIA COMBUST.

gloriaꝝ ponendum, suasꝝ omnes copias ad euerſionem illius ſclerataꝝ potentiaꝝ conferendas.

At quod in oratione præcipuum eſſe debuit, ut cuius cauſa frequentes confluerant, eam ſuis laudibus adornaret: in eo moderatus fuit, ne aut immodicas laudes congerendo, deſiderium bonorum augeret, aut in ornanda uirtute nihil diſcendo, boni uiri partes officiumꝝ negligeret. Quocirca ſic dixit, ut ipſam iniurioſius à pontificijs tractatam, famæ priſtinge reſtituerit, auditores ad pietatē multos inflammari: ad Romanæ ſedis authoritatem ſuperſtitionemꝝ tollendam ex omni genere plurimos excitari.

Sed ne ipſe etiam uel pietatis laudationem, uel amentię uituperationem uideret inſtituere: cum decretum fuerit exigui cuiuſdam negotij, & temporis acta perſcribere, finem faciam. Tacitus interim gratulantes hominum uoluntates, iudiciaꝝ prætereo, qui præclaram non uultu ſolum atꝝ præſentia: ſed uerſibus etiam ualuis affixis animi ſui ſignificationē dederunt. Accipe igitur, præſul optime, noſtrum

strum in mortuā studium, quam uiuam
 meritò semperq̃ suspeximus. Accipe uir-
 tutis & pietatis tuę quaecunque monu-
 mentum, cum & eam habeamus autho-
 ritatem ut possis, eam sanctitatis & reli-
 gionis curā ut uelis, Christi & eius Euan-
 gelij promouendi causa non solum ui-
 uentes præmijs afficere, sed defun-
 ctos etiam, & spiritu caren-
 tes, ab immani furioso-
 rum hominū iniu-
 ria uindicare.

D d s DE

Pertulit infandæ penitus ludibria dextræ,
Iacta sub obsceno tristior umbra loco.
Scilicet, hoc ueri meruit professio cultus?
Hec pietas illa præmia luce tulit?
Hos tulit euentus ter quinos mortuus annos,
V Vicklesus: patriæ gloria prima suæ.
Sensit et hos animos geminata morte Bucerus,
Sensus in extinctis si tamen ullus inest.
O fera uindictam sitientia pectora semper,
Sanguine iustorum non satianda pio.
Mitior Hectoreæ Pelides extitit umbræ,
Quam sanctis Domini turba Papalis erat.
Improbis exanimem precio uendebat Achilles
Hectora: nec fuerant bellica iura moræ.
Bella licet non sint cum nostris ulla tyrannis:
Bella Dei sanctis insidiosa mouent.
Utq; minus præstent se in cassâ cadauera sæuos,
Nec precibus flecti, nec pietate queunt.
Ergo ea iure loco truculenta superbia cessit,
Nec potuit, Christo iudice, stare diu.
Nunc melior uotis miseros fortuna reuisit,
Et pietas ueterem possidet alma locum.
Ergo decus ueteris cape nunc Catharina sepulchri,
Nunc pia, quod nostræ sit pietatis, habe.
Vixisti sine labe mali, post funera labem
Aspersere mali, non sine labe tamen.

ENCOMIASTICA CARM

Nunc tibi, si qua fuit, labem deleuimus: illa
 Laude tui merita nominis omnis abit
 Officio crescit tibi laus cumulatior isto.
 Laus igitur, per quem possumus ista, Deo.

Io. Alb.

Est referenda mihi Papatus sæda tyrannis,
 Ergo precor ceptis annue Phœbe meis.
 Robore maius opus moueo, da robora ceptis,
 Ne quando infamem uim mea musa serat.
 Fœmina Martyr erat, quæ Petri Martyris uxor
 Viua fuit, moriens uermibus esca fuit.
 Illa fuit membrum Christi, eius membra resossa
 Stercore fœdabant membra nephanda Papæ.
 Quàm uos uestra diu mendacia stulta iuuabunt?
 O uos sacrificum gens, male sana cohors?
 Proh scelus, ah furie, funestaque crimina uestra,
 Cur ruis in tenebras rassa caterua uolens?
 Diuinas tandem Domini cognoscito leges,
 Naturæ saltem iura tremenda cole.
 Ethnica gens cauit ueterum uiolare sepulchra,
 Cum tamen huic ratio sola magistra fuit.
 Romulus hinc adeo, Solon quoque, lege uetabant,
 Ne male quis uerbo mortua membra petat.
 Darius tumulum uiolare Smyramis ausus,
 Aurum non reperit, talia uerba legens.

Ah mi-

Ah miser, ah nolles tumulos turbare latentes,
 Ni male suaderent ocia, uenter, opes.
 At uos Papicolæ Antichristi membra tyranni,
 Dario facitis crimina tetra magis.
 Darius miserè derisus perdidit aurum,
 Ossibus effossis uos cumulatis opes.
 Hic delusus erat: sed uos eluditis omnes,
 Putrida dum nobis ossa colenda datis.
 At uos rasa cohors, Catharinæ Martyris ossa
 Stercore sædatis, non ueneranda datis.
 Dicite quid meruit? Quæ mortua crimina fecit?
 Si uiuens nocuit, mortua nil nocuit.
 Crimina sed fecit, non præbens thura Baali,
 (Dicitis) hæresios conscia uiua fuit.
 O felix Martyr, fato sublata secundo,
 Viua nocens, pœnas mortua quæ dederas.
 Si quis cepisset te uiuam de grege raso,
 Nomine matyr eras, Martyr at uisita fores.
 Se gerit egregiè Romanæ Cerberus urbis,
 Fulmine dum bruto membra sepulta petit.
 O Satanae miles (rogo) diro gutture uirus
 Expue, dum nobis nil tua facta nocent.
 Mortua nil sentit Martyr, sed stercore sædo
 Polluitur, stercus non olet illa tamen.
 Sic gens rasa, quibus uenter Deus, ossa Buceri,
 VVicleuique rogo membra sepulta dabat.

IN CATHAR. VXOR. P. M.

207

DE SANCTA FRIDESVVI
da, & Catharina Martyre.

IAC. CALFHILLVS.

Forte duæ recubant uno sub marmore nonnæ,
 Disparibus studijs, utraque fixa tamen.
 Altera uirgo fuit (quod dicitur) altera nupta;
 Nupta uiro, claustris uirgo dicata fuit.
 Virginis in sacros usus seruata fuerunt
 Ossa, sed alterius iacta fuere foras.
 Nunc redeunt iterum monimenta nouissima nuptæ,
 Et cum uirginis ossibus ossa cubant.
 Ergo quid his fiet? Num diuæ uirginis ossa
 De tumulo in sacrum sunt referenda locum?
 Ossa prophanatæ prodibunt illico nuptæ,
 Maior et hoc facto gloria cadet eis.
 An iactanda loco nuptæ sunt ossa priori,
 Sordibus ut iaceant undique tecta suis?
 Ossibus (heu facinus) sanctis tum iniuria fiet,
 Et pariter cultu sunt caritura suo.
 Nodus utrinque malus connectitur. Ergo facessant
 Hinc rabida impietas, inde superstitio.

IN RELIQUIAS S. FRIDESVVI
 da, et ossa Catharinæ Martyris,
 Epigrammata eiusdem.

Ossa Frides

ENCOMIASTICA CARM.



SSA Frideſuuide ſacro decorata triumpho
 Altari feſtus mota diebus erant. (pho,
 Et tumulo contra, Catharina Martyris offa,
 Turpiter in ſœdum iacta fuere locum.
 Nunc utriuſq; ſimul ſaxo ſunt offa ſub uno,
 Par ambabus honos, & ſine lite cubant.
 Viuite nobiſcum concordēs ergo Papiſtæ,
 Nunc cœunt pietas, atque ſuperſtitio.

O Ppoſito magnum niſi ſiſtitur obice flumen:
 Leue quidem tacitis labitur agmen aquis.
 Molis at obiectus, cum fluminis excitat iras:
 Alliſis criſpans fluctibus unda furit.
 Nec poſt illa, minas quas concipit irrita lenit:
 Obicis at tentat radere ſæua moras.
 Leua fides, fictæq; diu ſic numinis aræ,
 Duxerunt tacitum ſemiſopita neſas.
 At leuibus poſtquam intentata pericula rebus:
 Se ciet in fluctus fluminis unda ſeros.
 Caſſa ſed indomitas ea fraus ſeſe induit iras,
 Tantum uelle diu, ledere uelle fuit.
 At poſtquam longa languēſcens tabe peremptus
 Rex Edoardus erat, religionē pius:
 Illuuiēs populos urget decumana fideles,
 Non minus ac miſerum preſat ouile lupus.

Exilic

Exilium multi longum, longumque petessunt,

Qui manet, huic tutum non fuit, esse domi.

Namque reo, Roma reuocatus ab exule Polus,

Se pro rege gerit proditor, Angligena.

Natus idem assequitur, quod tentauere parentes,

Viserat hic Papam, proditor unde prius.

Tunc à secretis fermenti dicta sequuntur,

Quilibet insulso pendet ab ore uiri.

At Polus Colos, ut membra amplectitur arcè,

Et Coli Polum, non minus usque colunt.

Hi carnalitij, putri cum carne globati,

Hæresis abradunt multa repagla sue.

Impetit hæc rabies reginæ cæca sororem,

Hoc prudenter agit. Non caput ipsa petit.

Sed Deus hanc diri subtraxit ab ore leonis:

Vt premeret diri facta leonis ouans.

Impetit eximios uerbi uesana Prophetas,

Non ætas, sexus, conditione iuuat.

Qui Christi retinet sincerè dogmata nostri,

Sat fecisse ferunt, fume, uel igne perit.

Non aufert Catharina Petri se Martyris uxor,

Sit licet extremo corpore clausa rogo.

Sed neque, qui fuerant præcones, parcit humatis.

Lurida sed putri corpora tollit humo.

Tollit humo, mandansque pyræ excommunicat ipsa,

Cumque animis stygio mandat habenda cani.

Barba

ἄλλ' αὐτὴ καθαρά τῷ ὑψιμέδοντι παρέσκη,
 ταύτην οὐ μόλυνεν βόρεος, ὅδε κοπρῶν.
 ἥ δ' ἁμιάυτος ἔβη ἐς ὑπέρτατα δώματα, πλήρη
 γηθοσύνης, εὐπείας σωματικῆς ἁμιγνῆς.
 ἡματι ἐχατιῶντι, νεκρῶν δ' ἀνάσσεις ἔσαι,
 σῶμα κλῆος μέλει πνεύματι ἰσορῆχει.
 Ἰδοὺ θεὸς δώσει, ἡμεῖς δ' ἐν τῷ γινεταί.
 τῷ σῶ ἅψ' δίδωμι σώματι μνήμα πρέπον.
 σοὶ θεὸν αἰτεῖ κατ' οὐρανὸν ἀεζρόντα,
 ἐκ κραδίης χέομεν νωλεμέως χάριτας.
 ὅς π' ἰωχὸς ἐλεῶν ἅ γ' ἄγνωστοντα διαμάσων,
 αὐτὰ λαυτεῖς ἄξια τοῖσι βροτοῖς.
 τοῖς τέκνοις ἡ δ' ἰδυσμένον ἐπαρῆγονα χεῖρα
 δός, τὸς ἐνσεβείας πάντοτε εὐόμεν.

Κύριε σῶσον τὴν βασιλίδαν.

Εκ πάντων λίτομαι δεινῶν βασιλίδαν σώσεις
 ἐμετέρην, πάσῃς ἢ μέλει ἐνσεβείας.

IN TERTIAM SEPVLTV,
 ram Katherinæ Petri Martyris uxoris,
 carmen. Harbarti VVest.

Qua fuit à nobis prius hic inhumata sepulchro,
 Est tumulo nobis rursus humana suo.
 Non quòd non satis est, cuius semel esse sepultū,
 Nec quòd non fuerat rite sepulta prius.

Sed

Ossa quid offendant, in promptu causa uidetur:

Carnosis patribus nil sine carne placet.

Ergo remouerunt hæc ossa sed ossibus istis:

Seruant & sanctè deteriora colunt.

Hoc quoque cur faciant, in promptu causa uidetur:

Permultum ex illis utilitatis habent.

Ocrea, mucrones, calcaria, stercora, missæ,

Omnia pro, quæstu relligiosa forent.

Talia sunt, populo quæ uendit turba Papalis,

Hæc tamen antiquo tempore facta uolunt.

Et quis non credat merces has esse uetustas?

Præ senio fœtent: quis putet ergo nouas?

Eiusdem de eadem proiecta.

F OEmineum sexum Romani semper amarunt.

Proijciunt corpus cur muliebres foras?

Huic, quod tu quæris, facilis responsio danda,

Corpora nil curant mortua, uiua petunt.

Mortua non poterit, potuit nec uiua placere:

Mortua nil prodest, uiua pudica fuit.

Epitaphium in restitutionem

Petri Martyris uxoris.

G. Smythus.

C Um Romana lues nuper hypocrisis,

Cecasset populum, nec foret uspiam

E s In tota

ENCOMIASTICA CARM.

In tota pietas gente Britannica,
 Scirentq; tui (Papa) satellites :
 Quod non tum facinus uidimus , et nefas ,
 Spumanti patria sanguine martyrum ?
Sed non maius erat carnificum scelus ,
 Nec quod papicolas plenius indicet ,
 Quam Papæ Domini sint similes sui :
 Quam quod turba pia non pia foeminam ,
 Et quæ martyr erat , nuptaque Martyri ,
 Effossam tumulo proijceret suo .
At quid plus faceret pessima , millies
 Si leges rigidas iuræque frangeret ?
 Si quando patriam perfida proderet ?
 Quid posset grauius mortua perpeti ?
 Nunc à papicolis dilacerarier ,
 Qua non ulla fuit foemina sanctior .
 Proh quanta impietas ? quale nefas fuit ?
Quis tam Mirmidonum miles erat ferus ,
 Vt terra effoderet mortua corpora ?
 At nunc ecce tamen repperit hanc nouus
 Romanus Phalaris pernitentem nouam ?
Sed dic , quid rabies , quid furor obfuit ?
 Nil expers animæ senserat , & pia
 Nil tantum meruit : sic graue mortua
 Nil perpeffa fuit nec pia dedecus .
Cur ergo

Cur ergo exanimis turba cadaueris
 Sic in reliquias barbara sæuijt?
 Nil flexit pietas? ferrea nil pudor,
 Nil uindicta dei, pectora terruit?

O proles rigidi sæua Lycaonis,
 Contemptrix superum, plenaq; sanguinis,
 Cædis sanguineæ stirps auidißima:
 Mansuescat feritas, nec furat amplius
 Strages tam miseras quæ dedit hætenus:
 Ac te nequitia hunc pudeat tuæ.

De restitutione nominis, & famæ
 Catharinæ Martyris.

I. Alsappus.

SI quis amor ueræ lucis sub pectore uestro,
 Depulsis tenebris hunc celebrate diem.
 Namq; uelut cæca nuper caligine merfi,
 Sectati tenebras, & malefacta sumus:
 Sic iterum exorto diuino lumine Verbi,
 Sit, patrare Dei lumine digna, labor.
 Turba furens facibus, ferroq; papistica quondam,
 Sustulit è medio, quod pietatis erat.
 Sanctorum rapidis commisit corpora flammis,
 Traxit & è tumultis ossa sepulta suis.
 Vt tamen impuro macularent omnia cultu,
 Quidlibet idôlis attribuere suis.

E c z ossa,

IN CATHAR. VXOR. P. M.

Hæc sensus uitaq; expers, at (uita superstes
 Dum fuit) in sacra manserat usque fide.
 Quid potuit melius, quàm sanctam reddere terræ,
 Et dare iusta piæ manibus officia?
 Vos quicunq; sacram iam nunc inuisitis ædem,
 Hic peragunt ueræ dum pietatis opus:
 Auferte ex animis tenebrosi iura Papismi,
 Syncera colite & religionem Deum.

Ex collegio Mertonensi:

Hostis Euangelij, sathanae Papista satelles,
 Viua louis stygij patris imago tui.
 Quis furor indomitus cineres turbare sepultos
 Impulit, & tristi busta mouere manu?
 Non poteris Christi famulos terrere fideles,
 Sint licet obiectæ dire Tyranne faces.
 Non rictus metuit uirtus infracta leonis,
 Non potes hic quauis arte nocere leo.
 Dum clarum pugnas Catharinæ extingueret nomen,
 Ecce opera facta est clarior illa tua.
 Nam quæ obscura diu latuit tellure sepulta,
 Nec quicquam præter triste cadauer erat:
 Tu facis ut uiuat celebris sermone piorum,
 Et capiant laudes pristina facta nouas.
 Plus lædendo iuuas, quàm si prodesse studeres.
 Impia conuellit sic tua uota Deus.

Ecce 3 Nam

ENCOMIASTICA CARM.

Nam tibi nomen erit terris Catharina perenne,
 Famaque, quam nequeat tollere sera dies.
 Quam non uis, hostis non sex intensa cloaca,
 Quam non crudelis ledere flamma ualet.

Rich. Mauric.

HUc cita turba ruat, spectet pia funera fletu,
 Et decoret triplici membra sepulta rogo.
 Martyrio perfuncta suo, perfuncta furore
 Romulidum, lachrymis membra retorta riget.
 Et recolat rapidos iaculati fulminis aestus,
 Papali tumidas corde fremente minas.
 Quæis non terra ferax, non uastum sufficit æquor,
 Non hominum carnes putrida membra placent.
 O gens Romulidum ciuili pasta cruore,
 Christicolæ tepido sanguine plena gregis:
 Corpora tam grauidos cur turbas mersa sopore?
 Cur fraudas tumulis ossa sepulta suis?
 Cur iacet hæc matrona suo fraudata sepulchro?
 Cur iacuit fædo stercore pressa prius?
 Quod pia pestiferam Romanam spreuerat hydram,
 Et tumido constans quod fuit hostis apro:
 Quod spreuit simulachra, Dei pugnancia Verbo:
 Quod spreuit fragiles (signa caduca) Deos:
 Umbratum cultum spumantis fulmina Papæ,
 Vaniloquas nugæ, et sine fruge sonos:

Quod

Quòd fuerat Christi felici nupta ministro:
 Mortua martyrio foemina functa suo est.
 Non satis est rutilus torqueri uiscera flammis
 Viuida, uel mortis cuspide tacta mori?
 Non satis est teneros arrodi uermibus artus?
 Non satis est corpus luce carere sua?
 Mortua sulphureas ecquid persenserat iras?
 Mortua mutatos num dolet esse rogos?
 Stercoris immundos foetentis sensit odores?
 Aut patulae naris sensibus usa suae est?
 Nil potuit sentire mali tam triste cadauer:
 Vestra tamen non est mens scelerata minor.
 I nunc insanos (papistica turba) furores
 Confer Christicolæ (turba nephanda) gregi.
 Non hominum carnes torrent, non uiscera torquent,
 Non renecant lætho membra necata prius.
 Sed tumultu condunt, quæ stercore mersa iacebant,
 Et figunt digno corpora digna thoro.
 Tu matrona iaces gelido commissa sopori,
 Ut iacet in medios agna sepulta lupos.

Roberti Rolli, Carmen

Sapphicum.

Charitas uasfris colitur Papistis,
 Charitas cunctis resonatq; uerbis,
 Ec 4 Charitas

ENCOMIASTICA CARM.

Charitas his est uel ubique plenis
Sanctula buccis.

Scilicet sancti hi Domini Prophetae,
Nil agunt sancta sine charitate,
Pacis authores: studiumq; pacis
Laudibus ornant.

Ecce sed summis fluidæ labellis,
Dum natant uoces pietasq; paxq;
Sanguinem, flammam, rabiem, furorem
Nil nisi spirant.

Sancta tu testis Catharina Martyr
Huius es facti, modò pestilentes
Quam sepulchrali fruiet negabant,
Iure Papistæ.

Quid frui dico? putridum cadauer,
Conditum terra, tumultuq; clausum,
(Proh nephas) inter minimè ferenda
Stercora iactant.

Non quòd hæc sensit pia mater ullum
Imò nec posset patier dolorem:
Sed sua ut cunctis manifesta constet
Dira tyrannis.

Ito nunc seui truculenta Papæ
Turba, ex ostenta studium quietis:
Charitas uestro pia sanctitasq;
Sesitet ore.

Eiusdem

Eiusdem cum Apostrophe ad

Catharinam Martyrem.

DAueniam Catharina tui si in fine libelli
 Lentus eram uersus opposuisse meos.
 Sint licet extremi, non sunt (puto) prorsus inepti,
 Ut Papa perstringam uim scelerate tuam.
Qui per sacrilegos (proh turpia facta) ministros,
 Projcis in fœdos membra sepulta locos.
 Sed quibus heu parcet, si martyri parcere nolet:
 Nempe hæc, quam refero, fœmina martyr erat.
 Nomine quæq; prius, nunc re Papa martyra fecit:
 Laus quoque ab effosso corpore maior adest.
 Viue anima ô fœlix, tantò fœlicior, alto
 (Quò liquet in terris plura tulisse) polo.

Et s. Monu.

ENCOMIASTICA CARM.
MONVMENTVM D.

MARTINI BVCERI THEOLOGI IN-
comparabilis. Authore

Iohanne Sapido.

Colloquuntur Viator & Religio.

VI. *Que tu?* RE. *Religio.* V. *qualis?* R. *que sola tot inter
Falsas cultorem sano beoq; meum.*

VI. *Hic quid agis?* R. *tumulum Martini seruo Buceri.*

VI. *Quid? caret hic patrij uir pietate soli?*

RE. *Planè.* V. *cur?* R. *fuerat uix hoc studiosior ullus*

Et lingua & calamo me celebrare suo:

Non tulit has, inimica mihi gens, impia laudes:

Huc & in exilium compulit ire uirum.

A me non tamen abstinuit se, donec Olympo

Spiritus eius et hac corpus inesset humo.

VI. *Ergo, fuit quibus indignus Germanicus orbis,*

Ossa fouet placido terra Britanna sinu?

RE. *Sic est.* V. *ergo carebit eo Germania?* R. *quin hunc*

Verius in scriptis est habitura libris.

His me uiuus adhuc probat, atq; probabit adusq;

Tempora supremo debita iudicio.

VI. *Sat teneo, ualeas, R. & tu: Sed crede ualebis*

Aeternum, si me, fecit ut ille, coles.

Eiusdem in eundem exhu-
matum & crematum.

Qualem

Qualem te rediens uideo? nam non tibi uultus

VI.

Hec species, iter hac me faciente, fuit.

Dic quid habes, cuiusue rei te cura molestat?

Cura, parem cui uix attulit ulla dies.

RE.

Que? R. dicam, tamen haud modico mœrore, Bucer

VI.

Extractum rursus putre cadauer humo:

Atq; datum flammis simul in cineremq; redactum,

Hem quid ais? quæ uis hoc fuit ausu? R. rogas?

VI.

Impietas male suada superstitionis amica.

Et nunquam rebus non inimica meis.

Non odio Papa in Papam tam scuijt acri,

Hunc ubi de tumulo protulit ille foras.

Fertur ex hic olim Rex eruta regia membra,

Non temere, in uastum præcipitasse mare.

Non ignoro, Calydonij patienter an agrè

VI.

Pertulerint facinus tam graue, scire uelim.

Nescio: pars redit ad uomitum: pars mussat eorum:

RE.

Externas sedes pars male tuta petit.

Quid speras? R. ex hoc orituros puluere mille,

VI.

Qui me contendunt tollere laude pari.

Hoc faciat Pastor, qui, dum manet orbita Solis,

VI.

Vult ouibus uigilans semper adesse, Vale.

In eundem restitutū Matthiæ Hubneri.

Quem uideo? VI. quæ tu? si me non fallit imago,

RE.

Ter nunc his ipsiis es mihi uisa locis.

Salue:

ENCOMIASTICA CARM.

Salve. RE. tu nobis etiam sis aduena saluus:
 Quid fers? VI. me primo querere pauca sine.
 Nuper eras tristis: non hæc tibi forma: nec ille
 Tum uultus: læta nunc mihi fronte places.

RE. Tristis eram merito. VI. cur nunc oblita doloris?
 Dic. RE. quod in antiquum sum reuocata locum
 Pontificis rabies cessauit, & impia Missa:
 Frigent Ausonij dogmata uana lupi.
 Mæq; colunt sancta rursum pietate Britanni:
 Regina est, qualis Rex Edoardus erat.

VI. Grata mihi narras. RE. uellem superesse Bucerum,
 Viuus & his doctus Fagius esset agris.

RE. Rectamones: hi sunt quorum tu membra dolebas
 Effossa, & cineres corpora facta lœues.

RE. Hos ipsos dolui. VI. fuit hæc insania magna:
 Ast ubi nunc nomen, nunc ubi fama manet
 Illius? tanta qui te pietate colebat,

RE. Quanta uix alius te coluisse queat.
 Vnquam grata fuit sancti si fama Bucerî,
 Sydera dum claro fixa fuere Polo:
 Nunc est: an nescis quæ sunt his acta diebus?
 VI. Dic, properat fessos tingere Phœbus equos,

RE. Sceptra tulit paucos Romanus Episcopus annos
 His terris. VI. scio: sunt hæc mihi nota prius.

RE. Finibus interea fueram dum pulsa Britannis,
 Eruta sunt terris ossa sepulta suis.

Et data

Et data sunt flammis . VI. narras audita : tyrannis
 Sæua fuit . **R. E.** finem cuncta tyrannis habet.
Qui meus hostis erat, sanctam cum corpore famam
 Credidit incensos tollere posse rogos .
Verum huc cum redeo precibus reuocata piorum,
 Quæ solæ pulsam me reuocare solent :
Fama redit sancti paulum sopita Bucer:
 An posset tantum tollere flamma uirum ?
Ecce uocat doctum mox Rector in urbe Senatum :
 Et fiunt templis publica uota sacris .
Effundit passim se mox studiosa iuuentus,
 Ut præceptorem laudet ametq; suum .
Romana uatum lingua linguaq; Pelasga
 Vidisses multis carmina fixa locis .
Quisq; studet celebrare uiri cum funere uitæ
 Et meritas laudes dicere quisq; studet :
Hic dolet effossum : positum sed corpus in ignes
 Ille dolet : cineres quæritat iste suos .
Doctrinam hi laudant : alij sanctissima scripta,
 Et quæ Germanus, quæq; Britannus habet .
Enumerant alij subiit quos ille labores,
 Accensos quoties uiderit ipse rogos .
Vt taceam quanta fuerit pietate per omnes
 Annos . **V.** constanti uir pietate fuit .
Hæu quoties cupijt sanctam peruertere mentem
 Hostis ? & à uera præcipitare fide ?
 Non po-

RE.

ENCOMIASTICA CARM.

Non potuere minæ: nec fulmina dirâ potentum:

Nec promissa grauem dona mouere uirum.

VI. Splendidus ergo dies fuit hic, tum plenus honore,
Qui cecinit laudes docte Bucere tuas.

Et si talis eras, similem Germania nescit:

Nescit nunc similem terra Britanna uirum.

RE. Flumina sicca prius, prius aut sine piscibus æquor:

Aut pascat rapidos Anglia uasta lupos:

Quàm pereat sancti sanctissima fama Bucerî:

Aut pereat sanctum nomen in orbe suum.

VI. Cur fugis hinc? R. nox præcipitat. V. dic ducet in urbem

Que uia? cur non hac hospes in urbe manes?

RE. Perge modo: Oxonium breuis hæc te ducet in urbem

Semita: V. nil mandas? ergo puella Vale.

RE. Tuq; uale: Alsaticos uenies ubi saluus in agros

Narrato doctis hæc noua grata uiris.

FINIS.

EXCVSVM ARGENTINAE APVD PAV-

lum Machætopœum, sumptibus

Iohannis Oporini, Anno

M. D. LXI.